

पुस्तक	स्वाध्याय, मौली
सख्या	एक हजार
सग्रह-कर्ता	श्री रतन मुनि
प्रकाशन-काल	सवन्तरी पर्व, २०२८
प्रकाशक	श्री जैनधर्म-प्रसारक संस्था पायडों (महमदनगर)
मुद्रक	आत्मजैन प्रिंटिंग प्रेस ३५०-इण्डस्ट्रियल एरिया-ए लुधियाना-३
मूल्य	

दो रुपये (ज्ञान प्रचारार्थ)

दो शब्द



मानव-जीवन को श्रेयस् की ओर ले जाने के लिये स्वाध्याय ही सर्वोत्तम साधन है। स्वाध्याय की कुर्जी से आत्म-भवन के वे बन्द द्वार खुल जाते हैं जिनके भीतर ज्ञान, दर्शन, चारित्र्य की ज्योति प्रकाशित हो रही है, उस दिव्य-ज्योति के दर्शन ही इस सकलन का उद्देश्य है।

प्रस्तुत सकलन मे मेरा यही प्रयास रहा है कि स्वाध्याय प्रेमियो को उपयोगी एव शुद्ध सामग्री उपलब्ध हो सके।

इस प्रयास को क्रियान्वित रूप प्रदान करने मे मेरे सहचारी सन्त मुनि श्री कुन्दन ऋषि ने आशातीत सहयोग दिया हे, जी चाहता उनका आभार प्रदर्शित कर ही दूँ, किन्तु अभिन्नता मे आभार-प्रदर्शन कहाँ ?

यदि प्रबुद्ध श्रावक श्राविकाओ को इस सकलन से स्वाध्याय का यथेष्ट लाभ प्राप्त हुआ तो मैं अपने परिश्रम को सफल मानूँगा।

—रतनमुनि

आमार-प्रदर्शन



श्री जैन-धर्म-प्रसारक संस्था पाथर्डी (अहमदनगर) अपने उन धर्मप्रेमी, दानशील बन्धुओं को आभारी है जिनका सहयोग प्रकाशन को साकार रूप दे रहा है। विशेष रूप से हम धन्यवाद देते हैं प्रकाशनार्थ निम्नलिखित द्रव्य-दाताओं को

- १ श्री टेकचन्द जी जैन, फगवाड़े वाले दिल्ली
- २ श्री रामलाल जी दूगड, (सराफ) दिल्ली
- ३ श्री लोकनाथजी नौलखा (लाहौर वाले) दिल्ली
- ४ श्री बनारसी दास जी, मोसवाल, दिल्ली



पुस्तकार्पण



श्रमणसंघीय आद्याचार्य परम पूज्य

श्री आत्माराम जी महाराज के

पट्टघर

श्रमणसंघीय द्वितीय आचार्य

प्रातःस्मरणीय

श्री आनन्द ऋषि जी महाराज की

स्वाध्याय-प्रवृत्ति की प्रेरणा से

प्रेरित होकर ही मैंने यह

श्रुत-संग्रह—‘स्वाध्याय-माला’

प्रस्तुत की है ।

यह उनका प्रेरणा-पुष्प

उन्हीं के कर-कमलों में

सादर समर्पित करता हूँ ।

रत्नचन्द्रनि

‘मंगल-कामना



भारतीय महर्षियों का प्रथम आदेश है ‘स्वाध्यायान्मा प्रमद’—स्वाध्याय मे प्रमाद मत करो ! क्योंकि भगवान् महावीर की वाणी का यह पावन सन्देश है—“सञ्भाएण नाणावरणिज्जं कम्म खवेइ” स्वाध्याय से ही ज्ञान को आवृत करनेवाले कर्मों का क्षय होता है ।

स्वाध्याय का अर्थ है मनन, चिन्तन और निदिध्यासन पूर्वक इस प्रकार से अध्ययन जिससे इन्द्रियां नियन्त्रित हों, मनोविकार शान्त हो, हृदय पवित्र हो और आत्म-गुणों का विकास हो ।

स्वाध्याय-भाला में ‘श्री रतन मुनि’ ने उन शास्त्रीय वचनों का संग्रह किया है जो स्वाध्याय के वास्तविक लक्ष्य की पूर्ति मे सहायक हैं, जो ज्ञानावरणीय कर्मों का क्षय करने मे समर्थ हैं, बुद्धि की स्वच्छता और आत्म-चेतना को प्रकाशित करने मे सहायक हैं । यह आध्यात्मिक प्रयास सफल हो यही मेरी मंगल-कामना है ।

मुनि फूलचन्द श्रमण

लुधियाना

• अहं •

❀ दसवेऽश्रालियसुत्तं ❀



दुमपुष्पिफया नाम पढममज्झयणं

धम्मो मगलमुक्किट्ट^१, अहिंसा सजमो तवो ।
देवा वि तं नमंसति, जस्स धम्मे सया मणो ॥ १ ॥
जहा दुमस्स पुष्फेसु, भमरो आवियइ रस ।
न य पुष्फ किलामेइ, सो य पीणेइ अप्पयं ॥ २ ॥
एमेए समणा मुत्ता, जे लोए संति साहुणो ।
विहंगमा व पुष्फेसु, दाणभत्तेसणे रया ॥ ३ ॥
वयं च विट्ति लब्भामो, न य कोइ उवहम्मइ ।
अहागडेसु रीयन्ते^२, पुष्फेसु भमरा जहा ॥ ४ ॥
महुगारसमा बुद्धा, जे भवंति अणिस्सिया ।
नाणा पिण्डरया दन्ता, तेण वुच्चन्ति साहुणो ॥ ५ ॥ त्ति बेमि ॥

॥ पढम दुमपुष्पिफय अज्झयणसमत्त ॥



सामण्णपुव्वयं बीयमज्झयण

कह नु कुञ्जा सामण्ण, जो कामे न निवारए ।
यए पए विसीयतो, संकप्पस्स वस गओ ॥ १ ॥
त्रत्य - गन्धमलकार, इत्थीओ सयणाणि य ।
अच्छन्दा जे न भु जन्ति, न से चाइ त्ति वुच्चइ ॥ २ ॥
जे य कन्ते पिए भोए, लद्धे विपिट्ठि^३ कुव्वइ ।
साहीणे चयइ भोए, से ह्व चाइ त्ति वुच्चइ ॥ ३ ॥

१ ककट्ट । २ रीयति । ३ वि पिट्ठी ।

१ समाइ पेहाइ' परिव्वयन्तो,
 सिया मणो निस्सरई वहिद्धा ।
 "न सा महं नो वि अह पि तीसे",
 इच्चेव ताओ विणएज्ज रागं ॥ ४ ॥
 आयावयाही, चय सोगमल्लं,
 कामे कमाही, कमिय खु दुवखं ।
 छिन्दाहि दोसं, विणएज्ज रागं,
 एवं सुही होहिसि संपराए ॥ ५ ॥
 पवखन्दे जलियं जोइ, धूमकेउं दुरासय ।
 नेच्छति वतय भोत्तुं कुले जाया अगंधणे ॥ ६ ॥
 धिरत्थु तेऽजसो-कामी, जो तं जीवियकारणा ।
 वंतं इच्छसि आवेउ । सेय ते मरणं भवे ॥ ७ ॥
 अहं च भोगरायस्स, तं च सि अन्धगवण्हणो ।
 मा कुले गन्धणा होमो, संजम तिहुओ चर ॥ ८ ॥
 जइ तं काहिसि भाव, जाजा दिच्छसि नारिओ ।
 वायाविद्धुव्व हडो, अट्टियप्पा भविस्ससि ॥ ९ ॥
 तीसे सो वयण सोञ्जा, सजयाए सुभासियं ।
 अंकुसेण जहा नागो, धम्मे संपड्ढिवाइओ ॥ १० ॥
 एव करेति सबुद्धा, पण्डिया पवियक्खणा ।
 विणियट्ठन्ति भोगेसु, जहा से पुरिसुत्तमो ॥ ११ ॥ ति वेमि ॥

॥ वीय सामण्णपुव्वय अज्भयण समत्त ॥



१. समाए पेहाए । २. जसोकामी ।

खुड्डियायार कहा नामं तइयमज्भयणं
 सजमे सुट्ठि अप्पाण, विप्पमुक्काण ताइण ।
 तेसिमेयमणाइण्ण, निग्गन्थाण महेसिणं ॥ १ ॥
 उट्ठेसिय कीयगड, नियागं अभिहडाणि य ।
 राइभत्ते सिणाणे य, गन्धमल्ले य वीयणे ॥ २ ॥
 सन्निही गिहिमत्ते य, रायपिण्डे किमिच्छए ।
 सवाहणा दन्तपहोयणा य, सपुच्छणा देहपलोयणा य ॥ ३ ॥
 अट्टावएय नालीए, छत्तस्स य धारणट्टाए ।
 तेगिच्छं पाणहा' पाए, समारम्भं च जोइणो ॥ ४ ॥
 सिज्जायरपिण्ड च, आसन्दी पलियङ्कए ।
 गिहन्तरनिसिज्जा य, गायस्सुव्वट्टणाणि य ॥ ५ ॥
 गिहिणो वेयावडिय, जा य आजीववित्तिया ।
 तत्तानिव्वुडभोइत्तं, प्राउरस्सरणाणि य ॥ ६ ॥
 मूलए सिङ्गवेरे य, उच्छुखडे अनिव्वुडे ।
 कन्दे मूले य सच्चित्ते, फले वीए य आमए ॥ ७ ॥
 सोवच्चले सिन्धवे लोणे, रोमालोणे य आमए ।
 सामुद्दे पसुखारे य, कालालोणे य आमए ॥ ८ ॥
 धुवणेत्ति' वमणे य, वत्थीकम्म-विरेयणे ।
 अञ्जणे दन्तवणे य, गायम्भङ्गविभूसणे ॥ ९ ॥
 सव्वमेयमणाइण्ण, निग्गन्थाणं महेसिण ।
 सजमम्मि य जुत्ताण, लहुभूय विहारिण ॥ १० ॥
 पञ्चासव-परिन्नाया, तिगुत्ता छसु सजया ।
 पञ्चनिग्गहणा धीरा, निग्गन्था उज्जुदंसिणो ॥ ११ ॥
 आयावयति गिम्हेसु, हेमन्तेसु अवाउडा ।
 वासासु पडिसंलीणा, संजया सुसमाहिया ॥ १२ ॥

परीसहरिऊ-दन्ता, धुयमोहा^१ जिइन्दिया ।
 सव्वदुक्खप्पहीणट्ठा, पदकमन्ति महेसिणो ॥ १३ ॥
 दुक्कराईं करेत्ताणं, दुसहाईं सहेत्तु य ।
 केइत्थ देवलोगेसु केइ, सिज्झन्ति नीरया ॥ १४ ॥
 खवित्ता पुव्वकम्माईं, संजमेण तवेण य ।
 सिद्धिमग्गमणुप्पत्ता, ताइणो परिनिव्वुडा ॥ १५ ॥ त्ति बेमि ः
 ॥ तइय खुट्टियायार कहा अञ्भयण समत्त ॥



छज्जीवणिया नामं चउत्थमञ्भयणं

सुयं मे आउस ! तेणं भगवया एवमक्खायं । इह खलु
 छज्जीवणिया नामञ्भयणं समणेण भगवया महावीरेण कास-
 वेण पवेइया, सुअक्खाया, सुपण्णत्ता । सेयं मे अहिज्जिउं अञ्भयणं
 धम्मपण्णत्ती ।

कयरा खलु सा छज्जीवणिया नामञ्भयणं समणेणं भगवया
 महावीरेणं कासवेणं पवेइया, सुअक्खाया. सुपण्णत्ता । सेय मे अहि-
 ज्जिउं अञ्भयणं धम्मपण्णत्ती ?

इमा खलु सा छज्जीवणिया नामञ्भयणं समणेण भगवया
 महावीरेण कासवेणं पवेइया सुअक्खाया सुपण्णत्ता । सेव मे अहि-
 ज्जिउं अञ्भयणं धम्मपण्णत्ती । तं जहा—पुढवी-काइया, आउ-
 काइया, तेउ-काइया, वाउ-काइया, वणत्सइ-काइया, तस-काइया ॥

पुढवी चित्तमन्तमक्खाया, अणेगजीवा पुढोसत्ता, अन्नत्थ
 सत्थपरिणएणं । आउ चित्तमन्तमक्खाया अणेगजीवा पुढो-

सत्ता अन्नत्थ सत्थपरिणएण । तेउ चित्तमन्तमक्खाया अणेग-
जीवा पुढोसत्ता अन्नत्थ सत्थपरिणएण । वाउ चित्तमन्त-
मक्खाया अणेगजीवा पुढोसत्ता अन्नत्थ सत्थपरिणएण ।
वणस्सई चित्तमन्तमक्खाया अणेगजीवा पुढोसत्ता अन्नत्य
सत्थपरिणएण । तं जहा—अग्गवीया, मूलवीया, पोरवीया,
खन्धवीया, बीयरुहा, समुच्छिमा, तणलया, वणस्सइ-काइया
सवीयां चित्तमन्तमक्खाया अणेगजीवा पुढोसत्ता अन्नत्थ सत्थपरिण-
एण ।

से जे पुण इमे अणेगे बह्वे तसा पाणा त जहा—अण्डया,
पोयया, जराउया रसया, ससेइमा, समुच्छिमा, उब्भिया उव-
वाइया, जेसि केसिचि पाणाण अभिक्कन्त पडिक्कन्तं सक्कुचियं
पसारिय रुय भत तसियं पलाइयं आगइगइविन्नाया जे य
कीडपयगा जा य कुन्धुपिवीलिया सव्वे वेइदिया सव्वे तेइंदिया
सव्वे चउरिदिया सव्वे पंचिदिया सव्वे तिरिक्खजोणिया सव्वे
नेरइया सव्वे मणुया सव्वे देवा सव्वे पाणा परमाहम्मिया ।
एसो खलु छट्ठो जीवनिकाओ “तसकाउ” ति पवुञ्जइ ।

इच्चेसि छण्ह जीदनिक्खायाण नेव एयं दड समारंभिज्जा,
नेवन्नेहि दड समारभाविज्जा, दडं समारम्भन्ते वि अन्ने न
समणुजाणामि' जावज्जीवाए तिविह तिविहेण मणेण वायाए ।
काएण । न करेमि न कारवेमि करन्त पि अन्नं न समणुजाणामि
तस्स भते ! पडिक्कमामि निदामि गरिहामि अण्पाण वोसिरामि ।

पढमे भते ! महव्वए पाणाइवायाओ वेरमण । सव्वं भते !
पाणाइवायं पच्चक्खामि, से सुहुम वा बायर वा तस वा
थावर वा । नेव सय पाणे अइवाएज्जा, नेवन्नेहि पाणे अइवा-

यादेज्जा, पाणे अइदायते वि अन्ते न समणुजाणामि जाव-
ज्जीवाए तिविहं तिविहेण मणेण वायाए काएण न करेमि न
कारवेमि करन्तं पि अन्नं न समणुजाणामि । तस्स भन्ते ! पडि-
क्कमामि निन्दामि गरिहामि अप्पाणं वोसिरामि । पढमे भन्ते !
महव्वए उवट्टियो मि, सव्वाओ पाणाइदायाओ वेरमणं ॥१॥

अहावरे दोच्चे भन्ते ! महव्वए मुसावायाओ वेरमणं ।
सव्वं भन्ते ! मुसावाय पच्चवखामि, से कोहा वा लोहा वा
भया वा नेव सय मुसं वएज्जा, नेवन्नेहिं मुसं वायावेज्जा,
मुस वयन्ते वि अन्ते न समणुजाणामि जावज्जीवाए तिविहं
तिविहेणं मणेण वायाए काएणं न करेमि न कारवेमि करन्तं
पि अन्नं न समणुजाणामि, तस्स भन्ते ! पडिक्कमामि निन्दामि
गरिहामि अप्पाणं वोसिरामि । दोच्चे भन्ते ! महव्वए उवट्टिओ
मि, सव्वाओ मुसावायाओ वेरमणं ॥२॥

अहावरे तच्चे भन्ते ! महव्वए अदिन्नादाणाओ वेरमण ।
सव्वं भन्ते ! अदिन्नादाण पच्चवखामि, से गामे वा नयरे वा
रण्णे वा, अप्पं वा बहुं वा अणुं वा थूलं वा चित्तमन्त वा
अचित्तमन्तं वा । नेव सयं अदिन्नं गिण्हेज्जा, नेवन्नेहिं अदिन्नं
गिण्हावेज्जा, अदिन्नं गिण्हन्ते वि अन्ते न समणुजाणामि जाव-
ज्जीवाए तिविहं तिविहेणं मणेणं वायाए काएण न करेमि न
कारवेमि करन्तं पि अन्नं न समणुजाणामि । तस्स भन्ते ! पडि-
क्कमामि निन्दामि गरिहामि अप्पाण वोसिरामि । तच्चे भन्ते !
महव्वए उवट्टिओ मि, सव्वाओ अदिन्नादाणाओ वेरमणं ॥३॥

अहावरे चउत्थे भन्ते ! महव्वए मेहुणाओ वेरमणं । सव्वं
भन्ते ! मेहुणं पच्चवखामि से दिव्वं वा माणुसं वा तिरिक्ख-
जोणियं वा नेव सय मेहुणं सेवेज्जा, नेवन्नेहिं मेहुणं सेवावेज्जा

मेहुणं सेवन्ते वि अन्ने न समणुजाणामि जावज्जीवाए तिविह
 तिविहेण मणेणं वायाए काएण न करेमि न कारवेमि करन्तं
 पि अन्नं न समणुजाणामि । तस्स भन्ते ! पडिक्कमामि निन्दामि
 गरिहामि अप्पाण वोसिरामि । चउत्थे भन्ते ! महव्वए उवट्ठिओ
 मि, सव्वाओ मेहुणाओ वेरमण ॥४॥

अहावरे पंचमे भन्ते ! महव्वए परिग्गहाओ वेरमण ।
 सव्वं भन्ते ! परिग्गहं पच्चक्खामि, से अप्पं वा बहुं वा अणुं
 वा थूलं वा चित्तमंतं वा अचित्तमंतं वा । नेव सयं परिग्गहं
 परिग्गहेज्जा, नेवन्नेहि परिग्गहं परिग्गहावेज्जा, परिग्गहं
 परिग्गहन्ते वि अन्ने न समणुजाणामि जावज्जीवाए तिविहं
 तिविहेणं मणेण वायाए काएणं न करेमि न कारवेमि करन्त
 पि अन्नं न समणुजाणामि । तस्स भन्ते पडिक्कमामि निन्दामि ।
 गरिहामि अप्पाण वोसिरामि । पचमे भन्ते ! महव्वए उवट्ठिओ
 मि, सव्वाओ परिग्गहाओ वेरमणं ॥५॥

अहावरे छट्ठे भन्ते ! वए राइभोयणाओवेरमणं । सव्व भन्ते !
 राइभोयण पच्चक्खामि से असणं वा पाण वा खाइम वा
 साइमं वा । नेव सय राइं भुजेज्जा, नेवन्नेहि राइ भुजावेज्जा
 राइं भुजंते वि अन्ने न समणुजाणामि, जावज्जीवाए तिविह
 तिविहेण मणेण वायाए काएण । न करेमि न कारवेमि करन्त
 पि अन्नं न समणुजाणामि । तस्स भन्ते ! पडिक्कमामि निन्दामि
 गरिहामि अप्पाण वोसिरामि । छट्ठे भन्ते ! वए उवट्ठिओ मि,
 सव्वाओ राइभोयणाओ वेरमण ॥६॥

इच्चेयाइं पच महव्वयाइ राइभोयणवेरमणछट्ठाइ अत्त
 हियट्ठयाए उवसंपञ्चित्ताण विहरामि ॥६॥

से भिक्खू वा भिक्खुणी वा सजय-विरय-पडिहयपच्च-
क्खायपावकस्मे दिआ वा राओ वा एगओ वा परिसागओ
वा सुत्ते वा जागरमाणे वा, से पुढवि वा भित्ति वा सिल वा
लेलु वा ससरक्ख वा काय ससरक्ख वा वत्थ हत्थेण वा
पाएण वा कट्टेण वा किलिचेण' वा अगुलियाए वा सलागाए
वा, सलागहत्थेण वा न आलिहेज्जा न विलिहेज्जा न घट्टेज्जा न
भिन्देज्जा, अन्न नालिहावेज्जा न विलिहावेज्जा न घट्टावेज्जा न
भिन्दावेज्जा, अन्न आलिहन्त वा विलिहन्त वा घट्टन्त वा
भिन्दन्त वा न समणुजाणामि जावल्लीवाए तिविह तिविहेण
मणेण वायाए काएण न करेमि न कारवेमि करन्त पि अन्न
न समणुजाणामि । तस्स भन्ते । पडिक्कमामि निन्दामि गरिहामि
अप्पाण वोसिरामि ॥७॥

से भिक्खू वा भिक्खुणी वा सजय-विरय-पडिहय-पच्चक्खा-
यपावकस्मे दिआ वा राओ वा एगओ वा परिसागओ वा सुत्ते
वा जागरमाणे वा, से उदग वा ओसं वा हिमं वा महियं वा
करग वा हरतणुग वा सुद्धोदग वा उदउल्लं वा काय उद-
उल्ल वा वत्थ, ससिणिद्धं वा काय, ससिणिद्ध वा वत्थ, नामु-
सेज्जा न सफुसेज्जा न आवीलेज्जा न पवीलेज्जा न अक्खो-
डेज्जा न पक्खोडेज्जा न आयावेज्जा न पयावेज्जा, अन्न नामु-
सावेज्जा न सफुसावेज्जा न आवीलावेज्जा न पवीलावेज्जा न
अक्खोडावेज्जा न पक्खोडावेज्जा न आयावेज्जा न पयावेज्जा,
अन्न आमुसन्त वा संफुसन्त वा आर्वलन्त वा पवीलन्त वा
अक्खोडन्तं वा पक्खोडन्त वा आयावन्त वा पयावन्त वा न
समणुजाणामि, जावल्लीवाए तिविह तिविहेणं मणेण वायाए काएण
न करेमि न कारवेमि करन्त पि अन्न न समणुजाणामि । तस्स
भन्ते । पडिक्कमामि निन्दामि गरिहामि अप्पाण वोसिरामि ॥८॥

से भिक्खू वा भिक्खुणी वा सजय-विरय-पडिहयपच्च-
क्खायपावकम्मे दिआ वा राओ वा एगओ वा परिसागओ वा
सुत्ते वा जागरमाणे वा, से अर्गाणि वा इङ्गाल वा, मुम्मुर वा
अर्च्चि वा जाल वा अलाय वा सुद्धागणि वा उक्क वा । न उजेज्जा
न घट्टेज्जा न भिदेज्जा न उज्जालेज्जा न पज्जालेज्जा न निव्वावेज्जा ।
अन्न न उजावेज्जा न घट्टावेज्जा न भिदावेज्जा न उज्जालावेज्जा न
पज्जालावेज्जा न निव्वावेज्जा, अन्न उजत वा घट्टत वा भिदत
वा उज्जालत वा पज्जालत वा निव्वावत वा न समणुजाणामि
जावज्जीवाए तिविह तिविहेण मणेण वायाए काएण । न करेमि न
कारवेमि करेत पि अन्न न समणुजाणामि । तस्स भन्ते ! पडिक्क-
मामि निदामि गरिहामि अप्पाण वोसिरामि ॥६॥

से भिक्खू वा भिक्खुणी वा सजय-विरय-पडिहयपच्च-
क्खायपावकम्मे दिआ वा, राओ वा, एगओ वा, परिसागओ
वा, सुत्ते वा, जागरमाणे वा, से सिएण वा, विहुयणेण वा,
तालियटेण वा पत्तेण वा पत्तभंगेण वा साहाए वा साहाभगेण
वा पिहुणेण वा पिहुणहत्थेण वा, चेलेण वा चेलकणणेण वा,
हत्थेण वा मुहेण वा अप्पणो वा काय बाहिर वा वि पोग्गलं
न फूमेज्जा, न वीएज्जा अन्न न फूमावेज्जा, न वीआवेज्जा, अन्न
फूमन्तं वा वीयन्त वा न समणुजाणामि, जावज्जीवाए तिविहं
तिविहेणं मणेण वायाए काएणं न करेमि न कारवेमि करेतं
पि अन्नं न समणुजाणामि, तस्स भन्ते ! पडिक्कमामि निन्दामि
गरिहामि अप्पाण वोसिरामि ॥१०॥

से भिक्खू वा, भिक्खुणी वा, सजयविरयपडिहयपच्च-
क्खायपावकम्मे दिआ वा राओ वा एगओ वा परिसागओ

वा सुत्ते वा जागरमाणे वा, से वीएसु वा वीयपइहेसु वा रुढेसु वा रुढपइहेसु वा, जाएसु वा, जायपइहेसु वा, हरिएसु वा हरियपइहेसु वा, छिन्नेसु वा, छिन्नपइहेसु वा, सचित्तेसु वा, सचित्तकोलपडिनिस्सिएसु वा, न गच्छेज्जा न चिट्ठेज्जा, न निसी-एज्जा न तुयट्ठेज्जा, अन्न न गच्छावेज्जा न चिट्ठावेज्जा न निसी-यावेज्जा न तुयट्ठावेज्जा, अन्न गच्छन्त वा चिट्ठंतं वा निसीयन्तं वा तुयट्ठन्तं वा न समणुजाणामि जावज्जीवाए तिविहं तिवि-हेणं मणेणं वायाए काएणं न करेमि न कारवेमि करन्तं पि अन्नं न समणुजाणामि, तस्स भन्ते । पडिक्कमामि निन्दामि गरिहामि अप्पाणं वोसिरामि ॥ ११ ॥

से भिक्खु वा, भिक्खुणी वा, संजयविरयपडिहयपच्च-क्खायपावकम्मे दिआ वा राम्भो वा एगम्भो वा परिसाम्भो वा सुत्ते वा जागरमाणे वा, से कीडं वा पयंगं वा कुन्थुं वा पिवी-लियं वा हत्थंसि वा पायंसि वा वाहुंसि वा ऊरुंसि वा उद-रंसि वा सीससि वा वत्थसि वा पडिग्गहंसि वा कवलगंसि वा गथ पुंछणंसि वा रयहरणंसि वा, गोच्छगंसि वा, उडुगंसि वा दण्डगंसि वा. पीडगंसि वा, फलगंसि वा, सेज्जंसि वा संथार-गंसि वा अन्नयरंसि वा तहप्पगारे उवगरणजाए तम्भो संजया-मेव पडिलेहिय पडिलेहिय पमज्जिय पमज्जिय एगन्तमवरोज्जा नो णं संघायमावज्जेज्जा ॥ १२ ॥

अजयं चरमाणो उ, पाणभूयाइं हिंसइ ।

बन्धइ पावयं कम्मं, तं से होइ कडुयं फलं ॥१॥

अजय चिट्ठमाणो उ, पाणभूयाइं हिंसइ ।

बन्धइ पावयं कम्मं, तं से होइ कडुयं फलं ॥२॥

अजयं आसमाणो उ, पाणभूया इहिसइ ।
 बन्धइ पावयं कम्म, त से होइ कडुयं फलं ॥३॥
 अजय सयमाणो उ, पाणभूयाइ हिसइ ।
 बन्धइ पावय कम्म, त से होइ कडुयं फलं ॥४॥
 अजयं भुञ्जमाणो उ, पाणभूयाइ हिसइ ।
 बन्धइ पावयं कम्म, त से होइ कडुय फल ॥५॥
 अजयं भासमाणो उ, पाणभूयाइं हिसइ ।
 बन्धइ पावयं कम्म, तं से होइ कडुयं फल ॥६॥
 कहं चरे ? कह चिट्ठे ? कहमासे ? कह सए ?
 कहं भुजंतो भासतो, पाव कम्म न बन्धइ ? ॥७॥
 जयं चरे, जयं चिट्ठे, जयमासे, जयं सए ।
 जयं भुञ्जन्तो भासन्तो, पाव कम्मं न बन्धइ ॥८॥
 सव्वभूयप्पभूयस्स, सम्म भूयाइ पासओ ।
 पिहियासवस्स दन्तस्स, पावं कम्म न बन्धइ ॥९॥
 पढमं नाणं तओ दया, एव चिट्ठइ सव्वसजए ।
 अन्नाणी किं काही किं, वा नाहिइ' छेयपावग' ॥१०॥
 सोच्चा जाणइ कल्लाण, सोच्चा जाणइ पावग ।
 उभय पि जाणइ सोच्चा, ज छेय त समायरे ॥११॥
 जो जीवे वि न याणाइ, अजीवे वि न याणइ ।
 जीवाजीवे अयाणन्तो, कहं सो नाहीइ सजम ॥१२॥
 जो जीवे वि वियाणेइ, अजीवे वि वियाणइ ।
 जीवाजीवे वियाणन्तो, सो हु नाहीइ सजमं ॥१३॥
 जया जीवमजीवे य, दो वि एए वियाणइ ।
 तथा गइं बहुविह, सव्वजीवाण जाणइ ॥१४॥

जया गइ बहुविहं, सव्वजीवाण जाणइ ।
 तया पुण्णं च पावं च, बन्धं मोक्खं च जाणइ ॥१५॥
 जया पुण्णं च पावं च, बन्धं मोक्खं च जाणइ ।
 तया निव्विन्दए भोए, जे दिव्वे जे य माणुसे ॥१६॥
 जया निव्विन्दए भोए, जे दिव्वे जे य माणुसे ।
 तया चयइ संजोगं, सव्विभतरवाहिर ॥१७॥
 जया चयइ सजोगं, सव्विभतरवाहिरं ।
 तया मुण्डे भवित्ताणं, पव्वयइ अणगारियं ॥१८॥
 जया मुण्डे भवित्ताण, पव्वयइ अणगारिय ।
 तया संवरमुक्किट्ठ, धम्म फासे अणुत्तर ॥१९॥
 जया संवरमुक्किट्ठं, धम्मं फासे अणुत्तरं ।
 तया धुणइ कम्मरय, अबोहिकलुसं कडं ॥२०॥
 जया धुणइ कम्मरय, अबोहिकलुस कड ।
 तया सव्वत्तग नाण, दसणं चाभिगच्छइ ॥२१॥
 जया सव्वत्तगं नाण, दसणं चाभिगच्छइ ।
 तया लोगमलोगं च, जिणो जाणइ केवली ॥२२॥
 जया लोगमलोगं च, जिणो जाणइ केवली ।
 तया जोगे निरुंभित्ता, सेलेसि पडिवज्जइ ॥२३॥
 जया जोगे निरुंभित्ता, सेलेसि पडिवज्जइ ।
 तया कम्मं खवित्ताणं, सिद्धि गच्छइ नीरओ ॥२४॥
 जया कम्म खवित्ताणं, सिद्धि गच्छइ नीरओ ।
 तया लोगमत्थयत्थो सिद्धो हवइ सासओ ॥२५॥
 सुहसायगस्स समणस्स,
 सायाउलगस्स निगामसाइस्स ।
 उच्छोलणापहोअस्स,
 डुलहा सुगइ तारिसगस्स ॥२६॥

तवोगुणपहाणस्स, उज्जुमइखन्तिसंजमरयस्स ।
 परीसहे जिणंतस्स, सुखहा सुगइ तारिसगस्स ॥२७॥
 पच्छा वि ते पयाया, खिप्पं
 गच्छन्ति अमरभवणाइ ।
 जेसिं पिअो तवो संजमो
 य खन्ती य बम्भचेर च ॥२८॥
 इच्चेयं छज्जीवणियं, सम्महिट्ठी सया जए ।
 दुल्लहं लहित्तु सामण्णं, कम्मुणा न विराहिज्जासि ॥२९॥
 ॥ त्ति बेमि ॥

चउत्थ छज्जीवणिय अज्भयण समत्त

पिंडेसणा नामं पंचममज्भयणं, पढमो उट्ठेसओ

संपत्ते भिक्खकालम्मि, असंभन्तो अमुच्छिअो ।
 इमेण कमजोगेण, भत्तपाण गवेसए ॥१॥
 से गामे वा नयरे वा, गोयरग्गओ मुणी ।
 चरे मन्दमणुन्विग्गो, अन्वक्खित्तेण चेरसो ॥२॥
 पुरओ जुगमायाए, पेहमाणो महिं चरे ।
 वज्जन्तो बीयहरियाए, पाणे य दगमट्ठियं ॥३॥
 ओवायं विसम खाणुं, विज्जलं परिवज्जए ।
 संकमेण न गच्छेज्जा, विज्जमाणे परक्कमे ॥४॥
 पवडन्ते व से तत्थ, पक्खलन्ते व सजए ।
 हिसेज्ज पाणभूयाइं, तसे अट्ठुव थावरे ॥५॥
 तम्हा तेण न गच्छेज्जा, संजए सुसमाहिए ।
 सइ अन्नेण मग्गेण, जयमेव परक्कमे ॥६॥

इङ्गाल छारिय रासि, तुसरसि च गोमयं ।
 ससरवर्खेहि पाएहि, सजओ तं न इक्कमे ॥७॥
 न चरेज्ज वासे वासन्ते, महियाए व पडंतिए ।
 महावाए व वायते, तिरिच्छसंपाइमेसु वा ॥८॥
 न चरेज्ज वेसासामन्ते, बंभचेरवसाणुए^१ ।
 बंभयारिस्स दंतस्स, होज्जा तत्थ विसोत्तिया ॥९॥
 अणायणे^२ चरतस्स, संसग्गीए अभिवखणं ।
 होज्ज वयाण पीला, सामण्णम्मि य ससओ ॥१०॥
 तम्हा एयं वियाणित्ता, दोसं दुग्गइवड्डण ।
 वज्जए वेससामंतं मुणी एगतमस्सिए ॥११॥
 साणं सुइय गावि, दित्त गोण ह्य गय ।
 संडिब्भं कलहं जुद्ध, दूरओ परिवज्जए ॥१२॥
 अणुन्नए नावणए, अप्पहिट्ठे अणाउले ।
 इंदियाइं जहाभागं, दसइत्ता मुणी चरे ॥१३॥
 दवदवस्स न गच्छेज्जा, भासमाणो य गोयरे ।
 हसंतो नाभिगच्छेज्जा, कुल उज्जावयं सया ॥१४॥
 आलोय थिग्गलं दार, सन्धि दगभवणाणि य ।
 चरतो न विनिज्झाए, संकट्टाण विवज्जए ॥१५॥
 रन्तो गिहवईणं च, रहस्सारक्खियाणं य ।
 संकिलेसकर ठाणं, दूरओ परिवज्जए ॥१६॥
 पडिक्कुल न पविसे, मामग परिवज्जए ।
 अचियत्तकुलं न पविसे, चियत्त पविसे कुलं ॥१७॥
 साणीपावारपिहिय, अप्पणा नावपंगुरे ।
 कवाडं नो पणोल्लेज्जा, ओग्गहंसि अजाइया ॥१८॥
 गोयरग्गपविट्ठो उ^३, वज्जमुत्तं न धारए ।
 ओगासं फासुय नज्जा, अणुन्नविय वोसिरे ॥१९॥

१. वसाणए । २. अणाययणे । ३. याणि । ४. अ ।

नीयदुवारं तमसं, कोट्टुग परिवज्जए ।
 अचक्खुविसओ जत्थ, पाणा दुप्पडिलेहगा ॥२०॥
 जत्थ पुप्फाइं बीयाइं, विप्पइण्णाइं कोट्टुए ।
 अहुणोवलित्तं उल्ल, दट्टूण परिवज्जए ॥२१॥
 एलगं दारगं साणं, वच्छगं वावि कोट्टुए ।
 उल्लंघिया न पविसे, विउहित्ताण व संजए ॥२२॥
 अससत्त पलोएज्जा, नाइहूरावलोयए ।
 उप्फुल्लं न विनिज्जाए, नियट्ठिज्ज अयंपिरो ॥२३॥
 अइभूमिं न गच्छेज्जा, गोयरग्गओ मुणी ।
 कुलस्स भूमिं जाणित्ता, मियं भूमिं परक्कमे ॥२४॥
 तत्थेव पडिलेहिज्जा, भूमिभागं वियक्खणो ।
 सिणाणस्स य वच्चस्स, संलोग परिवज्जए ॥२५॥
 दगमट्ठियआयाणे, बीयाणि हरियाणि य ।
 परिवज्जन्तो चिट्ठेज्जा, सच्चिन्दियसमाहिए ॥२६॥
 तत्थ से चिट्ठमाणस्स, आहरे पाणभोयण ।
 अकप्पियं न गेण्हिज्जा, पडिगाहेज्ज कप्पिय ॥२७॥
 आहरन्ती सिया तत्थ, परिसाडेज्ज भोयण ।
 दिन्तिय पडियाइक्खे, न मे कप्पइ तारिसं ॥२८॥
 संमद्दमाणी पाणाणि, बीयाणि हरियाणि य ।
 असजमकरिं नच्चा, तारिस परिवज्जए ॥२९॥
 साहट्टु निक्खिवित्ताण, सच्चित्तं घट्ठियाणि य ।
 तहेव समणट्ठाए, उदग संपणोल्लिया ॥३०॥
 ओगाहइत्ता चलइत्ता, आहरे पाणभोयणं ।
 दिन्तियं पडियाइक्खे, न मे कप्पइ तारिसं ॥३१॥
 पुरेकम्मेण हत्थेण, दब्बीए भायणेण वा ।
 दिन्तियं पडियाइक्खे, न मे कप्पइ तारिस ॥३२॥

एवं उदउत्ले ससिणिद्धे, ससरवखे मट्टियाऊसे ।
 हरियाले हिङ्गुलुए, मणोसिला अजणे लोणे ॥३३॥
 गेरुयवणियसेडिय, सोरट्टियपिट्टुकुकुसकए य ।
 उक्किट्टमससट्टे, ससट्टे चैव बोद्धव्वे ॥३४॥
 अससट्टेण हत्तेणं, दव्वीए भायणेण वा ।
 दिज्जमाणं न इच्छेज्जा, पच्छाकम्मर्जाहं भवे ॥३५॥
 ससट्टेण य हत्थेण, दव्वीए भायणेण वा ।
 दिज्जमाण पडिच्छेज्जा, ज तत्थेसणिय भवे ॥३६॥
 दोण्ह तु भु जमाणाण, दो वि तत्थ निमतए ।
 दिज्जमाण न इच्छेज्जा, छन्द से पडिलेहए ॥३७॥
 दोण्ह तु भु जमाणाण, एगो तत्थ निमतए ।
 दिज्जमाण पडिच्छेज्जा, ज तत्थेसणियं भवे ॥३८॥
 गुव्विणीए उवन्नत्थ, विविह पाणभोयण ।
 भु जमाण विवज्जेज्जा, भुत्तसेस पडिच्छए ॥३९॥
 सिया य समणट्टाए, गुव्विणी कालमासिणी ।
 उट्टिया वा निसीएज्जा, निसन्ना वा पुणुट्टए ॥४०॥
 त भवे भत्तपाण तु सजयाण अकप्पिय ।
 दित्तिय पडियाइक्खे, न मे कप्पइ तारिसं ॥४१॥
 थणग पिज्जमाणी य, दारग वा कुमारिय ।
 त निवखविअ रोअत्त, आहरे पाणभोयणं ॥४२॥
 त भवे भत्तपाण तु, सजयाण अकप्पिय ।
 दित्तिय पडियाइक्खे, न मे कप्पइ तारिसं ॥४३॥
 ज भवे भत्तपाण तु, कप्पाकप्पम्मि सकियं ।
 दित्तिय पडियाइक्खे, न मे कप्पइ तारिसं ॥४४॥
 दगवारएण पिहिय, नीसाए पीढएण वा ।
 लोढेण वा वि लेवेण, सिलेसेण व केणइ ॥४५॥

त च उर्भिदिभ्रा दिज्जा, समणट्टाए व दावए ।
 दिंतिय पडियाइक्खे, न मे कप्पइ तारिस ॥४६॥
 असण पाणग वा वि, खाइम साइम तथा ।
 ज जाणेज्ज सुणेज्जा वा, दाणट्टा पगड इम ॥४७॥
 तारिस भत्तपाणं तु, संजयाण अकप्पिय ।
 दिंतियं पडियाइक्खे, न मे कप्पइ तारिस ॥४८॥
 असण पाणगं वा वि, खाइम साइम तथा ।
 ज जाणेज्ज सुणेज्जा वा, पुण्णट्टा पगड इम ॥४९॥
 त भवे भत्तपाण तु, सजयाण अकप्पिय ।
 दिंतिय पडियाइक्खे, न मे कप्पइ तारिस ॥५०॥
 असण पाणग वा वि, खाइम साइम तथा ।
 ज जाणेज्ज सुणेज्जा वा, वणिमट्टा पगड इम ॥५१॥
 त भवे भत्तपाण तु, सजयाण अकप्पिय ।
 दिंतिय पडियाइक्खे, न मे कप्पइ तारिस ॥५२॥
 असण पाणग वा वि, खाइम साइम तथा ।
 ज जाणेज्ज सुणेज्जा वा, समणट्टा पगड इम ॥५३॥
 त भवे भत्तपाण तु, सजयाण अकप्पिय ।
 दिंतिय पडियाइक्खे न मे कप्पइ तारिस ॥५४॥
 उट्ठेसिय कीयगड, पूइकम्म च आहड ।
 अज्झोयरपामिच्च, मीसजाय च वज्जए ॥५५॥
 उगम से अ पुच्छेज्जा, कस्सट्टा केण वा कड ।
 सोच्चा निस्सकिय सुद्ध, पडिगाहेज्ज सजए ॥५६॥

असणं पाणग वा वि, खाइमं साइमं तथा ।
 पुष्फेसु होञ्ज उम्मीसं, बीएसु हरिएसु वा ॥५७॥
 तं भवे भत्तपाण तु, सजयाण अकप्पिय ।
 दिंतिय पडियाइक्खे, न मे कप्पइ तारिस ॥५८॥
 असण पाणग वा वि, खाइमं साइमं तथा ।
 उदगंमि होञ्ज निक्खत्त, उत्तिगपणगेसु वा ॥५९॥
 त भवे भत्तपाण तु, सजयाण अकप्पिय ।
 दिंतियं पडियाइक्खे, न मे कप्पइ तारिस ॥६०॥
 असण पाणग वा वि, खाइमं साइमं तथा ।
 अगणिम्मि^१ होञ्ज निक्खत्त, त च सघट्टिया दए ॥६१॥
 त भवे भत्तपाण तु, सजयाण अकप्पिय ।
 दिंतिय पडियाइक्खे, न मे कप्पइ तारिस ॥६२॥
 एव उस्सक्किया ओसक्कियं,
 उञ्जालिया पञ्जालिया निव्वाविया ।
 उस्सिचिया निस्सिचिया,
 उव्वत्तिया ओयारिया दए ॥६३॥
 तं भवे भत्तपाणं तु, संजयाण अकप्पियं ।
 दिंतिय पडियाइक्खे, न मे कप्पइ तारिसं ॥६४॥
 होञ्ज कट्टु सिल वा वि, इट्टाल वा वि एगया ।
 ठवियं सकमट्टाए, त च होञ्ज चलाचल ॥६५॥
 न तेण भिक्खु गच्छेत्त्वा, दिट्ठो तत्थ असंजमो ।
 गम्भीरं भुसिरं चेव, सन्विदियसमाहिए ॥६६॥

निस्सेणिं फलग पाढ, उस्सवित्ताणमाह्हे ।
 मंचकीलं च पासायं, समणट्ठाए व दावए ॥६७॥
 दुरुह्माणी पवडेज्जा, हत्थं पायं व लूसए ।
 पुढविजीवे वि हिंसेज्जा, जे य त निस्सिया जगा' ॥६८॥
 एयारिसे महादोसे, जाणऊण महेसिणो ।
 तम्हा मालोहड भिक्ख, न पडिणेहति संजया ॥६९॥
 कंदं मूलं पलंबं वा, आम छिन्नं व सन्तिर ।
 तुबाग सिंगवेरं च, आमग परिवज्जए ॥७०॥
 तहेव सत्तुचुण्णाइ, कोलचुण्णाइ आवणे ।
 सक्कुलिं फाणिय पूय, अन्न वा वि तहाविह ॥७१॥
 विक्कायमाण पसढ, रएण परिफासिय ।
 दिंतियं पडियाइक्खे, न मे कप्पइ तारिस ॥७२॥
 बहु-अट्ठिय पोगल, अणिमिस वा बहुकटय ।
 अत्थिय तिंदुयं बिल्ल, उच्छुखड च सिर्बलि ॥७३॥
 अप्पे सिया भोयणजाए, बहुउज्झियधम्मिए ।
 दिंतिय पडियाइक्खे, न मे कप्पइ तारिसं ॥७४॥
 तहेवुच्चावयं पाणं, अट्ठुवा वारधोअणं ।
 ससेइम चाउलोदग, अहुणाधोअ विवज्जए ॥७५॥
 ज जाणेज्ज चिराधोयं, मईए दसणेण वा ।
 पडिपुच्छिऊण सोज्जा वा, जं च निस्संकिय भवे ॥७६॥
 अजीवं परिणय नच्चा, पडिगाहेज्ज सजए ।
 अह सकिय भवेज्जा, आसाइत्ताण रोयए ॥७७॥

थोवमासायणट्टाए, हत्थगम्मि दलाहि मे ।
 मा मे अच्चंबिलं पूइ, नाल तण्ह-विणित्तए ॥७८॥
 त च अच्चबिल पूइं, नाल तण्ह विणित्तए ।
 दितिय पडियाइक्खे, न मे कप्पइ तारिस ॥७९॥
 तं च होज्ज अकामेणं, विमणेण पडिच्छिय ।
 त अप्पणा न पिबे, नो वि अन्नस्स दावए ॥८०॥
 एगतमवक्कमित्ता, अचित्त पडिलेहिया ।
 जय परिट्टवेज्जा, परिट्टप्प पडिक्कमे ॥८१॥
 सिया य गोयरग्गश्रो इच्छेज्जा परिभोत्तुअं ।
 कोट्टुग, भित्तिमूल वा, पडिलेहित्ताण फासुय ॥८२॥
 अणुन्नवित्तु मेहावी, पडिच्छन्नम्मि सबुडे ।
 हत्थग सपमज्जित्ता, तत्थ भुजिज्ज सजए ॥८३॥
 तत्थ से भुजमाणस्स, अट्ठिय कण्ठश्रो सिया ।
 तणकट्टसक्कर वा वि, अन्न वा वि तहाविहं ॥८४॥
 तं उक्खिवित्तु न निक्खिवे, आसएण न छड्डुए ।
 हत्थेण तं गहेऊण, एगंतमवक्कमे ॥८५॥
 एगंतमवक्कमित्ता, अचित्त पडिलेहिया ।
 जयं परिट्टवेज्जा, परिट्टप्प पडिक्कमे ॥८६॥
 सिया य भिक्खू इच्छेज्जा, सेज्जमागम्म भोत्तुअं ।
 संपिडपायमागम्म, उंडुयं पडिलेहिया ॥८७॥
 विणएण पविसित्ता, सगासे गुरुणो मुणी ।
 इरियावहियमायाय, आगश्रो य पडिक्कमे ॥८८॥

आभोएत्ताण नीसेसं, अइयारं जहक्कमं ।
 गमणागमणे चैव, भत्तपाणे य संजए ॥५६॥
 उज्जुप्पन्नो अणुव्विग्गो, अणुव्वक्खित्तेण चैयसा ।
 आलोए गुरुसगासे, ज जहा गहियं भवे ॥५७॥
 न सम्ममालोइयं होज्जा, पुण्व पच्छा व ज कडं ।
 पुणो पडिक्कमे तस्स, वोसिट्ठो चितए इमं ॥५८॥
 अहो जिणेहिस्सावज्जा, वित्ती साहूण देसिया ।
 मोक्खसाहणहेउस्स, साहुदेहस्स धारणा ॥५९॥
 नमोक्कारेण पारेत्ता, करेत्ता जिणसंथवं ।
 सज्झाय पट्टवित्ताण, वीसमेज्ज खणं मुणी ॥६०॥
 वीसमतो इम चित्ते, हियमट्ट लाभमट्टिओ' ।
 जइ मे अणुगह कुज्जा, साहू होज्जामि तारिओ ॥६१॥
 साहवो तो चियत्तेण, निमतेज्ज जहक्कम ।
 जइ तत्थ केइ इच्छेज्जा, तेहिं सद्धि तु भु जए ॥६२॥
 अह कोइ न इच्छेज्जा, तओ भुजेज्ज एक्कओ ।
 आलोए भायणे साहू, जयं अपरिसाडिय ॥६३॥
 तित्तग व कडुय व कसायं,
 अबिलं व महुरं लवणं वा ।
 एयलद्धमन्नट्टपउत्तं,
 महुघयं व भुजेज्ज संजए ॥६४॥
 अरस विरसं वा वि, सूइयं वा असूइयं ।
 उल्ल वा जइ वा सुक्कं, संथुकुम्मासभोयणं ॥६५॥

उप्पन्नं नाइहीलेज्जा, अप्पं वा बहु-फासुयं ।
 मुहालद्धं मुहाजीवी, भुंजिज्जा दोसवज्जियं ॥६६॥ ।
 दुल्लहा उ मुहादाई, मुहाजीवी वि दुल्लहा ।
 मुहादाई मुहाजीवी, दो वि गच्छन्ति सुग्गइ ॥१००॥
 ॥ त्ति वेमि ॥

॥ पचमज्जयणस्स पिडेसणाए पढमुद्देसओ समत्तो ॥



॥ पंचममज्जयणं, बीओ उद्देसओ ॥

पडिग्गहं सलिहित्ताणं, लेवमायाए संजए ।
 दुग्गंधं वा सुग्गंधं वा, सव्वं भुजे न छड्डुए ॥१॥
 सेज्जा निसीहियाए, समावन्नो य गोयरे ।
 अयावयट्ठा^१ भोज्जा णं, जइ तेण न सथरे ॥२॥
 तओ कारणमुप्पन्ने, भत्तपाणं गवेसए ।
 विहिणा पुव्वउत्तेण, इमेणं उत्तरेण य ॥३॥
 कालेण निक्खमे भिक्खू, कालेण य पडिक्कमे ।
 अकालं च विवज्जित्ता, काले कालं समायरे ॥४॥
 अकाले चरसि भिक्खू, कालं न पडिलेहसि ।
 अप्पाणं च किलामेसि, सन्निवेसं च गरिहसि ॥५॥
 सइ काले चरे भिक्खू, कुज्जा पुरिसकारियं ।
 अलाभो त्ति न सोएज्जा, तवो त्ति अहियासए ॥६॥^१

१ आयावयट्ठा ।

तहेवुच्चावया पाणा, भत्तट्टाए समागया ।
 तं उज्जुय न गच्छिञ्जा, जयमेव परक्कमे ॥७॥
 गोपरग्गपविट्ठो उ, न निसीएञ्ज कत्थइ ।
 कहं च न पबधेञ्जा, चिट्ठित्ता ण व संजए ॥८॥
 अग्गल फलिह दार, क्वाड वा वि सजए ।
 अवलबिया न चिट्ठेञ्जा, गोयरग्गगओ मूणी ॥९॥
 समण माहण वा वि, किविण वा वणीमग ।
 उवसकमतं भत्तट्टा, पाणट्टाए व सजए ॥१०॥
 त अइक्कमित्तु न पविसे, न चिट्ठे चववुगोयरे ।
 एगतभवक्कमित्ता, तत्थ चिट्ठेञ्ज सजए ॥११॥
 वणीमगस्स वा तस्स, दायगस्सुभयस्स वा ।
 अप्पत्तियं सिया होञ्जा, लहुत्त पवयणस्स वा ॥१२॥
 पडिसेहिए व दिन्ने वा, तओ तम्मि नियत्तिए ।
 उवसंकमेञ्ज भत्तट्टा, पाणट्टाए व सजए ॥१३॥
 उप्पलं पउम वा वि, कुमुय वा मगदतिय ।
 अन्नं वा पुप्फसच्चित्त, त च सलुचिया दए ॥१४॥
 तं भवे भत्तपाण तु, सजयाण अकप्पिय ।
 दितिय पडियाइक्खे, न मे कप्पइ तारिस ॥१५॥
 उप्पल, पउम वा वि, कुमुय वा मगदतिय ।
 अन्नं वा पुप्फसच्चित्त, त च संमदिया दए ॥१६॥
 तं भवे भत्तपाण तु, संजयाण अकप्पिय ।
 दितिय पडियाइक्खे, न मे कप्पइ तारिस ॥१७॥

सालुय वा विरालियं, कुमुयं उप्पलनालियं ।
 मुणालियं सासवनालियं, उच्छुखंडं अनिब्बुडं ॥१५॥
 तरुणगं वा पवालं, रुक्खस्स तणगस्स वा ।
 अन्नस्स वा वि हरियस्स, आमगं परिवज्जए ॥१६॥
 तरुणियं वा छिवाडिं, आमियं भज्जियं सइं ।
 दित्तियं पडियाइक्खे, न मे कप्पइ तारिसं ॥२०॥
 तहा कोलमणुस्सिन्नं^१, वेलुय कासवनालियं ।
 तिलपप्पडगं नीसं, आमगं परिवज्जए ॥२१॥
 तहेव चाउलं पिट्ठं, वियडं वा तत्तनिब्बुडं^२ ।
 तिलपिट्ठपूइपिण्णागं, आमगं परिवज्जए ॥२२॥
 कविट्ठु माउलिंगं च, मूलगं मूलगत्तियं ।
 आम अस्सत्थपरिणयं, मणसा वि न पत्थए ॥२३॥
 तहेव फलमथूणि, बीयमंथूणि जाणिया ।
 बिहेलगं वियालं च, आमगं परिवज्जए ॥२४॥
 समुधाणं चरे भिक्खू, कुलं उच्चावय सया ।
 नीयं कुलमइक्कम्मं, ऊसडं नाभिघारए ॥२५॥
 अदीणो वित्तिमेसेज्जा, न विसीएज्जं पडिए ।
 अमुच्छिओ भोयणम्मि, मायन्ने एसणारए ॥२६॥
 बहं परघरे अत्थि, विविहं खाइमसाइमं ।
 न तत्थं पडिओ कुप्पे, इच्छा दिज्जं परो न वा ॥२७॥
 सयणासणवत्थं वा, भत्तपाणं व संजए ।
 अदित्तस्स न कुप्पेज्जा, पच्चक्खे वि य दीसओ ॥२८॥

१ मणस्सिन्न । २ तत्तनिब्बुडं ।

इत्थियं पुरिसं वा वि, डहरं वा महल्लग ।
वदमाण न जाएज्जा, नो य ण फरुस वए ॥२६॥

जे न वदे न से कुप्पे, वदिओ न समुक्कसे ।
एवमन्नेसमाणस्स, सामण्णमणुच्चिट्ठइ ॥३०॥

सिया एगइओ लद्धु, लोभेण विणिगूहइ ।
मा मेय दाइय सत्त, दट्ठूण सयमायए ॥३१॥

अत्तट्ठागुरुओ लुद्धो, बहं पाव पकुव्वइ ।
दुत्तोसओ य से होइ, निव्वण च न गच्छइ ॥३२॥

सिया एगइओ लद्धु, विविह पाणभोयण ।
भद्दग भद्दग भोज्जा, विवण्ण विरसमाहरे ॥३३॥

जाणतु ता इमे समणा, आययट्ठी अय मुणो ।
सतुट्ठो सेवए पत्त, लूहचित्ती सुत्तोसओ ॥३४॥

पूयणट्ठा जसोकामो, माणसंमाणकामए ।
बहं पसवइ पाव, मायात्तल्ल च कुव्वइ ॥३५॥

सुर वा भेरग वा वि, अन्न वा मज्जगं रसं ।
ससक्ख न पिबे भिक्खू, जस सारक्खमप्पणो ॥३६॥

पियए एगओ तेणो, न मे कोइ वियाणइ ।
तस्स पस्सह दोसाइं, निर्याडिं च सुणेह मे ॥३७॥

वट्ठइ सोडिया तस्स, मायामोसं च भिक्खुणो ।
अयसो य अनिव्वणं, सयय च असाहुया ॥३८॥

निच्चुविग्गो जहा तेणो, अत्तकम्मोहिं दुम्मई ।
त्तारिसो मरणंते वि, नाराहेइ संवरं ॥३९॥

आयरिए नाराहेइ, समणे यावि तारिसे ।
 गिहत्था वि णं गरहति, जेण जाणति तारिसं ॥४०॥
 एवं तु अगुणप्पेही, गुणाणं च विवज्जओ ।
 तारिसो मरणंते वि, नाराहेइ सवरं ॥४१॥
 तवं कुव्वइ मेहावी, पणीय वज्जए रस ।
 मज्जप्पमायविरओ, तवस्सी अइउक्कसो ॥४२॥
 तस्स पस्सह कल्लाण, अणेगसाहुपूइय ।
 विउल अत्थसंजुत्तं, कित्तइस्स सुणेह मे ॥४३॥
 एव तु गुणप्पेही, अगुणाण च विवज्जओ ।
 तारिसो मरणते वि, आराहेइ सवर ॥४४॥
 आयरिए आराहेइ, समणे यावि तारिसे ।
 गिहत्था वि ण पूयन्ति, जे ण जाणति तारिस ॥४५॥
 तवतेणे वइतेणे, रूवतेणे य जे नरे ।
 आयारभावतेणे य, कुव्वइ देवकिब्बिसं ॥४६॥
 लद्धूण वि देवत्तं, उववन्नो देवकिब्बिसे ।
 तत्थावि से न याणाइ, किं मे किच्चा इमं फल ॥४७॥
 तत्तो वि से चइत्ताणं, लब्धिही एलमूअय ।
 नरय तिरिक्खजोणं वा, बोही जत्थ सुदुल्लहा ॥४८॥
 एयं च दोसं दद्धूण, नायपुत्तेण भासिय ।
 अणुमाय पि मेहावी, मायामोसं विवज्जए ॥४९॥

सिक्खिऊण भिक्खेसणसोहिं,
 सजयाण बुद्धाण सगासे ।

तत्थ भिवखु सुप्पणिहिइदिए,
 तिव्वलज्जगुणवं विहरेज्जासि ॥५०॥
 ॥ त्ति वेमि ॥

॥ पचमज्भयणस्स पिडेसणाए वीओ उद्देसओ समत्तो ॥



महल्लियायार कहा (धम्मत्थकाम) नामं छट्टमज्भयणं

नाणदसणसपन्नं, संजमे य तवे रय ।
 गणिमागमसपन्न, उज्जाणम्मि समोसठ ॥१॥

रायाणो रायमच्चा य, माहणा अदुव खत्तिया ।
 पुच्छन्ति निहुयप्पाणो, कह मे आयारगोयरो ॥२॥

तेसि सो निहुओ दन्तो, सच्चभूयसुहावहो ।
 सिक्खाए सुसमाउत्तो, आइक्खइ वियक्खणो ॥३॥

हंदि धम्मत्थकामाण, निग्गथाण सुणेह मे ।
 आयारगोयरं भीमं, सयल दुरहिद्वियं ॥४॥

नन्नत्थ एरिस, वुत्तं, जं लोए परमदुच्चर ।
 विउलट्ठाणभाइस्स, न भूय न भविस्सइ ॥५॥

सखुडुगवियत्ताण वाहियाण च जे गुणा ।
 अखंडफुडिया कायव्वा, तं सुणेह जहा तथा ॥६॥

दस अट्ट य ठाणाइ, जाइं वालोऽवरज्भइ ।
 तत्थ अण्णयरे ठाणे, निग्गन्थत्ताओ भस्सइ ॥७॥

वयच्छक्क कायच्छक्क, अकप्पो गिहिभायण ।
 पलियद्धनितेज्जा य, सिणाण सोभवज्जणं ॥८॥

तत्पिमं पढमं ठाणं, महावीरेण देसियं ।
 अहिंसा निउणा दिट्ठु, सव्वभूएमु संजमो ॥१६॥
 जावंति लोए पाणा तसा अदुव थावरा ।
 ते जाणमजाण वा, न हणे नो व घायए ॥१७॥
 सव्वजीवा वि इच्छंति, जीविउ न मरिञ्जितं ।
 तम्हा पाणवहं घोरं, निग्गथा वज्जयंति णं ॥१८॥
 अप्पणट्ठा परट्ठा वा, कोहा वा जइ वा भया ।
 हिंसण न सुत्त वूया, नो वि अन्नं वयावए ॥१९॥
 मुत्तावाओ य लोगंनि, सव्वत्ताहूहि गरहिओ ।
 अविस्सातो य भूयाणं, तम्हा ओसं विवज्जए ॥२०॥
 चित्तमतमचित्त वा, अप्पं वा जइ वा बहुं ।
 वंततोहणमेत्त पि, ओग्गहसि अजाइया ॥२१॥
 तं अप्पणा न नेण्हति, नो वि निग्गहावए परं ।
 अन्नं वा निग्गहमाणं पि, नाणुजाणंति संजया ॥२२॥
 अवंभचरियं घोरं, पमायं दुरहिट्ठियं ।
 नायरंति मुणी लोए, भेयाययणवज्जिणो ॥२३॥
 मूलमेयमहम्मस्स, महादोससमुस्सयं ।
 तम्हा मेहुणसंसणं, निग्गंया वज्जयति णं ॥२४॥
 विडमुब्भेइमं लोण, तेत्तलं सर्पि च फाणियं ।
 न ते सन्निहिमिच्छंति, नायपुत्तवओरया ॥२५॥
 लोहस्सेत्त अणुप्फासो, मन्ने अन्नयरामवि ।
 जे सिया सन्निहीकामे गिही, पव्वइए न से ॥२६॥

ज पि वत्थ व पाय वा, कबल पायपुच्छण ।
त पि सजमलज्जुट्ठा, धारति परिहरति य ॥२०॥
न सो परिग्गहो वुत्तो, नायपुत्तेण ताइणा ।
मुच्छा परिग्गहो वुत्तो, इइ वुत्त महेसिणा ॥२१॥
सव्वत्थुवहिणा बुद्धा, सरक्खणपरिग्गहे ।
अवि अप्पणो वि देहमि, नायरति ममाइय ॥२२॥
अहो निच्चं तवोकम्म, सव्वबुद्धेहिं वणिणय ।
जा य लज्जासमा वित्ती, एगभत्त च भोयण ॥२३॥
संतिमे सुहुमा पाणा, तसा अदुव थावरा ।
जाइं राओ अपासतो, कहमेसणियं चरे ॥२४॥
उदउल्ल बीयसंसत्त, पाणा निव्वड्डिया मंहि ।
दिआ ताइ विवज्जेज्जा, राओ तत्थ कह चरे ॥२५॥
एय च दोसं दट्ठूण, नायपुत्तेण भासिय ।
सव्वाहार न भु जति, निग्गथा राइभोयण ॥२६॥
पुढविकायं न हिंसति, मणसा वयस कायसा ।
तिविहेण कण्णजोएण, संजया सुसमाहिया ॥२७॥
पुढविकाय विहिसतो, हिंसइ उ तयस्सिए ।
तसे य विविहे पाणे, चक्खुसे य अचक्खुसे ॥२८॥
तम्हा एय विद्याणित्ता, दोस दुग्गइवड्ढण ।
पुढविकायसमारभ, जावज्जीवाए वज्जए ॥२९॥
आउकाय न हिंसति, मणसा वयसाकायसा ।
तिविहेण करण जोएण, सजया सुसमाहिया ॥३०॥

आउकायं विहंसंतो हिंसइ उ तयस्सिए ।
 तसे य विविहे पाणे. चक्खुसे य अचक्खुसे ॥३१॥
 तम्हा एयं वियाणित्ता, दोस दुग्गइवड्डणं ।
 आउकायसमारभं, जावज्जीवाए वज्जए ॥३२॥
 जायतेयं न इच्छंति, पावगं जलइत्तए ।
 तिक्खमन्तयरं सत्थ, सव्वओ वि दुरासयं ॥३३॥
 पाडणं पडिणं वा वि, उड्ढ अणुदिसामवि ।
 अहे दाहिणओ वा वि, दहे उत्तरओ वि य ॥३४॥
 भूयाणमेत्तमाघाओ, हव्ववाहो न सत्तओ ।
 तं पईवपयावट्टा, संजया किञ्चि नारभे ॥३५॥
 तम्हा एय वियाणित्ता दोसं दुग्गइवड्डणं ।
 तेउकायसमारंभं, जावज्जीवाए वज्जए ॥३६॥
 अनिलत्तस समारंभं. बुद्धा मन्तति तारिस ।
 सावज्जबहुलं चेयं, नेयं तार्हीहि सेविय ॥३७॥
 तालियटेण पत्तेण, साहाविहुयणेण वा ।
 न ते वीइउमिच्छति, वीयावेऊण वा परं ॥३८॥
 जं पि वत्थ व पाय वा, कंवल पायपुंछणं ।
 न ते वायमुईरंति, जयं परिहरति य ॥३९॥
 तम्हा एयं वियाणित्ता, दोसं दुग्गइवड्डणं ।
 वाउकायसमारभं, जावज्जीवाए वज्जए ॥४०॥
 वणस्सइं न हिंसति, मणसा वयसाकायसा ।
 तिविहेण करणजोएण, संजया नुसमाहिया ॥४१॥

वणस्सइ विहिसतो, हिंसइ उ तयस्सिए ।
तसे य विविहे पाणे, चक्खुसे य अचक्खुसे ॥४२॥

तम्हा एय वियाणित्ता, दोसं दुग्गइवड्ढणं ।
वणस्सइ समारभ, जावल्लीवाए वज्जए ॥४३॥

तसकाय न हिंसति, मणसा वयसाकायसा ।
तिविहेण करणजोएण, सजया सुसमाहिया ॥४४॥

तमकाय विहिसतो, हिंसइ उ तयस्सिए ।
तसे य विविहे पाणे, चक्खुसे य अचक्खुसे ॥४५॥

तम्हा एय वियाणित्ता, दोसं दुग्गइवड्ढणं ।
तसकायसमारभ, जावल्लीवाए वज्जए ॥४६॥

जाइं चत्तारिऽभोज्जाइ, इसिणाहारमाइणि ।
ताइ तु विवज्जन्तो, संजमं अणुपालए ॥४७॥

पिडं सेज्जं च वत्थं च, चउत्थं पायमेव य ।
अकप्पियं न इच्छेज्जा, पडिगाहेज्जं कप्पिय ॥४८॥

जे नियगं ममायति, कीयमुद्देसियाहडं ।
वहं ते समणुजाणति, इइ वुत्तं महेसिणा ॥४९॥

तम्हा असणपाणाइं, कीयमुद्देसियाहड ।
वज्जयंति ठियप्पाणो, निग्गथा धम्मजीविणो ॥५०॥

कसेसु कसपाएसु, कु डमोएसु वा पुणो ।
भुंजंतो असणपाणाइ, आयरा परिभस्सइ ॥५१॥

सीओदगसमारंभे, मत्तधोयणच्छड्डणे ।
जाइ छंणति भूयाइ, दिट्ठो तत्थ असजमो ॥५२॥

पच्छाकम्म पुरेकम्म, सिया तत्थ न कप्पइ ।
 एयमहुं न भुंजति, निग्गथा गिहिभायणे ॥५३॥

आसदीपलियकेसु, मचमासालएसु वा ।
 अणायरियमज्जाणं. आसइत्तु सइत्तु वा ॥५४॥

नासदीपलियकेसु, न निसेज्जा न पीढए ।
 निग्गथाऽपडिलेहाए, बुद्धवुत्तमहिट्ठगा ॥५५॥

गभीरविजया एए, पाणा दुप्पडिलेहगा ।
 आसंदीपलियको य एयमहुं विवज्जिया ॥५६॥

गोयरग्गपविट्ठस्स, निसेज्जा जस्स कप्पइ ।
 इमेरिसमणायारं, भावज्जइ अबोहियं ॥५७॥

विवत्ती बभचेरस्स, पाणाणं च वहे वहो ।
 वणीमगपडिग्घाओ, पडिकोहो अगारिण ॥५८॥

अगुत्ती बंभचेरस्स, इत्थीओ वा वि सकण ।
 कुसीलवड्ढण ठाणं, दूरओ परिवज्जए ॥५९॥

तिण्हमन्नयरागस्स, निसेज्जा जस्स कप्पइ ।
 जराए अभिभूयस्स. वाहियस्स तवस्सिणो ॥६०॥

वाहिओ वा अरोगी वा. सिणाणं जो उ पत्थए ।
 वुक्कतो होइ आयारो, जढो हवइ संजमो ॥६१॥

संतिमे सुहुमा पाणा, घसासु भिलुगासु य ।
 जे उ भिवखू सिणायतो, वियडेणुप्पलावए ॥६२॥

तम्हा ते न सिणायति, सीएण उसिणेण वा ।
 जावल्लीव वय घोर, असिणाणमहिट्ठगा ॥६३॥

सिणाणं अदुवा कक्क, लोद्धं पउमगाणि य ।
 गायस्सुव्वट्टेणट्टाए, नायरति कयाइ वि ॥६४॥
 नगिणस्स वा वि मुंडस्स, दीहरोमनहसिणो ।
 मेहुणा उवसंतस्स, किं विभूसाए कारिय ॥६५॥
 विभूसावत्तिय भिक्खू, कम्म बन्वइ चिक्कणं ।
 ससारसायरे घोरे, जेण पडइ दुरुत्तरे ॥६६॥
 विभूसावत्तियं चेय, बुद्धा मन्नति तारिस ।
 सावज्जबहुल चेय, नेय ताईहि सेविय ॥६७॥

खवेति अप्पाणममोहदसिणो ।

तवे रया सजमअज्जवे गुणे ।

घुणति पावाइ पुरेकडाइ ।

नवाइ पावाइ न ते करेति ॥६८॥

सओवसता अममा अकिचणा

सविज्जविज्जाणुगया जससिणो ।

उउप्पसन्ने विमले व चदिमा

सिद्धि विमाणाइ उवेति ताइणो ॥६९॥ त्ति बेमि ॥

॥ छट्ट महिल्लियायारकहज्भयण समत्त ॥

वक्कसुद्धी नामं सत्तममज्भयणं

चउण्ह खलु भासाण परिसखाय पण्णव ।

दोण्ह तु विणय सिक्खे, दो न भासेज्ज सव्वसो ॥१॥

जा य सच्चा अवत्तन्वा, सच्चा मोसा य जा मुसा ।

जा य बुद्धेहिणाइण्णा, न त भासेज्ज पन्नव ॥२॥

असच्चमोस सच्च च, अणवज्जमककस ।
 समुप्पेहससदिद्धं, गिरं भासेज्ज पन्नवं ॥३॥
 एय च अट्टमन्न वा, जं तु नामेइ सासयं ।
 स भासं लच्चमोस पि, त पि धीरो विवज्जए ॥४॥
 वित्तहं पि तहामुत्ति, ज गिर भासए नरो ।
 तम्हा सी पृट्ठो पावेणं, किं पुण जो मुस वए ॥५॥
 तम्हा गच्छामो वक्खामो, अमुगं वा णे भविस्सइ ।
 अहं वा णं करिस्सामि, एसो वा ण करिस्सइ ॥६॥
 एवमाइ उ जा भासा, एस्सकालम्मि संकिया ।
 संपयाईयमट्ठे वा, त पि धीरो विवज्जए ॥७॥
 अईयम्मि य कालम्मि, पच्चुप्पन्नमणागए ।
 जमट्ठं तु न जाणेज्जा, एवमेयं ति नो वए ॥८॥
 अईयम्मि य कालम्मि, पच्चुप्पन्नमणागए ।
 जत्थ सका भवे त तु, एवमेयं ति नो वए ॥९॥
 अईयम्मि य कालम्मि, पच्चुप्पन्नमणागए ।
 निस्सकिय भवे ज तु, एवमेयं ति तिहिसे ॥१०॥
 तहेव फरुता भासा, गुरुभूओवघाइणी ।
 सच्चा वि सा न वत्तवा, जओ पावस्स आगमो ॥११॥
 तहेव काण काणे त्ति, पडग पंडणे त्ति वा ।
 वाहियं वा वि रोगि त्ति, तेण चोरे त्ति नो वए ॥१२॥
 एएणन्नेण अट्ठेण, परो जेणुवहम्मइ ।
 आयारभावदोसन्नू, न त भासेज्ज पन्नव ॥१३॥

तहेव होले गोले त्ति, साणे वा वसुले त्ति य ।
 दमए वूहए वा वि, न' त भासेज्ज पन्नव ॥१५॥
 अज्जिए पल्लिए वा वि, अम्मो माउसिए त्ति य ।
 पिउसिए भाइणेज्ज त्ति, धुए नत्तुणिए त्ति य ॥१५॥
 हले हले त्ति अन्ने त्ति, भट्टे सामिणि गोमिणि ।
 होले गोले वसुले त्ति, इत्थिय नेवमालवे ॥१६॥
 नामधेज्जेण ण ब्रूया, इत्थीगोत्तेण वा पुणो ।
 जहारिहमभिगिज्झ, आलवेज्ज लवेज्ज वा ॥१७॥
 अज्जए पज्जए वा वि, वप्पो च्चुलपिउ त्ति य ।
 माउला भाइणेज्ज त्ति, पुत्ते नत्तुणिय त्ति य ॥१८॥
 हे हो हले त्ति अन्ने त्ति, भट्टे सामिय गोमिय ।
 होल गोल वसुले त्ति, पुरिस नेवमालवे ॥१९॥
 नामधेज्जेण ण ब्रूया, पुरिसगोत्तेण वा पुणो ।
 जहारिहमभिगिज्झ, आलवेज्ज लवेज्ज वा ॥२०॥
 पच्चिदियाण पाणाण, एस इत्थी अय पुम ।
 जाव ण न विजाणेज्जा, ताव जाइ त्ति आलवे ॥२१॥
 तहेव माणुस पसु, पक्खि वा वि सरीसव ।
 थूले पमेइले वज्झे, पायमिस्सि य नो वए ॥२२॥
 परिवूढत्ति ण ब्रूया, ब्रूया उवचिए त्ति य ।
 सजाए पीणिए वा वि, महाकाए त्ति आलवे ॥२३॥
 तहेव गाओ दोज्झाओ, दम्मा गोरहण त्ति य ।
 वाहिमा रहजोग्गत्ति, नेव भासेज्ज पन्नव ॥२४॥

जुवं गवे त्ति ण ब्रूया, घेणुं रसदयत्ति य ।
 रहस्ते महत्तए वा वि, वए संवहणे त्ति य ॥२५॥
 तहेव गतुमुज्जाण, पव्वयाणि वणाणि य ।
 रुक्खा महल्ल पेहाए, नेवं भासेज्ज पन्नवं ॥२६॥
 अल पासायखभाणं, तोरणाण गिहाण य ।
 फलिहग्गलतावाणं, अल उदगदोणिण ॥२७॥
 पीढए चगवेरे य, नगले मइयं सिया ।
 जन्तल्लट्ठी व नाभी वा, गडिया वा अल सिया ॥२८॥
 आसण सयण जाण, होज्जा वा किंचुवत्सए ।
 भूओवघाईणि भास, नेव भासेज्ज पन्नवं ॥२९॥
 तहेव गतुमुज्जाण, पव्वयाणि वणाणि य ।
 रुक्खा महल्ल पेहाए, एवं भासेज्ज पन्नव ॥३०॥
 जाइमता इमे रुक्खा, दीहवट्ठा महालया ।
 पयायत्ताला विडिमा, वए दरिसणित्ति य ॥३१॥
 तथा फलाइ पक्काइं, पायखज्जाइ नो वए ।
 वेलोइयाइ टालाइं, वेहिमाइं त्ति नो वए ॥३२॥
 असथडा' इमे अबा, बहुनिव्वडिमा' फला ।
 वएज्ज बहुसंभूया, भूयरुवत्ति वा पुणो ॥३३॥
 तहेवोत्तहीओ पक्काओ, नीलियाओ छवी इ य ।
 लाइमा भज्जिमाओ त्ति, पिहुखज्जत्ति नो वए ॥३४॥
 रुढा बहुसंभूया, थिरा ऊत्तढा वि य ।
 गन्धिभयाओ पसुयाओ, ससाराओ त्ति आलवे ॥३५॥

१. असंघडा २. निव्वडिमा ।

तहेव सख्खिं नञ्जा, किच्च कज्ज ति नो वए ।
तेणग वा वि वज्जे त्ति, सुत्तित्थे त्ति य आवगा ॥३६॥

सख्खिं सख्खिं ब्रूया, पणियट्ठत्ति तेणग ।
बहुसमाणि तित्थाणि, आवगाण वियागरे ॥३७॥

तहा नईओ पुण्णाओ, कायतिज्जत्ति नो वए ।
नावाहि तारिमाओ त्ति, पाणिपेज्जत्ति नो वए ॥३८॥

बहुवाहडा अगाहा, बहुसलिलुप्पिलोदगा ।
बहुवित्थडोदगा यावि, एव भासेज्ज पन्नव ॥३९॥

तहेव सावज्ज जोगं, परस्सट्ठाए निट्ठिय ।
कीरमाण ति वा नच्चा, सावज्ज नालवे मुणी ॥४०॥

सुकडे त्ति सुपक्के त्ति, सुच्छिन्ने सुहडे मडे ।
सुनिट्ठिए सुलट्ठे ति सावज्ज वज्जए मुणी ॥४१॥

पयत्तपक्कत्ति व पक्कमालवे,
पयत्तच्छिन्नत्ति व छिन्नमालवे ।

पयत्तलट्ठत्ति व कम्महेउय,
पहारगाढत्ति व गाढमालवे ॥४२॥

सव्वुक्कस परगघ वा, अउलं नत्थि एरिस ।
अच्चक्कियमवत्तव्वं, अच्चियत्त चेव नो वए ॥४३॥

सव्वमेय वइस्सामि, सव्वमेय ति नो वए ।
अणुवीइ सव्व सव्वत्थ, एव भासेज्ज पन्नव ॥४४॥

सुक्कीय वा सुविककीय, अकिज्ज किज्जमेव वा ।
इम गेण्ह इम मुच्च, पणिय नो वियागरे ॥४५॥

अप्पग्घे वा महग्घे वा, कए वा विक्कए वि वा ।
 पणियट्ठे समुप्पन्ने, अणवज्ज विद्यागरे ॥४६॥
 तहेवासजय धीरो, आस एहि करेहि वा ।
 सय चिट्ठ वयाहि त्ति, नेव भासेज्ज पन्नव ॥४७॥
 बहवे इमे असाहू, लोए वुच्चति साहुणो ।
 न लवे असाहुं नाहु त्ति, साहुं साहुत्ति आलवे ॥४८॥
 नाणदसणसंपन्नं, संजमे य तवे रय ।
 एव गुणसमाउत्तं, संजयं साहुमालवे ॥४९॥
 देवाण मणुयाण च, तिरियाणं च बुग्गहे ।
 अमुयाणं जम्भो होउ, मा वा होउ त्ति नो वए ॥५०॥
 वाओ वुट्ठं व सीउण्ह खेम धायं सिवं त्ति वा ।
 कया णु होज्जा एयाणि मा वा होउ त्ति नो वए ॥५१॥
 तहेव मेहं व णहं व माणव,
 न देव देव त्ति गिरं वएज्जा ।
 संमुच्छिए उन्नए या पओए,
 वएज्ज वा वुट्ठ बलाहय त्ति ॥५२॥
 अन्तलिक्ख त्ति णं बूया, गुज्झाणुचरिय त्ति य ।
 रिद्धिमंतं नर दिस्स, रिद्धिमंतं ति आलवे ॥५३॥
 तहेव सावज्जणुमोयणी गिरा
 ओहारिणी जा य परोवघाइणी ।
 से कोह लोहा भय हास माणवो,
 न हासमाणो वि गिरं वएज्जा ॥५४॥
 १ कोहलोहमयसाव माणवो ।

सुवक्कसुद्धि समुपेहिया मुणी,
 गिर च दुट्ठं परिवज्जए सया ।
 मिय अद्दुट्ठ अणुचीइ भासए,
 सयाण मज्झे लहइ पससण ॥५५॥
 भासाए दोसे य गुणे य जाणिया,
 तीसे य दुट्ठे परिवज्जए सया ।
 ' छसु सजए साम्भणिए सया जए,
 वएज्ज बुद्धे हियमाणुलोमिय ॥५६॥
 परिक्खभासो सुसमाहिइदिए,
 चउक्कसायावगए अणित्तिए ।
 'सनिद्धणे धुन्नमल' पुरेकड,
 अमाराहए लोगमिण तहा पर ॥५७॥ त्ति केमि ॥
 ॥ सत्तम वक्कसुद्धी अज्भयण समत्त ॥

आयारपणिहिनाम अट्टममज्भयण

आयारपणिहिं लद्धु, जहा कायव्व भिक्खुणा ।
 त भे उदाहरिस्सामि, आणुपुर्व्वि सुणेहे मे ॥१॥
 पुढवि-दग-अगणि-मारुध^१-तणरुक्ख-सबीयगा ।
 तसा य पाणा जीव त्ति, इइ वुत्त महेसिणा ॥२॥
 तेसि अच्छणजोएण, निच्च होयच्चय सिया ।
 मणसा कायवक्केण, एव भवइ सजए ॥३॥
 पुढविं भित्तिं सिलं लेलु नेव भिन्दे न संलिहे ।
 त्तिविहेण करणजोएण, सजए सुसमाहिए ॥४॥

सुद्धपुढवीए न निमीए,ससरक्वम्मि य आसणे ।
 पमज्जित्तु निसीएज्जा, जाइत्ता जस्स उग्गहं ॥५॥
 सीओदगं न सेवेज्जा, सिलावुट्ठं हिमाणि य ।
 उसिणोदग तत्तफासुयं. पडिगाहेज्ज संजए ॥६॥
 उदउल्ल अप्पणो कायं, नेव पुंछे न सलिहे ।
 समुप्पेह तहामूयं, नो णं संघट्टए मुणी ॥७॥
 इंगालं अगणिं अच्चि, अलायं वा सजोइयं ।
 न उंजेज्जा न घट्टेज्जा, नो णं निव्वावए मुणी ॥८॥
 तालियटेण पत्तेण, साहाए विहुणेण वा ।
 न वीएज्ज अप्पणो कायं, बाहिर वा वि पोग्गल ॥९॥
 तणरुक्ख न छिंदेज्जा, फल मूलं व कस्सइ ।
 आमग विविहं वीय, मणसा वि न पत्थए ॥१०॥
 गहणेसु न चिट्ठेज्जा, बीएसु हरिएसु वा ।
 उदगमि तहा निच्च, उत्तिंगपणगेसु वा ॥११॥
 तसे पाणे न हिसेज्जा, वाया अट्टुव कम्मणा ।
 उवरओ सव्वभूएसु, पासेज्ज विविह जग ॥१२॥
 अट्टु सुहुमाइ पेहाए, जाइं जाणित्तु सजए ।
 दयाहिगारी भूएसु, आस चिट्ठु सएहि वा ॥१३॥
 कयराइ अट्टु सुहुमाइं ? जाइ पुच्छेज्ज संजए ।
 इमाइ ताइ मेहावी, आइक्खेज्ज वियक्खणे ॥१४॥
 सिणेहं पुप्फसुहुमं च, पाणुत्तिंग तहेव य ।
 पणग वीयहरिय च, अडसुहुम च अट्टुम ॥१५॥

एवमेयाणि जाणित्ता, सव्वभावेण सजए ।
 अप्पमत्ते जए निच्च, सव्विदियसमाहिए ॥१६॥
 धुव च पडिलेहेज्जा, जोगसा पायकम्बल ।
 सेज्जमुच्चारभूमि च, सथार अद्रुवासण ॥१७॥
 उच्चार पासवण, खेल सिंघाणजल्लिय ।
 फासुय पडिलेहिता, परिट्ठावेज्ज सजए ॥१८॥
 पविसित्त परागार, पाणट्ठा भोयणस्स वा ।
 जयं चिट्ठे मिय भासे, न य रूवेसु मणं करे ॥१९॥
 बहं सुणेइ कण्णेहिं, बहं अच्छीहिं पेच्छइ ।
 न य दिट्ठ सुय सव्व, भिक्खू अक्खाउमरिहइ ॥२०॥
 सुय वा जइ वा दिट्ठं, न लवेज्जोवघाइय ।
 न य केण उवाएणं, गिहिजोगं समायरे ॥२१॥
 निट्ठाणं रसनिज्जूढ, भद्दग पावग ति वा ।
 पुट्ठो वा वि अपुट्ठो वा, लाभालाभ न निदिसे ॥२२॥
 न य भोयणम्मि गिद्धो, चरे उछ अयपिरो ।
 अफासुयं न भुजेज्जा, कीयमुहेसियाहड ॥२३॥
 सन्निहिं च न कुव्वेज्जा, अणुमाय पि सजए ।
 मुहाजीवी असवद्धे, हवेज्जा जगनिस्सिए ॥२४॥
 लूहवित्ती सुसंतुट्ठे, अप्पिच्छे सुहरे सिया ।
 आसुरत्त न गच्छेज्जा, सोच्चा ण जिणसासण ॥२५॥
 कण्णसोक्खेहिं सद्देहिं, पेमं नाभिनिवेसए ।
 दारुणं कक्कस फास, काएण अहियासए ॥२६॥
 खुहं पिवास दुस्सेज्ज, सीउण्ह अरई भय ।
 अहियासे अन्वहिओ, देहदुक्खं महाफल ॥२७॥

अत्थंगयमि आइच्चे, पुरत्था य अणुगाए ।
 आहारमाइय सव्व, मणसा वि न पत्थए ॥२८॥
 अतित्तिणे अचवले, अप्पभासी मियासणे ।
 हवेज्ज उयरे दन्ते, थोवं लद्ध न खिसए ॥२९॥
 न बाहिर परिभवे, अत्ताणं न समुक्कसे ।
 सुयलाभे न मज्जेज्जा, जच्चा तवस्सिर्वाद्धिए ॥३०॥
 से जाणं अजाणं वा, कट्टु आहम्मियं पय ।
 संवरे खिप्पमप्पाणं, बीय त न ममायरे ॥३१॥
 अणायारं परवक्कम्म, नेव गूहे न निणह्वे ।
 सुई सया वियडभावे, अससत्ते जिइदिए ॥३२॥
 अमोहं वयणं कुज्जा, आयरियस्स महप्पणो ।
 तं परिगिज्झ वायाए, कम्मूणा उववायए ॥३३॥
 अघुवं जीवियं नच्चा, सिद्धिमग्ग वियाणिया ।
 विणियट्ठेज्ज भोगेसु, आउ परिमियमप्पणो ॥३४॥
 बलं थाम च पेहाए, सद्धमारोग्गमप्पणो ।
 खेत्त कालं च विन्नाय, तहप्पाण न जुंजए ॥३५॥
 जरा जाव न पीलेइ, वाही जाव न वड्डुइ ।
 जाविंदिया न हायति, ताव धम्मं समायरे ॥३६॥
 कोहं माणं च मायं च, लोभ च पाववड्डुणं ।
 वमे चत्तारि दोसे उ, इच्छतो हियमप्पणो ॥३७॥
 कोहो पीइं पणासेइ, माणो विणयनासणो ।
 माया मित्ताणि नासेइ, लोहो सव्वविणासणो ॥३८॥
 उवसमेण हणे कोह, माण मह्वया जिणे ।
 माय चञ्जवभावेणं, लोभं संतोसओ जिणे ॥३९॥

कोहो य माणो य अणिग्गहीया,
 माया य लोभो य पवड्डुमाणा ।
 चत्तारि एए कसिणा कसाया,
 सिच्चति मूलाइपुणढभवस्स ॥४०॥
 राइणिएसु विणय पउजे,
 धुवसील सययं न यावइज्जा ।
 कुम्मो व्व अल्लीणपलीणगुत्तो,
 परक्कमेज्जा तवसज्जमम्मि ॥४१॥
 तिहं च न बहु मन्नेज्जा, सप्पहास विवज्जए ।
 मिहो क्कहाहि न रमे, सज्जायम्मि रओ सया ॥४२॥
 जोगं च समणधम्मम्मि, जुंजे अणलसो धुव ।
 जुत्तो य समणधम्मम्मि, अहं लहइ अणुत्तर ॥४३॥
 इहलोगपारत्तहिय, जेण गच्छइ सोग्गइं ।
 बहुसुय पज्जुवासेज्जा, पुच्छेज्जत्थविणिच्छयं ॥४४॥
 हत्थं पायं च काय च, पणिहाय जिइंदिए ।
 अल्लीणगुत्तो निसिए, सगासे गुरुणो मुणी ॥४५॥
 न पक्खओ न पुरओ, नेव किच्चाण पिट्ठओ ।
 न य ऊरु समासेज्जा, चिट्ठेज्जा गुरुणन्तिए ॥४६॥
 अपुच्छिओ न भासेज्जा, भासमाणस्स अन्तरा ।
 पिट्ठिमंसं न खाएज्जा, मायामोस विवज्जए ॥४७॥
 अप्पत्तियं जेण सिया, आसु कुप्पेज्ज वा परो ।
 सव्वसो तं न भासेज्ज, भास अहियगामिणि ॥४८॥

दिट्ठं मियं असंदिद्धं, पडिपुण्ण वियं जियं ।
 अयपिरमणुव्विग्गं, भासं नित्तिर अत्तव ॥४६॥
 आयारपन्नतिधरं, दिट्ठिवायमहिज्जगं ।
 वायविवखलिय नञ्जा, न तं उवहसे मुणी ॥५०॥
 नक्खत्त सुमिण जोगं, निमित्तं मन्तभेसजं ।
 गिहिणो तं न आइक्खे. भूयाहिगरणं पयं ॥५१॥
 अन्नट्ठ पगड लयणं, भएज्जा सयणासणं ।
 उच्चारभूमिसंपन्नं, इत्थोपसुविवज्जियं ॥५२॥
 विवित्ता य भवे सेज्जा, नारीणं न लवे कहं ।
 गिहिसयव न कुज्जा, कुज्जा साहूहि संथव ॥५३॥
 ज्जहा कुक्कुडपोयस्स, निच्चं कुललओ भयं ।
 एवं खु बभयारिस्स, इत्थोविग्गहओ भयं ॥५४॥
 चित्तभित्ति न निज्झाए, नारिं वा सुअलंकियं ।
 भक्खरं पिव दट्ठूण, दिट्ठि पडिसमाहरे ॥५५॥
 हत्थपायपडिच्छिन्नं, कण्णनासविकप्पियं ।
 अवि वाससइं नारिं, बंभयारी विवज्जए ॥५६॥
 विभूसा इत्थिससग्गो, पणीयरसभोयणं ।
 नरस्सत्तगवेसिस्स, विसं तालउडं जहा ॥५७॥
 अंगपच्चंगसंठाणं, चारुल्लवियपेहियं ।
 इत्थीण त न निज्झाए, कामरागविवड्डुणं ॥५८॥
 विसएसु मणुन्नेसु, पेमं नाभिनिवेसए ।
 अणिच्च तेसिं विन्नाय, परिणामं पोग्गलाण य ॥५९॥
 पोग्गलाण परिमाण, तेत्ति नच्चा जहा तथा ।
 विणीयतण्हो विहरे, सीईभूएण अप्पणा ॥६०॥

जाए सद्धाए निक्खतो, परियायद्वाणमुत्तम ।
तमेव अणुपालेज्जा, गुणे आयरियसम्मए ॥६१॥

तवं चिम सजमजोगयं च,
सज्भायजोग च सया अहिट्ठए ।
सूरे व सेणाए समत्तमाउहे,
अलमप्पणो होइ अल परेसि ॥६२॥

सज्भायसज्भाणरयस्स ताइणो,
अपावभावस्स तवेरयस्स ।
विसुज्झई ज से' मल पुरेकड,
समीरियं रूपमलं व जोइणा ॥६३॥

से तारिसे दुक्खसहे जिइदिए,
सुएण जुत्ते अममे अकिचणे ।
विरायई कम्मघणम्मि अवगाए,
कसिणढभपुडावगमे व चन्दिमे ॥६४॥ त्ति बेमि ॥

॥ अट्टम आयारप्पणिही अज्भयण समत्त ॥

विणयंसमाही नामं णवममज्भयण—पढमो उद्देसओ

थंभा व कोहा व मयप्पमाया
गुरुस्सगासे विणय न सिक्खे ।
सो चेव ऊ तस्स अमूइभावो,
फल व कीयस्स वहाय होइ ॥१॥

जे यावि मंदित्ति गुरुं विइत्ता,
 डहरे इमे अप्पसुए त्ति नच्चा ।
 हीलंति मिच्छं पडिवज्जमाणा,
 करंति आसायण ते गुरुण ॥२॥
 पगईए मन्दा वि भवंति एगे,
 डहरा वि य जे सुयबुद्धोववेया ।
 आयारमता गुणसुट्टियप्पा,
 जे हीलिया सिंहिरिव भास कुज्जा ॥३॥
 जे यावि नागं डहरं ति नच्चा,
 आसायए से अहियाय होइ ।
 एवारियं पि हु हीलयंतो,
 नियच्छइ जाइपहं खु मन्दे ॥४॥
 आसीविसो यावि परं सुरुट्टो,
 किं जीवनासाउ परं नु कुज्जा ।
 आयरियपाया पुण अप्पसन्ना,
 अवोहिआसायण नत्थि मोक्खो ॥५॥
 जो पावग जलियमवज्जमेज्जा,
 आसीविस वा वि हु कोवएज्जा ।
 जो वा विस खायइ जीवियट्टो,
 एसोवमाऽऽसायणया गुरुणं ॥६॥
 सिया हु से पावय नो डहेज्जा,
 आसीविसो वा कुविओ न भक्खे ।
 सिया विसं हालहलं न मारे,
 न यावि मोक्खो गुरुहीलणाए ॥७॥

जो पव्वय सिरसा भेत्तुमिच्छे,
 सुत्तं व सीह पडिबोहएज्जा ।
 जो वा दए सत्तिअग्गे पहारं,
 एसोवमाऽऽसायणया गुरूणं ॥८॥

सिया हं सीसेण गिरिं पि भिंदे,
 सिया हु सीहो क्खुविओ न भक्खे ।
 सिया न भिंदेज्ज व सत्तिअग्ग,
 न यावि मोक्खो गुरुहीलणाए ॥९॥

आयरियपाया पुण अप्पसन्ना,
 अबोहिआसायण नत्थि मोक्खो ।
 तम्हा अणाबाहसुहाभिकखो,
 गुरुप्पसायाभिमुहो रमेज्जा ॥१०॥

जहाहियग्गी जलण नमसे,
 नाणाहुईमंतपयाभिसित्तं ।
 एवायरियं उवचिद्वएज्जा,
 अणतनाणोवगओवि सतो ॥११॥

जस्सतिएवम्मपयाइ सिक्खे,
 तस्सतिए वेणइय पउजे ।
 सक्कारए सिरसा पजलीओ,
 कायगिरा भो मणसा य निच्चं ॥१२॥

लज्जा-दया-संजम-बभचेर,
 कल्लाणभागिस्स विसोहिठाण ।
 जे मे गुरू सययमणुसासयति,
 ते ह गुरू सयय पूययामि ॥१३॥

जहा निसते तवणञ्चिमाली,
 पभासइ केवलभारह तु ।
 एवारिओ सुयसीलबुद्धिए,
 विरायई सुरमज्जे व इदो ॥१४॥

जहा ससी कोमुइजोगजुत्तो,
 नखत्ततारागणपरिवुडप्पा ।
 खे सोहइ विमले अढभमुक्के,
 एव गणी सोहइ भिक्खुमज्जे ॥१५॥

महागरा आयरिया महेसी,
 समाहिजोगे सुयसीलबुद्धिए ।
 सपाविउकामे अणुत्तराइ,
 आराहए तोसए धम्मकामी ॥१६॥

सोच्चाण मेहावि सुभासियाइ,
 सुस्सुसए आयरियऽप्पमत्तो ।
 आराहइत्ताण गुणे अणगे,
 सो पावई सिद्धिमणुत्तर ॥१७॥ त्ति बेमि ॥

॥ णवमअञ्जयणस्स विणयसमाहीए पढमो उद्देसओ समत्तो ॥

णवममञ्जयणं—बीओ उद्देसओ

मूलाओ खधप्पभवो दुमस्स,
 खंधाउ पच्छा समुवेति साहा ।
 साहप्पसाहा विरुहति पत्ता,
 तओ से पुप्फ च फल रसो य ॥१॥

एव धम्मस्स विणओ, मूल परमो से मोक्खो ।
 जेण किंत्ति सुय सिग्घ, निस्सेस चाभिगच्छइ ॥२॥
 जे य चडे मिए थद्धे, दुव्वाई नियडी सढे ।
 वुज्झइ से अविणीयप्पा, कट्ट सोयगयं जहा ॥३॥
 विणय पि जो उवाएण, चोइओ कुप्पइ नरो ।
 दिव्व सो सिरिमेज्जन्ति, दडेण पडिसेहए ॥४॥
 तहेव अविणीयप्पा उववज्झा हया गया ।
 दीसंति दुहमेहता, अभियोगमुवट्ठिया ॥५॥
 तहेव सुविणीयण्ण, उववज्झा हया गया ।
 दीसति सुहमेहता, ईड्ढि पत्ता महायसा ॥६॥
 तहेव अविणीयप्पा, लोगसि नरनारिओ ।
 दीसति दुहमेहंता, छाया ते विर्गालदिया' ॥७॥
 दंडसत्थपरिज्जुण्णा, असब्भवयणेहि य ।
 कलुणा विवन्नच्छदा, खुप्पिवासाइपरिगया ॥८॥
 तहेव सुविणीयप्पा, लोगसि नरनारिओ ।
 दीसति सुहमेहता, ईड्ढि पत्ता महायसा ॥९॥
 तहेव अविणीयप्पा, देवा जक्खा य गुज्झगा ।
 दीसति दुहमेहता, आभियोगमुवट्ठिया ॥१०॥
 तहेव सुविणीयप्पा, देवा जक्खा य गुज्झगा ।
 दीसति सुहमेहता, ईड्ढि पत्ता महायसा ॥११॥
 जे आयरियउवज्झायाण, सुस्सुसावयणंकरा ।
 तेसि सिक्खा पवड्ढंति, जलसित्ता इव पायवा ॥१२॥

अप्पणद्धा परद्धा वा, तिप्पा नेउणियणि य ।
 गिहिणो उवभोगद्धा, इहलोगस्स कारणा ॥१३॥
 जेण वंधं वहं घोरं, परियाव च दारुणं ।
 सिक्खमाण नियच्छंति, जुत्ता ते ललिइंदिया ॥१४॥
 ते वि तं गुरुं पूयंति, तस्स तिप्पस्स कारणा ।
 सक्कारंति णमंसन्ति, तुट्ठा निद्देसवत्तिणो ॥१५॥
 किं पुण जे सुयग्गाही, अणन्तहियकामए ।
 आयरिया जं वए भिक्खू, तम्हा तं नाइवत्तए ॥१६॥
 नीयं सेज्जं गइं ठाणं, नीयं च आसणाणि य ।
 नीयं च पाए वंदेज्जा, नीयं कुज्जा य अंजलि ॥१७॥
 संघट्टइत्ता काएणं, तहा उवहिणाःमवि ।
 खमेह अवराहं मे, वएज्ज न पुणो ति य ॥१८॥
 दुग्गओ वा पओएणं, चोइओ वहइ रहं ।
 एवं दुवुद्धि किच्चवाणं, वृत्तो वृत्तो पकुब्बइ ॥१९॥
 आलवते लवते वा, न निसेज्जाए पडिस्सुणे ।
 मोत्तूणं आसणं धीरो, तुस्सुसाए पडिस्सुणे ॥२०॥
 कालं छंदोदयारं च, पडिलेहित्ताण हेउहिं ।
 तेहिं तेहिं उवाएहिं, तं तं संपडिवायए ॥२१॥
 विवत्ती अविणीयस्स, संपत्ती विणियस्स य ।
 जस्सेयं दुहओ नार्यं, सिक्खं ते अभिगच्छइ ॥२२॥
 जे यावि चण्डे मइइड्डिगारवे,
 पिसुणे नरे साहस हीणपेसणे ।
 अदिट्ठवम्मे विणए अकोविए,
 असंविभागी न हु तस्स मोक्खो ॥२३॥

णिद्देसवत्ती पुण जे गुरुणं,
 सुयत्यधस्मा विणयमि कोविया ।
 तरित्तु ते ओहमिणं दुरुत्तरं,
 खवित्तु कम्म गइमुत्तम गया ॥२४॥ त्ति बेमि ॥

॥ णवमअज्जभयणस्स विणयसमाहीए विइओ उद्देसगो समत्तो ॥

णवमअज्जभयणं, तइओ उद्देसओ

आयरियमग्गिमाहियगी,
 सुस्ससमाणो पडिजागरिज्जा ।
 आलोइयं इंगियमेव नच्चा,
 जो छन्दमाराहयई स पुज्जो ॥१॥
 आयारमट्ठा विणयं पउजे,
 सुस्ससमाणो परिगिज्जक वक्कं ।
 जहोवइट्ठं अभिकखमाणो,
 गुरुं तु नासाययई स पुज्जो ॥२॥
 राइणिएसु विणयं पउजे,
 डहरा वि य जे परियाय जिट्ठा ।
 नीयत्तणे वट्टइ सच्चवाई,
 ओचायव वक्ककरे स पुज्जो ॥३॥
 अन्नायउच्छं चरई विसुद्ध,
 जवणट्टया समुयाण च निच्चं ।
 अलद्धुयं नो परिदेवएज्जा,
 लद्धं न विकत्ययई स पुज्जो ॥४॥
 संथारसेज्जासणभत्तपाणे,

जो एवमप्याणभितोसएज्जा, ' '
 सतोसपाहन्नरए स पुज्जो ॥५॥
 सक्का सहेउ आसाइ कंटया,
 अओमया उच्छहया नरेणं ।
 अणासए जो उ सहेज्ज कंटए,
 वईमए कण्णसरे सपुज्जो ॥६॥
 मुहुत्तदुक्खा उ हवंति कंटया,
 अओमया ते वि तओ सुउद्धरा ।
 वायादुरुत्ताणि दुरुद्धराणि,
 वेराणुबंधीणि महवभयाणि ॥७॥
 समावयंता वयणाभिघाया,
 कण्णं गया दुम्मणियं जणंति ।
 धम्मो त्ति किञ्चा परमग्गसूरे,
 जिइदिए जो सहई स पुज्जो ॥८॥
 अवण्णवायं च परंमुहस्स,
 पच्चक्खओ पडिणीय च भासं ।
 ओहारिणि अप्पियकारिण च,
 भास न भासेज्ज सया स पुज्जो ॥९॥
 अलोलुए अक्कुहए अमाई,
 अपिसुणे यांवि अदीणवित्ती ।
 नो भावए नो वि य भावियप्पा,
 अकोउहल्ले य सया स पुज्जो ॥१०॥
 गुणेहि साहू अगुणेहिस्साहू
 गिण्हाहि साहूगुण मुच्चस्साहू ।
 वियाणिया अप्पगमप्पएण,
 जो रागदोसेहिं समो स पुज्जो ॥११॥

तहेव डहरं व महल्लग वा,
 इत्थी पुम पव्वइय गिहिं वा ।
 नो हीलए नो वि य खिसएज्जा,
 थभं च कोह च चए स पुज्जो ॥१२॥
 जे माणिया सयय माणयति,
 जत्तेण कन्न व निवेसयति ।
 ते माणए माणरिहे तवस्सी,
 जिइदिए सच्चरए स पुज्जो ॥१३॥
 तेसि गुरुण गुणसागराण,
 सोच्चाण मेहावि सुभासियाइ ।
 चरे मुणी पंचरए तिगुत्तो,
 चउक्कसायावगए स पुज्जो ॥१४॥
 गुरुमिह सयय पडियरिय मुणी,
 जिणवयनिउणे' अ भिगमकुसले ।
 धुणिय रयमलं' पुरेकड,
 भासुरमउलं गइं गए' ॥१५॥ त्ति बेमि ॥

॥ णवमअञ्जयणस्स विणयसमाहीए तइओ उद्देसओ समत्तो ॥

णवममञ्जयणं, चउत्थो उद्देसओ

सुयं मे आउसं ! तेण भगवया एवमक्खाय—इह खलु थेरेहिं
 भगवतेहिं चत्तारि विणयसमाहिट्ठाणा पणत्ता ।

कयरे खलु ते थेरेहिं भगवतेहिं चत्तारि विणयसमाहिट्ठाणा
 पणत्ता ?

इमे खलु ते थेरेहिं भगवतेहिं चत्तारि विणयसमाहिट्ठाणा
 पणत्ता तं ज्ञहा—विणयसमाही, सुयसमाही, तवसमाही, आयार-

१ मयनिउणे २. वए

समाही ।

विणए सुए तवे य आयारे णिच्च पंडिया ।

अभिरामयंति अप्पाणं जे भवति जिइदिया ॥१॥

चउव्विहा खलु विणयसमाही भवइ. त जहा—अणुसासि-
ज्जन्तो सुस्सूसइ, सम्म सपडिवज्जइ, वेयमाराहयइ, न य भवइ
अत्तसपग्गहिए चउत्थ पयं भवइ । भवइ य एत्थ सिलोगोः—

पेहेइ हियाणुसासणं सुस्सूसइ त च पुणो अहिट्टए ।

न य माणमएण मज्जइ वियणसमाही आययट्टए ॥२॥

चउव्विहा खलु सुयसमाही भवइ, त जहा—सुय मे भविस्सइ
त्ति अज्ज्हाइयव्व भवइ, एगग्गचित्तो भविस्सामि त्ति अज्ज्हाइयव्वं
भवइ, अप्पाण ठावइस्सामि त्ति अज्ज्हाइयव्व भवइ, ठिओ परं
ठावइस्सामि त्ति अज्ज्हाइयव्वं भवइ, चउत्थ पयं भवइ । भवइ य
एत्थ सिलोगोः—

नाणमेगग्गचित्तो य ठिओ य ठावइ परं ।

सुयाणि य अहिज्जित्ता रओ सुयसमाहिए ॥३॥

चउव्विहा खलु तवसमाही भवइ, तं जहा—नो इहलोग-
ट्टयाए तवमहिट्टेज्जा, नो परलोगट्टयाए तवमहिट्टेज्जा, नो कित्ति-
वण्णसद्दसिलोगट्टयाए तवमहिट्टेज्जा, नन्तय निज्जरट्टयाए तवमहि-
ट्टेज्जा चउत्थ पयं भवइ । भवइ य एत्थ सिलोगोः—

विविहगुणतवोरए य निच्चं,

भवइ निरासए निज्जरट्टिए ।

तवसा धुणइ पुराणपावगं,

जुत्तो सया तवसमाहिए ॥४॥

चउव्विहा खलु आयारसमाही भवइ, त जहा—नो इहलोग-
ट्टयाए आयारमहिट्टेज्जा, नो परलोगट्टयाए आयारमहिट्टेज्जा, नो

कित्तिवण्णसद्दसिलोगट्टयाए आयारमहिट्ठेज्जा, नन्नत्य आरहन्तेहिं हेअहिं आयारमहिट्ठेज्ज। चउत्थ पय भवइ । भवइ य एत्थ सिलोगोः—

जिणवयणरए अतितणे,
 पडिपुण्णाययमाययट्ठिए ।
 आयारसमाहिसंनुडे
 भवइ य दते भावसवए ॥५॥
 अभिगम चउरो समाहिओ,
 सुविसुद्धो सुसमाहियप्पओ ।
 विउलहिय सुहावह पुणो,
 कुव्वइ सो पयखेमप्पणो ॥६॥
 जाइमरणाउ मुच्चइ,
 इत्थथ च चएइ सव्वसो ।
 सिद्धे वा भवइ सासए,
 देवो वा अप्परए महिड्ठिए ॥७॥ त्ति वेमि ॥

॥ णवम विणयसमाही अञ्जयणं समत्त ॥

सभिकखू नाम दसम अञ्जयणं
 निकखम्ममाणाइ अ बुद्धवयणे,
 णिच्चं चित्तसमाहिओ हवेज्जा ।
 इत्थाण वसं न यावि गच्छे,
 वत नो पडियायइ जे स भिकखू ॥१॥
 पुढावि न खणे न खणावए,
 सीओदग न पिए न पिवावए ।
 अगणिसत्थ जहा सुनिसिय,
 त न जले न जलावए जे स भिकखू ॥२॥

अनिलेप न वीए न वीयावए.
 हरियाणि न छिन्दे न छिन्दावए ।
 वीयाणि सया विवृण्यन्तो.
 मञ्चितं नाहारए जे स भिक्खू ॥३॥
 वट्ठण तत्तयावराणं होइ.
 पुडवीतणक्कट्टनिस्तियाणं ।
 म्हा उट्टेसियं न भुंजे,
 नो वि पए न पयावए जे स भिक्खू ॥४॥
 रोइय नायपुत्तवयणे.
 अप्पसमे' म्नेत्तु छप्पि काए ।
 पच्च व फाले महव्वयाइं,
 पञ्चासवत्तंवरए जे स भिक्खू ॥५॥
 चत्तारि वमे सया कसाए,
 पुव्वलोगी य हवेत्तु बुद्धवयणे ।
 अहणे निज्जायत्वरयए,
 गिहिजोगं परिवृण्णए जे स भिक्खू ॥६॥
 सम्मदिट्ठी सया अमूडे.
 अत्थि ह्हा नाणे तवे संजमे य ।
 तवत्ता घुणइ पुराणपावगं,
 मणवयकायसुसंबुडे जे स भिक्खू ॥७॥
 तहेव असणं पाणगं वा,
 विविहं चाइमत्ताइमं लभित्ता ।
 होही अट्ठो तुए परे वा,
 तं न निहे न निहावए जे स भिक्खू ॥८॥

तहेव असणं पाणग वा,
 विविह खाइमसाइम लभित्ता ।
 छदिय साहम्मियाण भुंजे,
 भोच्च! सज्भायरए य जे स भिक्खू ॥९॥
 न य वुग्गहिय कह कहिञ्जा,
 न य कुप्पे निहुइदिए पसते ।
 सजमधुवजोगजुत्ते,^१
 उवसते अविहेडए जे स भिक्खू ॥१०॥
 जो सहइ हु गामकण्टए,
 अक्कोसपहारतज्जणाओ य ।
 भयभेरवसद्दसप्पहासे,
 समसुहुदुक्खसहे य जे स भिक्खू ॥११॥
 पडिम पडिवज्जिया मसाणे,
 नो भोयए भयभेरवाइं दिस्स ।
 विविहगुणतवोरए य निच्च,
 न सरोरं चाभिकखइ जे स भिक्खू ॥१२॥
 असइ वोसट्टचत्तदेहे,
 अक्कुट्टे व हए व लूसिए वा ।
 पुढविसमे मुणी हवेज्जा,
 अनियाणे अकौउहल्ले य जे स भिक्खू ॥१३॥
 अभिभूय काएण परीसहाइ,
 समुद्धरे जाइपहाउ अप्पय ।
 विइत्तु [जाइमरण महब्भय,
 तवे रए सामणिए जे स भिक्खू ॥१४॥

१. संजमे धुव जोगेण जुत्ते ।

हत्यसंजए पायसचए,
 वायसजए सजइदिए ।
 अज्भप्परए सुसमाहियप्पा,
 सुत्तत्थ च वियाणइ जे स भिक्खू ॥१५॥
 उवहिम्मि अमुच्छिए अगिद्धे,
 अन्नायउच्छ पुलनिप्पुलाए ।
 कयविककयसन्निहिओ विरए,
 सब्वसंगावगए य जे स भिक्खू ॥१६॥
 अलोल भिक्खू न रसेसु गिद्धे,
 उच्छ चरे जीविय नाभिकखी ।
 इड्ढि च सक्कारण पूयण च,
 चए ठियप्पा आणिहे जे स भिक्खू ॥१७॥
 न परं वएज्जासि अयं कुसीले,
 जेणन्तो कप्पेज्ज न त वएज्जा ।
 जाणिय पत्तेय पुण्णपाव,
 अत्ताण न समुक्कसे जे स भिक्खू ॥१८॥
 न जाइमत्ते न य रुवमत्ते,
 न लाभमत्ते न सुएण मत्ते ।
 मयाणि सब्वाणि विवज्जयतो,
 धम्मज्झाणरए य जे स भिक्खू ॥१९॥
 पवेयए अज्जपय महामुणी,
 धम्मे ठिओ ठावयइ परं पि ।
 निवखम्म वज्जेज्ज कुसीलीगं,
 न यावि हासकुहए जे स भिक्खू ॥२०॥
 तं देहवास असुइ असासयं,
 सया चए निच्चहियट्ठियप्पा ।

छिदित्तु जाईमरणस्स बघण,
उवेइ भिक्खू अपुणागम गइं ॥२१॥ त्ति वेमि ॥

॥ सभिक्खू अज्झयण दसम समत्त ॥

अहरइवक्का चूलिया पठमा

इह खलु भो पव्वइएण उप्पन्नदुक्खेण सजमे अरइसमा-
वन्निचित्तेण ओहाणुप्पेहिणा अणोहाइएण चेव हयरस्सिगय-
कुसपोयपडागाभूयाइ इमाइ अट्टारस ठाणाइ सम्म सपडिलेहियव्वाइं
भवन्ति । तं जहा—

ह भो दुस्समाए दुप्पजीवी ॥१॥

लहुस्सगा इत्तरिया गिहीण कामभोगा ॥२॥

भुज्जो य साइबहुला मणुत्सा ॥३॥

इम च मे दुक्ख न चिरकालोवट्ठाई भविस्सइ ॥४॥

ओमजणपुरक्कारे ॥५॥

वतस्स य पडिआयण ॥६॥

अहरगइवासोवसंपया ॥७॥

दुल्लभे खलु भो ! गिहीण घम्मे गिहिवासमज्जे वसताण ॥८॥

आयके से वहाय होइ ॥९॥

सकप्पे से वहाय होइ ॥१०॥

सोवक्केसे गिहिवासे निरुवक्केसे परियाए ॥११॥

बधे गिहिवासे मोक्खे परिमाए ॥१२॥

सावज्जे गिहिवासे अणवज्जे परियाए ॥१३॥

बहुसाहारणा गिहीण कामभोगा ॥१४॥

पत्तयं पुण्णपाव ॥१५॥

अणिच्च खलु भो मणुयाण जीविए कुसग्गजलंबिदुच्चंचले ॥१६॥

बहं च खलु भो ! पाव कम्मं पगडं ॥१७॥

पावाणं च खलु भो कडाणं कम्माण पुर्व्वि दुच्चण्णाणं दुप्प-
डिवकंतारणं वेयइत्ता मोक्खो, नत्थि अवेयइत्ता, तवसा वा
भोसइत्ता । अठारसमं पय भवइ ॥१८॥ भवइ य एत्थ सिलोगोः—

जया य चयइ धम्म, अणञ्जो भोगकारणा ।
से तत्थ मुच्छिण्णं बाले, आयइ नाववुज्झइ ॥१॥

जया ओहाविओ होइ, इदो वा पडिओ छमं ।
सव्वधम्मपरिबभट्टो स, पच्छा परितप्पइ ॥२॥

जया य वंदिमो होइ, पच्छा होइ अवदिमो ।
देवया व चुया ठाणा, स पच्छा परितप्पइ ॥३॥

जया य पूइमो होइ, पच्छा होइ अपूइमो ।
राया व रज्जुपब्भट्टो, स पच्छा परितप्पइ ॥४॥

जया य माणिमो होइ, पच्छा होइ अमाणिमो ।
सेट्ठिव्व कब्बडे बूडो, स पच्छा परितप्पइ ॥५॥

जया य थेरओ होइ समइक्कंतजोव्वणो ।
मच्छोव्वगलं गिलित्ता स पच्छा परितप्पइ ॥६॥

जया य कुकुडबस्स कुतत्तीहिं विहम्मइ ।
हत्थी व बघणे बद्धो स पच्छा परितप्पइ ॥७॥

पुत्तदारपरिकिण्णो मोहसताणसंतओ ।
पंकीसन्नो जहा नागो स पच्छा परितप्पइ ॥८॥

अज्ज याहं गणी हुंतो भावियप्पा बहुस्सुओ ।
जइइहं रमतो परियाए सामण्णे जिणदेसिए ॥९॥

देवलोसमाणो उ परियाओ महेसिण ।
स्याण अरयाणं च महानरयसारिसो ॥१०॥

अमरोवम जाणियं सोख्खमुत्तम,
 रयाण परियाए तहारयाण ।
 निरयोवम जाणिय दुक्खमुत्तम,
 रमेज्ज तम्हा परियाए पडिए ॥११॥
 धम्माउ भट्ट सिरिओ अवेय,
 जन्नगियविज्जायमिवप्पतेय ।
 हीलति ण दुव्विहिय कुसीला,
 दाड्ढिदुय घोरविसं व नाग ॥१२॥
 इहेवऽधम्मो अयसो अकित्ती,
 दुन्नामधेज्ज च पिहुज्जणम्मि ।
 चुयस्स धम्माओ अहम्मसेविणो,
 सभित्तवित्तस्स य हेट्ठओ गई ॥१३॥
 भुजित्तु भोगाइ पसज्ज चयेसा,
 तहाविह कट्ठु असजम वहु ।
 गइ च गच्छे अणभिज्जिअय दुह,
 बोही य से नो सुलभा पुणोपुणो ॥१४॥
 इमस्स ता नेरइयस्स जतुणो,
 दुहोवणीयस्स किलेसवत्तिणो ।
 पलिओवमं भिज्जइ सागरोवम,
 किमग पुण मज्ज इम मणोदुह ? ॥१५॥
 न मे चिर दुक्खमिण भविस्सइ,
 असासया भोगपिवास जतुणो ।
 न चे सरीरेण इमेणऽवेस्सइ,
 अवेस्सई जीवियपज्जवेण मे ॥१६॥

जस्सेवमप्पा उ हवेज्ज निच्छिग्रो,
 चएज्ज देहं न उ धम्मसासणं ।
 तं तारिसं नो पयलेन्ति इन्दिया,
 उविन्तवाया त सुट्ठसण गिरिं ॥१७॥

इत्थेव ॥ संपस्सिय बुद्धिम नरो,
 श्राय उवाय विविहं वियाणिया ।
 काएण वाया अद्दु माणसेण,
 तिगुत्तिगुत्तो जिणवयणमहिट्ठिज्जासि ॥१८॥ त्ति वेमि ॥
 ॥ रइवक्का पढमा चूलिया समत्ता ॥

विवत्त चरिआ णामा बीया चूलिया

चूलिय तु पवक्खामि सुय केवलिभासिय ।
 जं सुणित्तु सपुज्जाण धम्मे उत्पज्जए मई ॥१॥
 अणुसोयपट्टिए बहुजणम्मि, पडिसोयटाद्धलदखेणं ।
 पडिसोयमेव अप्पा, दायव्वो होउकामेणं ॥२॥
 अणुसोयसुहो लोगो, पडिसोओ आसवो सुविहियाण ।
 अणुसोओ संसारो, पडिसोओ तस्स उत्तारो ॥३॥
 तम्हा आयारपरक्कमेण, संवरसमाहिबहुलेणं ।
 चरिया गुणा य नियमा य, होति साहूण दट्ठुवा ॥४॥
 अणिएयवासो समुयाणचरिया,
 अन्नायउंछं पइरिक्कया य ।
 अप्पोवही कलहविवज्जणा य,
 विहारचरिया इसिणं पसत्था ॥५॥

आइण्णओमाणविवज्जणा य,
 ओसन्नदिट्ठाहडभत्तपाणे ।
 संसट्ठकप्पेण चरेज्ज भिक्खू,
 तज्जायससट्ठ जई जएज्जा ॥६॥
 अमज्जमंसासि अमच्छरीया,
 अभिक्खण निक्खिगइ गया य
 अभिक्खणं काउस्सग्गकारी,
 सज्झायजोगे पयओ हवेज्जा ॥७॥

न पडिन्नवेज्जा सयणासणाइ,
 सेज्ज निसेज्ज तह भत्तपाण ।
 गामे कुले वा नगरे व देसे,
 ममत्तभावं न कंहिचि कुज्जा ॥८॥
 गिहिणो वेयावडिय न कुज्जा,
 अभिवायण वदण पूयणं वा ।
 असंकिलिट्ठेहि सम वसेज्जा,
 मुणी चरित्तस्स जओ न हाणी ॥९॥

न या लभेज्जा निउणं सहायं,
 गुणाहिय वा गुणओ समं वा ।
 एकको वि पावाइं विवज्जयतो,
 विहरेज्ज कामेसु असज्जमाणो ॥१०॥

सवच्छरं चावि पर पमाण,
 बीयं च वासं न तहि वसेज्जा ।
 सुत्तस्स मग्गेण चरेज्ज भिक्खू,
 सुत्तस्स अत्थो जह आणवेइ ॥११॥

जो पुव्वरत्तावररत्तकाले,
 संपेहई अप्पगमप्पएण ।
 किं मे कडं किं च मे किञ्चसेस,
 किं सक्कणिञ्जं न समायरामि ॥१२॥
 किं मे परो पासइ किं च अप्पा,
 किं चाह खलिय न विवज्जयामि ।
 इच्चेव सम्म अणुपासमाणो,
 अणागयं नो पडिबध कुञ्जा ॥१३॥
 जत्थेव पासे कइ दुप्पउत्तं,
 काएण वाया अद्दु माणसेणं ।
 तत्थेव धीरो पडिसाहरेज्जा,
 आईण्णओ खिप्पामिव वखलीण ॥१४॥
 जस्सेरिसा जोग जिइदियस्स,
 धिईमओ सप्पुरिसस्स निच्चं ।
 तमाहु लोए पडिदुद्धजीवी,
 सो जीवई सजमजीविएण ॥१५॥
 अप्पा खलु समय रक्खियन्वो,
 सन्विदिएहि सुसमाहिएहि ।
 अरक्खिओ जाइपह उवेइ,
 सुरक्खिओ सन्वदुहाण मुच्चइ ॥१६॥त्ति वेमि॥
 ॥ बीया चूलिया समत्ता ॥



❀ स्वाध्याय-माला ❀



श्री सुखविपाक सूत्रम्

(१) तेणं कालेणं तेणं समएणं रायगिहे णाम णयरे होत्था ।
रिद्धित्थिमियसमिद्धे । गुणसिलए चेइए । सुहम्मे अणगारे समो-
सडे । जंबू जाव पज्जुवासमाणे एव वयासी—जइ णं भते ! सम-
णेण भगवया महावीरेण जाव सपत्तेण दुहविवागाण अयमट्टे
पण्णत्ते, सुहविवागाण भन्ते ! समणेण भगवया महावीरेण
जाव सपत्तेणं के अट्टे पण्णत्ते ? तए ण से सुहम्मे अणगारे
जंबू अणगार एव वयासी—एव खलु जंबू ! समणेणं भगवया
महावीरेण जाव सपत्तेण सुहविवागाण दस अज्झयणा पण्णत्ता ।
त जहा—

सुबाहूँ, भद्दंदीँ य सुजाएँ य, सुवासवेँ, तहेव जिणदासेँ ।

धणवईँ य महब्बलेँ, भद्दंदीँ महच्चन्देँ वरदत्तेँ ॥

जइ ण भते ! समणेण भगवया महावीरेणं जाव संपत्तेणं
सुहविवागाण दस अज्झयणा पण्णत्ता, पडमस्स णं भन्ते ।
अज्झयणस्स सुहविवागाण समणेण भगवया महावीरेण जाव
संपत्तेणं के अट्टे पण्णत्ते ? तए ण से सुहम्मे अणगारे जंबू-
अणगार एव वयासी—एव खलु जंबू ! तेण कालेण, तेण समएण
हत्थिसीसे णाम णयरे होत्था, रिद्धित्थिमियसमिद्धे । तत्थ ण
हत्थिसीसस्स णयरस्स बहिया उत्तरपुरत्थिमे दिसीभाए

एत्थ णं पुप्फकरडए णाम उज्जाणे होत्था । सव्वोउयपुप्फफलसमिद्धे, रम्मै, नदणवणप्पगासे, पासाईए ४ । तत्थ णं कयवणमालपियस्स जक्खस्स जक्खायतणे होत्था, दिव्वै० ।

तत्थ णं हत्थिसीसे णयरे अदीणसत्त् नामं राया होत्था । महया हिमवन्त रायवण्णओ । तस्स ण अदीणसत्तुस्स रण्णो धारिणीपामोक्ख देवीसहस्स ओरोहे यावि होत्था । तए ण सा धारिणी देवी अन्नया कयाइ तसि तारिसगसि वासभवणंसि सीहं सुमिणे पासति, जहा मेहजम्मणं तहा भाणियव्व । णवर सुबाहुकुमारे जाव अल भोगसमत्थ यावि जाणति, जाणित्ता अम्मापियरो पंच पासायवडिसगसयाइ करेति, अब्भुग्गयमूसियपहसिए विव भवणं । एव जहा महब्बलस्स रण्णो । णवर पुप्फचूलापामोक्खारणं पच्चण्ह रायवरकण्णासयाण एगदिवसेण पाणिं गेण्हावेन्ति । तहेव पच्चसइओ दाओ जाव उप्पि पासायवरगते फुट्टमाण जाव विहरति । तेण कालेण तेण समएण समणे भगव महावीरे समोसढे । परिसा निग्गया । अदीणसत्तु जहा कोणिए निग्गए । सुबाहुकुमारे त्रि जहा जमाली तहा रहेण निग्गए । जाव धम्मो कहिओ । राया परिसा पडिगया ।

तए ण से सुबाहुकुमारे समणस्स भगवओ महावीरस्स अतिए धम्मं सोच्चा निसम्म हट्टतुट्टे उट्टाए उट्टेइ, जाव एव वयासी—सद्दहामिं ण भन्ते ! निग्गथ पावयण, जाव जहा णं देवाणुप्पियाण अतिए बह्वे राईसरसत्थवाहपभइउ मुडे भवित्ता आगाराओ अणगारिय पव्वइया, नो खलु अह तहा सच्चाएमि मुडे भवित्ता आगाराउ अणगारियं पव्वइत्तए । अह ण देवाणुप्पियाण अतिए पच्चाणुव्वयाइ सत्तसिक्खावयाइ-दुवालसविह-गिहिधम्म पडिवज्जामि । अहासुह देवाणुप्पिया ! मा पडिबध करेह ।

तए ण से सुबाहुकुमारे समणस्स भगवओ महावीरस्स अतिए पंचाणुव्वयाइ सत्तसिक्खावयाइ पडिवज्जइ, पडिवज्जइत्ता तमेव रह् दुरूहइ, दुरूहिता जामेव दिस पाउब्भूए, तामेव दिस पडिगए । तेण कालेण तेण समएण समणस्स भगवओ महावीरस्स जेट्ठे अंतेवासी इदभूर्इ णाम अणगारे जाव एव वयासी—

अहो ण भन्ते ! सुबाहुकुमारे इट्ठे, इट्ठरूवे १, कते, कतरूवे २, पिये, पियरूवे ३, मणुन्ते, मणुन्नरूवे ४, मणामे, मणामेरूवे ५, सोमे सुभगे, पियदसणे, सुरूवे, बहुजणस्सवि य ण भन्ते ! सुबाहुकुमारे इट्ठे, इट्ठरूवे ५, सोमे जाव सुरूवे । साहुजणस्सवि य ण भन्ते ! सुबाहु कुमारे इट्ठे, इट्ठरूवे ५, जाव सुरूवे । सुबाहुणा भन्ते ! कुमारेण इमे एयारूवा उराला माणुस्सरिद्धी किण्णा लद्धा, किण्णा पत्ता, किण्णा अभिसमण्णागया ? को वा एस आसी जाव किं नामए वा, किं गोत्तए वा, किं वा दञ्जा, किं वा भोज्जा, किं वा समायरित्ता, कस्स वा तहारूवस्स समणस्स वा अंतिए एगमवि आयरिय धम्मिय सुवयण सोञ्जा जेण इमे एयारूवा माणुस्सरिद्धी लद्धा, पत्ता अभिसमण्णागया ?

एवं खलु गोयमा ! तेण कालेणं तेण समएण, इहेव जब्बहीवे दीवे, भारहे वासे, हत्थिणाउरे णाम णयरे रिद्धित्थिमियसमिद्धे वण्णओ । तत्थ ण हत्थिणाउरे णयरे सुमुहे णाम गाहाचई परिवसइ, अइडे, दित्ते जाव अपरिभूए । तेण कालेण तेण समएण धम्मघोसे णाम थेरे जाइसपन्ने जाव पच्चहिं समणसएहिं सद्धि सपरिवुडे, पुव्वाणुपुवि चरमाणे, गामाणुगाम वूइज्जमाणे, जेणेव हत्थिणाउरे णयरे, जेणेव सहस्सबवणे उज्जाणे, तेणेव उवागच्छइ, उवागच्छित्ता अहापडिरूव उग्गह उग्गिपहइ, उग्गिण्हित्ता सजमेण तवसा अघ्वाण भावेमाणे विहरइ ।

तेण कालेण, तेण समएणं धम्मघोसाणं थेराण अंतेवासो-
 सुदत्ते णामं अणगारे उराले जाव तेउलेसे मास मासेण खम-
 माणे विहरइ । तए ण सुदत्ते अणगारे मासखमणपारणगंसि
 षढमाए पोरिसीए सञ्चार्यं करेइ । जहा गोयम तहेव धम्म-
 घोसं थेरं आपुच्छइ, जाव अडमाणे सुमुहस्स गाहावइस्स
 गिह अणुपविट्ठे । तए णं से सुमुहे गाहावई सुदत्तं अणगार एज्ज-
 माणं पासइ, पासित्ता हट्टतुट्ठे आसणाउ अब्भुट्ठेइ, अब्भुठित्ता पाय-
 पीढाउ पञ्चोरुहइ, पञ्चोरुहित्ता पाउयाउ ओमुयति, ओमुइत्ता एगसाडिय
 उत्तरासंग करेइ, करित्ता सुदत्त अणगारं सत्तट्टपयाइ अणुगच्छइ,
 अणुगच्छित्ता तिक्खुत्तो आयाहिण पयाहिण करेइ करित्ता वंदइ णम-
 सइ, नमंसित्ता जेणैव भत्तघरे तेणैव उवागच्छइ, उवागच्छित्ता
 सयहत्थेण त्रिउलं असण पाण खाइमं साइम पडिलाभिस्सामि
 त्ति कट्टु, तुट्ठे, पडिलाभेमाणे वि तुट्ठे, पडिलाभिए त्ति तुट्ठे ।

तए णं तस्स सुमुहस्स गाहावइस्स तेणं दव्वसुद्धेण,
 वायगसद्धेणं, पडिगाहयसुद्धेणं तिविहेणं तिकरणसुद्धेण सुदत्ते
 अणगारे पडिलाभिए समाणे ससारे परित्तोकए, मणुस्साउए
 निदद्धे, गिहसि य से इमाइ पंच दिव्वाइ पाउब्भूयाइ —
 तं जहा—वसुहारा वुट्ठा १, दसद्धवण्णे, कुसुमे निव.इए
 २, चेलुक्खेवे कए ३, आहयाओ देवदुंदुहीओ ४, अतरा वि य णं
 आगाससि अहो दाण घुट्ठे य ५ । तए ण हत्थिणाउरे णयरे
 सिघाडग जाव पहेसु बहुजणो अणमणस्स एवमाइक्खइ ४
 धन्नेण देवाणुप्पिया सुमुहे गाहावई जाव त धन्ने ण देवाणु-
 प्पिया सुमुहे गाहावई ।

तए ण से सुमुहे गाहावई बहूइ वासाइं आउय पालेइ,
 पालित्ता कालमासे कालं किञ्चा इहेव हत्थिसीसे णयरे अदीणस-

तत्तूरणो धारिणीए देवीए कुञ्चिसि पुत्ताए उववण्णे । तए ण सा धारिणी देवी सयणिज्जसि सुत्ताजागरा श्रीहीरमाणी २ तहेव सोह पासइ । सेसं त चेव जाव उप्पि पासायवरगए विहरइ । तं एव खलु गोयमा ! सुबाहुणा कुमारेणं इमे एयारूवा माणुस्सरिद्धी लद्धा, पत्ता, अभिसमण्णागया । पभू णं भन्ते । सुबाहुकुमारे देवाणुप्पियाण अंतिए मुंडे भवित्ता आगाराउ अणगारियं पव्वइत्तए ? हंता पभू । तए णं से भगवं गोयमे समणं भगव महावीर वंदइ, णमंसइ, णमसित्ता सजमेणं तवसा अप्पाणं भावेमाणे विहरइ ।

तए ण से समणे भगव महावीरे अणया कयाइ हत्थि-सीसाउ णयराउ पुप्फकरडयाउ उज्जाणाउ कयवणमालप्पियस्स जक्खस्स जक्खायतणाउ पडिनिक्खमइ, पडिनिक्खमिक्खा बहिया जणवय-विहारं विहरइ । तए ण से सुबाहुकुमारे समणोवासए जाए, अभिगयजीवाजीवे जाव पडिलाभेमाणं विहरइ । तए णं से सुबाहुकुमारे अणया कयाइ चाउदसट्टमुदिट्टपुण्णमासिणीसु जेणेव पोसहसाला तेणेव उवागच्छइ, उवागच्छित्ता पोसहसाला पमज्जइ, पमजइत्ता उच्चारपासवण भूमि पडिलेहइ, पडिलेहित्ता दग्गसथारगं सथरेइ, सथरित्ता दग्गसथारग दुरूहइ, दुरूहित्ता अट्टमभत्त पगिण्हइ, पगिण्हित्ता पोसहसालाए पोसहिए अट्टमभत्तिए पोसहं पडिजागरमाणे विहरइ ।

४ तए णं तस्स सुबाहुस्स, कुमारस्स पुव्वरत्तावरत्तकाले धम्मजागरिय जागरमाणस्स इमे एयारूवे अज्भत्थिए ५ समुप्पन्ने—धण्णा ण ते गामागरणगर जाव सन्निवेसा जत्थ णं समणे भगव महावीरे विहरइ ! धन्ना ण ते राईसर जाव सत्थ-वाहपभइउ जे णं समणस्स भगवओ महावीरस्स अंतिए मुंडे भवित्ता आगाराउ अणगारिय पव्वयति ! धन्ना ण ते राईसर-तल-

वर जावसत्य वाह पभइओजेणं समणस्स भगवओ महावीरस्स अंतिए पचाणुव्वइय गिहिधम्म जाव धण्णा ण ते राईसर जाव सत्यवाह पभइउ जेण समणस्स भगवओ महावीरस्स अंतिए धम्मं पडिसुणति । तंजइ णं समणे भगव महावीरे पुव्वाणंपुंवि चरमाणे जाव गामाणु-गाम दूइज्जमाणे इहमागच्छेज्जा जाव विहरेज्जा, तए णं अह समणस्स भगवओ महावीरस्स अंतिए मुंडे भवित्ता जाव पव्वएज्जा ।

तए णं समणे भगवं महावीरे सुबाहुस्स कुमारस्स इमं एयारुव अज्भत्थियं जाव वियाणित्ता पुव्वाणुपुंवि चरमाणे जाव गामाणुगामं दूइज्जमाणे जेणेव हत्थिसीसे णयरे जेणेव पुप्फकरंडे उज्जाणे जेणेव कयवणमालपियस्स जक्खस्स जक्खायतणे तेणेव उवागच्छइ, उवागच्छइत्ता अहापडिरुव उग्गह उगिण्हित्ता संजमेणं तवसा अप्पाण भावेमाणे विहरइ । परिता, राया निग्गया । तए ण तस्स सुबाहुस्स कुमारस्स तं महया जहा पढमं तहा निग्गओ । धम्मो कहिओ परिता राया, पडिगया ।

तए णं से सुबाहुकुमारे समणस्स भगवओ महावीरस्स अंतिए धम्मं सोच्चा निसम्म हट्ट-तट्टे । जहा सेहो तहा अम्मा-पियरे आपुच्छइ । निक्खमणाभिसेओ तहेव जाव अणगारे जाए इरियासमिए जाव गुत्तवंभयारी । तए ण से सुबाहु अणगारे समणस्स भगवओ महावीरस्स तहारुवाण थेराण अंतिए सामाइयमाइयाइ एक्कारस अंगाइ अहिज्जइ, अहिज्जइत्ता बहूहि चउत्थइट्टुम तवोविहाणेहि अप्पाण भावित्ता बहूइ वासाइ सामण्णपरियागं पाउणित्ता मासियाए संलेहणाए अप्पाणं भूसित्ता, सट्ठि भत्ताइं अणसणाए छेदित्ता आलोइय पडिक्कंते समाहिपत्ते कालमासे कालं किच्चा सोहम्मकेप्पे देवत्ताए उववण्ण ।

से ण तस्रो देवलोगास्रो आउवखएणं भवखएणं ठिइ-
 वखएण अणतर चय चइत्ता माणुस्स विग्गह लभिहिइ २ ता
 केवलबोहिं बुज्झिहिइ, २ ता तहारूवाण थेराण अतिए मुडे
 भवित्ता जाव पव्वइस्सइ । से ण तत्थ बहूइ चासाइ सामण-
 परियाग पाउणिहिइ २ ता आलोइय पडिक्कते समाहिपत्ते
 कालमासे काल किच्चा सणंकुमारे कप्पे देवत्ताए उववण्णे । से
 ण तस्रो देवलोगाउ माणुस्स जाव पव्वज्जा । बंभलोए । ततो
 माणुस्स, महासुक्के । ततो माणुस्स आणए देवे । ततो माणुस्स ।
 ततो आरणे । ततो माणुस्स सव्वट्टुसिद्धे ।

से ण तस्रो अणतर चय चइत्ता महाविदेहे वासे जाव
 अट्ठे जहा दढपइन्ने सिज्झिहिति, बुज्झिहिति, मुच्चिहिति, परि-
 निव्वाहिति, सव्वट्टुक्खाणमत करेहिति । एव खलु जब्ब ! सम-
 णेणं भगवया महावीरेण जाव सपत्तेणं सुहविवागाण पढ-
 मस्स अञ्जयणस्स अयमट्ठे पणत्ते, त्तिव्वेमि ।

इइ सुहविवागस्स पढम अञ्जयण समत्त । १ ।

(२) वितियस्स उक्खेवओ । एवं खलु जब्ब ! तेणं कालेण
 तेण समएणं उसभपुरे णाम णयरे थूभकरडग उज्जाणे ।
 धण्णो जक्खो । धणवहो राया सरस्सई देवी । सुमिणदसण,
 कहण, जम्म, बालत्तण, कलाओ य जोवणं पाणिगहणं, दाओ
 यासादा य भोगा य जहा सुबाहुस्स णवर भहनदी कुमारे ।
 सिरीदेवी पामोक्खाणं पच्चसया । सामिस्स समोसरणं । साव-
 गधम्म । पुव्वभव पुच्छा । महाविदेह वासे पुडरिगिणि
 नगरीए विजए कुमारे जुगबाहू तित्थयरे पडिलाभिए माण-
 स्साउए निबद्धे इह उववण्णं । सेस जहा सुबाहुस्स जाव महा-
 विदेहेवासे सिज्झिहिति बुज्झिहिति मुच्चिहिति परिनिव्वाहिति

सव्वदुक्खाणमंतं करेहिति । एवं खलु जब्बू ! समणेणं भग-
वया महावीरेण जाव सपत्तेणं सुहविवागणं वितियस्स अञ्जय-
णस्स अयमद्वे पणत्ते त्तिवेमि ।

इइ सुहविवागस्स वीय अञ्जयणं समत्त । २ ।

(३) तइयस्स उक्खेवओ । वीरपुरे णामं णयरे । मणोरमे
उज्जाण वीरकण्हे जक्खे, मित्ते राया सिरीदेवी सुजाए कुमारे ।
वलसिरी पामोक्खाण पंचसयाकन्ना । सामी समोसरिए ।
पुव्वभव पुच्छा । उसुयारे णयरे उसुदत्ते गाहावई पुप्फदत्ते
अणगारे पडिलाभिए मणस्साउए निवद्धे इह उववण्णे जाव
महाविदेहे वासे सिञ्जिहिति ५ ।

इइ सुहविवागस्स तइय अञ्जयण समत्त । ३ ।

(४) चउत्थस्स उक्खेवओ । विजयपुरे णयरे । गंदणवणं
उज्जाणं, असोगो जक्खो । वासवदत्ते राया । कण्हसिरी देवी ।
सुवासवे कुमारे । भद्दा पामोक्खाणं पंचसया जाव पुव्वभव
पुच्छा कोसंबी णयरी । धणपालो राया । वेसमणभद्दे अणगारे
पडिलाभिए इह उववणं जाव सिद्धे ।

इइ सुहविवागस्स चउत्थं अञ्जयणं समत्त । ४ ।

(५) पंचमस्स उक्खेवओ । सोगधिया णयरी नीलासोगे
उज्जाणं, सुकालो जक्खो । अपडिहय राया, सुकण्हदेवी, मह-
चवे कुमारे । तस्स अरहदत्ता भारिया, जिणदासो पुत्तो ।
तित्थयरागमणं जिणदासो पुव्वभव पुच्छा । मज्झमिया णयरी,
मेहरहे राया । सुधम्मि अणगारे पडिलाभिए जाव सिद्धे ।

इइ सुहविवागस्स पंचमं अञ्जयणं समत्त । ५ ।

(६) छट्टस्स उक्खेवओ । कणगपुरे णयरे सेयासोये उज्जाण । वीरभद्दो जक्खो । पियच्चदे राया । सुभद्दादेवी । वेसमणे कुमारे जुवराया । सिरिदेवी पामोक्खाणं पच्चसया । तित्थय-
रागमणं । घणवई जुवरायपत्ते जाव पुव्वभव पुच्छा । मणिव-
इया णयरी । मित्ते राया संभूइविजय अणगारे पडिलाभिए
जाव सिद्धे ॥ ६ ॥

इइ सुहविवागस्स छट्ट अञ्जयण समत्तं । ६ ।

(७) सत्तमस्स उक्खेवओ । महापुरे णयरे । रत्तासोगे
उज्जाणे । रत्तपाउ जक्खो । बले राया, सुभद्दादेवी, महाबले
कुमारे । रत्तवई पामोक्खाणं पच्चसया । तित्थयरागमणं जाव
पुव्वभव पुच्छा । मणिपुरे णयरे । णागदत्ते गाहावई । इददत्ते
अणगारे पडिलाभिए जाव सिद्धे ।

इइ सुहविवागस्स सत्तम अञ्जयण समत्तं । ७ ।

(८) अट्टमस्स उक्खेवओ । सुघोसे णयरे । देवरमणे उज्जाणे ।
वीरसेणो जक्खो । अज्जुणो राया, रत्तवई देवी, भद्दनदी
कुमारे । सिरिदेवी पामोक्खाणं पच्चसया जाव पुव्वभव पुच्छा ।
महाघोसे णयरे । धम्मघोसे गाहावई । धम्मसीहे अणगारे ।
पडिलाभिए जाव सिद्धे ।

इइ सुहविवागस्स अट्टम अञ्जयण समत्तं । ८ ।

(९) नवमस्स उक्खेवओ । चपा णयरी । पुण्णभद्दे उज्जाणे
पुण्णभद्दो जक्खो । दत्ते राया, रत्तवईदेवी, महचन्दे कुमारे
जुवराया । सिरिकन्ता पामोक्खाणं पच्चसया जाव पुव्वभव
पुच्छा । तिगिच्छा णयरी । जियसत्तुराया धम्मवीरिए अणगारे
पडिलाभिए जाव सिद्धे ।

इइ सुहविवागस्स नवम अञ्जयणं समत्तं । ९ ।

(१०) जइ णं भन्ते । दसमस्स उक्खेवओ । एवं खलु जंबू ।
 तेणं कालेण तेणं समएण साइए णामं णयरे होत्था । उत्तरकुरु
 उज्जाणे, पासामिउ जक्खो । मित्तनंदी राया, सिरीकन्ता देवी,
 वरदत्ते कुमारे । वीरसेणा पामोक्खाणं पच्चदेवी सया । तित्थ-
 यरागमणं, सावगधम्म, पुव्वभव पुच्छा । सयदुवारे णयरे ।
 विमलवाहणे राया । धम्मरुई अणगारे पडिलाभिए, मणुस्सा-
 उए निबद्धे, इह उववण्णे । सेसं जहा सुबाहुस्स चिंता जाव
 पवज्जा, कप्पतरिए जाव सव्वट्टसिद्धे । तओ महाविदेह जहा
 दढपइण्णे जाव सिद्धिहिति ५ । एवं खलु जंबू ! समणेणं
 भगवया महावीरेणं जाव संपत्तेणं सुहविवागाणं दसमस्स
 अञ्जयणस्स अययट्ठे पण्णते । सेवं भन्ते, सेव भन्ते त्तिवेमि ।

इइ सुहविवागस्स दसम अञ्जयण समत्तं ॥ १० ॥

विवागसुयस्स दो सुयखंधा दुहविवागे य सुहविवागे य ।
 तत्थ दुहविवागे दस अञ्जयणा एक्कासरगा दससु चेव
 दिवसेसु उट्ठिसिज्जन्ति । एवं सुहविवागे वि सेसं जहा
 आयारस्स ॥ १० ॥

॥ इति सुखविपाकमूत्रम् ॥

उववाई सूत्र

(अन्तिम वाईस गाथाएँ)



- कहिं पडिहया सिद्धा ? कहिं सिद्धा पइद्विया ? ।
कहिं बोदि चइत्ता णं, कत्थ गंतूण सिज्झइ ॥ १ ॥
- अलोगे पडिहया सिद्धा, लोयगे य पइद्विया ।
इह बोदि चइत्ता ण, तत्थ गतूण सिज्झइ ॥ २ ॥
- ज सठाणं तु इह भव, चय तस्स चरिमसमयमि ।
आसी य पएसघणं, त सठाण तहिं तस्स ॥ ३ ॥
- दीहं वा हस्स वा जं, चरिमभवे हवेज्ज सठाणं ।
ततो तिभागहीण, सिद्धाणोगाहणा भणिया ॥ ४ ॥
- तिणिण सया तेत्तीसां, घणुत्तिभागो य होइ बोधव्वा ।
एसा खलु सिद्धाण, उवकोसोगाहणा भणिया ॥ ५ ॥
- चत्तारि य रयणीओ, रयणित्तिभागूणिया य बोधव्वा ।
एसा खलु सिद्धाणं, मज्झिमओगाहणा भणिया ॥ ६ ॥
- एक्का य होइ रयणी, साहिया अगुलाइ अट्ठ भवे ।
एसा खलु सिद्धाण, जहण्णओगाहणा भणिया ॥ ७ ॥
- ओगाहणाए सिद्धा, भवत्तिभागेण होइ परिहीणा ।
सठाणमणित्थर्थं, जरा-मरण-विप्पमुक्काण ॥ ८ ॥
- जत्थ य एगो सिद्धो, तत्थ अणता भवक्खयविमुक्का ।
अण्णोणससोगाढा, पुट्ठा सव्वे य लोगते ॥ ९ ॥

फुसइ अते सिद्धे, सव्वपएसेहि णियमसो सिद्धा ।
 ते वि असखेज्जगुणा, देसपएसेहिं जे पुट्ठा ॥ १० ॥
 असरीरा जीवघणा, उवउत्ता दंसणे य णाणे य ।
 सागारमणागार, लक्खणमेयं तु सिद्धाण ॥ ११ ॥
 केवलणाणुवउत्ता जाति सव्वभावगुणभावे ।
 पासंति सव्वओ खलु, केवलदिट्ठिअणंताहिं ॥ १२ ॥
 णवि अत्थि माणुसाणं त, सोक्खं णवि य सव्वदेवाण ।
 ज सिद्धाण सोक्खं, अवावाहं उवगयाणं ॥ १३ ॥
 जं देवाणं सोक्खं, सव्वद्धापिंडिय अणतगुणं ।
 ण य पावइ मुत्तिसुहं, णं ताहिं वग्गवग्गूहिं ॥ १४ ॥
 सिद्धस्स सुहो रासी, सव्वद्धापिंडिओ जइ हवेज्जा ।
 सोणतवग्गभइओ, सव्वागासे ण माएज्जा ॥ १५ ॥
 जह णाम कोई मिच्छो, णगरगुणे बहुविहे वियाणतो ।
 ण चएइ परिकहेउ, उवमाए ताहिं असंतीए ॥ १६ ॥
 इय सिद्धाणं सोक्ख, अणोवम णत्थि तस्स ओवम्म ।
 किंचि विसेसेणेत्तो, ओवम्ममिण सुणह वोच्छ ॥ १७ ॥
 जह सव्वकामगुणियं पुरिसो, भोत्तूण भोयण कोई ।
 तण्हाछुहाविमुक्को, अच्छेज्ज जहा अमियतित्तो ॥ १८ ॥
 इय सव्वकालतित्ता, अतुलं निव्वाणमुवगया सिद्धा ।
 सासयमवावाहं चिट्ठति, सुही सुहं पत्ता ॥ १९ ॥
 सिद्धत्ति य बुद्धत्ति यं, पारगयत्ति य परंपरगयत्ति ।
 उम्मुक्ककम्मकवया, अजरा अमरा असगा य ॥ २० ॥
 णिच्छिण्णसव्वदुक्खा, जाइजरामरणबधणविमुक्का ।
 अवाह सुक्ख, अणुहोति सासय सिद्धा ॥ २१ ॥
 अयुलसुहसागरगया, अवावाहं अणोवम पत्ता ।
 सव्वमणागयमद्धं, चिट्ठंति सुही पत्ता ॥ २२ ॥

सूत्रकृताङ्गसूत्रे

वीरस्तुत्याख्यं षष्ठमध्यनम्

(पुच्छिस्सु णं)

पुच्छिस्सुणं समणा माहणा य, आगारिणो य परतित्थिआ य ।
से केइ णेगति हिंयधम्ममाहु, अलिसं साहुसमिक्खयाए ॥ १ ॥
कहं च णाण कहं दसण से, सील कह नायसुयस्स आसि ? ।
जाणासि णं भिक्खु जहातहे, अहासुय बूहि जहा णिसतं ॥ २ ॥
खेयन्नाए से कुसले-महेसी, अणतनाणी य अतदसी ।
जससिणो चक्खुपहे ठियस्स, जाणाहि धम्म च धिइं च पेहि ॥ ३ ॥
उड्डु अहे य तिरियं दिसासु, तसा य जे थावर जे य पाना ।
से णिञ्जणिच्चेहि समिक्ख पन्ने, दीवे व धम्मं समिय उदाहु ॥ ४ ॥
से सव्वदंसी अभिभूयनाणी, णिरामगंधे धिइमं ठियप्पा ।
अणुत्तरे सव्वजगसि विज्ज, गथा अईए अभए अणाऊ ॥ ५ ॥
से भूइपण्णे अणिएअचारी, ओहंतरे धीरे अणतचक्खु ।
अणुत्तर तप्पइ सूरिए वा, वइरोयणिन्दे व तम पगासे ॥ ६ ॥
अणुत्तरं धम्ममिणं, जिणाणं, या मुणी कासव आसुपन्ने ।
इदेव देवाणं महाभावे, सहस्सया दिवि णं विसिट्ठे ॥ ७ ॥
से पन्नया अक्खयसागरे वा, महोदही वा वि अणतपारे ।
अणाविले वा अकसाइ मुक्के, सक्के व देवाहिर्वई जुइमं ॥ ८ ॥
से वीरिएण पडिपुन्नवीरिए, सुदस वा णगसव्वसेट्ठे ।
सुरालए वा सि मुदागरे से, विरायए गगुणोववेव ॥ ९ ॥
सयं सहस्साण उ जोयणाण, तिकडगे पंडगवेजयते ।
से जोयणे वणवइसहस्से, उड्डुस्सित्तो हेट्ठ सहस्समेग ॥ १० ॥

पुट्टे णभे चिट्ठइ भूमिवट्टिए, जं सूरिया अणुपरिचट्टयति ।
 से हेमवन्ने बहुनदणोय, जसि रति वेदयति मंहिदा ॥ ११ ॥
 से पव्वए सद्दमहप्पगासे, विरायइ कच्चणमट्टवन्ने ।
 अणुत्तरे गिरिसु य पव्वदुग्गे, गिरीवरे से जलिएव भोमे ॥ १२ ॥
 महीए मज्झमि ठिए णगिदे, पन्नायते सूरिए सुद्धलेसे ।
 एवं सिरिए उ स भूरिवन्ने, मणोरमे जोयइ अच्चिमाती ॥ १३ ॥
 सुदंसणस्सेव जसो गिरिस्स, पवुच्चई महतो पव्वयस्स ।
 एतोवमे समणे नायपुत्ते, जाइजसो-दसण-नाणसीले ॥ १४ ॥
 गिरीवरे वा निसहाऽऽययाण, ह्यए व सेट्टे वलयायताणं ।
 तओवमे से जगसूइपन्ने, मुणीण मज्झे तमुऽाहु पन्ने ॥ १५ ॥
 अणुत्तरं धम्ममुईरइत्ता, अणुत्तर भाणवरं भियाइ ।
 सुसुक्कुसुक्क अपगडसुक्क, सखिदुएगतवदातसुक्क ॥ १६ ॥
 अणत्तरग्ग परम महेसी, असेसकम्म स विसोहइत्ता ।
 सिद्धि गए साइमणंतपत्ते, नाणेण सीलेण य दसणेण ॥ १७ ॥
 रुक्खेसु णाए जह सामली वा, जसि रइ वेदयंति सुवन्ना ।
 वणेसु वा णंदणमाहु सेट्ट, नाणेण सीलेण य भूतिपन्ने ॥ १८ ॥
 थणिय व सद्दाण अणुत्तरे उ, चन्दो व ताराण महाणुभावे ।
 गंधेस वा चन्दणमाहु सेट्ट, एवं मुणीण अपडिन्तमाहु ॥ १९ ॥
 जहा सयंभू उदहीण सेट्टे, नागेसु वा धरणिदमाहु सेट्टे ।
 खोओदए वा रसवेजयते, तवोवहाणे मुणी वेजयते ॥ २० ॥
 हत्थीसु एरावणमाहु नाए, सीहो मिगाणं सलिलाण गज्जा ।
 पक्खीसु वा गरुले वेणुदेवो, निक्वाणवादी णिह नायपुत्ते ॥ २१ ॥
 जोहेसु नाए जह वीससेणे, पुप्फेसु वा जह अरविदमाहु ।
 खत्तीण सेट्टे जह दतवक्के, इसीण सेट्टे तह वद्धमाणे ॥ २२ ॥

दाणाण सेट्टु अभयप्पयाणं, सच्चेसु वा अणवज्जं वयति ।
 तवेसु वा उत्तमबभचेर, लोगुत्तमे समणे नायपुत्ते ॥ २३ ॥
 ठिईण सेट्टा लवसत्तमा वा, सभा सुहम्मा व सभाए सेट्टा ।
 निक्खाणसेट्टा जह सव्वधम्मा, न नायपुत्ता परमत्थि नाणी ॥ २४ ॥
 पुढोवमे धुरणइ विगयगेही, न सएण्णिहि कुव्वइ आसुपन्ने ।
 तरिउं समुहं च महाभवोघ, अभयकरे वीर अणतच्चक्खू ॥ २५ ॥
 कोह च माण च तहेव माय, लोभ चउत्थ अज्भत्थ दोसा ।
 एयाणि वता अरहा महेसी, ए कुव्वइ पाव ण कारवेइ ॥ २६ ॥
 किरियाकिरियं वेणइयाणुवायं, अण्णाणियाण पडियञ्च ठाण ।
 से सव्ववाय इइ वेयइत्ता, उवट्टिए सजमदीहराय ॥ २७ ॥
 से वारिया इत्थी सराइभत्त, उवहाणवं दुक्खखयट्टयाए ।
 लोग विदित्ता आरं पर च, सव्वं पभू वारिय सव्ववारं ॥ २८ ॥
 सोञ्जा य धम्म अरहतभासिय, समाहियं अट्टपदोवसुद्ध ।
 तं सद्दहाणा य जणा अणाऊ, इदा व देवाहिव आगमिस्सति ॥ २९ ॥
 त्ति वेमि ॥



मौक्षमार्ग-नामकम्

एकादश-अध्ययनम्



कयरे मग्गे अक्खाए, महाणेणं मईमया !

जं मग्गं उज्जु, पावित्ता, ओह तरइ दुत्तरं ॥ १ ॥

तं मग्गं मणुत्तरं सिद्धं, सव्वदुक्खविमोक्खणं ।

जाणासि णं जहा भिक्खू, तं णो बूहि महामुणी ॥ २ ॥

जइ णो केइ पुच्छिजा, देवा अबुव माणुसा ।

तेसि तु कयर मग्गं, आइक्खेज्ज ? कहाहि णो ॥ ३ ॥

जइ णो केइ पुच्छिजा, देवा अबुव माणुसा ।

तेसिम पडिसाहिज्जा, मग्गसारं सुणेह मे ॥ ४ ॥

अणुपुव्वेण महाघोर कासवेण पवेइय ।

जमायाय इओ पुव्वं, समुद्धं ववहारिणो ॥ ५ ॥

अतरिंसु तरतेगे, तरिस्सति अणागया ।

त सोच्चा पडिवक्खामि, जतवो तं सुरेह मे ॥ ६ ॥

पुढवीजीवा पुढो सत्ता, आउजीवा तहाज्जणी ।

वाउजीवा पुढो सत्ता, तणरुक्खा सबीयगा ॥ ७ ॥

अहावरा तसा पाणा, एवं छक्काय आहिया ।

एयावए जीवकाए, णावरे कोइ विज्जई ॥ ८ ॥

सव्वाहिं अणुजुत्तीहिं, सइम पडिलेहिया ।

सव्वे अवकंतदुक्खा य, अओ सव्वे न हिंसया ॥ ९ ॥


एव खु णाणिणो सार, जं न हिंसइ किंचण ।

अहिंसासमयं चेव, एतावंत विद्याणिया ॥ १० ॥

उड्ढ अहे य तिरियं, जे केइ तसथावरा ।
 सव्वत्थ विरई विञ्जा, सति निव्वाणमाहिय ॥ ११ ॥
 पभू दोसे निराकिञ्जा, ण विरुज्झेज्ज केणई ।
 मणसा वयसा चैव, कायसा चैव अतसो ॥ १२ ॥
 सवुडे से महापन्ने, धीरे दत्तेसण चरे ।
 एसणासमिए णिच्चं, वज्जयते अणेसण ॥ १३ ॥
 भूयाइं च समारंभ, तमुद्धिस्सा य ज कड ।
 तारिसं तु न गिण्हेज्जा, अन्नपाणं सुसंजए ॥ १४ ॥
 पूइकम्मं न सेविञ्जा, एस धम्मे वुसीमओ ।
 जं किञ्चि अभिकंखेज्जा, सव्वसो तं न कप्पए ॥ १५ ॥
 हणंत णाणुजाणेज्जा, आयगुत्ते जिइदिए ।
 ठाणाइ संति सड्ढीण, गामेसु नगरेसु वा ॥ १६ ॥
 तहा गिर समारब्भ, अत्थि पुण्णति णो वए ।
 अहवा णत्थि पुण्णंति, एवमेय महव्भय ॥ १७ ॥
 दाणट्ठया य जे पाणा, हम्मति तस-थावरा ।
 तेसि सारक्खणट्ठाए, तम्हा अत्थि त्ति णो वए ॥ १८ ॥
 जेसि त उवकप्पंति, अन्नपाण तहाविह ।
 तेसि लाभतरायंति, तम्हा णत्थि त्ति णो वए ॥ १९ ॥
 जे य दाणं पससति, वहमिच्छति पाणिणं ।
 जे य ण पडिसेहंति, वित्तिच्छेयं करति ते ॥ २० ॥
 दुहओवि ते ण भासति, अत्थि वा नत्थि वा पुणो ।
 आयं रयस्स हेज्जा णं, निव्वाण पाउणति ते ॥ २१ ॥

निव्वाण परम बुद्धा, णक्खत्ताण व चदिमा ।
 तम्हा सया जए दत्ते, निव्वाण सधए मुणी ॥ २२ ॥
 वुज्झमाणाण पाणाण, किच्चन्ताण सकम्मुणा ।
 प्राघाइ साहु त दीव, पतिट्ठेसा पवुच्चइ ॥ २३ ॥
 श्रायगुत्ते सया दन्ते, भिन्नसोए प्रणासवे ।
 जे धम्मं सुद्धमक्खाड, पडिपुन्तमणेलिसं ॥ २४ ॥
 तमेव अविजाणन्ता, अबुद्धा बुद्धमाणिणो ।
 बुद्धामो त्ति य मन्नन्ता, अंत एते समाहिए ॥ २५ ॥
 ते य दीयोदग चेव, तमुद्धिस्सा य ज कड ।
 भोच्चा भाण भियायति, अखेयन्ताऽसमाहिया ॥ २६ ॥
 जहा ढका य कंका य, कुलला मग्गुका सिही ।
 मच्छेसर्णं भियायंति, भाण ते कलुसाहमा ॥ २७ ॥
 एवं तु समणा एगे, मिच्छद्दिट्ठी अणारिया ।
 विसएसर्णं भियायति, कंका वा कलुसाहमा ॥ २८ ॥
 सुद्धं मग्ग विराहित्ता, इहमेगे उ दुम्मइ ।
 उम्मग्गगया दुक्खं, घायमेसति त तथा ॥ २९ ॥
 जहा आसाविणिं, नाव, जाइअंधो दुरूहिया ।
 इच्छइ पारमागतुं, सतरा य विसीयइ ॥ ३० ॥
 एव तु समणा एगे, मिच्छद्दिट्ठी अणारिया ।
 सौयं कसिणमावन्ता, आगंतारो महब्भयं ॥ ३१ ॥
 इमं च धम्ममायाय, कासवेण पवेदित्त ।
 तरे सौय महाघोरं, अत्तत्ताए परिव्वए ॥ ३२ ॥
 विरए गामधम्मोहि, जे केई जगई जगा ।
 तेसि अत्त्वमायाए, थामं कुव्व परिव्वए ॥ ३३ ॥

अहमाण च मायं च, तं परित्राय पंडिए ।
 सव्वमेयं गिराकिञ्जा, णिव्वाण संघए मुणी ॥ ३४ ॥
 सघए साहुधम्मं च, पावधम्मं गिराकरे ।
 उवहाणवीरिए भिक्खू, कोह माण ण पत्थए ॥ ३५ ॥
 जे य बुद्धा अतिक्कता, जे य बुद्धा अणागया ।
 संति तेसि पइट्ठाणं, भूयाण जगई जहा ॥ ३६ ॥
 अह ण वयमावन्त, फासा उच्चावथा फुसे ।
 ण तेसु विणिहण्णेज्जा, वाएण व महागिरी ॥ ३७ ॥
 सवुडे से महापत्ते, धीरे दत्तेसण चरे ।
 निव्वुडे कालमाकंखी, एवं (य) केवलिणो मय ॥ ३८ ॥
 ॥ मोक्षमार्गनामक एकादशाध्ययनम् ॥





❀ उत्तरजभयण-सुत्तं ❀



अहं विणयसुयं पढम अज्भयणं

संजोगा विप्पमुक्कस्स, अणगारस्स भिक्खुणो ।
विणय पाउकरिस्सामि, आणुपुच्चि सुणेह मे ॥ १ ॥

आणानिद्वेसकरे, गुरुणमुववायकारे ।
इगियागारसपन्ने, से विणीए त्ति बुच्चइ ॥ २ ॥

आणाऽनिद्वेसकरे, गुरुणमणुववायकारे ।
पडिणीए असबुद्धे, अविणीए त्ति बुच्चइ ॥ ३ ॥

जहा सुणो पूइकणी, निक्कसिञ्जइ सव्वसो ।
एव दुस्सीलपडिणीए, मुहरी निक्कसिञ्जइ ॥ ४ ॥

कणकुण्डग चइत्ताण, विट्ठं भुजइ सूयरे ।
एवं सील चइत्ताण, दुस्सोले रमइ मिए ॥ ५ ॥

सुणिया भाव साणस्स, सूयरस्स नरस्स य ।
विणए ठवेज्ज अप्पाणमिच्छन्तो हियमप्पणो ॥ ६ ॥

तम्हा विणयमेसिञ्जा, सीलं पडिलभेज्जओ ।
बुद्धपुत्ते' नियागट्ठी, न निक्कसिञ्जइ कण्हुई ॥ ७ ॥

निसन्ते सियाऽमुहरी, बुद्धाण अन्तिए सया ।
 अट्टजुत्ताणि सिक्खिज्जा, निरट्टाणि उ वज्जए ॥ ८ ॥
 अणुसासिओ न कुप्पिज्जा, खीति सेक्खि पण्डिए ।
 खुड्ढेहि सह ससग्गि, हासं कीड च वज्जए ॥ ९ ॥
 मा य चण्डालिय कासी, बहुयं मा य आलवे ।
 कालेण य अहिज्जिता, तओ भाइज्ज एगगो ॥ १० ॥
 आहच्च चण्डालियं कट्टु, न निण्हविज्ज कयाइ' वि ।
 कडं कडे त्ति भासेज्जा, अकडं नो कडे त्ति य ॥ ११ ॥
 मा गलियस्सेव कसं, वयणमिच्छे पुणो पुणो ।
 कसं व दट्ठुमाइण्णे, पावगं परिवज्जए ॥ १२ ॥
 अणासवा थूलवया कुसीला,
 मिउंपि चण्डं पकरिन्ति सीसा ।
 चित्ताणुया लहु दक्खोववेया,
 पसायए ते ह् दुरासयंपि ॥ १३ ॥
 नापट्ठो वागरे किंचि, पुट्ठो वा नालियं वए ।
 कोहं असच्चं कुवेज्जा, धारेज्जा पियमपियं ॥ १४ ॥
 अप्पा चेव दमेयव्वो, अप्पा ह् खलु दुद्दमो ।
 अप्पा दन्तो सुही होइ, अस्सि लोए परत्य य ॥ १५ ॥
 वरं मे अप्पा दन्तो, सजमेण तवेण य ।
 माहं परेहि दम्मंतो, बंधणेहि वहेहि य ॥ १६ ॥
 पडिणीय च बुद्धाण, वाया अदुव कम्मुणा ।
 आवी वा जइ वा रहस्से, नेव कुज्जा कयाइ वि ॥ १७ ॥

न पक्खओ न पुरओ, नेव किञ्जाण पिट्ठओ ।
 न जुजे ऊरुणा ऊरुं, सयणे नो पडिस्सुणे ॥ १८ ॥
 नेव पल्हत्थियं कुञ्जा, पक्खपिण्ड च सजए ।
 पाए पसारिए वावि, न चिट्ठे गुरुणन्तिए ॥ १९ ॥
 आयरिएहं वाहित्तो, तुसिणीओ न कयाइवि ।
 पसायपेही^१ नियागट्ठी, उवचिट्ठे गुरु सया ॥ २० ॥
 आलवन्ते लवन्ते वा, न निसीएज्ज कयाइ वि ।
 चइऊणमासण धीरो, जओ जत्त पडिस्सुणे ॥ २१ ॥
 आसणगओ न पुच्छेज्जा, नेव सेज्जागओ कयाइ वि^२ ।
 आगम्मुक्कुडुओ सन्तो, पुच्छेज्जा पजलीउडो ॥ २२ ॥
 एवं विणयजुत्तस्स, सुत्तं अत्थ च तदुभय ।
 पुच्छमाणस्स सीसस्स, वागरिज्ज जहासुयं ॥ २३ ॥
 मुस परिहरे भिक्खू, न य ओहारिणं वए ।
 भासादोसं परिहरे, माय च वज्जए सया ॥ २४ ॥
 न लवेज्ज पुट्ठो सावज्ज, न निरट्ठ न मम्मय ।
 अप्पणट्ठा परट्ठा वा, उभयस्सन्तरेण वा ॥ २५ ॥
 समरेसु अगारेसु, सन्धोसु य महापहे^३ ।
 एगो एगत्थिए सद्धिं, नेव चिट्ठे न सलवे ॥ २६ ॥
 जं मे बुद्धाऽणुसासन्ति, सीएण फस्सेण वा ।
 मम लाहो त्ति पेहाए, पयओ तं पडिस्सुणे ॥ २७ ॥
 अणुसासणमोवायं, दुक्कडस्स य चोयणं ।
 हियं तं मण्णइ पण्णो, वेसं होइ असाहुणो ॥ २८ ॥

१ पसायट्ठी । २. कया । ३. गिहसधिसु अ महापहेसु ।

हिय विगयभया बुद्धा, फरसपि^१ अणुसासण ।
 वेस्स त होइ मूढाणं, खन्तिसोहिकर पथ ॥ २६ ॥
 आसणे उवचिट्ठेज्जा, अणुच्चेऽकुक्कुए थिरे ।
 अप्पुट्ठाई निरुट्ठाई, निसीएज्जप्पकुक्कुए ॥ ३० ॥
 कालेण निक्खमे भिक्खू, कालेण य पडिक्कमे ।
 अकालं च विवज्जित्ता, काले कालं समायरे ॥ ३१ ॥
 परिवाडीए न चिट्ठेज्जा, भिक्खू दत्तेसणं चरे ।
 पडिरूवेण एसित्ता, मियं कालेण भक्खए ॥ ३२ ॥
 नाइदूरमणासन्ने, नऽन्नेसि चक्खुफासओ ।
 एगो चिट्ठेज्ज भत्तट्ठ,^२ लघित्ता त नऽइक्कमे ॥ ३३ ॥
 नाइउच्चे न नीए वा, नासन्ने नाइदूरओ ।
 फासुयं परकड पिण्ड, पडिगाहेज्ज सजए ॥ ३४ ॥
 अप्पपाणेऽप्पबीयम्मि, पडिच्छन्नम्मि सवुडे ।
 समय सजए भुजे, जय अपरिसाडिय ॥ ३५ ॥
 सुकडित्ति सुषक्कित्ति, सुच्छिन्ने सुहडे मडे ।
 सुणिट्ठिए सुलट्ठित्ति, सावज्ज वज्जए मुणी ॥ ३६ ॥
 रमए पण्डिए सास, हय भद्दं व वाहए ।
 बालं सम्मइ सासतो, गलियस्स व वाहए ॥ ३७ ॥
 खड्डुया^३ मे चवेडा मे, अक्कोसा य वहा य मे ।
 कल्लाणमणुसासन्तो, पावदिट्ठित्ति मन्नइ ॥ ३८ ॥
 पुत्तो मे भाय नाइ त्ति, साहू कल्लाण मन्नइ ।
 पावदिट्ठिउ अप्पाणं, सास दासि^४ त्ति मन्नइ ॥ ३९ ॥

१. फर-समप्पणुसासणं ।

२. भत्तट्ठ । ३. खड्डुयाहि चवेडाहि अक्कोसेहि वहेहि य । ४. वासव ।

न कोवए श्रायरियं, अप्पाणपि न कोवए ।
 बुद्धोवघाई न सिया न सिया तोत्तगवेसए ॥ ४० ॥
 श्रायरियं कुविय नञ्जा, पत्तिएण पसायए ।
 विज्भवेज्ज पंजलीउडो, वएज्ज न पुणोत्ति य ॥ ४१ ॥
 धम्मज्जियं च ववहार, बुद्धेहायरिय सया ।
 तमायरतो ववहारं, गरह नाभिगच्छइ ॥ ४२ ॥
 मणोगयं वक्कगयं, जाणित्तायरियस्स उ ।
 तं परिगिज्भ वायाए, कम्मुणा उववायए ॥ ४३ ॥
 वित्ते अचोइए निच्चं, खिप्पं हवइ सुचोइए^१ ।
 जहोवइट्ठ सुकयं, किच्चाइं कुव्वइ सया ॥ ४४ ॥
 नञ्जा नमइ मेहावी, लोए कित्ती से जायए ।
 हवइ किच्चाणं सरणं, भूयाणं जगई जहा ॥ ४५ ॥
 पुज्जा जस्स पसीयति, संबुद्धा पुव्वसंथुया ।
 पसन्ना लाभइस्सति, विउलं अट्ठियं सुयं ॥ ४६ ॥
 स पुज्जसत्थे सुविणीय ससए,
 मणोरूई चिट्ठइ कम्मसपया^२ ।
 तवोसमायारि-समाहिसंबुडे,
 महज्जुई पंच वयाइं पालिया ॥ ४७ ॥
 स देवगंधव्वमणुस्सपूइए,
 चइत्तु देहं मलपकपुव्वयं ।
 सिद्धे वा हवइ सासए,
 देवे वा अप्परए महिड्डीए ॥ ४८ ॥
 । त्ति वेमि ।

। विणयसुयं नाम पढम अज्भयण समत्त ।

१ पसन्ने थामय करे । २. मणिच्छियं सपथमुत्तमं गय ।

। अह दुइअं परीसहज्भयणं ।

सुयं मे आउस । तेण भगवया एवमक्खायं—इह खलु बावीसं परीसहा समणेण भगवया महावीरेण कासवेण पवेइया ? जे भिक्खु सोच्चा नच्चा जिच्चा अभिभूय भिक्खायरियाए परिव्वयतो पुट्ठो नो विनिहन्नेज्जा ।

कयरे ते खलु बावीसं परीसहा समणेणं भगवया महावीरेण कासवेण पवेइया ? जे भिक्खु सोच्चा नच्चा जिच्चा अभिभूय भिक्खायरियाए परिव्वयतो पुट्ठो नो विनिहन्नेज्जा ?

इमे ते खलु बावीस परीसहा समणेण भगवया महावीरेण कासवेण पवेइया, जे भिक्खु सोच्चा नच्चा जिच्चा अभिभूय भिक्खायरियाए परिव्वयतो पुट्ठो नो विनिहन्नेज्जा, त जहा—

दिग्गिच्छापरीसहे १, पिवासापरीसहे २, सीयपरीसहे ३, उसिणपरीसहे ४, वंसमसयपरीसहे ५, अचेलपरीसहे ६, अइपरीसहे ७, इत्थीपरीसहे ८, चरियापरीसहे ९, निसीहियापरीसहे १०, सेज्जापरीसहे ११, अक्कोमपरिसहे १२, वहपरीसहे १३, जायणापरीसहे १४, अलाभपरीसहे १५, रोगपरीसहे १६ तण्कासपरीसहे १७, जत्तपरीसहे १८, सक्कारपुरक्कार परीसहे १९, पन्नापरीसहे २०, अन्नाणपरीसहे २१, दसणपरीसहे २२ ।

परीसहाण पविभत्ती, कासवेणं पवेइया ।

त मे उदाहरिस्सामि, आणुपुर्व्वि सुणेह मे ॥ १ ॥

दिग्गिच्छापरीसहे' देहे, तवस्सी भिक्खु थामवं ।

न छिंदे न छिंदावए, न पए न पयावए ॥ २ ॥

कालीपव्वग-सकासे, किसे धमणिसतए ।

मायन्ने असणपाणस्स, अदीणमणसो चरे ॥ ३ ॥

१ दिग्गिच्छापरीसहे ।

तन्नो पुट्टो पिवासाए, दोगुच्छी लज्जसंजए ।
 सीओदग न सेविज्जा, विथडस्सेसणं चरे ॥ ४ ॥
 छिन्नावाएसु पंथेसु, आउरे सुपिवासिए ।
 परिसुक्कमुहाऽदीणे, त तित्तिक्खे परीसह^१ ॥ ५ ॥
 चरतं विरयं लूह, सीह फुसइ एगया ।
 नाइवेल मुणी गच्छे, सोच्चा णं जिणसासण ॥ ६ ॥
 न मे निवारण अत्थि, छवित्ताण न विज्जइ ।
 अह तु अग्गि सेवामि, इइ भिक्खू न चितए ॥ ७ ॥
 उसिणपरियावेण, परिदाहेण तज्जिए ।
 घिसु वा परियावेण, साय नो परिदेवए ॥ ८ ॥
 उण्हाहिततो मेहावी, सिणाण नो वि पत्थए ।
 गाय नो परिंसिचेज्जा, न वीएज्जा य अप्पय ॥ ९ ॥
 पुट्टो य दंसमसएहिं, समरे व महामुणो ।
 नागो संगामसीसे वा, सूरो अभिहणे परं ॥ १० ॥
 न सतसे न वारेज्जा, मणं पि न पओसए ।
 उवेहे न हणे पाणे, भुंजंते संस-सोणिय ॥ ११ ॥
 परिजुण्णेहिं वत्थेहिं, होक्खामि त्ति अचेवए ।
 अट्टुवा सचेवए होक्ख, इइ भिक्खू न चितए ॥ १२ ॥
 एगयाऽचेवए होइ, सचेले आवि एगया ।
 एयं धम्मं हियं नञ्जा, नाणी नो परिदेवए ॥ १३ ॥
 गामाणुगामं रीयतं, अणगारं अक्किचण ।
 अरई अणुप्पवेसेज्जा, तं तित्तिक्खे परीसह ॥ १४ ॥

१. सव्वतो य परिच्चए ।

अरइं पिटुओ किच्चा, विरए, आयरक्खिए ।
धम्मारामे निरारम्भे, उवसते मुणी चरे ॥ १५ ॥

सगो एस मणूसाणं, जाओ लोगम्मि इत्थिओ ।
नो ताहिं विणिहम्मेल्ला, चरेज्जत्तगवेसए ॥ १७ ॥

एग एव चरे लाढे, अभिभूय परीसहे ।
गामे वा नगरे वावि, निगमे वा रायहाणिए ॥ १८ ॥

असमाणे चरे भिक्खू, नेव कुज्जा परिगहं ।
अससत्तो गिहत्थेहिं, अणिएओ परिच्चए ॥ १९ ॥

सुसाणे सुन्नगारे वा, ख्खमूले व एगओ ।
अकुक्कुओ निसीएज्जा, न य वित्तासए परं ॥ २० ॥

तत्थ से चिट्ठमाणस्स, उवसग्गाभिघारए ।
संकाभीओ न गच्छेल्ला, उट्ठित्ता अन्नमासण ॥ २१ ॥

उच्चावयाहिं सेज्जाहिं, तवस्सी भिक्खू थामवं ।
नाइवेल विहन्निज्जा, पावदिट्ठी विहन्नइ ॥ २२ ॥

पइरिक्कुवस्सयं लद्धं, कल्लाणमहुवा पावयं ।
किमेगराइ करिस्सइ, एवं तत्थऽहियासए ॥ २३ ॥

अक्कोसेज्जा परे भिक्खुं, न तेसिं पडिसंजले ।
सरिसो होइ बालाण, तम्हा भिक्खू न सजले ॥ २४ ॥

सोच्चाणं फरुसा भासा, दाखणा गामकण्टगा ।
तु सिणीओ उवेहेज्जा, न ताओ मणसीकरे ॥ २५ ॥

हओ न संजले भिक्खू, मणंपि न पओसए ।
तितिक्खं परम नच्चा, भिक्खू धम्म विचित्तए ॥ २६ ॥

समणं सजय दत्त, हणिञ्जा कोइ कत्थई ।
 नत्थि जीवस्स नासुत्ति, एव पेहेज्ज सजए^१ ॥ २७ ॥
 दुक्करं खलु भो निच्च, अणगारस्स भिक्खुणो ।
 सब्ब से जाइय होइ, नत्थि किञ्चि अजाइयं ॥ २८ ॥
 गीयग्गपविट्ठस्स पाणी नो सुप्पसारए ।
 सेओ अगारवासुत्ति, इइ भिक्खू न चितए ॥ २९ ॥
 परेसु घासमेसेज्जा, भोयणे परिणिट्ठिए ।
 लद्धे पिण्डे अलद्धे वा, नाणुत्तप्पेज्ज पंडिए^२ ॥ ३० ॥
 अज्जेवाहं न लब्भामि, अवि लाभो सुए सिया ।
 जो एवं पडिसंचिक्खे, अलाभो त न तज्जए ॥ ३१ ॥
 नच्चा उप्पइयं दुक्खं, वेयणाए डुहट्ठिए ।
 अदीणो थावए पन्न, पुट्ठो तत्थइहियासए ॥ ३२ ॥
 तेइच्छं नाभिनंदेज्जा सच्चिक्खत्तगवेसए ।
 एव खु तस्स सामण्ण, ज न कुञ्जा न कारवे ॥ ३३ ॥
 अचेलगस्स लूहस्स, संजयस्स तवस्सिणो ।
 तण्णेषु सयमाणस्स, हुञ्जा गायविराहणा ॥ ३४ ॥
 आयवस्स निवाएणं, अउला हवइ वेयणा ।
 एवं नच्चा न सेवंति, तंतुजं तणतज्जिया ॥ ३५ ॥
 किलिन्नगाए मेहावी, पंकेण व रएण वा ।
 घिसु वा परियावेण, सायं नो परिदेवए ॥ ३६ ॥
 वेएज्जा निज्जरापेही, आरियं धम्मणुत्तरं ।
 जावसरीरभेउत्ति, जल्लं काएण धारए ॥ ३७ ॥

१ ण त पेहे असाहुव २. लद्धे पिण्डे आहरिज्जा अलद्धे नाणु-
 तप्पए ।

अभावायणमभ्युद्गाणं, साधो गुञ्जा निमतण ।
 जे ताइ पडिसेवन्ति, न तेसि पीहए मुणी ॥ ३८ ॥
 अणुक्कसाई अप्पिच्छे, अन्नाएसी अलोलुए ।
 रसेसु नाणुगिज्भेज्जा, नाणुत्तप्पेज्ज पन्तव ॥ ३९ ॥
 से नूण मए पुव्व, कम्माऽणाणफला कडा ।
 जेणाहं नाभिजाणामि, पुट्टो केणइ कण्हई ॥ ४० ॥
 अह पच्छा उइज्जन्ति, कम्माऽणाणफला कडा ।
 एवमस्सासि अप्पारणं, नञ्जा कम्मविवागय ॥ ४१ ॥
 निरट्टगम्मि विरओ, मेहुणाओ सुसवुडो ।
 जो सक्ख नाभिजाणामि, धम्म कल्लाणपावग ॥ ४२ ॥
 तवोवहाणमादाय, पडिमं पडिवज्जओ ।
 एवं पि विहरओ मे, छउम न नियट्टइ ॥ ४३ ॥
 नत्थि नूण परे लोए, इड्ढी वावि तवस्सिणो ।
 अट्टुवा वचिओमिस्सि, इइ भिक्खू न चितए ॥ ४४ ॥
 अणू जिणा अत्थि जिणा, अट्टुवावि भविस्सइ ।
 मुस ते एवमाहसु, इइ भिक्खू न चितए ॥ ४५ ॥
 एए परीसहा सव्वे, कासवेण पवेइया ।
 जे भिक्खू न विहन्नेज्जा, पुट्टो केणइ कण्हई त्ति बेमि ॥ ४६ ॥

। दुइअ परीसहज्भयण समत्तं ॥२॥

॥ अह तइअं चाउरगिज्ज अज्भयणं ॥

चत्तारि परमगाणि, दुल्लहाणीह जन्तुणो ।
 माणुसत्तं सुई सद्धा, संजमम्मि य वीरियं ॥ १ ॥

समावन्नाण संसारे, नाणागोत्तासु जाइसु ।
 कम्मा नाणाविहा कट्ठु, पुढो विस्संभिया पया ॥ २ ॥
 एगया देवलोएसु, नरएसु वि एगया ।
 एगया आसुरं कायं, अहाकम्महिं गच्छइ ॥ ३ ॥
 एगया खत्तिओ होइ, तओ चण्डालवुक्कसो ।
 तओ कीडपयगो य, तओ कन्थु पिवीलिया ॥ ४ ॥
 एवमावट्टजोणीसु, पाणिणो कम्मकिव्विसा ।
 न निविल्लन्ति ससारे, सब्बट्टेसु व खत्तिया ॥ ५ ॥
 कम्मसगेहिं संमूढा, दुक्खिया बहुवेयणा ।
 अमाणुसासु जोणोसु, विणिहम्मन्ति पाणिणो ॥ ६ ॥
 कम्माण तु पहाणाए, आणुपुव्वो कयाई उ ।
 जीवा सोहिमणुप्पत्ता, आययति मणुस्सयं ॥ ७ ॥
 माणुस्स विग्गह लद्ध, सुई धम्मस्स दुल्लहा ।
 जं सोच्चा पडिवज्जन्ति, तव खतिर्माहिसय ॥ ८ ॥
 आहच्च सवणं लद्धु सद्धा परमदुल्लहा ।
 सोच्चा नेआउय मग्गं, बहवे परिभस्सइ ॥ ९ ॥
 सुइं च लद्धु सद्ध च, वीरियं पुण दुल्लहं ।
 बहवे रोयमाणावि, नो य णं पडिवज्जए ॥ १० ॥
 माणुसत्तमि आयाओ, जो धम्मं सोच्च सद्धे ।
 तवस्सी वीरियं लद्धु, सबुडे निद्धुणे रयं ॥ ११ ॥
 सोही उज्जुयभूयस्स, धम्मो सुद्धस्स चिट्ठइ ।
 निव्वानं परमं जाइ, घयसित्तिव्व पावए ॥ १२ ॥

विंगिच कम्मुणो हेउ, जसं सचिणु खतिए ।
 सरीर पाढव हिच्चा, उड्ड पदकमए दिस ॥ १३ ॥
 विसालसेहि सीलेहि. जक्खा उत्तरउत्तरा ।
 महासुक्का व दिप्पता, मन्नता अपुणञ्जव ॥ १४ ॥
 अप्पिया देवकामाण, कामरूवविउन्वणो ।
 उड्डं कप्पेसु चिट्ठति, पुन्वावाससया बहु ॥ १५ ॥
 तत्थ ठिच्चा जहाठाणं, जक्खा आउक्खए चुया ।
 उवेति माणुस जोणिं, से दसगे भिजायए ॥ १६ ॥
 खित्त वत्यु हिरण्ण च, पसवो दासपोरुस ।
 चत्तारि कामखधाणि, तत्थ से उववज्जइ ॥ १७ ॥
 मित्तव नाइव होइ, उच्चागोए य वण्णव ।
 अप्पायके महापन्ने. अभिजाए जसो बले ॥ १८ ॥
 भुच्चा माणुस्सए भोए, अप्पडिरूवे अहाउयं ।
 पुन्व विसुद्धसद्धम्मे, केवलं बोहि बुज्झिया ॥ १९ ॥
 चउरग दुल्लह नच्चा', सजम पडिवज्झिया ।
 तवसा धुयकम्मसे, सिद्धे हवइ सासए ति बेमि ॥ २० ॥

॥ तइअ चाउरगिज्ज अज्भयण समत्त ॥

॥ अह चउत्थं असंखय अज्भयणं ॥

असखय जीविय मा पमायए,
 जरोवणीयस्स हु नत्थि ताण ।

एव वियाणाहि जणे पमत्ते,
 किन्तु' विहिंसा अजया गिहति ॥ १ ॥
 जे पावकस्मेहिं घणं मणूसा,
 समाययती अमइ गहाय ।
 पहाय ते पासपयट्टिए नरे,
 वेराणुबद्धा नरय उर्विति ॥ २ ॥
 तेणे जहा सधिमुहे गहीए,
 सकम्मुणा किच्चइ पावकारी ।
 एव पया पेच्च इह च लोए,
 कडाण कम्माण न मोक्ख अत्थि ॥ ३ ॥
 ससारमावन्त परस्स अट्ठा,
 साहारणं ज च करेइ कम्म ।
 कम्मस्स तै तस्स उ वेयकाले,
 न बधवा बंधवय उर्विति ॥ ४ ॥
 वित्तेण ताणं न लभे पमत्ते,
 इममि लोए अदुवा परत्था ।
 दीवप्पणट्ठेव अणतमोहे,
 नेयाउयं दट्ठुमदट्ठुमेव ॥ ५ ॥
 सुत्तेसु यावी पडिबुद्धजीवी,
 न वीससे पडिय आसुपण्णे ।
 घोरा मुहुत्ता अबलं सरीर,
 भारडपक्खीव चरेऽपमत्ते ॥ ६ ॥
 चरे पयाइं 'परिसकमाणो,
 ज किंचि पास इह मन्नमाणो ।

लाभतरे जीविय ब्रूहत्ता,
 पच्छा परिन्नाय मलावधंसी ॥ ७ ॥
 छद निरोहेण उवेइ मोक्खं,
 आसे जहा सिक्खियवम्मघारी ।
 पुव्वाइ वासाइ चरेऽप्पमत्ते,
 तम्हा मुणी खिप्पमुवेइ मोक्ख ॥ ८ ॥
 स पुव्वमेवं न लभेज्ज पच्छा,
 एसोवमा सासयवाइयाणं ।
 विसीयइ सिद्धिले आउयम्मि,
 कालोवणीए सरीरस्स भेए ॥ ९ ॥
 खिप्पं न सक्केइ विवेगमेउ,
 तम्हा समुट्ठाय पहाय कामे ।
 समिच्च लोयं समथा महेसी,
 अप्पाणरक्खी चरेऽप्पमत्ते ॥ १० ॥
 मुहुं मुहुं मोहगुणे जयत्तं,
 अणेरूवा समण चरत्तं,
 फासा फुसन्ति असमजसं च,
 न तेसि भिक्खू मणसा पउस्से ॥ ११ ॥
 मन्दा य फासा बहुलोहणिज्जा,
 तहप्पगारेसु मणं न कुञ्जा ।
 रक्खिज्ज कोह विणएज्जमाणं,
 माय न सेवेज्ज पहेज्ज लोह ॥ १२ ॥
 जे सखया तुच्छपरप्पवाई,
 ते पिज्जदोसाणुगया परज्झा ।

एए अहम्मे त्ति दुगु छमाणो,
कखे गुणे जाव सरीरभेउ, त्ति वेमि ॥१३॥

॥ इय असखव णाम चउत्थ अज्भयण समत्तं ॥

अह अकाममरणिज्जं पञ्चम अज्भयण

अण्णवसि महोहसि, एगे तिण्णे' दुरुत्तरे ।
तत्थ एगे महापन्ने, इम पण्हमुदाहरे ॥ १ ॥
सन्तिमे य दुवे ठाणा, अक्खाया मरणन्तिया ।
अकाममरणं चेव, सकाममरणे तहा ॥ २ ॥
बालाण अकाम तु, मरण असइ भवे ।
पण्डियाणं सकाम तु, उक्कोसेण सइ भवे ॥ ३ ॥
तत्थिम पढम ठाणं, महावीरेण देसियं ।
कामगिद्धे जहा बाले, भिसं कूराइ कुच्चइ ॥ ४ ॥
जे गिद्धे कामभोगेसु, एगे कूडाय मच्छइ ।
न मे दिट्ठे परे लोए, चक्खुदिट्ठा इमा रई ॥ ५ ॥
हत्थागया इमे कामा, कालिया जे अणागया ।
को जाणइ परे लोए, अत्थि वा नत्थि वा पुणो ॥ ६ ॥
जणेण सद्धि होक्खामि, इइ बाले पगबभइ ।
कामभोगाणुराएण, केसं संपडिवज्जइ ॥ ७ ॥
तत्रो से दण्ड समारभइ, तसेसु थावरेसु य ।
अट्ठाए य अणट्ठाए, भूयगामं विहिंसइ ॥ ८ ॥

हिंसे बाले मुसावाई, माइल्ले पिसुणे सढे ।
 भुजमाणे सुर मस, सेयमेयति मन्न्इ ॥ ९ ॥
 कायसा वयसा मत्ते, वित्तं गिद्धे य इत्थिसु ।
 दुहओ मलं सच्चिणइ, सिसुणागुव्व मट्टियं ॥ १० ॥
 तओ पुट्टो आयकेण, गिलाणो परितप्पइ ।
 पओओ परलोगस्स, कम्माणुप्पेहि अप्पणो ॥ ११ ॥
 सुया मे नरए ठाणा, असोलाण च जा गई ।
 बालाणं कूरकम्माण, पगाढा जत्थ वेयणा ॥ १२ ॥
 तत्थोववाइय ठाण, जहा मे तमणुस्सुयं ।
 अहाकम्मेहि गच्छन्तो, सो पच्छा परितप्पइ ॥ १३ ॥
 जहा सागडिओ जाण, सम हिच्चा महापह ।
 विसमं मग्गमोइण्णो, अक्खे भग्गम्मि सोयइ ॥ १४ ॥
 एव धम्म विउक्कम्म, अहम्म पडिवज्जिया ।
 बाले मच्चुमुह पत्ते, अक्खे भग्गे व सोयइ ॥ १५ ॥
 तओ से मरणन्तम्मि, बाले सतसइ भया ।
 अकाममरण मरइ, धुत्ते व कलिणा जिए ॥ १६ ॥
 एयं अकाममरण, बालाणं तु पवेइय ।
 इत्तो सकाममरण, पण्डियाणं सुणेह मे ॥ १७ ॥
 मरण पि सपुण्णाणं, जहा मेयमणुस्सुय ।
 विप्पसण्णमणाघायं, संजयाणं वुसोमओ ॥ १८ ॥
 न इमं सव्वेसु भिक्खूसु, न इमं सव्वेसुऽगारिसु ।
 नाणासीला अगारत्था, विसमसीला य भिक्खुणो ॥ १९ ॥
 सन्ति एगेहि भिक्खूहि, गारत्था संजमुत्तरा ।
 गारत्थेहि य सव्वेहि, साहवो संजमुत्तरा ॥ २० ॥

चीराजिण नगिणिणं, जडो सघाडिमण्डिणं ।
एयाणि वि न तायति, दुस्सोलं परियागयं ॥ २१ ॥

पिडोलएव्व दुस्सोले, नरगाओ न मुञ्जइ ।
भिक्षाए वा गिहत्ये वा, सुव्वए कम्मइ दिव्वं ॥ २२ ॥

अगारिसामाइयंगाणि, सड्डी काएण फासए ।
पोसह दुहओ पक्खं, एगरायं न हावए ॥ २३ ॥

एवं सिक्खासमावन्ते, गिहवासे वि सुव्वए ।
मुञ्जइ छविपव्वाओ, गच्छे जक्खसलोगयं । २४ ।

अह जे संवुडे भिक्खू, दोण्ह अन्नयरे सिया ।
सव्वदुक्खपहीणे वा, देवे वावि महिड्डीए ॥ २५ ॥

उत्तराइं विमोहाइं, जुइमन्ताणुपुव्वसो ।
समाइण्णाइ जक्खेहिं, आवासाइ जसंसिणो ॥ २६ ॥

दीहाउया इड्ढिमन्ता, समिद्धा कामरुविणो ।
अहुणोववन्नसंकासा, भुञ्जो अच्चिमालिप्पभा ॥ २७ ॥

ताणि ठाणाणि गच्छति,
सिक्खित्ता संजम तवं ।

भिक्षाए वा गिहित्ये वा
जे सति परिनिव्वुडा ॥ २८ ॥

तेसि सोच्चा सपुज्जाणं, संजयाण वुसोमओ ।
न संतसंति मरणते, सीलवन्ता बहुस्सुया ॥ २९ ॥

तुलिया, विसेत्तमादाय, दयाधम्मस्स खंसिए ।
विप्पसीएज्ज मेहावी, तथाभूएण अप्पण्ण ॥ ३० ॥

तश्री काले अभिप्पेए, सड्डी तालिसमतिए ।
 विणएज्ज लोमहरिसं, भेय देहस्स कखए ॥ ३१ ॥
 अह काल्मि सपत्ते, आघायाय समुस्सय ।
 सकाममरण मरइ, तिण्हसन्नघर मुणी , त्ति बेमि ॥३२॥

॥ इअ अकममरणिज्ज पचम अञ्जयण समत्त ॥

अह खुड्ढागनियठिज्ज छट्ठे अञ्जयणं

जावन्तऽविज्जा पुरिसा, सव्वे ते दुवखसभवा ।
 लुप्पन्ति बहुसो मूढा, ससारम्मि अणतए ॥ १ ॥
 समिक्ख पण्डिए तम्हा, पासजाडपहे बहू ।
 अप्पणा सच्चमेसेज्जा, मित्ति मूएसु कप्पए ॥ २ ॥
 माया पिया ण्हसा भाया, भज्जा पुत्ता य ओरसा ।
 चाल ते मम ताणाए, लुप्पतस्स- सक्कमुणा ॥ ३ ॥
 एयमट्ठ सपेहाए, पासे समियदसणे ।
 छिन्द गिंदि सिणेह च, न कखे पुव्वसथव ॥ ४ ॥
 गवासे मणिकुण्डले, पसवो दासपोरुस ।
 सव्वमेयं चइत्ता णं कामरूची भविस्ससि ॥ ५ ॥
 (थावर जंगमं चैव घण धन्ने उवक्खर ।
 पञ्चमाणस्स कम्मोहि नाल दुक्खाउ मोयणे ॥)
 अञ्जभत्थे सव्वेश्रो सव्व, दिस्स पाणे पियायए ।
 च हणे पाणिणो पाणे, भयवेराश्रो उवरए ॥ ६ ॥

आदाणं नरय दिस्सं, नायएज्ज तणामवि ।
 दोगुञ्छी अप्पणो पाए, दिन्न भु जेज्ज भोयणं ॥ ७ ॥
 इहमेगे उ मन्ति, अपञ्चक्खाय पावग ।
 आयरियं विदित्ता ण, सव्वदुक्खा विमुञ्चए ॥ ८ ॥
 भणंता अकरेन्ता य, बन्धमोक्खपइण्णिणो ।
 वायावीरियमेत्तेण, समासासेति अप्पयं ॥ ९ ॥
 न चित्ता तायए भासा, कुओ विज्जाणुसासणं ।
 विसन्ना पावकम्मैहिं, बाला पडियमाणो ॥ १० ॥
 जे केइ सरीरे सत्ता, वण्णे रूवे य सव्वसो ।
 मणसा कायवक्केणं, सव्वे ते दुक्खसभवा ॥ ११ ॥
 आवन्ता दीहमद्धाण, संसारम्मि अणतए ।
 तम्हा सव्वदिस पस्स, अप्पमत्तो परिव्वए ॥ १२ ॥
 बहिया उड्डुमादाय, नावकखे कयाइ वि ।
 पुव्वकम्मक्खयट्टाए, इमं देहं समुद्धरे ॥ १३ ॥
 विविच्च' कम्मणो हेउं, कालकखी परिव्वए ।
 मायं पिडस्स पाणत्स, कड लद्धूण भक्खए ॥ १४ ॥
 सन्निहिं च न कुव्वेज्जा, लेवमायाए संजए ।
 पक्खीपत्त समादाय, निरवेक्खो परिव्वए ॥ १५ ॥
 एसणासमिओ लज्जू, गामे अणियओ चरे ।
 अप्पमत्तो पमत्तेहिं, पिण्डवाय गवेसए ॥ १६ ॥
 एवं से उदाहु अणुत्तरनाणी अणुत्तरदंसी अणुत्तरनाणदंसणधरे
 अरहा नायपुत्ते भगव वेसालिए वियाहिए । त्ति बेमि ॥

॥ इय खुड्डागनियठिज्ज छट्ट अङ्कभयण समत्तं ॥

अह एलइज्ज सत्तमं अज्भयण

जहाऽऽएम समुद्दिस्स, कोइ पोसेज्ज एलयं ।

अयोण जवस देज्जा पोसेज्जावि सयगणे ॥ १ ॥

तओ से पुढे परिवूढे, जायमेए महोदरे ।

पीणिए विउले देहे, आएस परिकखए ॥ २ ॥

जाव च एइ आएसे, ताव जोवइ सेज्जुही ।

अह पत्तम्मि आएसे, सीस छेत्तूण भुज्जइ ॥ ३ ॥

जहा से खलु उरब्भे, आएसाए समीहिए ।

एव बरले अहम्मिढ्ढे, ईहइ निरयाउय ॥ ४ ॥

हिसे बाले मुसावाई, अद्धानमि विलोवए ।

अन्नदत्तहरे तेणे, माई क तु हरे सढे ॥ ५ ॥

इत्थीविसयगिद्धे य, महारभपरिग्गहे ।

भुजमाणे सुर मस, परिवूढे परदमे ॥ ६ ॥

अयकक्करभोई य, तु दित्ते चिय लोहिए ।

आउय नरए कखे, जहाऽऽएस च एलयं ॥ ७ ॥

आसण सयणं जाण, वित्त कामे य भु जिया ।

डुस्ताहड धण हिच्चा, बहु सच्चिणिया रय ॥ ८ ॥

तओ कम्मगुरू जतू, पच्चुप्पन्नपरायणे ।

अएव्व अगयरएसे, मरणत्तम्मि सयेइ ॥ ९ ॥

तओ आउपरिक्खीणे, चुयदेहा विहिंसगा ।

आसुरीय विस बाला, गच्छति अवसा तम ॥ १० ॥

जहा कागिणिए हेउं, सहस्स हारए नरो ।
 अपत्थं अम्बग भोज्जा, राया रज्ज तु हारए ॥ ११ ॥
 एव माणुस्सगा कामा, देवकामाण अतिए ।
 सहस्सगुणिया भुज्जो, आउ कामा य दिव्विया ॥ १२ ॥
 अणेगवासानउया, जा सा पन्नवओ ठिई ।
 जाणि जीयति दुम्मेहा, ऊणे वाससयाउए ॥ १३ ॥
 जहा य तिन्नि वणिया, मूल घेत्तूण निग्गया ।
 एगोऽत्थ लहए लाभं, एगो मूलेण आगओ ॥ १४ ॥
 एगो मूल पि हारित्ता, आगओ तत्थ वाणिओ ।
 ववहारे उवमा एसा, एव धम्मे विजाणह ॥ १५ ॥
 माणुसत्तं भवे मूलं, लाभो देवगई भवो ।
 मूलच्छेएण जीवाण नरगतिरिक्खत्तण धुव ॥ १६ ॥
 दुहओ गई बालस्स, आवईवहमूलिया ।
 देवत्त माणुसत्त च, ज जिए लोलयासढे ॥ १७ ॥
 तओ जिए सइ होइ, दुविहं दुग्गइ गए ।
 दुल्लहा तस्स उम्मग्गा, अद्धाए सुच्चिरादवि ॥ १८ ॥
 एव जियं सपेहाए, तुलिया बाल च पण्डियं ।
 मूलिय ते पवेसन्ति, माणुसिं जोणिमेन्ति जे ॥ १९ ॥
 वेमायाहिं सिक्खाहिं, जे नरा गिहि सुद्वया ।
 उवेंति माणुस जोणिं, कम्मसज्जा हु पाणिणो ॥ २० ॥
 जेसि तु विउला सिक्खा, मूलिय ते अइच्छिया ।
 सीलवन्ता सविसेसा- अदीणा जति देवय ॥ २१ ॥
 एवमदीणवं भिक्खू, आगारिं च वियाणिया ।
 क्रहणुं जिञ्जुमेलिक्ख, जिञ्जमाणे न सविदे ॥ २२ ॥

जहा कुसगो उदग, समुद्देण समं मिणे ।
 एव माणुस्सगा कामा, देवकामाण अतिए ॥ २३ ॥
 कुसगमेत्ता इमे कामा, सन्निरुद्धम्मि आउए ।
 कस्स हेउं पुराकाउ, जोगक्खेम न सविदे ॥ २४ ॥
 इह कामाणियट्टस्स, अत्तट्टे अवरज्झइ ।
 सोच्चा नेयाउयं मग्ग, ज भुज्जो परिभस्सइ ॥ २५ ॥
 इह कामाणियट्टस्स, अत्तट्टे नावरज्झइ ।
 पूइदेहेनिरोहेण, भवे देवित्ति मे सुय ॥ २६ ॥
 इड्ढी जुई जसो वण्णो, आउ सुहमणुत्तर ।
 भुज्जो जत्य मणुस्सेसु, तत्थ से उववज्जइ ॥ २७ ॥
 बालस्स पस्स बालत्त, अहम्म पडिवज्जिया ।
 चिच्चा धम्म अहम्मिट्टे, नरए उववज्जइ ॥ २८ ॥
 धोरस्स पस्स धोरत्त, सव्वधम्माणुवत्तिणो' ।
 चिच्चा अधम्म धम्मिट्टे, देवेसु उववज्जइ ॥ २९ ॥
 तुलियाण बालभाव, अबाल चेव पण्डिए ।
 चइऊण बालभाव, अबाल सेवए मुणी । त्ति वेमि ॥ ३० ॥

॥ इय एलय णाम सत्तम अज्भयण समत्त ॥

अह काविलियं अट्टमं अज्भयण

अधुवे असासयम्मि,

ससारम्मि दुक्खपउराए ।

कि नाम होज्ज त कम्मयं
 जेणाह दुग्गइ न गच्छेज्जा ॥ १ ॥
 विजहित्तु पुव्वसजोय,
 न सिणेह कर्हिचि कुव्वेज्जा ।
 असिणेह सिणेहकरेहिं,
 दोसपओनेहि सुच्चए भिक्खू ॥ २ ॥
 तो नाणदसणसमग्गो,
 हियनिस्सेसाए सव्वजीवाणं ।
 तेसि विमोक्खणट्ठाए,
 भासइ मुणिवरो विगयमोहो ॥ ३ ॥
 सव्वं गयं कलह च,
 विप्पजहे तहाविहं भिक्खू ।
 सव्वेसु कामजाएसु,
 पासमाणो न लिप्पइ ताई ॥ ४ ॥
 भोगामिसदोसविसन्ने,
 हियनिस्सेयसबुद्धिवोच्चत्थे ।
 बाले य मदिए मूढे,
 बज्जइ मच्छिया च खेलम्मि ॥ ५ ॥
 दुप्परिच्चया इमे कामा,
 नो सुजहा अधीरपुरिसेहिं ।
 अह सति सुध्वया साहू,
 जे तरति अतर वणिया चा ॥ ६ ॥
 समणा मु एगे वयमाणा,
 पाणवहं मिया अयाणन्ता ।

मन्दा निरय गच्छति,
बाला पावियाहिं दिट्टीहिं ॥ ७ ॥

न ह्यु पाणवहं अणुजाणे,
मुच्चेज्ज कयाइ सच्चदुक्खाण ।

एवमारिणीं अक्खायं,
जेहिं इमो साहुधम्मो पणत्तो ॥ ८ ॥

पारो य नाइवाएज्जा,
से समिए त्ति वुच्चइ ताई ।

तत्रो से पावय कम्म,
निज्जाइ उदग व थलाओ ॥ ९ ॥

जगनिस्सिएहिं भूएहिं,
तसनामेहिं थावरेहिं च ।

नो तेसिमारभे दड,
मणसा वयसा कायसा चेव ॥ १० ॥

सुद्धेसणाओ नच्चा ण,
तत्थ ठवेज्ज भिक्खू अप्पाण ।

जायाए घासमेसेज्जा,
रसगिद्धे न सिया भिक्खाए ॥ ११ ॥

पन्ताणि चेव सेवेज्जा,
सीर्यापिड पुराणकुम्मास ।

अट्टु बुक्कस पुलागं वा,
जवणट्टाए निसैवए मथुं ॥ १२ ॥

जे लक्खण च सुविण च,
अङ्गविज्जं च जे पउजति ।

न हु ते समणा वुच्चति.

एवं आयरिएहिं श्वखायं ॥१३॥

इह जीवियं अणियमेत्ता,

पभट्टा समाहिजोएहिं ।

ते कामभोगरसगिद्धा,

उववज्जंति आसुरे काए ॥१४॥

तत्तोऽवि य उव्वट्टिता,

संसारं बहु अणुपरियडंति ।

बहुकम्मलेवलित्ताणं,

बोही होइ सुदुल्लहा तेसि ॥१५॥

कसिणंपि जो इमं लोयं,

पडिपुण्णं दलेज्ज इक्कस्स ।

तेणावि से न संतुस्से,

इह दुप्परए इमे आया ॥१६॥

जहा लाहो तथा लोहो,

लाहा लोहो पवडुइ ।

दोमासकय कज्जं,

कोडीए वि न निट्ठिय ॥१७॥

न रक्खसीसु गिज्जेज्जा,

गडवच्छासुऽणोगचित्तासु ।

जाओ पुरिसं पलोभित्ता,

खेत्तति जहा व दासेहिं ॥१८॥

नारीसु नोवगिज्जेज्जा,

इत्थी विप्पजहे अणगारे ।

धम्म च पेसलं नञ्जा,
तत्थ ठवेज्ज भिक्खू अप्पाण ॥१६॥

इअ एस धम्मे अक्खाए,
कविलेण च विसुद्धपन्नेण ।

तरिंहिति जे उ कार्हिति,
तेहि आराहिया दुवे लोगा ॥ त्ति वेमि ॥२०॥

॥ काविलीय अट्टम अञ्जयण समत्त ॥

अह नवमं नमिपव्वज्जा अञ्जयणं

चइऊण देवलोगाओ, उववन्नो माणुसमि लोगमि ।
उवसन्तमोहणिज्जो, सरइ पोराणिय जाइ ॥१॥

जाइ सरित्तु भयव, सहसबुद्धो अणुत्तरे धम्मे ।
पुत्तं ठवित्तु रज्जे, अभिणिकखमइ नमी राया ॥२॥

से देवलोगसरिसे, अन्तेउरवरगओ वरे भोए ।
भु जित्तु नमी राया, बुद्धो भोगे परिञ्चइ ॥३॥

मिहिल सपुरजणवय, बलमोरोह च परियण सव्वं ।
चिच्चा अभिनिक्खन्तो, एगन्तमहिद्धीओ भयव ॥४॥

कोलाहलगसभूय, आसी मिहिलाए पव्वयन्तमि ।
तइया रायरिसमि, नमिमि अभिणिकखमतमि ॥५॥

अब्भुट्ठिय रायरिसि, पव्वज्जाठाणमुत्तम ।
सक्को माहणरूवेण, इमं वय गमव्ववी ॥६॥

किण्णु भो अज्ज मिहिलाए, कोलाहलगसंकुला ।
 सुव्वन्ति^१ दाहणा सदा, पासाएसु गिहेसु य ॥७॥
 एयमट्ठं^२ निसामित्ता, हेऊकारणचोइओ ।
 तओ नमी रायरिसी, देविद इणमव्ववी ॥८॥
 मिहिलाए चेइए वच्छे, सीयच्छाए मणोरमे ।
 पत्तपुप्फलोवेए, बहूणं बहुगुणे सया ॥९॥
 वाएण हीरमाणम्मि, चेइयम्मि मणोरमे ।
 दुहिया असरणा अत्ता, एए कंदति भो ! खगा ॥१०॥
 एयमट्ठं^३ निसामित्ता, हेऊकारणचोइओ ।
 तओ नमि रायरिसि, देविदो इणमव्ववी ॥११॥
 एस अग्गी य वाऊ य, एय डज्झइ मंदिर ।
 भयवं अन्तेउरं तेणं, कीस णं नावपेक्खह ॥१२॥
 एयमट्ठं^४ निसामित्ता, हेऊकारणचोइओ ।
 तओ नमी रायरिसी, देविद इणमव्ववी ॥१३॥
 सुहं वसामो जीवामो, जेसि मो नत्थि किचणं ।
 मिहिलाए डज्झमाणीए, न मे डज्झइ किचण ॥१४॥
 चत्तपुत्तकलत्तस्स, निव्वावारस्स भिक्खुणो ।
 पियं न विज्जए किचि, अप्पियं पि नविज्जए ॥१५॥
 बहं खु मुणिणो भद्दं, अणगारस्स भिक्खुणो ।
 सव्वओ विप्पमुक्कस्स, एगन्तमणुपस्सओ ॥१६॥
 एयमट्ठं^५ निसामित्ता, हेऊकारणचोइओ ।
 तओ नमि रायरिसि, देविदो इणमव्ववी ॥१७॥

पागार कारइत्ताणं, गोपुरट्टालगाणि य ।
उत्सूलगसयग्घीओ, तओ गच्छसि खत्तिया । ॥१८॥

एयमट्टं निसामित्ता, हेऊकारणचोइओ ।
तओ नमी रायारसी, देविद इणमब्बवी ॥१९॥

सद्धं नगर किञ्चा, तवसवरमगल ।
खत्ति निउणपागार, तिगुत्त दुप्पवसय ॥२०॥

धणु परक्कम किञ्चा, जीव च इरिय सया ।
धिइ च केयण किञ्चा, सच्चेण पलिमन्थए ॥२१॥

तवनारायजुत्तेणं, भित्तूण कम्मकचुय ।
मुणी विगयसगामो, भवाओ परिसुच्चए ॥२२॥

एयमट्टं निसामित्ता, हेऊकारणचोइओ ।
तओ नमि रायरिसि, देविन्दो इणमब्बवी ॥२३॥

पासाए कारइत्ताण, वड्डमाणगिहाणि य ।
बालगगपोइयाओ य, तओ गच्छसि खत्तिया । ॥२४॥

एयमट्टं निसामित्ता, हेऊकारणचोइओ ।
तओ नमी रायरिसी, देविन्द इणमब्बवी ॥२५॥

ससयं खलु सो कुणइ, जो मग्गे कुणइ घर ।
जत्थेव गन्तुमिच्छेज्जा, तत्थ कुब्बेज्ज सासय ॥२६॥

एयमट्टं निसामित्ता, हेऊकारणचोइओ ।
तओ नमि रायरिसि, देविन्दो इणमब्बवी ॥२७॥

श्रामोसे लोमहारे य, गठिभेए य तक्करे ।
नगरस्स खेम काऊणं, तओ गच्छसि खत्तिया । ॥२८॥

एयमद्वुं निसामित्ता, हेऊकारणचोइओ ।
 तओ नमी रायरिसी, देविन्दं इणमब्बवी ॥२६॥
 असइं तु मणुस्सेहिं, मिच्छा दंडो पउजए ।
 अकारिणोऽत्थ बज्भंति, मुच्चए कारओ जणो ॥३०॥

एयमद्वुं निसामित्ता, हेऊकारणचोइओ ।
 तओ नमि रायरिसिं, देविन्दो इणमब्बवो ॥३१॥

जे केइ पत्थिवा तुज्भं, नानमति नराहिवा !
 वसे ते ठावइत्ता ण, तओ गच्छसि खत्तिया ! ॥३२॥

एयमद्वुं निसामित्ता, हेऊकारणचोइओ ।
 तओ नमी रायरिसी देविदं इणमब्बवी ॥३३॥
 जो सहस्स सहस्साणं, संगामे दुज्जए जिणे ।
 एगं जिणेज्ज अप्पण, एस से परमो जओ ॥३४॥

अप्पाणमेव जुज्झाहिं, किं ते जुज्झेण वज्जओ ?
 अप्पणा चेव अप्पाणं, जइत्ता सुहमेहए ॥३५॥

पच्चिदियाणि कोहं, माण मायं तहेव लोह च ।
 दुज्जय चेव अप्पाण, सव्वं अप्पे जिए जिय ॥३६॥

एयमद्वुं निसामित्ता, हेऊकारणचोइओ ।
 तओ नमि रायरिसिं, देविन्दो इणमब्बवी ॥३७॥

जइत्ता विउले जन्ने, भोइत्ता समणमाहणे ।
 दच्चा भोच्चा य जिट्ठा य, तओ गच्छसि खत्तिया ! ॥३८॥

एयमद्वुं निसामित्ता, हेऊकारणचोइओ ।
 तओ नमी रायरिसी, देविदं इणमब्बवी ॥३९॥

जो सहस्स सहस्साणं, मासे मासे गव दए ।
 तस्स वि संजमो सेओ, अदिन्तस्स वि किंचण ॥४०॥
 एयमट्ठं निसामित्ता, हेऊकारणचोइओ ।
 तओ नमि रायरिसि, देविन्दो इणमब्बवी ॥४१॥
 घोरासमं चइत्ताण, अन्नं पत्थेसि आसमं ।
 इहेव पोसहरओ, भवाहि मणुयाहिवा ! ॥४२॥
 एयमट्ठं निसामित्ता, हेऊकारणचोइओ ।
 तओ नमी रायरिसी, देविन्दं इणमब्बवी ॥४३॥
 मासे मासे तु जो बाली, कुसग्गेण तु भुजए ।
 न सो सुअक्खायधम्मस्स, कलं अग्घइ सोलसि ॥४४॥
 एयमट्ठं निसामित्ता, हेऊकारणचोइओ ।
 तओ नमि रायरिसि, देविन्दो इणमब्बवी ॥४५॥
 हिरण्णं सुवण्णं मणिमुत्तं, कसं दूसं च वाहण ।
 कोसं वड्ढावइत्ताण, तओ गच्छसि खत्तिया ! ॥४६॥
 एयमट्ठं निसामित्ता, हेऊकारण चोइओ ।
 तओ नमी रायरिसी, देविदं इणमब्बवी ॥४७॥
 सुवण्णरुप्पस्स उ पच्चया भवे,
 सिया हु केलाससमा असत्थया ।
 नरस्स लुद्धस्स न तेहि किंचि,
 इच्छा हु आगाससमा अणतिया ॥४८॥
 पुढवी साली जवा चेव, हिरण्णं पसुभिस्सह ।
 पडिपुण्णं नालमेगस्स, इइ विज्जा तव चरे ॥४९॥
 एयमट्ठं निसामित्ता, हेऊकारणचोइओ ।
 तओ नमि रायरिसि, देविन्दो इणमब्बवी ॥५०॥

अच्छेरयमब्भुदए, भोए चयसि पत्थिवा ।
 असन्ते कामे पत्थेसि, सकप्पेण विहम्मसि ॥५१॥
 एयमट्ठं निसामित्ता, हेऊकारणचोइओ ।
 तओ नमी रायरिसी, देविदं इणमब्बवी ॥५२॥
 सल्लं कामा विसं कामा, कामा आसीविसोवमा ।
 कामे पत्थेमाणा, आकामा जति दोग्गइ ॥५३॥
 अहे वयति कोहेणं, माणेणं अहमा गई ।
 माया गइपडिग्घाओ, लोहाओ दुहओ भय ॥५४॥
 अवउज्झिऊण माहणरूवं, विउन्विऊण इन्दत्तं ।
 वन्दइ अभित्थुणन्तो, इमाहि महुराहि वग्गूहि ॥५५॥
 अहो ते निज्जिओ कोहो, अहो माणो पराजिओ ।
 अहो ते निरक्किया माया. अहो लोहो वत्तिकओ ॥५६॥
 अहो ते अज्जवं साहु, अहो ते साहु मद्दवं ।
 अहो ते उत्तमा खन्ती, अहो ते मुत्ति उत्तमा ॥५७॥
 इहं सि उत्तमो भन्ते, पेच्चा^१ होहिसि उत्तमो ।
 लोगुत्तमुत्तम ठाण, सिद्धि गच्छसि नीरओ ॥५८॥
 एवं अभित्थुणतो, रायरिसि उत्तमाए सद्धाए ।
 पयाहिणं करेन्तो, पुणो पुणो वन्दए सक्को ॥५९॥
 तो वंदिऊण पाए, चक्कंकुसलक्खणे सुणिवरस्स ।
 आगासेणुप्पइओ, ललियचवलकुडलतिरीडी ॥६०॥
 नमी नमेइ अप्पाणं. सक्खं सक्केण चोइओ ।
 चइऊण गेहं च वेदेही, सामण्णे पज्जुवट्ठिओ ॥६१॥

एवं करेति संबुद्धा, पण्डिया पवियक्वणा ।
विणियदृंति भोगेसु, जहा से नमी रायरिसि, तिबेसि ॥६२॥

॥ इइ नमीपव्वज्जा नवम अञ्भयण समत्त ॥

अह दुमपत्तय दसमं अञ्भयण

दुमपत्तए पडुरए जहा,
निवडइ राइगणाण अच्चए ।
एव मणुयाण जीविय,
समयं गोयम ! मा पमायए ॥ १ ॥
कुसग्गे जह ओसबिन्दुए,
थोवं चिट्ठइ लम्बमाणए ।
एवं मणुयाण जीविय,
समय गोयम ! मा पमायए ॥ २ ॥
इइ इत्तरियम्मि आउए,
जीवियए बहुपच्चवायए ।
विट्ठणाहि रयं पुरे कडं,
समय गोयम ! मा पमायए ॥ ३ ॥
डुल्लहे खलु माणुसे भवे,
चिरकालेण वि सव्वपाणिणं ।
गाढा य विवाग कम्मणो,
समय गोयम ! मा पमायए ॥ ४ ॥
पुढविकायमइगओ,
उक्कोसं जीवो उ सवसे ।
कालं सखाईय,
समयं गोयम ! मा पमायए ॥ ५ ॥

आउक्कायमइगओ,
 उक्कोसं जीवो उ संवसे ।
 कालं संखाईयं,
 समय गोयम ! मा पमायए ॥६॥

तेउक्कायमइगओ,
 उक्कोसं जीवो उ संवसे ।
 कालं, सखाईयं,
 समयं गोयम ! मा पमायए ॥७॥

वाउक्कायमइगओ,
 उक्कोसं जीवो उ संवसे ।
 कालं संखाईयं,
 समय गोयम ! मा पमायए ॥८॥

वणस्सइकायमइगओ,
 उक्कोसं जीवो उ संवसे ।
 कालमणन्तदुरन्तय,
 समयं गोयम ! मा पमायए ॥९॥

वेइंदियकायमइगओ,
 उक्कोसं जीवो उ संवसे ।
 काल संखिज्जसन्नियं,
 समयं गोयम ! मा पमायए ॥१०॥

तेइंदिकायमइगओ,
 उक्कोस जीवो उ संवसे ।
 काल संखिज्जसन्नियं,
 समयं गोयम ! मा पमायए ॥११॥

चउरिदियकायमइगओ,
 उक्कोस जीवो उ सवसे ।
 कालं सखिल्लसन्निय,
 समय गोयम ! मा पमायए ॥१२॥

पचिदियकायमइगओ,
 उक्कोस जीवो उ सवसे ।
 सत्तट्टुभवगहणे,
 समय गोयम ! मा पमायए ॥१३॥

देवे नेरइए य अइगओ,
 उक्कोस जीवो उ सवसे ।
 इक्केक्कभवगहणे,
 समयं गोयम ! मा पमायए ॥१४॥

एवं भवससारे,
 ससरइ सुहासुहेहिं कम्मोहि ।
 जीवो पमायबहुलो,
 समय गोयम ! मर पमयए ॥१५॥

लद्धूण वि माणुसत्तण,
 आरिअत्त पुणरावि दुल्लहा ।
 बहवे दसुया मिलक्खुया,
 समय गोयम ! मर पमायए ॥१६॥

लद्धूण वि आरियत्तण,
 अहीणपंचेदियया हु दुल्लहा ।
 विगल्लियया हु दीसइ,
 समय गोयम ! मा पमायए ॥१७॥

अहीणपंचेदियत्तं पि से लहे,
 उत्तमधम्मसुईं हु दुल्लहा ।
 कृत्तिथिनिसेवए जणे,
 समयं गोयम ! मा पमायए ॥१८॥
 लद्धूण वि उत्तमं सुइ,
 सद्दहणा पुणरावि दुल्लहा ।
 मिच्छत्तनिसेवए जणे,
 समयं गोयम ! मा पमायए ॥१९॥
 धम्म पि हु सद्दहन्तया,
 दुल्लहया काएण फासया ।
 इह कामगुणेहि मुच्छिया,
 समयं गोयम ! मा पमायए ॥२०॥
 परिजूरइ ते सरीरयं,
 केसा पण्डुरया हवति ते ।
 से सोयवले य हायइ,
 समयं गोयम ! मा पमायए ॥२१॥
 परिजूरइ ते सरीरयं,
 केसा पण्डुरया हवति ते ।
 से चक्खुवले य हायइ,
 समयं गोयम ! मा पमायए ॥२२॥
 परिजूरइ ते सरीरयं,
 केसा पण्डुरया हवति ते ।
 से घाणवले य हायइ,
 समयं गोयम ! मा पमायए ॥२३॥

परिजूरइ ते सरीरय,
 केसा पण्डुरया हवति ते ।
 से जिम्भबले य हायइ,
 समय गोयम ! मा पमायए ॥२४॥
 परिजूरइ ते सरीरय,
 केसा पण्डुरया हवति ते ।
 से फासधले य हायइ,
 समय गोयम ! मा पमायए ॥२५॥
 परिजूरइ ते सरीरय,
 केसा पण्डुरया हवति ते ।
 से सव्वबले य हायइ,
 समय गोयम ! मा पमायए ॥२६॥
 अरई गण्डं विसूइया,
 आयेंका विविहा फुसंति ते ।
 विहडइ विद्धसइ ते सरीरय,
 समय गोयम ! मा पमायए ॥२७॥
 चोच्छन्द सिणेहमप्पणो,
 कुमुयं सारइय व पाणिय ।
 से सव्वसिणेहवज्जिए,
 समय गोयम ! मा पमायए ॥२८॥
 चिच्चाण घणं च भारियं,
 पव्वइओ हि सि अणमारिय ।
 मा वन्त पुणो वि आइए,
 समय गोयम ! मा पमायए ॥२९॥

अवउज्झिय मित्तबन्धवं,
 विउलं चैव धणोहसंचयं ।
 मा तं विइय गवेसए,
 समय गोयम ! मा पमायए ॥३०॥

न हु जिणे अज्ज दिस्सइ,
 बहुमए दिस्सइ मग्गदेसिए ।
 संपइ नेयाउए पहे,
 समय गोयम ! मा पमायए ॥३१॥

अवसोहिय कण्टगापह,
 ओइण्णो सि पहं महालय ।
 गच्छसि मग्ग विसोहिया,
 समय गोयम ! मा पमायए ॥३२॥

अबले जह भारवाहए,
 मा मग्गे विसमेऽवगाहिया ।
 पच्छा पच्छाणुतावए,
 समय गोयम ! मा पमायए ॥३३॥

तिण्णो हु सि अण्णवं महं,
 किं पुण चिट्ठसि तीरमागओ ।
 अभितुर पारं गमित्तए,
 समय गोयम ! मा पमायए ॥३४॥

अकलेवरसेणि उस्सिया,
 सिद्धि गोयम ! लोयं गच्छसि !
 खेमं च सिवं अणुत्तर,
 समय गोयम ! मा पमायए ॥३५॥

बुद्धे परिनिव्वुडे चरे,
 गामगए नगरे व संजए ।
 सतिमग्ग च वूहए,
 समय गोयम ! मा पमायए ॥३६॥
 बुद्धस्स निसम्म भासिय,
 सुकहियमट्टुपओवसोहिय ।
 राग दोस च छिन्दिया,
 सिद्धिगइं गए गोयमे, त्तिवेमि ॥३७॥

॥ इइ टुमपत्तय दसम अञ्जयण समत्त ॥

अह बहुस्सुयपुज्जं णाम एगारसं अञ्जयणं
 संजोगा विप्पमुक्कस्स, अणगारस्स भिक्खुणो ।
 आयार पाउकरिस्सामि, आणुपुव्विं सुणेह मे ॥१॥
 जे यावि होइ निव्विज्जे, थद्धे लुद्धे अणिग्गहे ।
 अभिक्खण उल्लवइ, अविणीए अबहुस्सुए ॥२॥
 अह पचहिं ठाणेहिं, जेहिं सिक्खा न लब्भइ ।
 थभा कोहा' पमाएणं, रोगेणालस्सएण य ॥३॥
 अह अट्ठहिं ठाणेहिं, सिक्खासीलि त्ति वुच्चइ ।
 अहस्सिरे सया दन्ते, न य मम्ममुदाहरे ॥४॥
 नासीले न विसीले, न सिया अइलोलुए ।
 अकोहणे सच्चरए, सिक्खासीलि त्ति वुच्चइ ॥५॥
 अह चोइसहिं ठाणेहिं, चट्टमाणे उ सजए ।
 अविणीए वुच्चई सो उ, निव्वाणं च न गच्छइ ॥६॥

अभिक्खण कोही हवइ, पबन्धं च पकुव्वइ ।
 मेत्तिज्जमाणो वमइ, सुयं लद्धूण मज्झइ ॥७॥
 अवि पावपरिक्खेवी, अवि मित्तेसु कुप्पइ ।
 सुप्पियस्सावि मित्तस्स, रहे भासइ पावय ॥८॥
 पइण्णवाई दुहिले, थद्धे लुद्धे अणिग्गहे ।
 असविभागी अवियत्ते, अविणीए त्ति वुच्चइ ॥९॥
 अह पन्नरर्साहि ठाणेहि, सुविणीए त्ति वुच्चइ ।
 नीयावत्ती अचवले, अमाई अकुऊहले ॥१०॥
 अप्पं च अहिक्खिवइ, पबन्धं च न कुव्वइ ।
 मेत्तिज्जमाणे भयइ, सुय लद्धुं न मज्झइ ॥११॥
 न य पावपरिक्खेवी, न य मित्तेसु कुप्पइ ।
 अप्पियस्सावि मित्तस्स, रहे कल्लाण भासइ ॥१२॥
 कलहडमरवज्जिए, बुद्धे अभिजाइगे ।
 हिरिम पडिसंलीणे, सुविणीए त्ति वुच्चइ ॥१३॥
 वसे गुरुकुले णिच्चं, जोगव उवहाणवं ।
 पियंकरे पियवाई, से सिक्खं लद्धुमरिहइ ॥१४॥
 जहा संखम्मि पयं, निहिय दुहओ वि विरायइ ।
 एवं बहुस्सुए भिक्खू, धम्मो कित्ती तहा सुयं ॥१५॥
 जहा से कम्बोयाणं, आइण्णे कथए सिया ।
 आसे जवेण पवरे, एव हवइ बहुस्सुए ॥१६॥
 जहाइण्णसमारूढे, सूरे दढपरक्कमे ।
 उभओ नन्दिघोसेण, एव हवइ बहुस्सुए ॥१७॥

जहा करेणुपरिकिण्णे, कुजरे सट्टिहायणे ।
बलवते अप्पडिहए, एवं हवइ बहुस्सुए ॥१८॥

जहा से तिकर्खासिगे, जायखन्धे विरायइ ।
वसहे जूहाहिवई, एवं हवइ बहुस्सुए ॥१९॥

जहा से तिकखदाढे, उदग्गे दुप्पहसए ।
सीहे मियाण पवरे, एवं हवइ बहुस्सुए ॥२०॥

जहा से वासुदेवे, सखचक्कगयाधरे ।
अप्पडिहयबले जोहे, एवं हवइ बहुस्सुए ॥२१॥

जहा से चाउरन्ते, चक्कवट्टीमहिड्डिए ।
चोद्दसरयणाहिवई, एव हवइ बहुस्सुए ॥२२॥

जहा से सहस्सक्खे, वल्लपाणी पुरन्दरे ।
सक्के देवाहिवई, एवं हवइ बहुस्सुए ॥२३॥

जहा से तिमिरविद्धसे, उच्चिट्टन्ते दिवायरे ।
जलन्ते इव तेएण, एवं हवइ बहुस्सुए ॥२४॥

जहा से उडुवई चन्दे, नक्खत्तपरिवारिए ।
पडिपुण्णे पुण्णमासिए एव हवइ बहुस्सुए ॥२५॥

जहा से सामाइयाण, कोट्टागारे सुरक्खिए ।
नाणाधन्तपडिपुण्णे, एव हवइ बहुस्सुए ॥२६॥

जहा सा दुमाण पवरा, जल्ल नाम सुदसणा ।
अणाढियस्स देवस्स, एव हवइ बहुस्सुए ॥२७॥

जहा सा नईण पवरा, सलिला सागरगमा ।
सीया नीलवन्तपवहा, एव हवइ बहुस्सुए ॥२८॥

जहा से नगाण पवरे, सुमहं मन्दरे गिरी ।
 नाणोसहिपल्लिए, एव हवइ बहुस्सुए ॥२६॥
 जहा से सयंभुरमणे, उदही अक्खओदए ।
 नाणारयणपडिपुण्णे, एव हवइ बहुस्सुए ॥३०॥

समुद्गंभीरसमा दुरासया,
 अचक्किया केणइ दुप्पहसया ।
 सुयस्स पुण्णा विउलस्स ताइणो,
 खवित्तु कम्मं गइमुत्तम गया ॥३१॥

तम्हा सुयमहिट्ठिज्जा, उत्तमद्दुगवेसए ।
 जेणप्पाणं पर चेव, सिद्धि सपाउणेज्जासि, त्ति वेमि ॥३२॥

॥ इइ बहूस्सुयपुज्ज णाम एगारस अज्भयण समत्त ॥

अहं हरिएसिज्ज बारहं अज्भयणं

सोवागकुलसंभूओ, गुणुत्तरधरो मुणो ।
 हरिएसबलो नाम, आसी भिक्खू जिइन्दिओ ॥१॥
 इरिएसणभासाए, उच्चारसमिईसु य ।
 जओ आयाणनिकखेवे, सजओ सुसमाहिओ ॥२॥
 मणगुत्तो, वयगुत्तो, कायगुत्तो जिइन्दिओ ।
 भिक्खट्ठा बम्भइज्जम्मि, जन्तवाडमुवट्ठिओ ॥३॥
 त पासिऊणं एज्जन्तं, तवेण परिसोसिय ।
 पन्तोवहिउवगरणं, उवहसन्ति अणारिया ॥४॥
 जाइमयपडिथद्धा, हिंसगा अजिइन्दिया ।
 अवम्भचारिणो बाला, इम वयणमब्बवो ॥५॥

कयरे आगच्छइ दित्तरूवे ?
 काले विगराले फोक्कनासे ।
 ओमचेलए पसुपिसायभूए,
 सकरदूस परिहरिय कण्ठे । ६॥

कयरे तुम इय अदसणिज्जे ?
 काए व आसा इहमागओसि ?
 ओमचेलया पसुपिसायभूया,
 गच्छ खलाहि किमिहं ठिओऽसि ॥७॥

जक्खे तर्हि तिन्दुरुक्खवासी,
 अणुकम्पओ तस्स महामुणिस्स ।
 पच्छायइत्ता नियग सरोरं,
 इमाइं वयणाइमुदाहरित्था ॥८॥

समणो अहं सजओ वम्भयारी,
 विरओ घणपयणपरिग्गहाओ ।
 परप्पवित्तस्स उ भिक्खकाले,
 अन्नस्स अट्ठा इहमागओमि ॥९॥

वियरिज्जइ खज्जइ भुज्जइ य,
 अन्नं पभूयं भवयाणमेयं ।
 जाणाहि मे जायण जीविणु त्ति,
 सेसावसेस लहउ तवस्सी ॥१०॥

उवक्खडं भोयण माहणाण,
 अत्तट्ठियं सिद्धमिहेगपक्खं ।
 न ऊ वयं एरिसमन्नपाण,
 दाहामु तुज्झ किमिहं ठिओ सि ? ॥११॥

थलेसु बीयाइं ववन्ति कासगा,
 तहेव निन्नेसु य आससाए ।
 एयाए सद्धाए दलाह मज्झं,
 आराहए पुण्णमिणं खु खित्तं ॥१२॥
 खेत्ताणि अम्हं विइयाणि लोए,
 जहिं पकिघण्णा विरुहन्ति पुण्णा ।
 जे माहणा जाइविज्जोववेया,
 ताइं तु खित्ताइ सुपेसलाइ ॥१३॥
 कोहो य माणो य वहो य जेसिं,
 मोस अदत्तं च परिग्गह च ।
 ते माहणा जाइविज्जाविहीणा,
 ताइ तु खित्ताइं सुपावयाइ ॥१४॥
 तुब्भेत्य भो भारघरा गिराणं,
 अट्ठं न जाणेह अहिज्ज वेए ।
 उच्चवावयाइ मुणिणो चरन्ति,
 ताइ तु खेत्ताइ सुपेसलाइं ॥१५॥
 अर्जुनावयाण पडिकूलभासी;
 पभाससे किं नु सगासि अम्हं ।
 अवि एयं विणस्सउ अन्नपाण,
 न य णं दाहामु तुम नियण्ठा ! ॥१६॥
 समिईहि मज्झं सुसमाहियस्स,
 गुत्तीहि गुत्तस्स जिइन्दियस्स ।
 जइ मे न दाहित्थ अहेसणिज्जं,
 किमज्ज जन्नाण लहित्थ लाहं ? ॥१७॥

के इत्थ खत्ता उवजोइया वा,
 अज्भावया वा सह खण्डिर्ह ? ।
 एय खु दण्डेण फलएण^१ हन्ता,
 कण्ठम्मि घेत्तूण खलेज्ज जो ण ॥१८॥

अज्भावयाण वयण सुणेत्ता,
 उद्धाइया तत्थ बहू कुमारा ।
 दण्डेहि वित्तेहि कसेहि चेव,
 समागया त ईसि तालयन्ति ॥१९॥

रन्तो तर्हि कोसलियस्स धूया,
 भट्ठत्ति नामेण अणिन्दियगी ।
 त पासिया सजयहम्ममाणं,
 कुद्धे कुमारे परिनिव्ववेइ ॥२०॥

देवाभिन्नोगेण निन्नोइएणं,
 दिन्ना मु रत्ता मणसा न भाया ।
 नरिन्ददेविन्दऽभिवन्दिएण,
 जेणाम्मि वंता इसिणा स एसो ॥२१॥

एसो हु सो उगगतवो महप्पा,
 जिइन्दिन्नो सजन्नो बम्भयारी ।
 जो मे तया नेच्छइ दिज्जमार्णि,
 पिउणा सयं कोसलिएण रत्ता ॥२२॥

महाजसो एस महाणुभागे,
 घोरव्वन्नो घोरपरक्कमो य ।

मा एयं हीलेह अहीलणिज्जं,
 मा सव्वे तेएण भे तिद्दहेज्जा ॥२३॥
 एयाइ तीसे वयणाइ सोज्जा,
 पत्तीइ भद्दाइ सुभासियाइ ।
 इसिस्स वेयावडियट्टयाए,
 जक्खा कुमारे विणिवारयन्ति ॥२४॥
 ते घोररूवा ठिय अन्तलिवस्से,
 असुरा त्तिं तं जणं तालयन्ति ।
 ते भिन्नदेहे रुहिरं वमन्ते,
 पासित्तु भद्दा इणमाहु भुज्जो ॥२५॥
 गिरिं त्तेहोहं खणह,
 अय दत्तेहं खायह ।
 जायतेय पाएहि हणह,
 जे भिक्खुं अवमन्नह ॥२६॥
 आसीविसो उग्गतवो महेसी,
 घोरव्वओ घोरपरक्कमो य ।
 अर्गणं व पक्खन्द पयंगसेणा,
 जे भिक्खुयं भत्तकाले वहेह ॥२७॥
 सीसेण एय सरण उवेह,
 समागया सव्वजणेण तुब्भे ।
 जइ इच्छह जीवियं वा धण वा,
 लोगपि एसो कुविओ डहेज्जा ॥२८॥
 अवहेडियपिट्टिसउत्त मगे,
 पसारिया बाहु अकम्मचेट्ठे ।

निम्भेरियच्छे रहिरं वमन्ते,
उद्धंमुहे निग्गयजीहनेते ! ॥२६॥

ते पासिया खण्डियकट्टुभूए,
विमणो विसण्णो अह माहणो सो ।
इसि पसाएइ सभारियाओ,
हीलं च निन्द च खमाह भन्ते ॥३०॥

बालेहिं मूढेहिं अयाणएहिं,
ज हीलया तस्स खमाह भन्ते !
महप्पसाया इसिणो हवन्ति,
न हु मुष्पी कोवपरा हवन्ति ॥३१॥

पुण्वि च इण्हि च अणागयं च,
मणप्पओसो न मे अत्थि कोइ ।
जक्खत्ता हु वेयावडियं करेन्ति,
तम्हा हु एए निहया कुमारा ॥३२॥

अत्थं च धम्मं च वियाणमाणा,
तुम्भे न वि कुप्पह भूइपन्ता ।
तुम्भं तु पाए सरणं उवेमो,
समागया सव्वजणेण अम्हे ॥३३॥

अच्चेमु ते महाभाग,
न ते किञ्चि न अञ्चिमो ।
भुंजाहि सालिमं कूर,
नाणा-वजण-सजुयं ॥३४॥

इम च मे अत्थि पभूयमन्न,
 त भुंजसू अम्ह अणुगहट्टा ।
 बाढं ति पडिच्छइ भत्तपाणं,
 मासस्स ऊ पारणए महप्पा ॥३५॥
 तहियं गन्धोदयपुप्फवासं,
 दिव्वा तहिं वसुहारा य बुट्टा ।
 पहयाओ दुन्दुहीओ सुरेहिं,
 आगासे अहो दाणं च घुट्टं ॥३६॥
 सक्ख खु दीसइ तवोवित्सेसो,
 न दीसइ जाइवित्सेस कोई ।
 सोवागपुत्तं हरिएससाहु,
 जस्सेरिसा इड्ढि महाणुभागा ॥३७॥
 किं माहणा ! जोइसमारभन्ता,
 उदएण सोहिं बहिया विसग्गहा ।
 जं सग्गहा बाहिरिय विसोहिं,
 न क सुविट्ठं कुसला वयन्ति ॥३८॥
 फुसं च जूव तणकट्टमग्गि,
 सायं च पायं उदग फुसन्ता ।
 पाणाइं भूयाइं विहेडयन्ता,
 भुञ्जो वि मन्दा पगरेह पाव ॥३९॥
 कहं चरे भिक्खु ! वयं जयामो,
 पावाइ कम्माइ पुणोल्लयामो ।
 अक्खाहि णे सजय ! जक्खपूइया,
 कहं सुइट्ठं कुसला वयन्ति ॥४०॥

छल्लीवकाए असमारभन्ता,

। मोसं अदत्तं च असेवमाणा ।
परिग्गह इत्थिओ माण मायं,
एयं परिप्लाय चरंति दत्ता ॥४१॥

सुसवुडा पंचाहं सवरोहं,
इह जीवियं अणवकखमाणा ।
चोसदुकाया सुइचत्तदेहा,
महाजय जयइ जलसिदु ॥४२॥

के ते जोई के व ते जोइठाणो ?
काते सुया किं च ते कारिसंग ?
एहा य ते कयरा सन्ति भिक्खु ?
कयरेण होमेण हुणासि जोइ ? ॥४३॥

तवो जोई जीवो जोइठाण,
जोगा सुया सरीरं कारिसमं ।
कम्मेहा संजमजोगसन्ति,
होमं हुणामि इसिणं पसत्थं ॥४४॥

के ते हरए के थ ते सन्तितित्थे ?
काहिं सिणाओ व रय जहासि ?
आइक्ख णे संजय ! जक्खपूइया,
इच्छामो नाउ भवओ सगासे ॥४५॥

धम्मे हरए बम्भे सन्तितित्थे,
अणाविले अत्तपसन्नलेसे ।
जहिंसिणाओ विमलो विसुद्धो,
सुसीइभूओ पजहामि दोस ॥४६॥

एयं सिणाण कुसलेहिं दिट्ठं,
 महासिणाण इसिणं पसत्थं ।
 जहिं सिण्हाया विमला विसुद्धा,
 महारिसी उत्तम ठाण पत्ते, त्ति वेमि ॥४७॥

॥ इह हरिएसिज्ज वारसमञ्जयण समत्त ॥

अह चित्तसम्भूइज्ज तेरहमं अञ्जयणं

जाईपराजिओ खलु, कासि नियाणं तु हत्थिणापुरम्मि ।
 चुलणीए बम्भदत्तो, उववन्तो पउमगुम्माओ ॥ १ ॥
 कम्पित्ते सम्भूओ, चित्तो पुण जाओ पुरिमतालम्मि ।
 सेट्टिकुलम्मि विसाले, धम्म सोऊण पव्वइओ ॥२॥
 कम्पिल्लम्मि य नयरे, समागया दो वि चित्तसम्भूया ।
 सुहदुक्खफलविवागं, कहन्ति ते एकमेक्कस्स ॥३॥
 चक्कवट्ठी महिड्डीओ, बम्भदत्तो महायसो ।
 भायर बहुमाणेण, इम वयणमब्बवी ॥४॥
 आसीमो भायरा दोवि, अन्नमन्नवसागुगा ।
 अन्नमन्नमणुरत्ता, अन्नमन्नहिएसिणो ॥५॥
 दासा दसण्णे आसी, मिया कार्लिजरे नगे ।
 हंसा मयगतीराए, सोवागा कासिभूमिए ॥६॥
 देवा य देवलोगम्मि, आसि अम्हे महिड्डिया ।
 इमा नो छट्टिया जाई, अन्नमन्नेण जा विणा ॥७॥
 कम्मा नियाणपयडा, तुमे राय । विचिन्तिया ।
 तेसिं फलविवागेण, विप्पओगमुवागया ॥८॥

सञ्जसोयप्पगडा, कम्मा मए पुरा कडा ।
ते अज्ज परिभुंजामो, कि नु चित्ते वि से तथा ? ॥६॥

सव्वं सुचिण्ण सफल नराण,
कडाण कम्माण न मोक्ख अत्थि ।

अत्थेहि कामेहि य उत्तमेहि,
आया ममं पुण्णफलोव्वेए ॥१०॥

जाणाहि सभूय ! महाणुभाग,
महिद्धिय पुण्णफलोव्वेय ।

चित्त पि जाणाहि तहेव राय,
इड्ढी जुई [तस्स वि य प्पभूया ॥११॥

महत्थरूवा वयणप्पभूया,
गाहाणुगीया नरसघमज्जे ।

ज भिक्खुणो सीलगुणोव्वेया,
इह जयते समणोमि जाओ ॥१२॥

उच्चोयए महु कक्के य वम्मने,
पवेइया आवसहा य रम्मा ।

इमं गिह चित्तधणप्पभूयं,
पसाहि पचालगुणोव्वेयं ॥१३॥

नट्टेहि गीएहि य चाइएहि,
सारीजणाहि परिवारयन्तो ।

भुजाहि भोगाइ इमाइ भिक्खु !
मम रोयइ पव्वज्जा हु दुक्खं ॥१४॥

त्त पुव्वनेहेण कयाणुराय,
नराहिव कामगुणेषु गिद्धं ।

धम्मस्सिओ तस्स हियाणुपेही,
 चित्तो इमं वयणमुदाहरित्वा ॥१५॥
 सव्वं विलक्खियं गीयं,
 सव्वं नट्टं विडम्बियं ।
 सव्वे आभरणा भारा,
 सव्वे कामा दुहावहा ॥१६॥
 बालाभिरामेसु दुहावहेसु,
 न तं सुह कामगुणेसु रायं !
 विरत्तकामाण तवोघणाण,
 जं भिक्खुणं सीलगुणे रयाणं ॥१७॥
 नरिद ! जाई अहमा तराण,
 सोवागाजाई दुहओ गयाणं ।
 जहि वय सव्वजणस्स वेस्सा,
 वसीय सोवागनिवेशणेसु ॥१८॥
 तीसे य जाईइ उ पावियाए,
 बुच्छामु सोवागनिवेशणेसु ।
 सव्वस्स लोगत्त दुगच्छणिज्जा,
 इहं तु कम्माइं पुरे कडाइं ॥१९॥
 सो दाणिसि राय ! महाणुभागो,
 महिडिडओ पुण्णफलोववेओ ।
 चइत्तु भोगाइं असासयाइं,
 आदाणहेडं अभिणिवत्तमाहि ॥२०॥
 इह जीविए राय ! असासयस्मि,
 वणियं तु पुग्णाइं अकुव्वमाणो ।

से सोयइ मच्चुमुहोवणीए,
 धम्म अकाऊण परसि लोए ॥२१॥
 जहेह सोहो व मिय गहाय,
 मच्चू नर नेइ हु अन्तकाले ।
 न तस्स माया व पिया व भाया,
 कालम्मि तम्मसहरा भवन्ति ॥२२
 न तस्स दुक्खं विभयन्ति नाइओ,
 न मित्तवग्गा न सुया न बधवा ।
 एक्को सयं पच्चणुहोइ दुक्ख,
 कत्तारमेवं अणुजइ कम्मं ॥२३॥
 चिच्चा दुपयं च चउप्पय च,
 खेत्त गिहं धणधन्नं च सव्वं ।
 सक्कम्मवीओ अवसो पयाइ,
 पर भव सुन्दर पावग वा ॥२४॥
 त एक्कगं तुच्छसरीरस्स से,
 चिईगय दहिय उ पावगेण ।
 भज्जा य पुत्तावि य नायओय,
 दायारमन्न अणुसकमन्ति ॥२५॥
 उवणिज्जइ जीवियमप्पमायं,
 वण्ण जरा हरइ नरस्स राय ।
 पच्चालराया । वयण सुणाहि,
 मा कासि कम्माइ महालयाइ ॥२६॥
 अहं पि जाणामि जहेह साहू,
 जं मे तुसं साहसि वक्कमेयं ।

भोगा इमे संगकरो हवन्ति,
 जे दुज्जया अज्जो अम्हारिसेहि ॥२७॥
 हत्थिणपुरम्मि चित्ता,
 दट्टुणं नरवयं महिड्ढियं ।
 कामभोगेसु गिद्धेण,
 नियाणमसुहं कढं ॥२८॥
 तस्स मे अपडिक्कन्तस्स,
 इमं एयारिसं फलं
 जाणमाणो वि जं धम्मं,
 कामभोगेसु मुच्छिओ ॥२९॥
 नागो जहा पंकजलावसन्नो,
 दट्टुं थल नाभिसमेइ तीरं ।
 एवं वयं कामगुणेषु गिद्धा,
 न भिक्खुणो मग्गमणुब्बयामो ॥३०॥
 अच्चेइ कालो तूरन्तिराइओ,
 न यावि भोगा पुरिसाण निज्जा ।
 उविच्च भोगा पुरिसं चयन्ति,
 दुमं जहा लीणफलं व पक्खी ॥३१॥
 जइ तं सि भोगे चइउं असत्तो,
 अज्जाइ कम्माइ करेहि रायं !
 धम्मे ठिओ सव्वपयाणकम्पो,
 तो होहिसि देवो इओ विउब्बी ॥३२॥
 न तुज्ज भोगे चइऊण बुद्धी,
 गिद्धोऽसि आरम्भपरिग्गहेसु ।

मोहं कश्चो एत्तिउ विप्पलावो,
 गच्छामि रायं ! आमन्तिओसि ॥३३॥
 पचाल राया वि थ बम्भदत्तो,
 साहुस्स तस्स वयण अकाउ ।
 अणुत्तरे भुजिय कामभोगे,
 अणुत्तरे सो नरए पविट्ठो ॥३४॥
 चित्तोवि कामेहि विरत्तकामो,
 उदग्चारित्ततवो महेसी ।
 अणुत्तरं सजमं पालइत्ता,
 अणुत्तरं सिद्धिगइं गश्चो, त्ति वेमि ॥३५॥
 ॥ इइ चित्तसम्भूइज्ज तेरसमज्जसयण समत्त ॥

अह उसुयारिज्जं चोद्दहम अञ्जयणं

देवा भवित्ताण पुरे भवम्मि,
 केइ चुया एगविमाणवासी ।
 पुरे पुराणे उसुयारनामे,
 खाए समिद्धे सुरलोगरम्मे ॥१॥
 सकम्मसेसेण पुराकएणं,
 कुलेसुदग्गोसु य ते पसूया ।
 निव्विण्णससारभया जहाय,
 जिण्णिदमग्ग सरणं पवत्ता ॥२॥
 पुमत्तमागम्म कुमार दो वि,
 पुरोहिओ तस्स जसा य पत्ती ।

विसालकिन्ती य तहे सुयारो,
 रायत्थ देवी कमलावई य ॥३॥
 जाईजरामच्चुभयाभिभूया,
 बाहिं विहाराभिनिविट्टचित्ता ।
 संसारचक्कस्स विमोक्खणट्ठा,
 दट्ठूण ते कामगुणे विरत्ता ॥४॥
 पियपुत्तगा दुत्ति वि माहणस्स,
 सकम्मसीलस्स पुरोहियस्स ।
 सरित्तु पोरानिय तत्थ जाइ,
 तहा सुचिण्ण तवसंजमं च ॥५॥
 ते कामभोगेसु असज्जमाणा,
 माणुस्सएसुं जे यावि दिव्वा ।
 मोक्खाभिकंखी अभिजायसड्ढा,
 तायं उवागम्म इमं उदाहु ॥६॥
 असासयं दट्ठ इम विहारं,
 बहुअन्तराय न य दोहमाउ ।
 तम्हा गिहिंसि न रइ लहामो,
 आमन्तयामो चरिस्सामु मोण ॥७॥
 अह तायगो तत्थ मुणीण तेसि,
 तवस्स वाघायकर वयासो ।
 इमं वयं वेयविओ वयन्ति,
 जहा न होइ असुयाण लोगो ॥८॥
 अहिज्ज वेए परिविस्स विण्णे,
 पुत्ते परिट्ठप्प गिहसि जाया ।

भोज्ञाण भोए सह इत्थियाहिं,
आरणगा होइ मुणी पसत्था ॥६॥

सोयगिणा आयगुणिन्धणेण,
मोहाणिला पज्जलणाहिएण ।
सतत्तभावं परितप्पमाण,
लालप्पमाण बहुहा बहु च ॥१०॥

पुरोहिय त कमसोऽणुणन्त,
निनमत्तयन्त च सुए धणेण ।
जहक्कमं कामगुणेहि च्चैव,
कुमारगा ते पसमिक्ख वक्कं ॥११॥

वेया अहीया न भवन्ति ताण,
भुत्ता दिया निन्ति तम तमेण ।

जाया य पुत्ता न हवन्ति ताण,
को गाम ते अणुमन्नेज्ज एयं ॥१२॥

खणमित्तसुक्खा बहुकालदुक्खा,
पगामदुक्खा अणिगाम सुक्खा ।

संसारमोक्खस्स विपक्खभूया,
खाणी अणत्थाण उ कामभोगा ॥१३॥

परिठ्वयन्ते अणियत्तकामे,
अही य राओ परितप्पमाणे ।

अन्नप्पमत्ते धरामेसमाणे,
प्पोति मच्चु पुरिसे जर च ॥१४॥

इम च मे अत्थि इम च नत्थि,
इमं च मे किञ्च इम अकिञ्च ।

तं एवमेयं लात्तप्पमाणं,
 हरा हरति त्ति कंहं पमाओ ॥१५॥
 घणं पभूय, सह इत्तिययाहिं,
 सयणा तथा कामगुणा पगामा ।
 तव कए तप्पइ जस्स लो गो,
 तं सन्वसाहीणमिमेव तुब्भ ॥१६॥
 धणेण किं घम्मधुराहिगारे,
 सयणेण वा कामगुणेहिं चैव ।
 समणा भविस्सामु गुणोहधारी,
 वीहिंविहारा अभिगम्म भिक्खं ॥१७॥
 जहा य अग्गी अरणी असन्तो,
 खीरे घयं तेल्लमहात्तिलेसु ।
 एमेव जाया सरीरंसि सत्ता,
 समुच्छइ नासइ नावच्चिट्ठे ॥१८॥
 नो इन्द्रियगोज्झ अमुत्तभावा,
 अमुत्तभावा वि य होइ निच्चो ।
 अज्जत्तयहेउ च निययस्स बन्धो,
 ससारहेउं च वयन्ति वन्धं ॥१९॥
 जहा वयं धम्म अजाणमाणा,
 पावं पुरा कम्ममकासि मोह ॥
 ओरुज्जमाणा परिरक्खयन्ता,
 तं नेव भुञ्जो वि समायरामो ॥२०॥
 धव्वाहयम्मि लोगम्मि,
 सव्वओ परिवारिए ।

अमोहाहि पडन्तीहि,
 गिहंसि न रइं लभे ॥२१॥
 केण अब्भाहओ लोगो ?
 केण वा परिवारिओ ?
 का वा अमोहा वुत्ता ?
 जाया चिन्तावरो हुमे ॥२२॥
 मच्चुणाऽब्भाहओ लोगो,
 जराए परिवारिओ ।
 अमोहा रयणी वुत्ता,
 एवं ताय ! विजाणह ॥२३॥
 जा जा वच्चइ रयणी ।
 न सा पडिनियत्तइ,
 अहम्मं कृणमाणस्स,
 अफला जन्ति राइओ ॥२४॥
 जा जा वच्चइ रयणी,
 न सा पडिनियत्तइ ।
 धम्मं च कृणमाणस्स,
 सफला जन्ति राइओ ॥२५॥
 एगओ संवसित्ताणं,
 दुहओ सम्मत्तसंजुया ।
 पच्छा जाया गमिस्सामो,
 भिक्खमाणा कुले कुले ॥२६॥
 जस्सत्थि मच्चुणा सक्खं,
 जस्स वऽत्थि पलायणं ।

जो जाणे न मरिस्सामि,
 सो हु कखे सुए सिया ॥२७॥
 अज्जेव धम्म पडिवल्लयामो,
 जहि पवन्ना न पुणढभवामो ।
 अणागयं नेव य अत्थि किच्ची,
 सद्ध खमं णो विणइत्तु रागं ॥२८॥
 पहीणपुत्तस्स हु नत्थि वासो,
 वासिट्ठि ! भिक्खायरियाइ कालो ।
 साहाहि खखो लहए समाहि,
 छिन्नाहि साहाहि तमेव खाणुं ॥२९॥
 पंखाविहूणोव जहेव पक्खो,
 भिच्चविहूणोव रणे नरिन्दो ।
 विवन्नसारो वणिओव्व पोए,
 पहीणपुत्तो मि तहा अहंपि ॥३०॥
 सुसभिया कामगुणे इमे ते,
 संपिण्डिया अग्गरसप्पसूया ।
 भुंजामु ता कामगुणे पगामं,
 पच्छा गमिस्सामु पहाणमगं ॥३१॥
 भुत्ता रसा भोइ ! जहाइ णे वप्पो,
 न जीवियट्ठा पजहामि भोए ।
 लाभ अलाभं च सुहं च दुक्खं ।
 संचिक्खमाणो चरिस्सामि मोण ॥३२॥
 मा हू तुम सोयरियाण सम्भरे,
 जुण्णो व हंसो पडिसोत्तगामी ।

भुंजाहि भोगाइ मए समाणं,
 दुखं खु भिक्खारिया विहारो ॥३३॥
 जहा य भोई तणुय भुयंगो,
 निम्मोर्याणं हिच्च पलेइ मुत्तो ।
 एमेए जाया पयहन्ति भोए,
 ते हं कह नाणुगमिस्समेक्को ? ॥३४॥
 छिन्दित्तु जाल अबल व रोहिया,
 मच्छा जहा कामगुणे पहाए ।
 घोरेयसीला तवसा उदारा,
 धीरा हु भिक्खा चरियं चरन्ति ॥३५॥
 नहेव कुंचा समइक्कमन्ता,
 तयाणि जालाणि दलित्तु हसा ।
 पलेन्ति पुत्ता य पई य मज्झ,
 ते ह कहं नाणुगमिस्समेक्का ? ॥३६॥
 पुरोहियं तं ससुय सदार,
 सोच्चाऽभिनिक्खम्म पहाय भोए ।
 कुडुम्बसारं विउलुत्तम च,
 राय अभिक्ख समुवाय देवी ॥३७॥
 वन्तासी' पुरिसो राय !
 न सो होइ पससिओ ।
 माहणेण परिच्चत्त,
 धणं आदाउमिच्छसि ॥३८॥
 सच्च जग जइ तुहं,
 सच्चं वावि धणं भवे ।

सव्वं पि ते अपञ्जत्तं,
 नेव ताण य तं तव ॥३६॥
 मरिहिसि रायं ! जया तया वा,
 मणोरमे कामगुणे पहाय ।
 एक्को हु धम्मो नरदेव ! ताण,
 न विञ्जइ अन्नमिहेह किञ्चि ॥४०॥
 नाह रमे पक्खणि पजरे वा,
 सताणछिन्ना चरिस्सामि मोण ।
 अकिचणा उज्जुकडा निरामिसा,
 परिग्गहारम्भनियत्तदोसा ॥४१॥
 दवगिणा जहा रण्णे, डज्झमाणेसु जन्तु ।
 अन्ने सत्ता पमोयन्ति, राग्गदोसवसं गया ॥४२॥
 एवमेव वयं मूढा, कामभोगेसु मुच्छिया ।
 डज्झमाणं न बुज्झामो, राग्गदोसगिणा जगं ॥४३॥
 भोगे भोज्जा वमित्ता य, लहुसूयविहारिणो ।
 आमोयमाणा गच्छन्ति, दिया कामकमा इव ॥४४॥
 इमे य बद्धा फदंति, मम हत्थऽज्जमागया ।
 वयं च सत्ता कामेसु भविस्सामो जहा इमे ॥४५॥
 सामिसं कुलल दिस्स, वज्झमाणं निरामिस ।
 आमिसं सव्वमुज्झिता, विहरिस्सामो निरामिसा ॥४६॥
 गिद्धोवमा उ नञ्जा ण, कामे ससारवड्ढणे ॥
 उरगो सुवण्णपासेव्व, सकमाणो तणु चरे ॥४७॥
 नागोव्व बन्धणं छित्ता, अप्पणो वसहिं वए ।
 एयं पत्थं महारायं, उस्सुयारि त्ति मे सुय ॥४८॥

चइत्ता विउल रज्ज, कामभोगे य दुच्चए ।
 निव्विसया निरामिसा, निन्नेहा निप्परिग्गहा ॥४९॥
 सम्मं धम्म वियाणित्ता, चिच्चा कामगुणे वरे ।
 तव पगिज्झहक्खायं, घोरं घोरपरक्कमा ॥५०॥
 एवं ते कमसो बुद्धा, सव्वे धम्मपरायणा ।
 जम्ममच्चुभउव्विग्गा, दुक्खस्सन्तगवेसिणो ॥५१॥
 सासणे विगयमोहाण, पुव्वि भावण भाविया ।
 अचिरेणेव कालेण, दुक्खस्सन्तमुवागया ॥५२॥
 राया सह देवीए, माहणो य पुरोहिओ ।
 माहणी दारगा चेव, सव्वे ते परिनिव्वुडे, त्तिवेमि ॥५३॥

इय चउट्टसममज्झयण समत्ता ।

अह सभिक्षू पञ्चदह अज्झयणं

मोण चरिस्सामि समिच्च धम्म,
 सहिए उज्जुकडे नियाराद्धिन्ने ।
 सथव जहिञ्ज अकामकामे,
 अन्नायएसी परिव्वए स भिक्षू ॥१॥
 राओवरय चरेञ्ज लाढे,
 विगए वेयवियायरक्खिए ।
 पन्ने अभिभूय सव्वदसी,
 जे कम्हि वि न मुच्छिए स भिक्षू ॥२॥

अक्कोसवहं विइत्तु धीरे,
 मूणी चरे लाढे निच्चमायगुत्ते ।
 अव्वगमणे असपहिट्ठे,
 जे कसिणं अहियासए स भिक्खू ॥३॥
 पन्तं सयणासण भइत्ता,
 सीउण्हं विविहं च दंसमसग ।
 अव्वगमणे असपहिट्ठे,
 जे कसिण अहियासए स भिक्खू ॥४॥
 नो सक्कइमिच्छईं न पूयं,
 नो वि य वन्दणग कुओ पसंस ?
 से संजए सुव्वए तवस्सी,
 सहिए आयगवेसए स भिक्खू ॥५॥
 जेण पुणं जहाइ जीविय,
 मोहं वा कसिण नियच्छइ ।
 नरनारिं पजहे सया तवस्सी,
 न य कोऊहलं उवेइ स भिक्खू ॥६॥
 छिन्न सर भोममन्तलिव्व,
 सुमिणं लवखणदण्डवत्थुविज्ज ।
 अंगवियार सरस्स विजय,
 जे विज्जाहि न जोवइ स भिक्खू ॥७॥
 मन्तं मूल विविहं वेज्जचिन्त,
 वमणविरेयणघमणेत्तसिणाणं ।

आउरे सरण तिगिच्छयं च,
त परिन्नाय परिच्चए स भिक्खू ॥८॥

खत्तियगणउगारायपुत्ता,

माहणभोईय विविहा य सिप्पिणो ।

नो तेसि वयइ सिलोगपूय,

त परिन्नाय परिच्चए स भिक्खू ॥९॥

गिहिणो जे पव्वइएण दिट्ठा,

अप्पव्वइएण व संथया हविज्जा ।

तेसि

इहलोइयफलट्ठा,

जो संथवं न करेइ स भिक्खू ॥१०॥

सयणासण-पाण-भोयण,

विविह खाइमसाइमं परेसि ।

अदए पडिसेहिए नियण्ठे,

जे तत्थ न पउस्सइ स भिक्खू ॥११॥

ज किञ्चि आहारंपाणगं,

विविहं खाइमसाइमं परेसि लद्धु ।

जो त तिविहेण नाणुकम्पे,

मणवयकायसुसबुडे जे स भिक्खू ॥१२॥

आयामग चेव जवोदणं च,

सीय सोवीरजवोदणं च ।

नो हीलए पिण्डं नीरसं तु,

पन्तकुलाइ परिच्चए स भिक्खू ॥१३॥

सद्वा विविहा भवन्ति लोए,
 दिव्वा माणुस्सगा तथा तिरिच्छा ।
 भीमा भयभेरवा उराला,
 सोच्चा न विहिज्जइ स भिक्खू ॥१४॥

वाद विविहं समिच्च लोए,
 सहिए खेयाणुगए य कोवियप्पा ।
 पन्ने अभिभूय सव्वदसी,
 उवसन्ते अविहेडए स भिक्खू ॥१५॥

असिप्पजीवो अगिहे अमित्ते,
 जिइन्दिए सव्वओ विप्पमुक्के ।
 अणुक्कसाई लहु अप्पभव्वो,
 चिच्चा गिहं एगचरे स भिक्खू त्तिवेमि ॥१६॥

॥ इअ सभिक्खुय पन्नरसममज्भयण समत्त ॥

अह बम्भचेरसमाहिठाणा णामं सोलसम अज्भयण

सुयं मे आउस ! तेणं भगवया एवमक्खाय—इह खलु
 थेरेहिं भगवन्तेहिं दस बम्भचेरसमाहिठाणा पन्नत्ता, जे भिक्खू
 सोच्चा निसम्म संजमबहुले, सवरबहुले, समाहिबहुले, गुत्ते
 गुत्तिन्दिए, गुत्तबम्भयारी सया अप्पमत्ते विहरेज्जा ।

कयरे खलु ते थेरेहिं भगवन्तेहिं दस बम्भचेरसमाहिठाणा
 पन्नत्ता, जे भिक्खू सोच्चा निसम्म संजमबहुले, संवरबहुले, समाहि-
 बहुले, गुत्ते, गुत्तिन्दिए, गुत्तबम्भयारी सया अप्पमत्ते विहरेज्जा ?

इमे खलु ते थेरेहिं भगवतेहिं दस बम्भचेरसमाहिठाणा पन्ता, जे भिक्खू सोच्चा निसम्म संजमबहुले. संवरबहुले, समाहिबहुले गुत्ते, गुत्तिन्दिए गुत्तबम्भयारी सया अप्पमत्ते विहरेज्जा त जहा :—

विवित्ताइं सयणासणाइ सेवित्ता^१ हवइ से निग्गन्थे । नो इत्थी-पसुपण्डगसंसत्ताइं सयणासणाइ सेवित्ता हवह से निग्गन्थे । तं कहमिति चे ? आयरियाह—निग्गन्थस्स खलु इत्थिपसु-पण्डगससत्ताइं सयणासणाइ सेवमाणस्स बम्भयारिस्स बम्भ-चेरे सका व कंखा वा, विइगिच्छा वा समुप्पज्जिज्जा, भेदं वा लभेज्जा, उम्माय वा पाउणिज्जा, दीलकालिय वा रोगायक हवेज्जा, केवलपन्नत्ताओ धम्माओ वा भसेज्जा । तम्हा नो इत्थिपसुपण्डग-संसत्ताइं सयणासणाइं सेवित्ता हवइ से निग्गन्थे ॥१॥

नो इत्थीण कह कहित्ता हवइ से निग्गन्थे । तं कहमिति चे ? आयरियाह—निग्गन्थस्स खलु इत्थीण कहं कहेमाणस्स बम्भयारिस्स बम्भचेरे संका वा, कंखा वा, विइगिच्छा वा समुप्पज्जिज्जा, भेद वा लभेज्जा, उम्माय वा पाउणिज्जा, दीह-कालिय वा रोगायक हवेज्जा, केवलपन्नत्ताओ धम्माओ वा भसेज्जा । तम्हा नो इत्थीण कह कहेज्जा ॥२॥

नो इत्थीण सद्धि सन्निसेज्जागए विहरित्ता हवइ से निग्ग-न्थे । त कहमिति चे ? आयरियाह—निग्गन्थस्स खलु इत्थीहिं सद्धि सन्निसेज्जागयस्स बम्भयारिस्स बम्भचेरे सका वा, कखा वा, विइगिच्छा वा समुप्पज्जिज्जा, भेद वा लभेज्जा, उम्माय वा पाउणिज्जा, दीहकालियं वा रोगायक हवेज्जा, केवलपन्नत्ताओ धम्माओ वा भसेज्जा । तम्हा खलु नो निग्गन्थे इत्थीहिं सद्धि सन्निसेज्जागए विहरेज्जा ॥३॥

नो इत्थीणं इन्दियाइ मणोहराइं मणोरमाइं आलोइत्ता, निज्झाइत्ता हवइ से निग्गन्थे । त कहमिति चे ? आयरियाह—निग्गन्थस्स खलु इत्थीणं इन्दियाइं मणोहराइं मणीरमाइं आलोएमाणस्स निज्झायमाणस्स बम्भयारिस्स बम्भचेरे संका वा, कंखा वा, विइगिच्छा वा समुप्पज्जिञ्जा, भेदं वा लभेज्जा, उम्मायं वा पाउणिञ्जा, दीहकालिय वा रोगायंक हवेज्जा, केवलपन्नत्ताओ धम्माओ वा भसेज्जा । तम्हा खलु नो निग्गन्थे इत्थीण इन्दियाइ मणोहराइं मनोरमाइं आलोएज्जा निज्झाएज्जा ॥४॥

नो इत्थीण कुडुन्तरंसि वा, दूसन्तरंसि वा, भित्तन्तरंसि वा, कूइयसद्दं वा, रुइयसद्दं वा, गीयसद्दं वा, हसियसद्दं वा, थणियसद्दं वा, कन्दियसद्दं वा, विलवियसद्दं वा, सुणित्ता हवइ से निग्गन्थे । तं कहमिति चे ? आयरियाह, निग्गन्थस्स खलु हत्थीण कुडुन्तरंसि वा, दूसन्तरंसि वा, भित्तन्तरंसि वा, कूइयसद्दं वा, रुइयसद्दं वा, गीयसद्दं वा, हसियसद्दं वा, थणियसद्दं वा, कन्दियसद्दं वा, विलवियसद्दं वा सुणेमाणस्स बम्भयारिस्स बम्भचेरे सका वा, कखा वा, विइगिच्छा वा, समुप्पज्जिञ्जा, भेद वा लभेज्जा, उम्माय वा पाउगिज्जा, दीहकालिय वा रोगायंक हवेज्जा, केवलपन्नत्ताओ धम्माओ वा भंसेज्जा । तम्हा खलु नो निग्गन्थे इत्थीणं कुडुन्तरंसि वा, दूसन्तरंसि वा, भित्तन्तरंसि वा, कूइयसद्दं वा, रुइयसद्दं वा, गीयसद्दं वा, हसियसद्दं वा, थणियसद्दं वा, कन्दियसद्दं वा सुणेमाणे विहरेज्जा ॥५॥

नो निग्गन्थे, पुव्वरय, पुव्वकीलियं, अणुसरित्ता हवइ से निग्गन्थे । तं कहमिति चे ? आयरियाह—निग्गन्थस्स खलु पुव्वरय पुव्वकीलिय अणुसरमाणस्स बम्भयारिस्स बम्भचेरे सका

वा, कखा वा, विइगिच्छा वा, समुप्पज्जिञ्जा, भेद वा लभेज्जा, उम्माय वा पाउणिज्जा, दीहकालिय वा रोगायक ह्वेज्जा, केवलपन्नत्ताओ धम्माओ वा भसेज्जा । तम्हा खलु नो निग्गन्थे पुव्वरय पुव्वकीलिय अणुसरेज्जा ॥६॥

नो पणीय आहार' आहरित्ता हवइ से निग्गन्थे । त कहमिति चे ? आयरियाह—निग्गन्थस्स खलु पणीय आहारं आहारेमाणस्स बम्भयारिस्स बम्भचेरे सका वा, कखा वा, विइगिच्छा वा समुप्पज्जिञ्जा, भेद वा लभेज्जा, उम्माय वा पाउणिज्जा, दीहकालिय वा रोगायक ह्वेज्जा, केवलपन्नत्ताओ धम्माओ वा भसेज्जा । तम्हा खलु नो निग्गन्थे पणीयं आहार आहारेज्जा ॥७॥

नो अइमायाए पाणभोयणं आहारेत्ता हवइ से निग्गन्थे । त कहमिति चे ? आयरियाह—निग्गन्थस्स खलु अइमायाए पाणभोयण आहारेमाणस्स बम्भयारिस्स बम्भचेरे सका वा, कखा वा, विइगिच्छा वा समुप्पज्जिञ्जा, भेद वा लभेज्जा, उम्मायं वा पाउणिज्जा, दीहकालिय वा रोगायकं ह्वेज्जा, केवलपन्नत्ताओ धम्माओ वा भसेज्जा । तम्हा खलु नो निग्गन्थे अइमायाए पाणभोयण आहारेज्जा ॥८॥

नो विभूसागुवाई हवइ से निग्गन्थे । त कहमिति चे ? आयरियाह—विभूसावत्तिए विभूसियसरोरे इत्थिजणस्स अभिलसणिज्जे हवइ, तओ ण इत्थिजणेण अभिलसिज्जमाणस्स बम्भचेरे सका वा, कखा वा, विइगिच्छा वा समुप्पज्जिञ्जा, भेद वा लभेज्जा, उम्माय वा पाउणिज्जा, दीहकालिय वा रोगा-

यंकं हवेज्जा. केवलपन्नत्ताओ धम्माओ वा भसेज्जा । तम्हा खलु नो निगन्थे विभूसाणुवाई हवेज्जा ॥६॥

नो सद्वरुवरसगन्धफासाणुवाई हवइ से निगन्थे । तं कहमिति चे ? आयरियाह—निगन्थस्स खलु सद्वरुवरसगन्धफासाणुवाईस्स बभचेरे सका वा, कंखा वा, विइगिच्छा वा समप्पज्जिज्जा, भेद वा लभेज्जा, उम्मायं वा पाउणिज्जा, दीहकालियं वा रोगायंकं हवेज्जा, केवलपन्नत्ताओ धम्माओ, वा भसेज्जा । तम्हा खलु नो निगन्थे सद्वरुवरसगन्धफासाणुवाई भवेज्जा । दसमे वम्भचेरसमाहिठाणे हवइ ॥१०॥

भवन्ति इत्थ सिलोगा तंजहा—

जं विवित्तमणाइण्णं, रहियं इत्थिजणेण य ।

वम्भचेरस्स रक्खट्ठा, आलयं तु निसेवए ॥१॥

मणपल्हायजणणी, कामरागविवड्डणी ।

वम्भचेररओ भिक्खू, थीकहं तु विवज्जए ॥२॥

समं च संथवं थीहिं, संकहं च अभिक्खण ।

वम्भचेररओ भिक्खू, निच्चसो परिवज्जए ॥३॥

अंगपच्चंगसंठाणं, चारुल्लवियपेहियं ।

वम्भचेररओ थीणं, चक्खुगिज्झं विवज्जए ॥४॥

कूइयं रुइयं गीयं हसियं थणियं कन्दियं ।

वम्भचेररओ थीणं, सोयगेज्झं विवज्जए ॥५॥

हास किडुं रइ दप्पं, सहसावित्तासियाणि य ।

वम्भचेररओ थीणं, नाणुचिन्ते कयाइ वि ॥६॥

पणीय भत्तपाण तु, खिप्पं मयविवड्डुणं ।
 बम्भचेररओ भिक्खू, निच्चसो परिवज्जए ॥७॥
 धम्मलद्ध मिय काले, जत्तत्थ पणिहाणव ।
 नाइमत्त तु भुजेज्जा, बम्भचेररओ सया ॥८॥
 विभूस परिवज्जेज्जा, सरीरपरिमण्डण ।
 बम्भचेररओ भिक्खू, सिंगारत्थ न धारए ॥९॥
 सह्णे रूवे य गन्धे य, रसे फासे तहेव य ।
 पचविहे कामगुणे, निच्चसो परिवज्जए ॥१०॥
 आलओ थीजणाइगण्णो, थीकहा या मणोरमा ।
 सथवो चेव नारीणं, तासिं इन्दियदरिसण ॥११॥
 कूइयं रुइयं गीयं, हासभुत्तासियाणि य ।
 पणीय भत्तपाण च, अइमाय पाणभोयण ॥१२॥
 गत्तभूसणमिद्धं च, कामभोगा य दुज्जया ।
 नरस्सत्तगवेसिस्स, विसं तालउडं जहा ॥१३॥
 दुज्जए कामभोगे य, निच्चसो परिवज्जए ।
 संकट्टाणाणि सव्वाणि, वज्जेज्जा पणिहाणव ॥१४॥
 धम्मरामे चरे भिक्खू, धिइम धम्मसारही ।
 धम्मरामरते दन्ते, बम्भचेरसमाहिए ॥१५॥
 देवदाणवगन्धवा, जक्खरक्खसकिन्नरा ।
 बम्भयारिं नमसन्ति, दुक्कर जे करन्ति त ॥१६॥
 एस धम्मे धुवे निच्चे, सासए जिणदेसिए ।
 सिद्धा सिज्झन्ति चाणेण, सिज्झिस्सन्ति तहावरे, त्ति वेमि ॥१७॥

॥ इअ बम्भचेरसमाहिठाणा णाम सोलसममज्झयण समत्त ॥

अह पावसमणिज्ज सत्तदह अज्भयणं

जे केइ उ पव्वइए नियंठे,
 धम्मं सुणित्ता विणओववन्ने ।
 सुदुल्लह लहिउ बोहिलाभं,
 विहरेल्ल पच्छा य जहासुह तु ॥१॥
 सेल्ला दढा पाउरण सि अत्थि,
 उप्पज्जइ भोत्तुं तहेव पाउ ।
 जाणामि जं वट्टइ आउसु त्ति,
 किं नाम काहामि सुएण भन्ते ! ॥२॥

जे केई पव्वइए, निदासीले पगामसो ।
 भोज्जा पिच्चा सुहं सुवइ, पावसमणि त्ति वुच्चइ ॥३॥
 आयरियउवज्झाएहिं, सुयं विणय च गाहिए ।
 ते चेव खिसइ बाले, पावसमणि त्ति वुच्चइ ॥४॥
 आयरियउवज्झायाण, सम्म न पडित्पइ ।
 अप्पडिपूयए थद्धे, पावसमणि त्ति वुच्चइ ॥५॥
 सम्महमाणे पाणाणि, बीयाणि हरियाणि य ।
 असंजए सजयमन्नमाणे, पावसमणि त्ति वुच्चइ ॥६॥
 सथार फलग पीढं, निसज्जं पायकम्बलं ।
 अप्पमज्जियमारुहइ, पावसमणि त्ति वुच्चइ ॥७॥
 दवदवस्स चरइ, पमत्ते य अभिक्खणं ।
 उल्लघणे य चण्डे य, पावसमणि त्ति वुच्चइ ॥८॥
 पडिलेहेइ पमत्ते, अवउज्झइ पायकम्बल ।
 पडिलेहाअणाउत्ते, पावसमणि त्ति वुच्चइ ॥९॥

पडिलेहेइ पमत्ते, से किंचि ह्नु निसामिया ।
 गुरुं परिभावए निच्चं, पावसमणि त्ति वुच्चइ ॥१०॥
 बहुमाई पमुहरी, थद्धे लुद्धे अणिग्गहे ।
 असविभागी अवियत्ते', पावसमणि त्ति वुच्चइ ॥११॥
 विवाद च उदीरेइ, अहम्मे अत्तपन्नहा ।
 वुग्गहे कलहे रत्ते, पावसमणि त्ति वुच्चइ ॥१२॥
 अथिरासणे कुक्कुइए, जत्थ तत्थ निसीयइ ।
 आसणम्मि अणाउत्ते, पावसमणि त्ति वुच्चइ ॥१३॥
 ससरक्खपाए सुवइ, सेज्ज न पडिलेहइ ।
 सथारए अणाउत्ते, पावसमणि त्ति वुच्चइ ॥१४॥
 दुद्धदहीविगईओ, आहारेइ अभिक्खणं ।
 अरए य तवोकम्मे, पावसमणि त्ति वुच्चइ ॥१५॥
 अत्थन्तम्मि य सूरम्मि, आहारेइ अभिक्खण ।
 चोइओ पडिचोएइ, पावसमणि त्ति वुच्चइ ॥१६॥
 आयरियपरिच्चई, परपासण्डसेवए ।
 गाणगणिए दुब्भूए, पावसमणि त्ति वुच्चइ ॥१७॥
 सयं गेहं परिच्चज्ज, परगेहसि वावरे ।
 निमित्तेण य ववहरइ, पावसमणि त्ति वुच्चइ ॥१८॥
 सन्नाइपिण्डं जेमेइ, नेच्छइ सामुदाणिय ।
 गिहिनिसेज्ज च वाहेइ, पावसमणि त्ति वुच्चइ ॥१९॥
 एयारिसे पचकुसीलसुवुडे.
 रुवधरे सुणिपवराण हेट्ठिमे ।

अयंसि लोए विसमेव गरहिए,
 न से इहं नेव परत्थ लोए ॥२०॥
 जे वज्जए एए सया उ दोसे,
 से सुव्वए होइ मुणीण मज्जे ।
 अयंसि लोए अमय व पूइए,
 आराहए लोगमिणं तहा पर, त्ति बेमि ॥२१॥
 ॥ इम पावसमणिज्ज सत्तरसममज्भयण समत्तं ॥

अह संजइज्जं अट्टारहमं अज्भयणं

कम्पिल्ले नयरे राया, उदिण्णबलवाहणे ।
 नामेण संजए नाम, मिगव्व उवग्गिग्गए ॥१॥
 हयाणोए गयाणीए, रहाणीए तहेव य ।
 पायताणीए महया, सव्वओ परिवारिए ॥२॥
 मिए छुहिन्ता हयगओ, कम्पिल्लुज्जाणकेसरे ।
 भीए सन्ते मिए तत्थ, वहेइ रसमुच्छिए ॥३॥
 अह केसरम्मि उज्जाणे, अणगारे तवोधणे ।
 सज्भायज्भाणसंजुत्ते, धम्मज्भाणं भियायइ ॥४॥
 अफ्फोवमण्डवम्मि, भायइ क्खवियासवे ।
 तस्सागए मिए पास, वहेइ से नराहिवे ॥५॥
 अह आसगओ राया, खिप्पमागम्म सो त्तिहि ।
 हए मिए उ पासित्ता, अणगारं तत्थ पासइ ॥६॥

अह राया तत्थ सभन्तो, अणगारो मणाहओ ।
 मए उ मन्दपुण्णेण, रसगिद्धेण घतुण ॥७॥
 आसं विसज्जाइत्ताणं, अणगारस्स सो निवो ।
 विणएण वन्दए पाए, भगव ! एत्थ मे खमे ॥८॥
 अह मोणेण सो भगव, अणगारे भाणमस्सिए ।
 रायाणं न पडिमन्तेइ, तओ राया भयद्दुओ ॥९॥
 सजओ अहममीति, भगव ! वाहरहि मे ।
 कुद्धे तेएण, अणगारे, डहेज्ज नरकोडिओ ॥१०॥
 अओ पत्थिवा ! तुवम, अभयदाया भवाहि ।
 अणिच्चे जीवलोगमि, किं हिंसाए पसज्जसि ? ॥११॥
 जया सब्ब परिच्चज्ज, गतव्वमवसस्स ते ।
 अणिच्चे जीवलोगमि, किं रज्जमि पसज्जसि ? ॥१२॥
 जीवियं चेव ख्व च, विज्जुसपायचचल ।
 जत्थ त मुज्जसि राय ! पेज्जत्थ नावबुज्जस्से ॥१३॥
 दाराणि य सुया चेव, मित्ता य तह बन्धवा ।
 जीवन्तमणुजीवन्ति, मय नाणुवयन्ति य ॥१४॥
 नीहरति मय पुत्ता, पियर परमदुक्खिया ।
 पियरो वि तहा पुत्ते, बन्धू राय ! तव चरे ॥१५॥
 तओ तेणज्जिए दव्वे, दारे य परिरक्खिए ।
 कीलन्तिस्सने नरा राय ! हट्टतुट्टमलंकिया ॥१६॥
 तेणावि जं कयं कम्म, सुह व जइ वा दुह ।
 कम्मणा तेण सजुत्तो, गच्छइ उ परं भव ॥१७॥

सोऊण तस्स सो धम्मं, अणगारस्स अन्तिए ।
 महया संवेगनिव्वेय, समावन्नो नराहिवो ॥१८॥
 संजओ चइउं रज्जं, निक्खन्तो जिणसासणे ।
 गद्दभालिस्स भगवओ, अणगारस्स अन्तिए ॥१९॥
 चिञ्चा रट्ठं पव्वइए, खत्तिए परिभासइ ।
 जहा ते दीसई रूव, पसन्नं ते तहा मणो ॥२०॥
 किं नामे किं गोत्ते कस्सट्ठाए व माहणे ।
 कह पडियरसि बुद्धे, कह विणीए त्ति बुच्चसि ? ॥२१॥
 सजओ नाम नामेणं, तहा गोत्तेण गोयमो ?
 गद्दभाली समायरिया, विज्जाचरणपारगा ॥२२॥
 किरिय अकिरिय विणयं, अन्नानं च महामुणी ।
 एएहिं चउहिं ठाणेहिं, मेयन्ने किं पभासइ ॥२३॥
 इइ पाउकरे बुद्धे, नायए परिणिव्वुए ।
 विज्जाचरणसंपन्ने, सच्चे सच्चपरक्कमे ॥२४॥
 पडन्ति नरए घोरे, जे नरा पावकारिणो ।
 दिव्व च गइं गच्छन्ति, चरित्ता धम्ममारियं ॥२५॥
 मायावुइयमेयं तु, मुसा भासा निरत्थिया ।
 सजममाणो वि अहं, वसामि हरियामि य ॥२६॥
 सव्वेए विइया मज्झं, मिच्छादिट्ठी अणारिया ।
 विज्जमाण परे लोए, सम्म जाणामि अप्पणं ॥२७॥
 अहमासि महापाणे, जुइमं वरिससओवमे ।
 जा सा पालिमहापाली, दिव्वा वरिससओवमा ॥२८॥

से च्चुए वम्भलोगाओ, माणुस्स भवमागए ।
अप्पणो य परेसि च, आउ जाणे जहा तथा ॥२९॥

नाणारुइ च छन्दं च, परिवज्जेज्ज सजए ।
अणट्टा जे य सत्वत्था. इइ विज्जामणुसचरे ॥३०॥

पडिक्कमामि पसिणाणं, परमतेहिं व पुणो ।
अहो उट्टिए अहोरायं, इइ विज्जा तव चरे ॥३१॥

जं च मे पुच्छसी काले, सम सुद्धेण चेषसा ।
ताइ पाउकरे बुद्धे, त नाण जिणसासणे ॥३२॥

किरिय च रोयइ धीरे, अकिरिय परिवज्जए ।
दिट्ठीए दिट्ठिसम्पन्ने, धम्म चरसु डुच्चर ॥३३॥

एयं पुण्णपयं सोच्चा. अत्थधम्मोवसोहिय ।
भरहो वि भारह वास, चिच्चा कामाइ पव्वए ॥३४॥

सगरो वि सागरन्त, भरहवास नराहिवो ।
इस्सरिय केवलं हिच्चा, दयाइ परिनिव्वुडे ॥३५॥

चइत्ता भारहं वासं, चक्कवट्ठी महिड्ढिओ ।
पव्वज्जमब्भुवगओ, मघव नाम महाजसो ॥३६॥

सणकुमारो मणुस्सिन्दो, चक्कवट्ठी महिड्ढिओ ।
पुत्त रज्जे ठवेऊण, सो वि राया तव चरे ॥३७॥

चइत्ता भारहं वास, चक्कवट्ठी महिड्ढिओ ।
सन्ती सन्तिकरे लोए, पत्तो गइमणुत्तरं ॥३८॥

इक्खागरायवसभो, कुन्धू नाम नरीसरो ।
 विक्खायकित्ती भगव, पत्तो^१ गइमणुत्तरं ॥३६॥
 सागरन्तं चइत्ताणं, भरह नरवरोसरो ।
 अरो य अरय पत्तो, पत्तो गइमणुत्तरं ॥४०॥
 चइत्ता भारह वास, चइत्ता^१ बलवाहणं ।
 चइत्ता उत्तमे भोए, महापउमे तवं चरे ॥४१॥
 एगच्छत्तं पसाहिता, म्हाि माणनिसूरणो ।
 हरिसेणो मणुस्सिन्दो, पत्तो गइमणुत्तरं ॥४२॥
 अन्निओ रायसहस्सेहि, सुपरिच्चाई दमं चरे ।
 जयनामो जिणक्खाय, पत्तो गइमणुत्तरं ॥४३॥
 दसण्णरज्जं मुद्धियं चइत्ताण मुणी चरे ।
 दसण्णभट्ठो निक्खन्तो, सक्ख सक्केण चोइओ ॥४४॥
 नमी नमेइ अप्पाण, सक्खं सक्केण चोइओ ।
 चइऊण गेह वइदेही, सामण्णे पज्जुवट्ठिओ ॥४५॥
 करकण्डू कल्लिगेसु, पंचालेसु य दुम्महो ।
 नमी राया विदेहेसु, गन्धारेसु य नग्गई ॥४६॥
 एए नरिन्दवसभा, निक्खन्ता जिणसासणे ।
 पुत्ते रज्जे ठवेऊण, सामण्णे पज्जुवट्ठिओ ॥४७॥
 सोवीररायवसभो, चइत्ताण मुणी चरे ।
 उदायणो पव्वइओ, पत्तो गइमणुत्तरं ॥४८॥
 तहेव कासिराया वि, सेओ सञ्चपरक्कमे ।
 कामभोगे परिच्चज्ज, पहणे कम्ममहावण ॥४९॥
 तहेव विजओ राया, अणट्टाकित्ति^१ पव्वए ।
 रज्जं तु गुणसमिद्ध, पयहित्तु महाजसो ॥५०॥

१ मुखगओ अणुत्तर । २. चक्कवट्ठी महिडिओ । ३. अणट्टा०

तहेवुग तव किच्चा, अड्वक्खित्तेण चयसा ।
 महब्बलो रायरिसी, आदाय सिरसा त्तिरि ॥५१॥
 कह धीरो अहेअहिं, उम्मत्ते व महिं चरे ?
 एए, विसेसमादाय, सूरा दढपरक्कमा ॥५२॥
 अच्चन्तवियाणखमा, सच्चा मे भसिया वई ।
 अत्तिरिसु तरन्तेगे, तरिस्सन्ति अणयगया ॥५३॥
 कहि धीरे अहेअहिं, अत्ताण परियावसे ।
 सड्वसंगविन्निम्मुक्के, सिद्धे भवइ नीरेए, त्ति वेमि ॥५४॥

॥ सजइच्च अठारहममज्भयण समत्तं ॥

मियापुत्तीयं एगूणवोसइमं अज्भयणं

सुगोवे नयरे रस्से, काणणुज्जाणसोहिए ।
 राया बलभदित्ति, मिया तस्सग्गमाहिंसी ॥१॥
 तेसि पुत्ते बलसिरी, मियापुत्ते ति विस्सुए ।
 अम्मापिऊण दइए, जुवराया दमीसरे ॥२॥
 नन्दणे सो उ पासाए, कीलए सह इत्थिहिं ।
 देवो दोयुन्दगो चेव, निच्च मूइयमाणसो ॥३॥
 मणिरयणकोट्टिमत्ते, पासायालोयणट्टिओ ।
 आलोएइ नगरस्स, चउक्कतियचच्चरे ॥४॥
 अह तत्थ अइच्छन्त, पासइ समणसंजयं ।
 तवनियमसंजमघर, सीलड्डु गुणआगरं ॥५॥

त पेहइ मियापुत्ते, दिट्ठीए अणिमसाए उ ।
 कहिं मन्नेरिस ख्व, दिट्ठपुव्व मए पुरा ॥६॥
 साहुस्स दरिसणे तस्स, अजभवसाणम्मि सोहणे ।
 मोह गयस्स सन्तस्स, जाइसरण समुप्पन्तं ॥७॥

(देवलोगचुओ सतो माणुसं भवमागओ ।
 सन्तिनाणसमुप्पन्ने जाइं सरइ पुराणियं ॥)
 जाइसरणे समुप्पन्ने, मियापुत्ते महिड्ढिए ।
 सरइ पौराणियं जाइं, सामण च पुरा कय ॥८॥
 विसएहि अरज्जन्तो, रज्जन्तो संजममि य ।
 अम्मापियरमुवागम्म, इम वयणमब्बवी ॥९॥

सुयाणि मे पंच महव्वयाणि,
 नरएसु दुक्ख च तिरिक्खजोणिसु ।
 निव्विण्णकामो मि महण्णवाओ,
 अणुजाणह पव्वइस्सामि अम्मो ! ॥१०॥

अम्मताय । मए भोगा, भुत्ता विसफलोवमा ।
 पच्छा कडुयविवागा, अणुबन्धदुहावहा ॥११॥

इम सरीरं अणिच्च, असुइ असुइसंभव ।
 असासयावासमिण, दुक्खकेसाण भायण ॥१२॥

असासए सरीरंमि, रइ नोवलभामह ।
 पच्छा पुरा व चइयव्वे, फेणबुब्बुयसन्तिभे ॥१३॥

माणुसत्ते असारमि, वाहीरोगाण आलए ।
 जरामरणघत्थमि, खणपि न रमामह ॥१४॥

जम्म दुक्खं जरा दुक्खं, रोगाणि मरणाणि य ।
अहो! दुक्खो ह्नु संसारो, जत्थ कीसन्ति जन्तुणो ॥१५॥
खेत्तं वत्थुं हिरण्णं च, पुत्तदारं च बन्धवा ।
चइत्ताणं इमं देहं, गन्तव्वमवसस्स मे ॥१६॥
जहा किम्पागफलाण, परिणामो न सुन्दरो ।
एवं भुत्ताण भोगाण, परिणामो न सुन्दरो ॥१७॥
अद्धाणं जो महंतं तु, अप्पाहेओ पवज्जइ ।
गच्छन्तो सो दुही होइ, छुहातण्हाए पीडिओ ॥१८॥
एवं धम्म अकाऊण, जो गच्छइ परं भवं ।
गच्छन्तो सो दुही होइ, वाहीरोगेहि पीडिओ ॥१९॥
अद्धाणं जो महंतं तु, सपाहेओ पवज्जइ ।
गच्छन्तो सो सुही होइ, छुहातण्हाविवज्जिओ ॥२०॥
एवं धम्म पि काऊणं, जो गच्छइ परं भवं ।
गच्छन्तो सो सुही होइ, अप्पकम्मे अवेयणे ॥२१॥
जहा गेहे पलित्तम्मि, तस्स गेहस्स जो पहू ।
सारभण्डाणि नीणेइ, असारं अवउज्जइ ॥२२॥
एव लोए पलित्तम्मि, जराए मरणेण य ।
अप्पाणं तारइस्सामि, तुब्भेहि अणुमन्निओ ॥२३॥
तं बन्तम्मापियरो, सामण्णं पुत्तं ! दुच्चरं ।
गुणाणं तु सहस्साइ, धारेयव्वाइ भिक्खुणा ॥२४॥
समया सव्वभूएसु, सत्तुमित्तेसु वा जणे ।
पाणाइवायविरई, जावज्जीवाए दुक्कर ॥२५॥

निच्चकालप्पमत्तेण, मुसावायविवज्जण ।
 भासियव्व हिय सच्च, निच्चाउत्तेणं दुक्कर ॥२६॥
 दन्तसोहणमाइस्स, अदत्तस्स विवज्जण ।
 अणवज्जेसणिज्जस्स, गिण्हणा अवि दुक्कर ॥२७॥
 विरई अम्मभचेरस्स, कामभोगरसन्तुणा ।
 उगं महव्वय बम्मं, धारेयव्वं सुदुक्करं ॥२८॥
 धणधन्नपेसवग्गेसु, परिग्गहविवज्जण ।
 सव्वारम्मपरिच्चाओ, निम्ममत्त सुदुक्कर ॥२९॥
 चउव्विहे वि आहारे, राईभोयणवज्जणा ।
 सन्निहीसचओ चैव, वज्जेयव्वो सुदुक्कर ॥३०॥
 छुहा तण्हा य सीउण्ह, दसमसअवेयणा ।
 अक्कोसा दुक्खसेज्जा य, तणफासा जल्लमेव य ॥३१॥
 तालणा तज्जणा चैव, वहबन्धपरीसहा ।
 दुक्खं भिक्खायरिया, जायणा य अलाभया ॥३२॥
 कावोया जा इमा वित्ती, केसलोओ य दारुणो ।
 दुक्ख बम्मव्वय घोर, धारेउ य महप्पणो ॥३३॥
 सुहोइओ तुम पुत्ता, ! सुकुमालो सुमज्जिओ ।
 न ह्वसि पम्म तुमं पुत्ता, सामण्णमणुपालिया ॥३४॥
 जावज्जीवमविस्सामो, गुणाण तु महब्भरो ।
 गुरु उ लोहभारुव्व, जो पुत्ता होइ दुव्वहो ॥३५॥
 आगासे गगसोउव्व, पडिसोउव्व दुत्तरो ।
 बाहाहि सागरो चैव, तरियव्वो गुणोदही ॥३६॥

वालुया कवले चैव, निरस्साए उ सज्जमे ।
 असिधारागमण चैव, दुक्कर चरिउ तवो ॥३७॥
 अहीवेगन्तदिट्ठीए, चरित्ते पुत्त । दुक्करे ।
 जवा लोहमया चैव, चावेयव्वा सुदुक्कर ॥३८॥
 जहा अग्गिसिहा दित्ता, पाउ होइ सुदुक्करा ।
 तहा दुक्कर करेउ जे, तारुण्णे समणत्तणं ॥३९॥
 जहा दुक्ख भरेउ जे, होइ वायस्स कोत्थलो ।
 तहा दुक्खं करेउ जे, कावेणं समणत्तणं ॥४०॥
 जहा तुलाए तोलेउ, दुक्करो मन्दरो गिरी ।
 तहा निहुयनीसक, दुक्कर समणत्तण ॥४१॥
 जहा भुप्राहि तरिउ, दुक्कर रयणायरो ।
 तहा अण्णुवसन्तेणं, दुक्कर दमसागरो ॥४२॥
 भुज माणुस्सए भोगे, पचलक्खणए तुम ।
 भुत्तभोगी तओ जाया । पच्छा घम्म चरिस्ससि ॥४३॥
 सो बेइ अम्मापियरो, एकमेय जहा फुडं ।
 इह लोए निग्घिवासस्स, नदिय किच्चिवि दुक्कर ॥४४॥
 सारीरमाणसा चैव, वेयणाओ अनन्तसो ।
 मए सोढाओ भीमाओ, असइ दुक्खभयाणि य ॥४५॥
 जरामरणकन्तारे, चाउरस्ते भयवगरे ।
 मए सोढाणि भीमाणि, जम्माणि मरणाणि य ॥४६॥
 जहा इह अगणी उण्हो, एत्तोऽण्णत्तगुणो तिह ।
 नरएसु वेयणा उण्हा, अस्साया वैडया मए ॥४७॥

जहा इहं इमं सीयं, एत्तोऽणन्तगुणे तर्हि ।
 नरएसु वेयणा सीया, अस्साया वेइया मए ॥४८॥
 कन्दन्तो कंदुकुम्भासु, उड्डुपाओ अहोसिरे ।
 हुयासणे, जलन्तम्मि, पक्कपुव्वो अणन्तसो ॥४९॥
 महादवगिगसंकासे, मरुमि वइरबालुए ।
 कदम्बवालुयाए य, दड्डुपुव्वो अणन्तसो ॥५०॥
 रसन्तो कन्दुकुम्भीसु, उड्डु बद्धो अबन्धवो ।
 करवत्तकरकयाईहि, छिन्नपुव्वो अणन्तसो ॥५१॥
 अइतिक्खकण्टगाइण्णे, तुंगे सिम्बलिपायवे ।
 खेविय पासबद्धेणं, कड्ढोकड्डाहि दुक्कर ॥५२॥
 महाजन्तेसु उच्छू वा, आरसन्तो सुमेरव ।
 पीलिओ मि सकम्मेहि, पावकम्मो अणतसो ॥५३॥
 कूवन्तो कोलसुणएहि, सामेहि सवलेहि य ।
 पाडिओ फालिओ छिन्नो, विष्फुरन्तो अणेगसो ॥५४॥
 असीहि अयसिवण्णाहि, भल्लेहि पट्टिसेहि य ।
 छिन्तो भिन्नो विभिन्नो य, ओइण्णो पावकम्मणा ॥५५॥
 अवसो लोहरहे जुत्तो, जलन्ते समिलाजुए ।
 ओइओ तोत्तजुत्तेहि, रोज्जो वा जह पाडिओ ॥५६॥
 हुयासणे जलन्तम्मि, चियासु महिसो विव ।
 दड्ढो पक्को य अवसो, पावकम्मेहि पाविओ ॥५७॥
 बला संडासतुण्डेहि, लोहतुण्डेहि पक्खिहि ।
 विसुत्तो विलवतोऽहं, ढंकगिद्धेहिऽणन्तसो ॥५८॥

उववन्तो ।

तण्हाकिलन्तो धावन्तो, पत्तो वेयरणि नदि ।
 जल पाहति चिन्तन्तो, खुरधाराहि विवाइओ ॥५६॥
 उण्हाभितत्तो सपत्तो, असिपत्त महावण ।
 असिपत्तेहि पडन्तेहि, छिन्नपुव्वो अणगसो ॥६०॥
 मुग्गेरोहि मुसदीहि, सूलेहि मुसलेहि य ।
 गयासभग्गत्तेहि, पत्त दुक्ख अणन्तसो ॥६१॥
 खुरेहि तिव्वधाराहि, छुरियाहि कप्पणीहि य ।
 कप्पिओ फालिओ छिन्नो, उक्कित्तो य अणगसो ॥६२॥
 पासेहि कूडजालेहि, मिओ वा अवसो अह ।
 चाहिओ बद्धरुद्धो य, बहुसो^१ चैव विवाइओ ॥६३॥
 गलेहि मगरजालेहि, मच्छो वा अवसो अह ।
 उल्लिओ फालिओ गहिओ, मारिणो य अणन्तसो ॥६४॥
 विदसएहि जालेहि, लेप्पाहि सउणो विव ।
 गहिओ लग्गो बद्धो य, मारिओ य अणन्तसो ॥६५॥
 कुहाडफरसुमाईहि, वड्डीहि दुमो विव ।
 कुट्टिओ फालिओ छिन्नो, तच्छिओ य अणन्तसो ॥६६॥
 चवेडमुट्टिमाईहि, कुमारेहि, अय पित्त ।
 ताडिओ कुट्टिओ भिन्नो, चुण्णिओ य अणन्तसो ॥६७॥
 तत्ताइं तम्बलोहाइ, तउयाइ सीसयाणि य ।
 पाइओ कलकलन्ताइ, आरसत्तो सुमेरव ॥६८॥
 तुहं पियाइं मसाइ, खण्डइ सोलगाणि य ।
 खाविओ मि समंसाइ, अण्णिवण्णाइऽणगसो ॥६९॥

तुहं पिया सुरा सीह, मेरओ य महुणि य ।
 पाइओ मि जलन्तीओ, वसाओ रुहिराणि य ॥७०॥
 निच्चं भीएण तत्थेण, दुहिएण वहिएण य ।
 परमा दुहसंबद्धा, वेयणा वेइया मए ॥७१॥
 तिव्वचण्डप्पगाढाओ, घोराओ अइदुस्सहा ।
 महब्भयाओ भीमाओ, नरएसु वेइया मए ॥७२॥
 जारिसा माणुसे लोए, ताया ! दीसन्ति वेयणा ।
 एत्तो अणन्तगुणिया, नरएसु दुक्खवेयणा ॥७३॥
 सव्वभवेसु अस्साया, वेयणा वेइया मए ।
 निमेसन्तरमित्तं पि, ज साता नत्थि वेयणा ॥७४॥
 तं बिन्तस्मापियरो, छन्देणं पुत्त ! पव्वया ।
 नवर पुण सामणो, दुक्ख निप्पडिकम्मया ॥७५॥
 सो वेइ अस्मापियरो ! एवमेयं जहा फुड ।
 पडिकम्मं को कुणइ, अरण्णे मियपक्खिण ॥७६॥
 एंगब्भूए अरण्णे व, जहा उ चरइ मिगे ।
 एवं धम्म चरिस्सामि, संजमेण तवेण य ॥७७॥
 जया मिगस्स आयंको, महारण्णमि जायइ ।
 अच्छत रुक्खमूलमि, को णं ताहै तिगिच्छइ ॥७८॥
 को वा से ओसह देइ, को वा से पुच्छइ सुह ?
 को से भत्त च पाणं वा, आहरित्तु पणामए ? ॥७९॥
 जया से सुही होइ, तथा गच्छइ गोयरं ।
 भत्तपाणस्स अट्टाए, वल्लराणि सराणि य ॥८०॥

खाइत्ता पाणियं पाउ, वल्लरेहिं सरेहिं य ।
 मिगचारियं चरित्ता ण, गच्छइ मिगचारिय ॥८१॥
 एवं समुट्ठिओ भिक्खू, एवमेव अणेगए' ।
 मिगचारियं चरित्ता ण, उड्ढ पक्कमइ दिस ॥८२॥

जहा मिए एग अणेगचारी,
 अणेगवासे धुवगोयरे य ।
 एवं मुणी गोयरिय पविट्ठे,
 नो हीलए नो वि य खिसएज्जा ॥८३॥

मिगचारियं चरिस्सामि, एव पुत्ता । जहासुह ।
 अम्मापिऊहिऽणुत्ताओ, जहाइ उवाहिं तओ ॥८४॥
 मिगचारियं चरिस्सामि, सब्बदुक्खविमोक्खाणि ।
 तुब्भेहिं अब्भणन्ताओ', गच्छ पुत्त । जहासुह ॥८५॥

एवं सो अम्मापियरो, अणुमाणित्ताण बहुविह ।
 ममत्तं छिन्दइ ताहे, महानागो व्व कचुय ॥८६॥
 इड्ढी वित्तं च मित्ते य, पुत्तदारं च नायओ ।
 रेणुयं व पडे लगं, निद्धणित्ताण निग्गओ ॥८७॥

पंचमहव्वयजुत्तो पचसमिओ तिगुत्तिगुत्तो य ।
 सन्निभन्तरवाहिए तवोकम्ममि उज्जुओ ॥८८॥
 निम्ममो निरहकारो, निस्सगो चत्तगारवो ।
 समो य सब्बभूएसु, तसेसु थावरेसु य ॥८९॥

लाभालाभे सुहे दुक्खे, जीविए मरणे तथा ।
 समो निन्दापससासु, तथा माणावमाणओ ॥९०॥

१ अणिएयणे । २ अम्ब । ऽणुत्ताओ ।

गारवेसुं कसाएसु, दण्डसल्लभएसु य ।
नियत्तो हाससोगाश्रो, अनियाणो अबन्धणो ॥६१॥

अणिस्सिओ इह लोए, परलोए अणिस्सिओ ।
वासीचन्दणकप्पो य, असणे अणसणे तथा ॥६२॥

अप्पसत्थेहिं दारेहिं, सब्वओ पिहियासवे ।
अज्भप्पज्भाणजोगेहिं, पसत्थद-सासणे ॥६३॥

एवं नाणेण चरणेण, दसणेण तवेण य ।
भावणाहिं य सुद्धाहिं, सम्म भावित्तु अप्पयं ॥६४॥

बहुयाणि उ वासाणि, सामणमणुपालिया ।
मासिएण उ भत्तेण, सिद्धिं पत्तो अणुत्तर ॥६५॥

एवं करन्ति संबुद्धा, पण्डिया पवियक्खणा ।
विणिअट्टन्ति भोगेसु, मियापुत्ते जहारिसी ॥६६॥

महाप्पभावस्स महाजसस्स,

मियाइपुत्तस्स निसम्म भासियं ।

तवप्पहाणं चरियं च उत्तम,

गइप्पहाणं च तिलोगविस्सुत ॥६७॥

वियाणिया दुक्खविवद्धण धणं,

ममत्तबन्ध च महाभयावह ।

सुहावहं धम्मधुरं अणुत्तर,

धारेज्ज निव्वाणगुणावह महं, त्ति वेमि ॥६८॥

॥ मियापुत्तीय एगूणचीसइमज्भयण समत्त ॥

अहं महानियठिञ्जं वीसइम अञ्जयणं

सिद्धाण नमो किञ्चा, सजयाण च भावओ ।

अत्थघम्मगइ तच्च, अणुसिट्ठिं सुणेह मे ॥१॥

पभूयरयणो राया, सेणिओ मगहाहिवो ।

विहारजत्त निज्जाओ, मण्डिकुच्छिसि चेइए ॥२॥

नाणाडुमलयाइण्ण, नाणापक्खिनिसेविय ।

नाणाकुसुमसंछन्न, उज्जाण नन्दणोवम ॥३॥

तत्थ सो पासइ साहुं, सजयं सुसमाहिय ।

निसन्न रुक्खमूलम्मि, सुकुमाल सुहोइय ॥४॥

तस्स रुव तु पासित्ता, राइणो तम्मि सजए ।

अञ्चन्तपरमो आसी, अउलो रुवविम्हओ ॥५॥

अहो वण्णो अहो रुव, अहो अञ्जस्स सोमया ।

अहो खन्ती अहो मुत्तो, अहो भोगे असगया ॥६॥

तस्स पाए उ वन्दिता, काऊण य पयाहिण ।

नाइदूरमणासन्ने, पजली पडिपुच्छइ ॥७॥

तरुणो सि अज्जो ! पव्वइओ, भोगकालम्मि सजया ।

उवट्ठिओ सि सामण्णे, एयमट्ठ सुणेमि ता ॥८॥

अणाहोमि महाराय ! नाहो मञ्ज न विज्जइ ।

अणुकम्पग सुहिं वावि, कच्चि नाभिसमेमह' ॥९॥

तओ सो पहसिओ राया, सेणिओ मगहाहिवो ।

एव ते इड्ढिमन्तस्स, कहं नाहो न विज्जइ ? ॥१०॥

होमि नाहो भयताण, भोगे भुंजाहि सजया !

मित्तनाइपरिवुडो, माणुस्स खु सुदुल्लहं ॥११॥

१ नाहिं तुमे मह ।

अप्यणा वि अणाहो सि, सेणिया ! मगहाहिवा !
अप्यणा अणाहो सन्तो, कह' नाहो भविस्ससि ? ॥१२॥

एव वुत्तो नरिन्दो सो, सुसभन्तो सुविम्हिओ ।
वयण आसुयपुव्व, साहुणा विम्हयन्निओ ॥१३॥
अस्सा हत्थी मणुस्सा मे, पुर अन्तेउर च मे ।
भु जामि माणुसे भोगे, आणा इस्सरिय च मे ॥१४॥
एरिसे सम्पयग्गम्मि, सव्वकामसमप्पिए ।
कह अणाहो भवइ, मा हु भन्ते ! मुस वए ॥१५॥
न तुम जाणे अणाहस्स, अत्थ पोत्थ च पत्थिवा !
जहा अणाहो भवइ, सणाहो वा नराहि वा ॥१६॥
सुणेह मे महाराय, अव्वक्खित्तेण चेषसा ।
जहा अणाहो भवइ, जहा मेश पवत्तिय ॥१७॥
कोसम्बी नाम नयरी, पुराणपुरभेयणी ।
तत्थ आसी पिया मज्झ, पभूयधणसच्चओ ॥१८॥
पढमे वए महाराय ! अउला मे अच्छिवेयणा ।
अहोत्था विउलो दाहो, सव्वगत्तेसु पत्थिवा ॥१९॥
सत्थ जहा परमत्तिक्ख, सरीरविवरतरे ।
आवीलिज्ज' अरो कुद्धो, एव मे अच्छिवेयणा ॥२०॥
तिय मे अन्तरिच्छ च, उत्तमग च पीडइ ।
इन्दासणिसमा घोरा, वेयणा परमदारुणा ॥२१॥
उवट्टिया मे आयरिया, विज्जामन्ततिगिच्छया ।
अबीया सत्थकुसला, मन्तमूलविसारया ॥२२॥

१. कस्स । २ पविसिज्ज ।

ते मे तिगिच्छं कुव्वन्ति, चाउप्पाय जहाहियं ।
 न य दुक्खा विमोयन्ति, एसा मज्झ अणाहया ॥२३॥
 पिया मे सव्वसारपि, विज्जाहि मम कारणा ।
 न य दुक्खा विमोएइ, एसा मज्झ अणाहया ॥२४॥
 माया य मे महाराय! पुत्तसोगदुहट्टिया ।
 न य दुक्खा विमोएइ, एसा मज्झ अणाहया ॥२५॥
 भायरो मे महाराय ! सगाजेट्टकणिट्टगा ।
 न य दुक्खा विमोयन्ति, एसा मज्झ अणाहया ॥२६॥
 भइणीओ मे महाराय, सगा जेट्टकणिट्टगा ।
 न य दुक्खा विमोयन्ति, एसा मज्झ अणाहया ॥२७॥
 भारिया मे महाराय ! अणुरत्ता अणुव्वया ।
 असुपुण्णेहि नयणेहि, उर मे परिंसचइ ॥२८॥
 अन्न पाण च पहाण च, गन्धमल्लविलेवण ।
 मए नायमणाय वा, सा बाला नेवभुजइ ॥२९॥
 खण पि मे महाराय ! पासाओ वि न फिट्टइ ।
 न य दुक्खा विमोएइ, एसा मज्झ अणाहया ॥३०॥
 तओ हं एवमाहसु, दुक्खमाहु पुणो पुणो ।
 वेयणा अणुभविउ जे, ससारम्मि अणन्तए ॥३१॥
 सइं च जइ मुच्चेज्जा, वेयणा विउला इओ ।
 खन्तो दन्तो निरारम्भो, पव्वए अणगारिय ॥३२॥
 एवं च चिन्तइत्ताणं, पसुत्तो मि नराहिवा !
 परियत्तन्तीए राईए, वेयणा मे खयं गया ॥३३॥

तत्रो कल्ले पभायम्मि, आपुच्छित्ताण बन्धवे ।
 खन्तो दन्तो निरारम्भो, पव्वइओऽणगारियं ॥३४॥
 ततो हं नाहो जाओ, अप्पणो य परस्स य ।
 सव्वेसिं च्चैव भूयाण, तसाण थावराण य ॥३५॥
 अप्पा नई वेयरणी, अप्पा मे कूडसामली ।
 अप्पा कामडुहा घेणू, अप्पा मे नन्दण वण ॥३६॥
 अप्पा कत्ता विकत्ता य, दुहाण य सुहाण य ।
 अप्पा मित्तममित्तं च, दुप्पट्टियसुपट्टिओ ॥३७॥
 इमा हु अन्ना वि अणाहया निवा !
 तमेगचित्तो निहुओ सुगेहि ।
 नियण्ठधम्म लहियाण वि जहा,
 सीयन्ति एगे ब्रह्मायरा नरा ॥३८॥
 जो पव्वइत्ताण महव्वयाइं,
 सम्म च नो फासयइ पमाया ।
 अनिगहप्पा य रसेसु गिद्धे,
 न मूलओ छिन्दइ बन्धण से ॥३९॥
 आउत्तया जस्स न अत्थि काइ,
 इरियाए भासाए तहेसणाए ।
 आयाणनिकखेवदुगच्छणाए,
 न धीरजायं' अणुजाइ मग्गं ॥४०॥
 चिर पि से मुण्डरुई भवित्ता,
 अथिरव्वए तवनियमेहि भट्टे ।
 चिरं पि अप्पाण किलेसइत्ता,
 न पारए होइ हु संपराए ॥४१॥

पोल्ले व मुट्टी जह से असारे,
 अयन्तिए कूडकहावणे वा ।
 राढामणी वेरुलियप्पगासे,
 अमहग्घए होइ हु जाणएसु ॥४२॥

कुसील्लिग इह धारइत्ता,
 इसिज्भयं जीविय बूहइत्ता ।
 असजए संजयलप्पमाणो,
 विणिघायमागच्छइ से चिरपि ॥४३॥

विस तु पीय जह कालकूडं,
 हणाइ सत्थ जह कुग्गहीय ।
 एसो वि फम्मो विसओववन्नो,
 हणाइ वेयाल इवाविवन्नो ॥४४॥

जे लक्खणं सुविण पउंजमाणे,
 निमित्त कोऊहल सपगाढे ।
 कुहेडविज्जासवदारजीवी,
 न गच्छइ सरणं तम्मि काले ॥४५॥

तमतमेणोव उ से असीले,
 सया डूही विप्परियासुवेइ ।
 सधावइ नरगतिरिक्खजोणिं,
 मोण विराहित्तु असाहुरूवे ॥४६॥

उट्टेसिय कीयगडं नियागं,
 न मुचइ किंचि अणेसणिज्जे ।
 अग्गी विवा सव्वभक्खी भवित्ता,
 इत्तो चुए गच्छइ कट्टू पाव ॥४७॥

न तं अरी कठछेत्ता करेइ,
 ज से करे अरुपणिया दुरप्पया ।
 से नाहिइ मच्चु मुहं तु पत्ते,
 पच्छाभितावेण दयाविहणो ॥४८॥
 निरट्टिया नगरुई उ तस्स,
 जे उत्तमट्टे विवज्जासमेइ ।
 इमे वि से नत्थि परे वि लोए,
 दुहिश्रो वि से सिज्जइ तत्थ लोए ॥४९॥
 एमेवऽहा छन्दकुसीलरूवे,
 मग्ग विराहेत्त जिणुत्तमाण ।
 कुररी विवा भोगरसाणुगिद्धा,
 निरट्टसोया परितावमेइ ॥५०॥
 सोञ्जाण मेहावि ! सुभासियं इमं,
 अणुसासण नाणगुणोववेय ।
 मग्गं कुसीलाण जहाय सव्व,
 महानियठाण वए पहेण ॥५१॥
 चरित्तमाधारगुणन्निए तओ ।
 अणुत्तर सजम पालिया णं ।
 निरासवे सखवियाण कम्म,
 उवेइ ठाणं विउलुत्तमं धुवं ॥५२॥
 एवुग्गदन्तेऽवि महातवोधरो,
 महामुणी महापइन्ने महायसे ।
 महानियण्ठिज्जमिण महासुयं,
 से काहए महया वित्थरेणं ॥५३॥

तुष्टो य सेणिओ राया,
 इणमुदाहुं कयंजली ।
 अणाहत्तं जहाभूयं,
 सुट्ठु मे उववंसिय ॥५४॥

तुज्झं सुलद्ध खु मणुस्सजम्म,
 लाभा सुलद्धा य तुमे महेसी !
 तुब्भे सणाहा य सबन्धवा य,
 ज भे ठिया मग्गि जिणुत्तमाणं ॥५५॥

तंसि नाहो अणाहाणं,
 सब्बभूयाण सजया !
 खामेमि ते महाभाग !
 इच्छामि अणुसासिउं ॥५६॥

पुच्छिऊण मए तुब्भ,
 भाणविग्घो उ जो कओ ।
 निमन्तिघा य भोगेहि,
 तं सब्ब मरिसेहि मे ॥५७॥

एव थुणित्ताण स रायसीहो,
 अणगारसीहं परमाइ भत्तिए ।
 सओरोहो सपरियणो सबन्धवो,
 घम्माणुरत्तो विमलेण चयसा ॥५८॥

ऊससियरोसकूवो,
 काऊण य पयाहिणं ।
 अभिवन्दिऊण सिरसा,
 अइयाओ नराहिवो ॥५९॥

इयरो वि गुणसमिद्धो,
तिगुत्तिगुत्तो तिदण्डविरओ य ।
विहग इव विष्पमुक्को,
विहरइ वसुह विगयमोहो, त्तिवेमि ॥६०॥

॥ महानियठिज्ज वीसइममज्भयण समत्त ॥

अह समुद्दपालीयं एगवीसइमं श्रज्भयणं

चम्पाए पालिए नाम, सावए आसि वाणिए ।
महावीरस्स भगवओ, सीसे स उ महप्पणो ॥ १ ॥
निगन्थे पावयसो, सावए से वि कोविए ।
पोएण ववहरन्ते, पिहुण्डं नगरमागए ॥ २ ॥
पिहुण्डे ववहरन्तस्स. वाणिओ देइ धूरं ।
तं ससत्त पइगिज्भ, सदेसमह पत्थिओ ॥ ३ ॥
अह पालियस्स घरिणि, समुद्दम्मि पसवइ ।
अह बालए त्तिहि जाए, समुद्दपालि त्ति नामए ॥ ४ ॥
खेमेण आगए चम्प, सावए वाणिए घर ।
संवडुइ तस्स [घरे, दारए से सुहोइए ॥५॥
वावत्तरी कलाओ य, सिक्खइ नीइकोविए ।
जोव्वरोण य सपन्ने, सुरूवे पियदसणे ॥६॥
तस्स रूववइं भज्ज, पिया आणेइ रूविणि ।
पासाए कीलए रम्मे, देवो दोगुन्दओ जहा ॥७॥

अहं अन्नया कयाई, पासायालयणे ठिओ ।
वज्भमण्डरासोभागं, वज्भ पासइ बज्भगं ॥ ८ ॥

त पासिऊण सविगो,^१ समुद्दपालो इणमब्बवी ।
अहोऽसुहाण कम्माण, निज्जाण पावग इम ॥९॥

सबुद्धो सो तहिं भगव, परमसवेगमागओ ।
आपुच्छऽम्मपियरो, पव्वए अणगारियं ॥१०॥

अहित्तु सगं च महाकिलेस,
महन्तमोह कसिण भयावह ।

परियायधम्म चऽभिरोयएज्जा,
वयाणि सीलाणि परीसहे य ॥११॥

अहिंससच्चं च अतेराग च,
ततो य बम्भे अपरिग्गहं च ।

पडिवज्जिया पचमहव्वयाणि,
चरिज्ज धम्म जिणदेसिय विऊ ॥१२॥

सव्वेहिं भूर्णेहिं दयाणुकंपी,
खन्तिक्खमे सजयबम्भयारी ।

सावज्जजोग परिवज्जयन्तो,
चरिज्ज भिक्खू सुसमाहिइन्दिए ॥१३॥

कालेण काल विहरेज्ज रट्टे,
बलाबल जाणिय अप्पणो य ।

सीहो व सट्ठेण न सतसेज्जा,
वयजोग सुच्चा न असव्वभमाहु ॥१४॥

उवेहमाणे उ परिव्वइज्जा,
 पियमपिय सव्व तितिव्वइज्जा ।
 न सव्व सव्वत्थऽभिरोयइज्जा,
 न यावि पूय गरह च संजय ॥१५॥
 अणेगच्छन्दा इहं माणवेहिं,
 जे भावओ सपगरेइ भिवखू ।
 भयभेरवा तत्थ उइन्ति भीमा,
 दिव्वा मणुस्सा अदुवा तिरिच्छा ॥१६॥
 परीसहा दुव्विसहा अणेगे,
 सीयन्ति जत्था बहुकायरा नरा ।
 से तत्थ पत्ते न वहिज्ज भिवखू,
 सगामसीसे इव नागराया ॥१७॥
 सीओसिणा दंसमसा य फासा,
 आयंका विविहा फुसन्ति वेहं ।
 अकुक्कुओ तत्थऽहियासएज्जा,
 रयाइ खेविज्ज पुरे कयाइ ॥१८॥
 पहाय राग च तहेव दोसं,
 मोह च भिवखू सययं वियक्खणो ।
 मेरुव्व वाएण अकम्पमाणो,
 परीसहे आयगुत्ते सहेज्जा ॥१९॥
 अणुन्नए नावणए महेसी,
 न यावि पूयं गरह च सजए ।
 से उज्जुभावं पडिवज्ज, संजए,
 निव्वाणमग्ग विरए उवेइ ॥२०॥

अरइरइसहे पहीणसथवे,
 विरए आयहिए पहाणवं ।
 परमद्वपएहि चिट्टइ,
 छिन्नसोए अममे अकिचणे ॥२१॥
 विवित्तलयणाइ भएञ्ज ताई,
 निरोवलेवाइ असथडाइ ।
 इसीहि चिण्णाइ महायसेहि,
 काएण फासेञ्ज परीसहाइ ॥२२॥
 सन्नाणनाणोवगए महेसी,
 अणुत्तरं चरिउ धम्मसचय ।
 अणुत्तरे नाणधरे जससी,
 ओभासइ सूरिए वज्जलिकखे ॥२३॥
 दुविहं खवेऊण य पुण्णपाव,
 निरगणे सव्वओ विप्पमुक्के ।
 तरित्ता समुद्द व महाभवोह,
 समुद्दपाले अपुण्णागम गए, त्तिवेमि ॥२४॥
 ॥ समुद्दपानिय एगवीसइमअज्भयण ममत्त ॥

अह रहनेमिज्जं बावीसइम अज्भयणं
 सोरियपूरम्मि नयरे, आसि राया महिडिडए ।
 चसुदेवुत्ति नामेण, रायलक्खणसज्जुए ॥१॥
 तस्स भज्जा दुवे आसी, रोहिणी देवई तथा ।
 तासि द्दोण्ह दुवे पुत्ता, इट्ठा राम केसवा ॥२॥

सौरियपुरम्भि नयरे, आसि राया महिड्ढि ।
 समुद्विजय नामं, रायलक्खणसजुए ॥ ३ ॥
 तस्स भज्जा सिवा नाम, तीसे पुत्तो महायसो ।
 भगव अरिद्वनेमि त्ति, लोगनाहे दमीसरे ॥ ४ ॥
 सोऽरिद्वनेमिनामो उ, लक्खणस्सरसंजुओ ।
 अट्टसहस्सलक्खणधरो, गोयमो कालगच्छवी ॥ ५ ॥
 वज्जरिसहसघयणो, समचउरसो भूसोयरो ।
 तस्स रायमई कन्नं, भज्जं जायइ केसवो ॥ ६ ॥
 अह सा रायवरकन्ना, सुसीला चारुपेहणी ।
 सव्वलक्खणसपन्ना, विज्जुसोयामणिप्पभा ॥ ७ ॥
 अहाह जणओ तीसे, वासुदेवं महिड्ढियं ।
 इहागच्छउ कुमारो, जा से कन्नं ददामिऽह ॥ ८ ॥
 सव्वोसहीहि ण्हविओ, कय-कोउयमंगलो ।
 दिव्वजुयलपरिहिओ, आभरणोहि विभूसिओ ॥ ९ ॥
 मत्तं च गन्धर्हाँत्थि, वासुदेवस्स जेट्टग ।
 आरूढो सोहए अहियं, सिरे च्छडामणि जहा ॥ १० ॥
 अह ऊसिएण छत्तेण, चामराहि य सोहिए ।
 दसारचक्केण य सो, सव्वओ परिवारिओ ॥ ११ ॥
 चउरंगिणीए सेणाए, रइयाए जहक्कमं ।
 तुडियाण सन्निनाएण, दिव्वेणं गगणं फुसे ॥ १२ ॥
 एयारिसाए इड्ढिए, जुत्तीए उत्तमाइ य ।
 नियगाओ भवणाओ, निज्जाओ षण्हिपुंगवो ॥ १३ ॥

अह सो तत्थ निज्जन्तो, दिस्स पाणे भयद्दुए ।
वाडेहिं पंजरेहिं च, सन्निरुद्धे सुदुक्खिए ॥१४॥

जीवियन्त तु सम्पत्ते, मसट्टा भक्खियव्वए ।
पासित्ता से महापन्ने, सारहिं इणमब्बवी ॥१५॥

कस्स अट्टा इमे पाणा, एए सव्वे सुहेसिणो ।
वाडेहिं पंजरेहिं च, सन्निरुद्धा य अच्छहिं ? ॥१६॥

अह सारही तश्चो भणइ, एए भट्टा उ पाणिणो ।
तुज्झं विवाहं कल्लम्मि, भोयावेउ बहु जण ॥१७॥

सोऊण तस्स वयण, बहुपाणिविणासण ।
चिन्तेइ से महापन्नो, साणुक्कोसे जिए हिश्चो ॥१८॥

जइ मज्झं कारणा एए, हम्मन्ति सुवहू जिया ।
न मे एयं तु निस्सेस, परलोगे भविस्सइ ॥१९॥

सो कुण्डलाण जुयल, सुत्तगं च महायसो ।
आभारणाणि य सव्वाणि, सारहिस्स पणामए ॥२०॥

मणपरिणामे य कए, देवा य जहोइय समोइण्णा ।
सव्विड्ढीइ सपरिसा, निक्खमण तस्स काउ जे ॥२१॥

देवमणुस्सपरिवुडो, सीयारयण तश्चो समारूढो ।
निक्खमिय बारगाश्चो, रेवयम्मि ठिश्चो भगव ॥२२॥

उज्जाण सपत्तो, ओइण्णो उत्तमाउ सीयाश्चो ।
साहस्सोइ परिवुडो, अह निक्खमइ उ चित्ताहिं ॥२३॥

अह से सुगन्धगन्धीए, तुरिय मउअकुंचिए ।
सयमेव लुचइ केसे, पचमुट्ठीहिं समाहिप्रो ॥२४॥

वासुदेवो य णं भणइ, लुत्तकेसं जिइन्दियं ।
 इच्छियमणोरहं तुरियं, पावसु त दमीसरा ! ॥२५॥
 नाणेण दसणेण च, चरित्तेण तहेव य ।
 खंतीए मुत्तीए वड्डमाणो भवाहि य ॥२६॥
 एवं ते रामकेसवा, दसारा य वहू जणा ।
 अरिद्वणेमि वन्दित्ता, अभिगया वारगापुरि ॥२७॥
 सोऊण रायकन्ता, पव्वज्जं सा जिणस्स उ ।
 नीहासा य निराणन्दा, सोणेण उ समुच्छिया ॥२८॥
 राईमई विचिन्तेइ, धिरत्थु मम जीवियं ।
 जाऽहं तेण परिञ्चत्ता, सेयं पव्वइउं मम ॥२९॥
 अह सा भमरसन्निभे, कुञ्जफणगप्पसाहिए ।
 सयमेव लुंचइ केसे, धिइमती ववस्सिया ॥३०॥
 वासुदेवो य णं भणइ, लुत्तकेसं जिइन्दिय ।
 ससारसागरं घोरं, तर कन्ने ! लहं लहं ॥३१॥
 सा पव्वइया सन्ती, पव्वावेसी तहिं वहुं ।
 सयण परियणं वेव, सीलवन्ता बहुस्सुया ॥३२॥
 गिरिरेवतयं जन्ती, वासेणुल्ला उ अन्तरा ।
 वासन्ते अन्धयारम्मि, अन्तो लयणस्स सा ठिया ॥३३॥
 चीवराइं विसारन्ती, जहा जायत्ति पासिया ।
 रहमेमि भग्गचित्ती, पच्छा दिट्ठी य तीइ वि ॥३४॥
 भीया य सा तहिं वट्ठुं, एगन्ते संजयं तयं ।
 बाहाहिं काउ संगोप्फं, वेवमाणी निसीयइ ॥३५॥

अह सो वि रायपुत्तो, समुद्विजयगओ ।
 भीयं पवेविय दट्ठु, इम वक्कं उदाहरे ॥३६॥
 रहनेमी अहं भद्दे ! सुह्वे ! चारुभासिणी ॥
 ममं भयाहि सुयणु ! न ते पीला भविस्सइ ॥३७॥
 एहि ता भु जिमो भोए, माणुस्स खु सुदुल्लह ।
 भुत्तभोगी पुणो पच्छा, जिणमग्ग चरिस्समो ॥३८॥
 दट्ठुण र्नेमि त, भग्गुजोयपराजिय ।
 रायमई असम्भन्ता, अप्पाण सवरे तहि ॥३९॥
 अह सा रायवरकन्ना, सुट्ठिया नियमव्वए ।
 जाई कुलं च सील च, रक्खमाणी तय वए ॥४०॥
 जइ सि रुवेण वेसमणो, ललिएण नलकूवरो ।
 तथा वि ते न इच्छामि, जइ सि सक्ख पुरदरो ॥४१॥
 (पक्खदे जलिअं लोइ, धूमकेउ दुरासय ।
 नेच्छन्ति वंतयं भोत्तु, कुले जाया अगघणे ॥)
 धिरत्थु तेऽज्जसोकामी, जो त जीवियकारणा ।
 वन्त इच्छसि आवेउ, सेय ते मरणं भवे ॥४२॥
 अहं च भोगरायस्स, तं च सि अन्धगवण्हणो ।
 मा कुले गघणा होमो, संजम निहुओ चर ॥४३॥
 जइ तं काहिसि भाव, जा जा दिच्छसि नारिओ ।
 वायाविद्धो व्व हढो, अट्ठिअप्पा भविस्ससि ॥४४॥
 गोवालो भण्डवालो वा, जहा तद्दव्वणिस्सरो ।
 एवं अणिस्सरो त पि, सामण्णस्स भविस्ससि ॥४५॥
 (कोहं माणं निगिण्हित्ता, माय लोभ च सव्वसो ।
 इदियाइं वसे काउं, अप्पाण उवसहरे ॥)

तीसे सो वयण सोञ्जा, सजयाए सुभासियं ।
 अकुसेण जहा नागो, धम्मे संपडिवाइओ ॥४६॥
 मणगुत्तो वयगुत्तो, कायगुत्तो जिइन्दिओ ।
 सामण्ण निञ्जल फासे, जावज्जीवं दढव्वओ ॥४७॥
 उगं तव चरित्ताणं, जाया दुण्णि वि केवली ।
 सव्व कम्म खवित्ताणं, सिद्धि पत्ता अणुत्तर ॥४८॥
 एव करेन्ति सबुद्धा, पण्डिया पवियक्खणा ।
 विणियट्ठन्ति भोगेसु, जहा सो पुरिसोत्तमो, त्ति बेमि ॥४९॥

॥ रहनेमिज्जं वावीसममज्भयणं समत्त ॥

अह केसिगोयमिज्जं तेवीसइमं अज्भयण

जिणे पासित्ति नामेण, अरहा'लोगपूइओ ।
 संबुद्धप्पा य सव्वन्नू धम्मतित्थयरे जिणे ॥ १ ॥
 तस्स लोगपईवस्स, आसि सीसे महायसे ।
 केसी कुमारसमणे, विज्जाचरणपारगे ॥ २ ॥
 ओहिनाणसुए बुद्धे, सोससघसमाउले ।
 गामाणुगाम रीयन्ते, सावत्थि 'पुरमागए ॥ ३ ॥
 तिन्दुयं नाम उज्जाण, तम्मि नगरमण्डले ।
 फासुए सिज्जसथारे, तत्थ वासमुवागए ॥ ४ ॥
 अह तेणेव कालेण धम्मतित्थयरे जिणे ।
 भगव वद्धमारिण त्ति, सव्वलोगम्मि विस्सुए ॥ ५ ॥

लोगविस्सुए । सव्वन्न सव्वदसी य, धम्मतित्थस्स देसए ।

तस्स लोगपदीवस्स, आसि सीसे महायसे ।
 भगवं गोयमे नाम, विज्जाचरणपारए ॥६॥
 बारसगविऊ बुद्धे, सीससघ-समाउले ।
 गामाणुगाम रीयन्ते, से वि सावत्थिमागए ॥७॥
 कोट्टुगं नाम उज्जाणं, तम्मि नगरमण्डले ।
 फासुए सिज्जसथारे, तत्थ वासमुवागए ॥८॥
 केसी कुमारसमणे, गोयमे य महायसे ।
 उभओ वि तत्थ विहँरिसु, अल्लीणा सुसमाहिया ॥९॥
 उभओ सीससघाण, सजयाण तवस्सिण ।
 तत्थ चिन्ता समुप्पन्ना, गुणवताण ताइण ॥१०॥
 केरिसो वा इमो धम्मो, इमो धम्मो व केरिसो ?
 आयारधम्मपणिही, इमा वा सा व केरिसी ? ॥११॥
 चाउज्जामो य जो धम्मो, जो इमो पचसिक्खिओ ।
 देसिओ वद्धमाणेण, पासेण य महामुणी ॥१२॥
 अचेलओ य जो धम्मो, जो इमो सन्तरुत्तरो ।
 एगकज्जपवन्नाण, विसेसे कि नु कारण ? ॥१३॥
 अह ते तत्थ सीसाण, विज्जाय पवितक्किय ।
 समागमे कयमई, उभओ केसिगोयमा । १४॥
 गोयमे पडिरुवन्नू, सीससघसमाउले ।
 जेट्ट कुलमवेक्खन्तो, तिन्दुय वणमागओ ॥१५॥
 केसी कुमारसमणे, गोयम दिस्समागयं ।
 पडिरुव पडिवत्ति, सम्म सपडिवज्जइ ॥१६॥

पलाल फासु अं तत्थ पचमं कुसतणाणि य ।
 गोयमस्स निसेज्जाए, खिप्पं संपणामए ॥१७॥
 केसी कुमारसमणे, गोयमे य महायसे ।
 उभओ निसण्णा सोहन्ति, चन्दसूरसमप्पभा ॥१८॥
 समागया बहु तत्थ, पासण्डा कोजया मिया ।
 गिहत्थाण अणेगाओ, साहस्सीओ समागया ॥१९॥
 देवदाणवगन्धवा, जक्खरक्खसकिन्नरा ।
 अदिस्साण च भूयाण, आसी तत्थ समागमो ॥२०॥
 पुच्छामि ते महाभाग ! केसी गोयममब्बवी ।
 तओ केसि बुवतं तु, गोयमो इणमब्बवी ॥२१॥
 पुच्छ भन्ते ! जहिच्छं ते, केसि गोयमब्बवी ।
 तओ केसी अणुत्ताए, गोयम इणमब्बवी ॥२२॥
 चाउज्जामो य जो धम्मो, जो इमो पंचसिक्खिअ ।
 देसिओ वद्धमाणेण, पासेण य महामुणी ॥२३॥
 एगकज्जपवत्ताणं, विसेसे किं नु कारणं ?
 धम्मे दुविहे मेहावी, कहं विप्पञ्चओ न ते ? ॥२४॥
 तओ केसि बुवन्तं तु, गोयमो इणमब्बवी ।
 पन्ता समिक्खए धम्मं, तत्ते, तत्तविणिच्छियं ॥२५॥
 पुरिमा उज्जुजडा उ, वंकजडा व पच्छिमा ।
 मज्झिमा उज्जुपन्ता उ, तेण धम्मे दुहा कए ॥२६॥
 पुरिमाणं दुन्विसुज्झो उ, चरिमाणं दुरणुपालओ ।
 कप्पो मज्झिमगाणं तु, सुदिसुज्झो सुपालओ ॥२७॥
 । सिया । २ गोयमी केसिमब्बवी ।

साहु गोयम ! पन्ना ते, छिन्वो मे ससओ इमो ।
अन्तो वि संसओ मज्झं, तं मे कहसु गोयमा ! ॥२८॥

अचेलगो य जो घम्मो, जो इमो सन्तरुत्तरो ।
देसिओ वद्धमाणेण, पासेण य महाजसा ॥२९॥

एगकज्जपवज्जाण विसेसे किं नु 'कारण ।
लिगे दुविहे मेहावी, कहं विप्पञ्चओ न ते ? ॥३०॥

केसिमेव बुवाण तु, गोयमो इणमब्बवी ।
विन्नाणेण समागम्म, घम्मसाहणमिच्छिय ॥३१॥

पच्चपत्थ च लोगस्स, नाणाविहविगप्पणं ।
जत्तत्थं गहगतथ च, लोगे निगपओयण ॥३२॥

अह भवे पइन्ना उ, मोक्खसब्भयसाहणा ।
नाणं च दसणं चैव चरित्तं चैव निच्छए ॥३३॥

साहु गोयम ! पन्ना ते, छिन्वो मे संसओ इमो ।
अन्तो वि ससओ मज्झं, तं मे कहसु गोयमा ! ॥३४॥

अणेगाण सहस्साणं, मज्झे चिट्ठसि गोयमा !
ते य ते अभिगच्छन्ति, कहं ते निज्जिया तुमे ? ॥३५॥

एगे जिए जिया पंच. पच जिए जिया दस ।
दसहा उ जिणित्ताण, सब्वसत्तू जिणामहं ॥३६॥

सत्तू य इइ के वुत्ते ? केसी गोयममब्बवी ।
तओ केसि बुवतं तु, गोयमो इणमब्बवी ॥३७॥

एगप्पा अजिए सत्तू, कसाया इंदियाणि य ।
ते जिणित्तु जहानायं, विहरामि अह मुणी ! ॥३८॥

साहु गोयम ! पन्ना ते, छिन्नो मे संसओ इमो ।
 अन्नो वि संसओ मज्झं, त मे कहसु गोयमा ! ॥३६॥
 दीसन्ति बहवे लोए, पासवद्धा सररीरणो ।
 मुक्कपासो लहुवभूओ, कह तं विहरसि मुणी ? ॥४०॥
 ते पासे सव्वसो छिता, निहन्तुण उवायओ ।
 मुक्कपासो लहुवभूओ, विहरामि अह मुणी ॥४१॥
 पासा य इइ के वुत्ता ? केसो गोयममव्ववी ।
 केसिमेव वुवतं तु, गोयमो इणमव्ववी ॥४२॥
 रागहोसादओ तिव्वा, नेहपासा भयंकरा ।
 ते छिन्दिता जहानायं, विहरामि जहक्कमं ॥४३॥
 साहु गोयम ! पन्ना ते, छिन्नो मे संसओ इमो ।
 अन्नो वि ससओ मज्झं, तं मे कहसु गोयमा ! ॥४४॥
 अन्तोहिययसंभूया, लया चिट्ठइ गोयमा ! ।
 फलेइ विसभक्खीणि, सा उ उद्धरिया कहं ? ॥४५॥
 त लयं सव्वसो छिता, उद्धरिया समूलियं ।
 विहरामि जहानायं, मुक्को मि विसभक्खणं ॥४६॥
 लया य इइ का वुत्ता ? केसो गोयममव्ववी ।
 केसिमेवं वुवतं तु, गोयमो इणमव्ववी ॥४७॥
 भवतण्हा लया वुत्ता, भीमा भीमफलोदया ।
 तमुच्छित्तु जहानायं, विहरामि जहासुहं ॥४८॥
 साहु गोयम ! पन्ना ते, छिन्नो मे संसओ इमो ।
 अन्नो वि संसओ मज्झं, तं मे क गोयमा ! ॥४९॥

सपञ्जलिया घोरा, अग्गी चिट्ठीइ गोयमा ! ।
 जे डहन्ति सरीरत्था, कहं विज्भाविआ तुमे ? ॥५०॥
 महामेहप्पसूयाओ, गिज्भ वारि जलुत्तम ।
 सिंचामि सययं तेउ', सित्ता नो व उहन्ति मे ॥५१॥
 अग्गी य इइ के वुत्ता ? केसी गोयममब्बवी ।
 केसिमेव बुवन्तं तु, गोयमो इणमब्बवी ॥५२॥
 कसाया अग्गिणो वुत्ता, सुयसीलतवो जल ।
 सुयधाराभिहया सन्ता, भिन्ना हु न डहन्ति मे ॥५३॥
 साहु गोयम ! पन्ता ते, छिन्नो मे ससओ इमो ।
 अन्नो वि ससओ मज्झ, त मे कहसु गोयमा ! ॥५४॥
 अय साहसिओ भीमो, दुट्ठस्सो परिधावइ ।
 जंसि गोयम ! आरूढो, कह तेण हीरसि ? ॥५५॥
 पधावन्तं निगिण्हामि, सुयरस्सीसमाहिय ।
 न मे गच्छइ उम्मग्ग, मग्ग च पड्विज्जइ ॥५६॥
 आसे य इइ के वुत्ते ? केसी गोयममब्बवी ।
 केसिमेवं बुवत तु, गोयमो इणमब्बवी ॥५७॥
 मणो साहसिओ भीमो, दुट्ठस्सो परिधावइ ।
 त सम्मं तु निगिण्हामि, धम्मसिक्खाइ कन्यगं ॥५८॥
 साहु गोयम ! पन्ता ते, छिन्नो मे ससओ इमो ।
 अन्नो वि ससओ मज्झ, तं मे कहसु गोयमा ! ॥५९॥
 कुप्पहा बहवो लोए, जेहि नासन्ति जन्तुणो ।
 अट्ठाणे 'कह वट्टन्ते, त न नाससि गोयमा ! ॥६०॥
 जे य मग्गेण गच्छन्ति, जे य उम्मग्गपट्टिया ।
 ते सब्बे वेइया मज्झं, तो न नस्सामहं मुणी ! ॥६१॥

मग्गे य इइ के वृत्ते ? केसी गोयममब्बवी ।
 केसिमेवं बुवतं तु, गोयमो इणमब्बवी ॥६२॥
 कुप्पवयणपासण्डी सव्वे उम्मग्गपट्टिया ।
 सम्मग्ग तु जिणक्खाय एत्त मग्गे हि उत्तमे ॥६३॥
 साहु गोयम ! पत्ता ते, छिन्नो मे ससओ इमो ।
 अन्नो वि ससओ मज्झं तं मे कहसु गोयमा । ॥६४॥
 महाउदगवेगेण, बुज्झमाणं पाणिणं ।
 सरणं गई पइट्ठा य, दीव क मत्तसि मुणी ! ॥६५॥
 अत्थि एगो महादीवो, वारिमज्झे महालओ ।
 महाउदवेगस्स, गई तत्थ न विज्जइ ॥६६॥
 दीवे य इइ के वृत्ते ? केसी गोयममब्बवी ।
 केसिमेव बुवतं तु, गोयमो इणमब्बवी ॥६७॥
 जरामरणवेगेण बुज्झमाणं पाणिणं ।
 धम्मो दीवो पइट्ठा य, गई सरणमुत्तमं ॥६८॥
 साहु गोयम ! पत्ता ते, छिन्नो मे ससओ इमो ।
 अन्नो वि ससओ मज्झं, तं मे कहसु गोयमा ! ॥६९॥
 अणवसि महोहंसि, नावा विपरिधावइ ।
 जंसि गोयम ! आरूढो, कह पार गमिस्ससि ? ॥७०॥
 जा उ अस्साविणी नावा, न सा पारस्स गामिणी ।
 जा निरस्साविण नावा, सा उ पारस्स गामिणी ॥७१॥
 नावा य इइ का वृत्ता ?, केसी गोयममब्बवी ।
 केसिमेवं बुवतं तु, गोयमो इणमब्बवी ॥७२॥
 सरीरमाहु नाव त्ति, जीवो बुच्चइ नाविओ ।
 ससारो अणवो वृत्तो, जं तरंति महेसिणी ॥७३॥

साहु गोयम ! पत्ता ते, छिन्नो मे ससओ इमो ।
 अन्नो वि ससओ मज्झ, त मे कहसु गोयमा ! ॥७४॥
 अन्धयारे तमे घोरे, चिट्ठन्ति पाणिणो बहू ।
 को करिस्सइ उल्लोयं ? सव्वलोयम्मि पाणिण ॥७५॥
 उग्गओ विमलो भाणू, सव्वलो पभकरो ।
 सो करिस्सइ उल्लोय, सव्वलोयम्मि पाणिण ॥७६॥
 भाणू य इइ के वुत्ते ?, केसी गोयममव्ववी ।
 केसिमेवं बुवतं तु, गोयमो इणमव्ववी ॥७७॥
 उग्गओ खीणसंसारो, सव्वन्नु जिणभव्वरो ।
 सो करिस्सइ उल्लोयं, सव्वलोयम्मि पाणिण ॥७८॥
 'साहु गोयम ! पत्ता ते, छिन्नो मे संसओ इमो ।
 अन्नो वि ससओ मज्झ, त मे कहसु गोयमा ! ॥७९॥
 सारारमाणसे दुक्खे, बज्झमाणाण पाणिणं ।
 खेमं सिवमणावाह, ठाण किं मत्तसे मुणी ? ॥८०॥
 अत्थि एगं धुवं ठाणं, लोगगम्मि दुरारुह ।
 जत्थ नत्थि जरा मच्चू, वाहिणो वेयणा तहा ॥८१॥
 ठाणे य इइ के वुत्ते ? केसी गोयममव्ववी ।
 केसिमेवं बुवतं तु, गोयमो इणमव्ववी ॥८२॥
 निव्वाण ति अब्बाह ति, सिद्धी लोगगमेव य ।
 खेम सिवं अणावाह, ज चरति महेसिणो ॥८३॥
 त ठाण सासय वास, लोगगम्मि दुरारुह ।
 जं सपत्ता न सोयन्ति, भवोहन्तकरा मुणी ! ॥८४॥

साहु गोयम ! पन्ना ते, छिन्नो मे संसओ इमो ।
 नमो ते ससयातीत !, सव्वसुत्तमहोदही ॥८५॥
 एव तु संसए छिन्ने, केसी घोरपरक्कमे ।
 अभिवन्दित्ता सिरसा, गोयम तु महायसं ॥८६॥
 पचमहद्वयधम्मं, पडिवज्जइ भावओ ।
 पुरिमस्स पच्छिमम्मि, मग्गे तत्थ सुहावहे ॥८७॥
 केसीगोयमओ निच्चं, तम्मि आसि समागमे ।
 सुयसीलसमुक्करिसो, महत्थविणिच्छओ ॥८८॥
 तोसिया परिसा सव्वा, सम्मग्ग समुवट्ठिया ।
 सथुया ते पसीयतु, भयव केसिगोयमे, त्ति वेमि ॥८९॥

॥ इय केसिगोयमिज्ज तेइसममज्भयण समत्त ॥

अह समिईओ णाम चउबोसइमं अज्भयणं

अट्ट पवयणमायाओ, समिई गुत्ती तहेव य ।
 पंचेव य समिईओ, तओ गुत्तीउ आहिया ॥ १ ॥
 इरियाभासेसणादाणे, उच्चारे समिई इय ।
 मणगुत्ती वयगुत्ती, कायगुत्ती य अट्टमा ॥ २ ॥
 एयाओ अट्ट समिईओ, समासेण विद्याहिया ।
 दुवालसंग जिणक्खायं, मायं जत्थ उ पवयण ॥ ३ ॥
 आलम्बणेण कालेण, मग्गेण जयणाइ य ।
 चउकारणपरिसुद्धं, संजए इरियं रिए ॥ ४ ॥

तत्थ आलम्बणं नाणं, दसणं चरणं तथा ।
 काले यं दिवसे वुत्ते, मग्गे उप्पहवञ्जिए ॥ ५ ॥
 दव्वओ खेत्तओ चैव, कालओ भावओ तथा ।
 जयणा चउव्विहा वुत्ता, त मे कित्तयओ सुण ॥ ६ ॥
 दव्वओ चक्खुसा पेहे, जुगमित्तं च खेत्तओ ।
 कालओ जाव रीइञ्जा, उवउत्ते य भावओ ॥ ७ ॥
 इन्दियत्थे विवञ्जिता, सज्झाय चैव पचहा ।
 तम्मुत्ती तप्पुरक्कारे, उवउत्ते रिय रिए ॥ ८ ॥
 कोहे माणे य मायाए, लोभे य उवउत्तया ।
 हासे भए मोहरिए, विकहासु तहेव य ॥ ९ ॥
 एयाइं अट्टु ठाणाइ, परिवञ्जितु सजए ।
 असावज्ज मिय काले, भास भासिञ्ज पन्नव ॥१०॥
 गवेसणाए गहणे य, परिभोगेसणा य जा ।
 आहारोवहिसेञ्जाए, एए तित्ति विसोहए ॥११॥
 उग्गमुप्पायण पढमे, बीए सोहेञ्ज एसण ।
 परिभोयम्मि चउक्क, विसोहेञ्ज जय जई ॥१२॥
 ओहोवहोवग्गहिय, भण्डग दुविह मुणी ।
 गिण्हन्तो निक्खिवन्तो य, पउजेञ्ज इम विहि ॥१३॥
 चक्खुसा पडिलेहिता, पमज्जेञ्ज जय जई ।
 आथए निक्खिवेज्जा वा, दुहओ वि समिए सया ॥१४॥
 उच्चार पासवणं, खेल सिंघाणजल्लिय ।
 आहार उव्वहि देह, अन्नं वावि तथाविहं ॥१५॥
 अणावायमसलोए, अणावाए चैव होइ सलोए ।
 आवायमसलोए, आवाए चैव संलोए ॥१६॥

अणावायमसलोए, परस्साणुवघाइए ।
 समे अज्भुसिरे वावि, अचिरकलकयम्मि य ॥१७॥
 वित्थिण्णे दूरमोगाढे, नासन्ने विलवज्जिए ।
 तसपाणवीयरहिए, उच्चाराईणि वोसिरे ॥१८॥
 एयाओ पंच समिईओ, समासेण वियाहिया ।
 इत्तो य तओ गुत्तीओ, वोच्छामि अणुपुव्वसो ॥१९॥
 सच्चा तहेव मोसा य, सच्चामोसा तहेव य ।
 चउत्थी असच्चमोसा य, मणगुत्ती चउव्विहा ॥२०॥
 संरम्भसमारम्भे, आरम्भे य तहेव य ।
 मण पवत्तमाण तु, नियत्तिज्ज जयं जई ॥२१॥
 सच्चा तहेव मोसा य, सच्चामोसा तहेव य ।
 चउत्थी असच्चमोसा य, वइगुत्ती चउव्विहा ॥२२॥
 सरम्भसमारम्भे, आरम्भे य तहेव य ।
 वय पवत्तमाण तु, नियत्तिज्ज जयं जई ॥२३॥
 ठाण निसीयणे चेव, तहेव य तुयट्टणे ।
 उल्लंघणपल्लघरो, इन्दियाण य जुजरो ॥२४॥
 सरम्भसमारम्भे, आरम्भम्मि तहेव य ।
 कायं पवत्तमाण तु, नियत्तिज्ज जयं जई ॥२५॥
 एयाओ पच समिईओ, चरणस्स य पवत्तरो ।
 गुत्ती नियत्तणे वुत्ता, असुभत्थेसु सव्वसो ॥२६॥
 एसा पवयणमाया, जे सम्मं आयरे मुणी ।
 सो खिप्पं सव्वससारा, विप्पमुच्चइ पण्डिए, त्तिबेमि ॥२७॥

॥ इय समिईओ चउत्तीमइमपज्भयण समत्त ॥

अह जन्नइज्ज पंचबीसइमं अञ्जयणं

माहणकुलसभूओ, आसि विप्पो महायसो ।
 जायाई जमजन्नम्मि, जयघोसि त्ति नामओ ॥ १ ॥
 इन्दियग्गामनिग्गाही. मग्गगामी महामुणी ।
 गामाणुगाम रीयन्ते, पत्तो वाणारसि पुरिं ॥ २ ॥
 वाणरसीए बहिया, उज्जाणम्मि मणोरमे ।
 फासुए सेज्जसथारे, तत्थ वासमुवागए ॥ ३ ॥
 अह तेणेव कालेण, पुरीए तत्थ माहणे ।
 विजयघोसि त्ति नामेण, जन्नं जयइ वेयवी ॥ ४ ॥
 अह से तत्थ अणगारे, मासक्खमणपाररो ।
 विजयघोसस्स जन्नम्मि, भिक्खमट्ठा उवट्टिए ॥ ५ ॥
 समुवट्टिय त्तिहं सन्त, जायगो पडिसेहए ।
 न ह्ठ दाहामि ते भिक्ख, भिक्खू ! जायाहि अन्नओ ॥ ६ ॥
 जे य वेयविऊ विप्पा, जन्नट्ठा य जे दिया ।
 जोइसंगविऊ जे य, जे य धम्मारेण पारगा ॥ ७ ॥
 जे समत्था समुद्धत्तुं, परमप्पाणमेव य ।
 तेसि अन्नमिण देय, भो भिक्खू ! सव्वकामिय ॥ ८ ॥
 सो तत्थ एव पडिसिद्धो, जायणेण महामुणी ।
 न वि रुट्ठो न वि तुट्ठो, उत्तमट्ठगवेसओ ॥ ९ ॥
 नन्नट्ठं पाणहेउ वा, नवि निव्वाहणाय वा ।
 तेसि विमोक्खणट्ठाए, इम वयणमव्ववी ॥ १० ॥

नवि जाणासि वेयमुहं, नवि चन्नाण जं मुहं ।
 नक्खत्ताण मुहं जं च, जं च धम्माण वा मुहं ॥११॥
 जे समत्था समुद्धत्तुं, परमप्पाणमेव य ।
 न ते तुमं वियाणसि, अहं जाणासि तो भण ॥१२॥
 तत्सक्खेवपमुक्खं तु, अचयन्तो तहिं दिओ ।
 सपरिसो पंजली होउ, पुच्छइ तं महामुणि ॥१३॥
 वेयाणं च मुहं बूहि, बूहि जन्नाण जं मुहं ।
 नक्खत्ताण मुहं बूहि, बूहि धम्माण वा मुहं ॥१४॥
 जे समत्था समुद्धत्तुं, परमप्पाणमेव य ।
 एयं मे संसय सव्वं, साहू ! कहसु पुच्छिओ ॥१५॥
 अग्गिहुत्तमुहा वेया, जन्नट्ठी वेयसा मुहं ।
 नक्खत्ताण मुहं चन्दो, धम्मणं कासवो मुहं ॥१६॥
 जहा चन्दं गहाईया, चिट्ठन्ति पजलीउडा ।
 वन्दमाणा नमंसन्ता उत्तमं मणहारिणो ॥१७॥
 अजाणगा जन्नवाई, विज्जामाहणसंपया ।
 गूढा सज्जायतवसा, भासच्छन्ना इवग्गिणो ॥१८॥
 जो लोए वम्भणो वुत्तो, अग्गी वा महिओ जहा ।
 सया कुसलसंदिट्ठं, तं वयं बूम माहणं ॥१९॥
 जो न सन्नइ आगन्तुं, पव्वयन्तो न सोयइ ।
 रमइ अज्जवयणम्मि, तं वयं बूम माहणं ॥२०॥
 जायरूवं जहामट्ठं, निट्ठन्तमलपावगं ।
 रागदोसभयाईयं, तं वयं बूम माहणं ॥२१॥
 तवस्सियं किसं दन्तं, अवचियमससोणियं ।
 सुव्वय पत्तनिव्वाण, तं वयं बूम माहणं ॥२२॥

तसपाणे वियाणेत्ता, सगहेण य थावरे ।
 जो न हिंसइ तिविहेण, त वय बूम माहण ॥२३॥
 कोहा व जइ वा हासा, लोहा वा जइ वा भया ।
 मुस न वयइ जो उ, तं वय बूम माहण ॥२४॥
 चित्तमन्तमचित्त वा, अप्प या जइ वा बहु ।
 न गिण्हइ अदत्त जो, त वय बूम माहण ॥२५॥
 दिव्वमाणुस्स-तेरिच्छ, जो न सेवइ मेहुण ।
 मणसा कायवक्केणं, त वयं बूम माहणं ॥२६॥
 जहा पोम जले जाय, नोवलिप्पइ वारिणा ।
 एव अलित्तो कामेहिं, त वय बूम माहण ॥२७॥
 अलोलुय मुहाजीवि, अणगार अकिंचण ।
 अससत्त गिहत्येसु, त वय बूम माहण ॥२८॥
 जहित्ता पुव्वसजोग, नाइसगे य बन्धवे ।
 जो सल्लइ एएसु^१, तं वय बूम माहण ॥२९॥
 पसुबन्धा सव्ववेया य, जट्ट च पावकम्मणा ।
 न त तायन्ति दुस्सील, कम्मणि बलवन्ति हिं^२ ॥३०॥
 न वि मुण्डिण समणो, न ओकारेण बम्भणो ।
 न मुणी रणवासेण, कुसचीरेण न तावसो ॥३१॥
 समयए समणो होइ, बम्भचेरेण बम्भणो ।
 नाणेण उ मुणी होइ, तवेण होइ तावसो ॥३२॥
 कम्मणा बम्भणो होइ, कम्मणा होइ खत्तिओ ।
 चइस्सो कम्मणा होइ, सुटो हवइ कम्मणा ॥३३॥

एए पाउकरे बुद्धे, जेहि होइ सिणायओ ।
 सव्वकम्मविणिम्मुक्कं, त वयं ब्रूम माहणं ॥३४॥
 एवं गुणसमाउत्ता, जे भवन्ति दिउत्तमा ।
 ते समत्था उ उद्धत्तुं, परमप्पाणमेव य ॥३५॥
 एव तु ससए छिन्ने, विजयघोसे य माहुरे ।
 समुदाय तओ तं तु, जयघोस महामुणिं ॥३६॥
 तुद्धे य विजयघोसे, इणमुदाहु कयजली ।
 माहणत्त जहासूय, सुट्ठु मे उवदंसियं ॥३७॥
 तुब्भे जइया जन्नाणं, तुब्भे वेयविऊ विऊ ।
 जोइसगविऊ तुब्भे, तुब्भे धम्माण पारगा ॥३८॥
 तुब्भे समत्था उद्धत्तुं, परमप्पाणमेव य ।
 तमणुग्गहं करेहउम्हं, भिक्खेण भिखु उत्तमा ॥३९॥
 न कज्जं मज्झ भिक्खेणं, खिप्पं निक्खमसु दिया !
 मा भमिहिसि भयावट्ठे, घोरे ससारसागरे ॥४०॥
 उवलेवो होइ भोगेसु, अबोगी नोवलिप्पइ ।
 भोगी भमइ ससारे, अबोगी विप्पमुच्चइ ॥४१॥
 उल्लो सुक्को य दो लूढा, गोलया मट्टियामया ।
 दो वि आवडिया कुड्डे, जो उल्लो सोऽत्थ लग्गइ ॥४२॥
 एवं लग्गन्ति दुम्मेहा, जे नरा कामलालसा ।
 विरत्ता उ न लग्गन्ति, जहा से सुक्कगोलए ॥४३॥
 एवं से विजयघोसे, जयघोसस्स अन्तिए ।
 अणगारस्स निक्खन्तो, धम्मं सोऽजा अणुत्तरं ॥४४॥

खवित्ता पुव्वकम्माइ, संजमेण तवेण य ।
जयघोसविजयघोसा, सिद्धिं पत्ता अणुत्तर, त्ति बेमि ॥४५॥

॥ इइ जन्नइज्ज णाम पचवीसइम अञ्जयण समत्ता ॥

अह सामायारी णाम छब्बीसइमं अञ्जयणं

सामायारिं पवक्खामि, सब्बदुक्खविमोक्खणिं ।
ज चरित्ताण निग्गन्था, तिण्णा ससारसागर ॥ १ ॥
पढमा आवस्सिया नाम, बिइया य निसीहिया ।
आपुच्छणा य तइया, चउत्थी पडिपुच्छणा ॥ २ ॥
पचमी छन्दणा नाम, इच्छाकारो य छट्ठओ ।
सत्तमो मिच्छकारो य, तहक्कारो य अट्ठमो ॥ ३ ॥
अब्भुट्ठाणं च नवम, दसमा उवसपदा ।
एसा दसगा साहूण, सामायारी पवेइया ॥ ४ ॥
गमणे आवस्सिय कुज्जा, ठाणे कुज्जा निसीहिय ।
आपुच्छण सयकरणे, परकरणे पडिपुच्छण ॥ ५ ॥
छन्दणा दव्वजाएण इच्छाकारो य सारणे ।
मिच्छाकारो य निन्दाए, तहक्कारो पडिस्सुए ॥ ६ ॥
अब्भुट्ठाण गुरुपूया, अच्छणे उवसपदा ।
एव दुपचसजुत्ता, सामायारी पवेइया ॥ ७ ॥
पुव्विल्लम्मि चउब्भाए, आइच्चम्मि समुट्ठिए ।
भण्डय पडिलेहिता, वन्दित्ता य तओ गुरु ॥ ८ ॥

पुच्छिञ्जा पंजलीउडो, किं कायव्व मए इह ।
 इच्छ निओइउ भन्ते । वेयावच्चे व सज्भाए ॥ ६ ॥
 वेयावच्चे निउत्तेणं, कायव्व अगिलायओ ।
 सज्भाए वा निउत्तेण, सव्वडुक्खविमोदखणे ॥१०॥
 दिवसस्स चउरो भागे, कुञ्जा भिक्खू विजक्खणो ।
 तओ उत्तरगुणे कुञ्जा, दिणभागेसु चउसु वि ॥११॥
 पढम पोरिसि सज्भाय, बीय भाण भियायई ।
 तइयाए भिक्खायरियं, पुणो चउत्थीइ सज्भायं ॥१२॥
 आसाढे मासे दुपया, पोसे मासे चउप्पया ।
 चित्तासोएसु मासेसु, तिप्पया हवइ पोरिसी ॥१३॥
 अगुल सत्तरत्तेण, पक्खेण च दुअगुलं ।
 वडुए हायए वावि, मासेणं चउरगुलं ॥१४॥
 आसाढवहुलपक्खे, भह्वए कत्तिए य पोसे य ।
 फगुणवइसाहेसु य, बोद्धव्वा' ओमरत्ताओ ॥१५॥
 जेट्टामूले आसाढसावणे, छहिं अगुलेहिं पडिलेहा ।
 अट्ठहिं बिइयतियमि, तइए दस अट्ठहिं चउत्थे ॥१६॥
 रत्ति पि चउरो भागे, भिक्खू कुञ्जा विजक्खणो ।
 तओ उत्तरगुणे कुञ्जा, राइभाएसु चउसु वि ॥१७॥
 पढम पोरिसि सज्भाय, बीय भाण भियायई ।
 तइयाए निदमोक्खं तु, चउत्थी भुञ्जो वि सज्भाय ॥१८॥
 जं नेइ जया रत्ति, नक्खत्त तम्मि नहचउढभाए ।
 सपत्ते विरमेञ्जा, सज्भाय पओसकालम्मि ॥१९॥

तम्मेव य नक्खत्ते, गयणचउम्भागसावसेसम्मि ।
 वेरत्तियंपि काल, पडिलेहिता मुणी कुञ्जा ॥२०॥
 पुव्विल्लम्मि चउम्भाए, पडिलेहिताण भण्डय ।
 गुरुं वन्दित्तु सज्जाय कुञ्जा दुक्खविमोक्खणि ॥२१॥
 पोरिसोए चउम्भाए, वन्दित्ताण तश्चो गुरुं ।
 अपडिक्कमित्ता कालस्स, भायण पडिलेहए ॥२२॥
 मुहपोत्ति पडिलेहिता, पडिलेहिञ्ज गोच्छग ।
 गोच्छगलइयगुलिओ, वत्थाइ पडिलेहए ॥२३॥
 उड्डु थिरं अतुरिय, पुव्व ता वत्थमेव पडिलेहे ।
 तो बिइय पप्फोडे, तइय च पुणो पमञ्जिञ्जा ॥२४॥
 अणञ्जाविय अवलिय, अणागुवन्धिममोसलि चैव ।
 छप्पुग्गिमा नव खोडा, पाणीपाणिसोहण ॥२५॥
 आरभडा सम्मद्दा, वज्जेयव्वा य मोसली तइया ।
 पप्फोडणा चउत्थी, विक्खित्ता वेइया छट्ठी ॥२६॥
 पसिढिलपलम्बलोला, एगा मोसा अणोगरूवधुरा ।
 कुराणइ पमाणिपमाय, सकियगणणोवग कुञ्जा ॥२७॥
 अणूणाइरित्तपडिलेहा, अविवञ्जासा तहेव य ।
 पढम पय पसत्थ, सेसाणि य अप्पसत्थाइ ॥२८॥
 पडिलेहण कुरान्तो, मिहो कह कुराणइ जणवयकह वा ।
 देइ व पञ्चक्खाण, वाएइ सय पडिच्छइ वा ॥२९॥
 पुढवी आउक्काए, तेऊ-वाऊ वणस्सइ-तसाण ।
 पडिलेहणापमत्तो छण्ह पि विराहओ होइ ॥३०॥
 पुढवी आउक्काए, तेऊ-वाऊ वणस्सइ-तसाण ।
 पडिलेहणाआउत्तो, छण्हं संरक्खओ होइ ॥३१॥

तइयाए पोरिसीए, भत्त पाणं गवेसए ।
 छण्ह अन्नयरागम्मि, कारणम्मि समुट्टिए ॥३२॥
 वेयणवेयावच्चे, इरियट्टाए य सजमट्टाए ।
 तह पाणवत्तियाए, छट्ठं पुण धम्मचिन्ताए ॥३३॥
 निग्गन्थो धिइमन्तो निग्गन्थी वि न करेज्जं छहिं चैव ।
 ठाणेहिं उ इमेहिं, अणइक्कमणाइ से होइ ॥३४॥
 आयके उवसग्गे, तित्तिक्खया बम्भचेरगुत्तोसु ।
 पाणिदया तवहेउ, सरीर वोच्छेयणट्टाए ॥३५॥
 अवसेस भडग गिज्जं, चक्खुसा पडिलेहए ।
 परमद्धजोयणाओ, विहार विहरए सुणी ॥३६॥
 चउत्थीए पोरिसीए, निक्खित्ताण भायण ।
 सज्जायं तओ कुज्जा, सब्बभावविभावणं ॥३७॥
 पोरिसीए चउब्भाए, वन्दित्ताण तओ गुरुं ।
 पडिक्कमित्ता कालस्स, सेज्ज तु पडिलेहए ॥३८॥
 पासवणञ्चारभूमिं च, पडिलेहिं जय जई ।
 काउस्सग तओ कुज्जा, सब्बदुक्खविमोक्खण ॥३९॥
 देवसियं च अइयार, चिन्तिज्जा अणुपुव्वसो ।
 नाणे य दसणे चैव, चरित्तम्मि तहेव य ॥४०॥
 पारियकाउस्सग्गो, वन्दित्ताण तओ गुरुं ।
 देवसियं तु अइयार, आलोएज्जं जक्कम्मं ॥४१॥
 पडिक्कमित्तु निस्सल्लो, वन्दित्ताण तओ गुरु ।
 काउस्सगं तओ कुज्जा, सब्बदुक्खविमोक्खणं ॥४२॥

पारियकाउस्सगो,^१ वन्दित्ताण तओ गुरुं ।
 थुइमगल च काऊण, काल सपडिलेहए ॥४३॥
 पढमं पोरिसि सज्भाय, वित्थिय, भाण भियायई ।
 तइयाए निहमोक्ख तु, सज्भाय तु चउत्थिए ॥४४॥
 पोरिसीए चउत्थीए, काल तु पडिलेहिया ।
 सज्भाय तु तओ कुञ्जा, अबोहन्तो असजए ॥४५॥
 पोरिसीए चउब्भाए, वन्दिऊण तओ गुरु ।
 पडिक्कमित्तु कालस्स, काल तु पडिलेहए ॥४६॥
 आगए कायवुसग्गे, सव्वदुक्खविमोक्खणे ।
 काउस्सग तओ कुञ्जा सव्वदुक्खविमोक्खण ॥४७॥
 राइय च अइयार, चिन्तिञ्ज अणुपुव्वसो ।
 नाणमि दसणमि य, चरित्तमि तवमि य ॥४८॥
 पारियकाउस्सगो, वन्दित्ताण तओ गुरु ।
 राइय तु अइयारं, आलोएज्ज जहक्कम ॥४९॥
 पडिक्कमित्तु निस्सल्लो, वन्दित्ताण तओ गुरु ।
 काउस्सग तओ कुञ्जा, सव्वदुक्खविमोक्खण ॥५०॥
 किं तव पडिवज्जामि, एव तत्थ विचिन्तए ।
 कउस्सग तु पारित्ता, वन्दएस^२ तओ गुरुं ॥५१॥
 पारियकाउस्सगो, वन्दित्ताण तओ गुरु ।
 तव तु पडिवज्जेञ्जा, कुञ्जा सिद्धाण सथवं ॥५२॥
 एसा सामायारी, समासेण वियाहिया ।
 जं चरित्ता बहू जीवा, तिण्णा ससारसागर ॥५३॥
 ॥ इह सामायारी णाम छव्वीसइम अज्भयण समत्त ॥

१ सिद्धाण सथव किञ्चा । २. करिज्जा जिणसथवं ।

अह खलुकिज्जं णाम सत्तबीसइमं अज्भयणं

थेरे गणहरे गग्गे, सुणी आसि विसारए ।
 आइण्णे गणिभावम्मि, समाहि पडिसंधए ॥ १ ॥
 वएणे वहमाणस्स, कतार अइवत्तए ।
 जोगे वहमाणस्स, ससारो अइवत्तए ॥ २ ॥
 खलुंके जो उ जोएइ, विहम्माणो किलिस्सइ ।
 असमाहिं य वेएइ, तोत्तओ से य भज्जइ ॥ ३ ॥
 एगं डसइ पुच्छम्मि, एग विन्धइ ऽभिवत्तए ।
 एगो भजइ समिल, एगो उप्पहपट्टिओ ॥ ४ ॥
 एगो पडइ पासेण, निवेसइ निवज्जइ ।
 उक्कुद्दइ उप्पिडइ, सढे वालगवी वए ॥ ५ ॥
 माई सुद्धेण पडइ, कुद्धे गच्छइ पडिप्पहं ।
 मयलक्खेण चिट्ठइ, वेणेण य पहावइ ॥ ६ ॥
 छिन्नाले छिन्दइ सिंलिं, दुद्धन्तो भंजए जुगं ।
 सेवि य मुस्सुयाइत्ता, उज्जहित्ता पलायए ॥ ७ ॥
 खलु का पारिसा जोज्जा, दुस्सीसा वि हु तारिसा ।
 जोइया णम्मजाणम्मि, भज्जंति धिइदुब्बला ॥ ८ ॥
 इड्ढीगारविए एगे, एगेऽत्थ रसगारवे ।
 सायागारविए एगे, एगे सुचिरकोहणे ॥ ९ ॥
 भिक्खालसिए एगे, एगे ओमाणभीरुए थद्धे ।
 एग आणुसासम्मि, हेअहिं कारणेहि य ॥ १० ॥
 सो वि अन्तरभासिल्लो, दोसमेव पकुव्वइ ।
 आयरियाण तु वयण, पडिकूलेइऽभिवत्तणं ॥ ११ ॥

न सा मम वियाणाइ, न य सा मज्झ दाहिइ ।
 निगया होहिइ मन्ने, साहू अन्नोत्थ वञ्जउ ॥१२॥
 पेसिया पलिउचन्ति, ते परियन्ति समन्तओ ।
 रायविट्ठिं च मन्नन्ता, करेन्ति भिउडिं मुहे ॥१३॥
 वाइया सगहिया चेव, भत्तपाणेहि पोसिया ।
 जायपक्खा जहा हसा, पक्कमति दिसो दिंसि ॥१४॥
 अह सारही विचिन्तेइ, खलु केहि समागओ ।
 किं मज्झ दुट्ठसीसेहि, अप्पा मे अवसीयइ ॥१५॥
 जारिसा मम सीसाओ, तारिसा गलिगद्दहा ।
 गलिगद्दहे जहित्ताण, दढ पगिण्हइ तव ॥१६॥
 मिउमद्दवसपन्नो, गम्भोरो सुसमाहिओ ।
 विहरइ मंहिं महप्पा, सीलभूएण अप्पणा ॥१७॥

॥ इइ खलुंकिज्ज णाम सत्तवीस इम अज्भयण समत्त ॥

अह मोक्खमग्गगई णाम अठ्ठाबीसइमं अज्भयण

मोक्खमग्गगइ तच्च, सुणेह जिणभासिय ।
 चउकारणसजुत्त, नाणदसणलक्खण ॥१॥
 नाण च दंसण चेव, चरित्तं च तवो तथा ।
 एस मग्गुत्ति पन्नत्तो, जिणेहि वरदसिंहि ॥२॥
 नाण च दसण चेव, चरित्तं च तवो तथा ।
 एय मग्गमणुप्पत्ता, जीवा गच्छन्ति सोग्गइ ॥३॥

ततः पंचविहं नाण, सुय आभित्तिवोहिय ।
 श्रोहिनाणं तु तइय, मणनाण च केवल ॥४॥
 एयं पंचविह नाण, दव्वाण य गुणाण य ।
 पज्जवाण य सव्वेसिं, नाण नाणीहि देसिय ॥५॥
 गुण.गमासओ दव्वं, एगदव्वस्सिया गुणा ।
 लक्खणं पज्जवाण तु उभओ अस्सिया भवे ॥६॥
 धम्मो अहम्मो आगासं, कालो पुग्गलजन्तवो ।
 एस लोगो त्ति पन्नत्तो, जिणोहि वरदंसिहि ॥७॥
 धम्मो अहम्मो आगासं, दव्व इक्किक्कमाहिय ।
 अणन्ताणि य दव्वाणि, कालो पुग्गलजन्तवो ॥८॥
 गइलक्खणो उ धम्मो, अहम्मो ठाणलक्खणो ।
 भायणं सव्वदव्वाणं, नहं ओगाहलक्खण ॥९॥
 वत्तणालक्खणो कालो, जीवो उवओगलक्खणो ।
 नाणेणं दसणेण च, सुहेण य दुहेण य ॥१०॥
 नाणं च दसण चेव, चरित्तं च तवो तथा ।
 वीरिय अवओगो य, एय जीवस्स लक्खण ॥११॥
 सहन्धयार-उज्जोओ, पहा छायातवे इ वा ।
 वण्णरसगन्धफासा, पुग्गलाण तु लक्खणं ॥१२॥
 एगत्तं च पुहत्तं च, संखा संठाणमेव य ।
 संजोगा य विभागा य, पज्जवाणं तु लक्खणं ॥१३॥
 जीवाजीवा य बन्धो य, पुण्णं पावासवो तथा ।
 संवरो निज्जरा मोक्खो, सन्तेए तहिया नव ॥१४॥

तहियाण तु भावाण, सवभावे उवएसण ।
भावेणं सहहन्तस्स, सम्मत्त त वियाहिय-॥१५॥

निसग्गुवएसरुई, आणरुई सुत्तवीयरुइमेव ।
अभिगमवित्थाररुई, किरिया-सखेव-धम्मरुई ॥१६॥

भूयत्थेणाहिगया, जीवाजीवा य पुण्णपाव च ।
सहसम्मइयासवसंवरो य रोएइ उ नित्सग्गो ॥१७॥

जो जिणदिट्ठे भावे, चउव्विहे सहहाइ सयमेव ।
एमेव नन्नह त्ति य, स निसग्गरुइ त्ति नायव्वो ॥१८॥

एए चैव उ भावे, उवइट्ठे जो परेण सहहइ ।
छउमत्थेण जिणेण व, उवएसरुइ त्ति नायव्वो ॥१९॥

रागो दोसो मोहो, अन्नाणंजस्स अचवगय होइ ।
आणाए रोयतो, सो खलु आणारुई नाम ॥२०॥

जो सुत्तमहिज्जन्तो, सुएण ओगाहइ उ सम्मत्त ।
अणेण वाहिरेण वा, सो सुत्तरुइ त्ति नायव्वो ॥२१॥

एणेण अणेगाइ, पयाइं जो पसरइ उ सम्मत्ते ।
उदएव्व तेल्लधिन्दू, सो वीयरुइ त्ति नायव्वो ॥२२॥

सो होइ अभिगमरुई, सुयनाणं जेण अत्थओ दिट्ठं ।
एक्कारस अगाइं, पइण्णग दिट्ठिवाओ य ॥२३॥

वव्वाण सव्वभावा, सव्वप्पमाणेहि जस्स उवलद्धा ।
सव्वाहि नयविहीहिं य, वित्थाररुइ त्ति नायव्वो ॥२४॥

दंसणनाणचरित्ते, तवविणए सव्वसमिइगुत्तीसु ।
जो किरियाभावरुई, सो खलु किरियारुई नाम ॥२५॥

अणभिग्नहियकुदिट्टी, सखेवरुइ त्ति होइ नायव्वो ।
 अविसारओ पवयणे, अणभिग्नहियो य सेसेसु ॥२६॥
 जो अत्थिकायधम्म, सुयधम्म खलु चरित्तधम्मं च ।
 सद्दहइ जिणाभिहिय, सो धम्मरुइ त्ति नायव्वो ॥२७॥
 परमत्थसयवो वा, सुदिट्ठुपरमत्थसेवणा वा वि ।
 वावन्नकुदंसणवज्जणा, य सम्मत्तसद्दहणा ॥२८॥
 नत्थि चरित्तं सम्मत्तविहूण, दसणे उ भइयव्व ।
 सम्मत्तचरित्ताइ, जुगवं पुव्वं व समत्तं ॥२९॥

नादसणिस्स नाण,
 नाणेण विणा न हुन्ति चरणगुणा ।
 अगुणिस्स नत्थि मोक्खो,
 नत्थि अमोक्खस्स निव्वानं ॥३०॥

निस्संकिय-निक्कंखिय, निव्वितिगिच्छ अमूढदिट्ठी य ।
 उवबूहत्थिरीकरणे, वच्छल्ल-पभावणे अट्ठ ॥३१॥
 सामाइयत्थ पढमं, छेओवट्ठावण भवे विइयं ।
 परिहारविसुद्धीय, सूहुम तह संपरायं च ॥३२॥
 अकसायमहक्खायं, छउमत्थस्स जिणस्स वा ।
 एय चयरित्तकर, चारित्त होइ आहियं ॥३३॥
 तवो य दुविहो वुत्तो, बाहिरव्वभन्तरो तहा ।
 बाहिरो छव्विहो वुत्तो, एवमव्वभन्तरो तवो ॥३४॥
 नाणेण जाणइ भावे, दसणेण य सद्दहे ।
 चरित्तेण निगिण्हाइ, तवेण परिजुञ्जइ ॥३५॥

खदित्ता पुन्वक्त्वाइ मंजनेण तवेण य ।

सन्वदुक्त्वाप्यहोणद्वा, पङ्कनन्ति नहेत्तिगो, त्ति वेमि ।'३६।

॥ इय मोन्वन्नागई एत ऋद्वावीन्डनं अजन्वत् नन्तं ॥

अह सम्मतपरवकसं एगूणतीसइम अञ्जयणं

मुयं मे आउत्त ! तेण भगवया एवमक्त्वायं—इह खलु सम्मतपरक्कमे नाम अञ्जयण्ये ननरोप भगवया महावीरेरां कासवेणं पवेइए, जं मन्मं मइहिता, पत्तइत्ता, रोयइत्ता, फाम्तिता पालइत्ता, तीरित्ता, कित्तइत्ता सोहइत्ता, आराहित्ता, आणाए अणुपालइत्ता बहवे जीवा निज्जन्ति, बुज्जन्ति मुज्जन्ति, परिनिव्वायन्ति, मन्वदुक्त्वापमन्त करोन्ति । तस्स एं अयमहो एवमाहिव्वइ तं जहा :—

तवेणे १ तिन्वेए २ वन्मनद्धा ३ गुत्ताहम्मियनुत्सूतणया ४ आलोयणया ५ तिन्दणया ६ गरहणया ७ सानाइए = चउत्ती-
सत्यवे ८ वन्दणए ९ पडिक्कणो ११ काउत्सणे १२ पञ्च-
क्त्वाणे १३ अययुईमंगले १४ कालपडिनेहणया १५ पायच्छित्त-
करणे १६ खनावणया १७ मज्झाए १८ वायणया १९ पडि-
पुच्छणया २० पडियट्टणया २१ अणुप्पेइ २२ वन्मक्त्वा २३ सुयस्स आराहणया २४ एगग्यमणत्तनिवेणणय २५ मल्ले २६
तवे २७ बोदाणे २८ सुहणए २९ अरडिक्कण ३० विविन्-
सयणमण्णेदणया ३१ विणियट्टणया ३२ सनोमपद्धक्त्वाणे ३३
उवहिरच्चक्त्वाणे ३४ आहारपच्चक्त्वाणे ३५ कत्तायपच्चक्त्वाणे ३६

जोगपञ्चकलाणे ३७ सरीरपञ्चकलाणे ३८ सहायपच्चकलाणे ३९
 भक्तपच्चकलाणे ४० सवभावपञ्चकलाणे ४१ पडिरुवणया ४२
 वेयावच्चे ४३ सव्वगुणसंपण्णया ४४ वीयरगया ४५ खन्ती ४६
 मत्ती ४७ मह्वे ४८ अज्जवे ४९ भावसच्चे ५० करणसच्चे ५१
 जोगसच्चे ५२ मणगुत्तया ५३ वयगुत्तया ५४ कायगुत्तया ५५
 मणसमाधारणया ५६ वयसमाधारणया ५७ कायसमाधार-
 णया ५८ नाणसपन्नया ५९ दंसणसपन्नया ६० चरित्तसंपन्नया ६१
 सोइदियनिग्गहे ६२ चक्खिन्दियनिग्गहे ६३ घाणिन्दिय-
 निग्गहे ६४ जिट्ठिभन्दियनिग्गहे ६५ फासिन्दियनिग्गहे ६६ कोह-
 विजए ६७ माणविजए ६८ मायाविजए ६९ लोहविजए ७०
 पेज्जदोसमिच्छादसणविजए ७१ सेलेसी ७२ अकम्मया ॥७३॥

सवेगेण भन्ते ! जीवे किं जणयइ ? सवेगेण अणुत्तर धम्म-
 सद्ध जणयइ । अणुत्तराए धम्मसद्धाए सवेगं हव्वमागच्छइ ।
 अणन्ताणुबन्धिकोहमाणमायालोभे खवेइ । नव च कम्म न
 बन्धइ । तप्पञ्चइय च णं मिच्छत्तविसोहिं काऊण दसणाराहए
 भवइ । दसणविसोहीए य ण विसुद्धाए अत्थेगइए तेगेव
 भवग्गहणेणं सिज्झइ । सोहीए य णं विसुद्धाए तच्चं पुणो
 भवग्गहणं नाइक्कमइ ॥१॥

निव्वेएणं भन्ते ! जीवे किं जणयइ ? निव्वेएणं दिव्वमाणुस-
 तेरिच्छएसु कामभोगेसु निव्वेय हव्वमागच्छइ, सव्वविस-
 एसु विरज्जइ । सव्वविसएसु विरज्जमाणे आरम्भपरिच्चायं
 करेइ । आरम्भपरिच्चायं करेमाणे ससारमगं वोच्छिन्दइ,
 सिद्धिमगं पडिवन्ते य भवइ ॥२॥

१ सिज्झन्ति, वुज्झन्ति, मुच्चन्ति, परिनिव्वायन्ति, सव्वदुक्खा-
 णमंत करेति । २ आरमपरिग्गहपरि० ।

धम्मसद्धाए णं भन्ते । जीवे किं जणयइ ? धम्मसद्धाए ण सायासोक्खेसु रज्जमाणे विरज्जइ । आगारधम्म च णं चयइ । अणगारिए ण जीवे सारीरमाणसाण दुक्खाण छेयणभेयण-सजोगाईणं वोच्छेय करेइ अच्चावाहं च ण सुह निव्वत्तेइ ॥३॥

गुरुसाहाम्मियसुस्सूणयाए ण भन्ते । जीवे किं जण-वइ ? गुरुसाहम्मियसुस्सूणयाए विणयपडिवत्ति जणयइ । विणयपडिवन्ने य ण जीवे अणच्चासायणसीले नेरइयतिरि-क्खजोणियमणुस्सदेवदुग्गईओ निरुम्भइ । वण्णसजलणभत्ति-वहुमाणयाए मणुस्सदेवगईओ निबन्धइ, सिद्धि सोगइ च विसोहेइ । पसत्थाइ च ण विणयमूलाइ सव्वकज्जाइ साहेइ अन्ने य बहुवे जीवे विणिइत्ता भवइ ॥४॥

आलोयणाए ण भन्ते । जीवे किं जणयइ ? आलोयणाए ण मायानियाणमिच्छादसणसल्लाणं मोक्खमग्गविग्घाणं अणं-तसंसारवन्धणाणं उद्धरण करेइ । उज्जुभाव च जणयइ । उज्जुभावपडिवन्ने य ण जीवे असाई इत्थीवियनपुंसगवेय च न बन्धइ । पुव्वबद्धं च ण निज्जरेइ ॥५॥

निन्दणयाए णं भन्ते । जीवे किं जणयइ ? निन्दणयाए ण पच्छाणुताव जणयइ । पच्छाणुतावेण विरज्जमाणे करणगुण-सेहिं पडिवज्जइ । करणगुणसेढीपडिवन्ने य ण अणगारे मोह-णिज्जं कम्म उग्घाएइ ॥६॥

गरहणयाए ण भते ! जीवे किं जणयइ ? गरहणयाए अपुर-क्कार जणयइ । अपुरक्काराए ण जीवे अप्पसत्थेहिंतो जोगेहिंतो नियत्तेइ, पसत्थे य पडिवज्जइ । पसत्थजोगपडिवन्ने य णं अणगारे अणन्तघाइपज्जवे खवेइ ॥७॥

सामाइएणं भन्ते ! जीवे किं जणयइ ? समाइएणं साव-
ज्जजोगविरइं जणयइ ॥८॥

चउव्वीसत्थएणं भन्ते ! जीवे किं जणयइ । चउव्वीसत्थ-
एणं दसणविसोहिं जणयइ ॥९॥

वन्दणएणं भन्ते ! जीवे किं जणयइ ? वन्दणएणं नीया-
गोय कम्मं खवेइ । उज्जागोय कम्मं निवन्धइ । सोहग्गं च णं
अपडिहयं आणाफलं निव्वत्तेइ । दाहिणभावं च णं जण-
यइ ॥१०॥

पडिक्कमणेणं भन्ते ! जीवे किं जणयइ ? पडिक्कमणेणं
वयच्छिद्दाणिं पिहेइ । पिहियवयच्छिद्दे पुणं जीवे निरुद्धासवे
असबलच्चरित्ते अट्टसु पवयणमायासु उवउत्ते अपुहत्ते सुप्पणि-
हिंदिए^१ विहरइ ॥११॥

काउसग्गेणं भन्ते ! जीवे किं जणयइ ? काउसग्गेणं
तीयपडुप्पन्नं पायच्छित्तं विसोहेइ । विसुद्धपायच्छित्ते यं जीवे
निव्वुयहियए अओहरियभरुव्वं भारवहे पसत्थज्ज्जाणोवगए^२
सुहं सुहेणं विहरइ ॥१२॥

पच्चक्खाणेणं भन्ते ! जीवे किं जणयइ ? पच्चक्खाणेणं
आसवदाराइं निरुम्भइ । पच्चक्खाणेणं इच्छानिरोहं जणयइ ।
इच्छानिरोहं गए यं णं जीवे सव्वदव्वेसु विणीयतण्हे सीइभूए
विहरइ ॥१३॥

थवथुइमंगलेणं भन्ते ! जीवे किं जणयइ ? थवथुइमंगलेणं ताण-

दसणचरित्तबोहिलाभ जणयइ । नाणदसणचरित्तबोहिलाभसपन्ने य
ण जीवे अन्तकिरिय कप्पविमाणोववत्तिग आराहणं आरा-
हेइ ॥१४॥

कालपडिलेहणयाए ण भन्ते । जीवे किं जणयइ ?
कालपडिलेहणेण णाणावरणिज्ज कम्म खवेइ ॥१५॥

पायच्छित्तकरणेण भन्ते । जीवे किं जणयइ ? पा० पाव-
विसोर्हि जणयइ, निरइयारे यावि भवइ । सम्म च ण पाय-
च्छित्त पडिवज्जमाणे मग्ग च मग्गफल च विसोहेइ, आयार
च आयारफल च आराहेइ ॥१६॥

खमावणयाए णं भन्ते । जीवे किं जणयइ ? ख० पल्हा-
यणभाव जणयइ । पल्हायणभावमुवगए य सब्बपाणभूय-
जीवसत्तेसु मित्तीभावमुप्पाएइ । मित्तीभावमुवगए य जीवे
भावविसेहिं काऊएण निब्भए भवइ ॥१७॥

सज्झाएण भन्ते । जीवे किं जणयइ ? स० णाणावरणिज्ज
कम्म खवेइ ॥१८॥

वायणाए ण भन्ते । जीवे किं जणयइ ? वा० निज्जर जण-
यइ । सुयस्स य अणुसज्जणाए अणासायणाए वट्टए । सुयस्स
अणुसज्जणाए अणासायणाए वट्टमाणे तित्थधम्म अवलम्बइ ।
तित्थधम्म अवलम्बमाणो महानिज्जरे महापज्जवसारो भवइ ॥१९॥

पडिपुच्छणयाए ण भन्ते । जीवे किं जणयइ ? प० सुत्त-
त्थतट्ठुभयाइ विसोहेइ । कखामोहणिज्ज कम्म वोच्छिदइ ॥२०॥

परियट्टणयाए ण भन्ते । जीवे किं जणयइ ? प० वज-
णाइ जणयइ, वजणलद्धि च उप्पाएइ ॥२१॥

अणुप्पेहाए ण भन्ते । जीवे किं जणयइ ? अ० आउय-

वज्राओ सत्तकम्मपगडीओ धरियवन्धरणवद्धाओ सिद्धिलवन्धण-
चद्धाओ पकरेइ । दोहकालट्टिइयाओ हस्सकालठिइयाओ पकरेइ ।
।त्त्वाणुभावाओ मन्दाणुभावाओ पकरेइ । (बहुपएसगाओ अप्प-
पएसगाओ पकरेइ) त्राउय च णं कम्मं सिया वन्धइ, सिया नो
वन्धइ । असायावेयणिज्ज च णं कम्मं नो भुज्जो २ उवचिणइ ।
अणाइय च ण अणवदग्ग दोहमद्ध चाउरन्तं ससारकान्तारं खिप्पामेव
वीइवयइ ॥२२॥

धम्मकहाए ण भन्ते ! जीवे किं जणयइ ? ध० कम्मनिज्जरं
जणयइ । धम्मकहाए णं पावयणं पभावेइ । पवयणपभावेणं जीवे
आगमेसस्य भट्ठाए कम्मं निबन्धइ ॥२३॥

सुयस्स आराहणयाए ण भन्ते ! जीवे किं जणयइ ? सु०
अन्नाणं खवेइ न य सकिलिस्सइ ॥२४॥

एगगमणसनिवेसणयाए णं भन्ते ! जीवे किं जणयइ ? ए०
चित्तनिरोहं करेइ ॥२५॥

संजमएणं भन्ते ! जीवे किं जणयइ ? स० अणण्हयत्त
जणयइ ॥२६॥

तवेण भन्ते ! जीवे किं जणयइ ? तवेणं वोदासां जण-
यइ ॥२७॥

वोदासेण भन्ते ! जीवे किं जणयइ ? वो० अकिरियं जण-
यइ । अकिरियाए भवित्ता तओ पच्छा सिज्झइ, बुज्झइ, मुच्चइ,
परिनिव्वायइ, सव्वदुक्खाणमन्तं करेइ ॥२८॥

सुहसाएणं भन्ते ! जीवे किं जणयइ ? सू० अणुस्सुयत्त
जणयइ । अणुस्सुयाए ण जीवे अणुकम्पए, अणुब्भडे, विरायसोणे
चरित्तमोहणिज्ज कम्मं खवेइ ॥२९॥

अप्पडिबद्धयाए ण भन्ते ! जीवे किं जणयइ ? अ० निस्स-
गत जणयइ । निस्सगत्तेण जीवे एगे एगगवित्ते दिया य, डाओ
य असज्जमारो अप्पडिबद्धे यावि विहरइ ॥३०॥

वित्तसयणासणयाए ण भन्ते ! जीवे किं जणयइ ? वि०
चरित्तगुत्ति जणयइ । चरित्तगुत्ते य ण जीवे वित्ताहारे दढवरित्ते
एगन्तरए मोक्खभावपडिवन्ते अट्टविहकम्मगठि निज्जरेइ ॥३१॥

विनियट्टणयाए ण भन्ते ! जीवे किं जणयइ ? वि० पाव-
कम्माण अकरणयाए अद्भुट्टेइ । पुव्ववद्धाण य निज्जरणायाए
पाव नियत्तेइ । तओ पच्छा चाउरन्त ससारकन्तार वोइ-
चयइ ॥३२॥

संभोगपञ्चक्खारोण भन्ते ! जीवे किं जणयइ ? स० आल-
म्बणाइ खवेइ । निरालम्बणस्स य आययट्टिया जोगा भवन्ति ।
सएण लामेण सतुस्सइ, परलाभू-नो आसावेइ, परलाभ नो तक्केइ,
नो पोहेइ, नो पत्थेइ. नो अलिभसइ । परलाभ अणासाएमाणे
अतक्केमारो अपीहमारो, अपत्थेमारो, अणभिलसमारो दुच्च
सुहसेज्ज उवसपज्जित्ता ण विहरइ ॥३३॥

उवहिपञ्चक्खाणेण भन्ते ! जीवे किं जणयइ ? उ० अपलि-
मन्थ जणयइ । निरुवहिए ण जीवे निक्कखी उवहिमन्तरेण य न
सकिलिस्सइ ॥३४॥

आहारपञ्चक्खारोण भन्ते ! जीवे किं जणयइ ? आ०
जीवियाससप्पओग वोच्छिन्दइ । जीवियाससप्पओग वोच्छिन्दित्ता
जीवे आहारमन्तरेण न सकिलिस्सइ ॥३५॥

कसायपञ्चक्खाणेण भन्ते ! जीवे किं जणयइ । क० वीय-

रागभावं जणयइ । वीयरगभावपडिवन्ने वि य णं जीवे सम-
सुहदुक्खे भवइ ॥३६॥

जोगपञ्चक्खाणेण भन्ते । जीवे किं जणयइ । जो० अजोगत्तं
जणयइ । अजोगी ण जीवे नवं कम्म न बन्धइ, पुव्वबद्ध
निज्जरेइ ॥३७॥

सरीरपञ्चक्खाणेण भन्ते । जीवे किं जणयइ ? स० सिद्धा-
इसयग्णकित्तरण निव्वत्तेइ । सिद्धाइसयग्णसपन्ने य ण जीवे
लोगगमुवगए परमसुही भवइ ॥३८॥

सहायपञ्चक्खाणेण भन्ते । जीवे किं जणयइ ? स० एगी-
भाव जणयइ । एगीभावभूए य ण जीवे एगत्त भावेमाणे अप्पसद्दे,
अप्पभुक्के, अप्पकलहे, अप्पकसाए, अप्पतुमत्तुमे, संजमबहुले, सवर-
बहुले, समाहिए यावि भवइ ॥३९॥

भत्तपच्चक्खाणेणं भन्ते ? जीवे किं जणयइ ? भ० अरोगाइं
भवसयाइं निरुम्भइ ॥४०॥

सबभावपञ्चक्खाणेण भन्ते । जीवे किं जणयइ ? स० अनि-
यट्ठिं जणयइ । अनियट्ठिपडिवन्ने य अणगारे चत्तारि केवली-
कम्मसे खवेइ, त जहा—वेयणिज्जं, आउय नाम् गोय । तत्रो पच्छा
सिज्जइ, बुज्जइ, मुच्चइ जाव सब्बदुक्खाणमन्त करेइ ॥४१॥

पडिरुवयाए णं भन्ते । जीवे किं जणयइ ? प० लाघवियं
जणयइ । लघुभूए ण जीवे अप्पमत्ते, पागडालिगे, पसत्थालिगे,
विसुद्धसम्मत्ते सत्तसमिइसमत्ते सब्बपाणभूयजीवसत्तेसु वीससणिज्ज-
रूवे अप्पडिलेहे जिइन्दिए, विउलतवसमिइसमन्नागए यावि
भवइ ॥४२॥

वेयावच्चेण भन्ते । जीवे किं जणयइ ? वे० तित्थयरनाम-
गोत्त कम्म निबन्धइ ॥४३॥

सव्वगुणसपन्नयाए ण भन्ते । जीवे किं जणयइ ? स०
अपुणरावत्ति जणयइ । अपुणरावत्ति पत्तए य ण जीवे सारीर-
माणसाण दुक्खाणं नो भागी भवइ ॥४४॥

वीयरागयाए ण भन्ते । जीवे किं जणयइ ? वी० नेहाणुब-
न्धणाणि नण्हाणुबन्धणाणि य वोच्छन्दइ, मणुन्नामणुन्नेसु
सद्दफरिसखवरसगन्धेसु' चेव विरज्जइ ॥४५॥

खन्तीए ण भन्ते । जीवे किं जणयइ ? खन्तीए परीसहे
जिणइ ॥४६॥

मुत्तीए ण भन्ते ! जीवे किं जणयइ ? मु० अकिंचण
जणयइ । अकिंचणे य जीवे अत्थलोखाण पुरिसाण अपत्थ-
णिज्जो भवइ ॥४७॥

अज्जवयाए ण भन्ते ! जीवे किं जणयइ ? अ० काउज्जुयय,
भावुज्जुयय, भासुज्जुयय, अविसवायण जणयइ । अविसवायण-
सपन्नयाए ण जीवे धम्मस्स आराहए भवइ ॥४८॥

मद्दवयाए ण भन्ते ! जीवे किं जणयइ ? म० अणुस्सि-
यत्त जणयइ । अणुस्सियत्तेण जीवे मिउमद्दवसपन्ने षट्ठ
मयट्ठाणाइ निट्ठावेइ ॥४९॥

भावसच्चेण भन्ते ! जीवे किं जणयइ ? भा० भावविसोहि
जणयइ । भावविसोहिए वट्ठमाणे जीवे अरहन्तपन्नत्तरस
धम्मस्स आराहणयाए अब्भुट्ठइ । अरहन्तपन्नत्तस्स धम्मस्स
आराहणयाए अब्भुट्ठित्ता परलोगधम्मस्स आराहए भवइ ॥५०॥

१ सु सचित्ताचित्तमीसएसु ।

करणसच्चेणं भन्ते ! जीवे किं जणयइ । क० करणसत्ति
जणयइ । करणसच्चे वट्टमाणे जीवे जहा चाई तथा कारी यावि
भवइ ॥५१॥

जोगसच्चेणं भन्ते ! जीवे किं जणयइ ! जो० जोग विसो-
हेइ ॥५२॥

मणुगुत्तयाए णं भन्ते ! जीवे किं जणयइ ? म० जीवे
एगमां जणयइ । एगमाच्चित्ते ण जीवे मणुगुत्ते संजमारा-
हए भवइ ॥५३॥

वयगुत्तयाए ण भन्ते ! जीवे किं जणयइ ? व० निच्चियार-
रत्तं जणयइ । निच्चियारे णं जीवे वइगुत्ते श्रृङ्खल्यणजोगसाहण-
जुत्ते यावि विहरइ ॥५४॥

कायगुत्तयाए णं भन्ते ! जीवे किं जणयइ ? का० सवरं
जणयइ । संवरेणं कायगुत्ते पुणो पवासावनिरोहं करेइ ॥५५॥

मणसमाहारणयाए णं भन्ते ! जीवे किं जणयइ ? म०
एगमां जणयइ । एगमां जणइत्ता नाणपज्जवे जणयइ । नाण-
पज्जवे जणइत्ता सम्मत्त विसोहेइ, मिच्छत्तं च निज्जरेइ ॥५६॥

वयसमाहारणयाए भन्ते ! जीवे किं जणयइ ? व० वयसा-
हारणदसणपज्जवे विसोहेइ । वयसाहारणदसणपज्जवे विसो-
हिता सुलहवोहियत्तं निच्चत्तेइ, दुल्लहवोहियत्तं निज्जरेइ ॥५७॥

कायसमाहारणयाए णं भन्ते ! जीवे किं जणयइ ? का०
चरित्तपज्जवे विसोहेइ । चरित्तपज्जवे विसोहिता अहक्खाय-
चरित्त विसोहेइ । अहक्खायचरित्तं विसोहिता चत्तारि केवलि-
कम्मसे खवेइ । तत्रो पच्छा सिज्जइ, बुज्जइ, मुत्तइ, परि-
निच्चाडे, सन्वदुक्खाणमन्तं करेइ ॥५८॥

नाणसंपन्नयाए ण भन्ते ! जीवे किं जणयइ ? ना० जोवे
सव्वभावाहिगम जणयइ । नाणसपन्ने जीवे चाउरन्ते ससार-
कन्तारे न विणस्सइ ।

जहासूई समुत्ता पडिया न विणस्सइ ।

तहा जीवे समुत्ते ससारे न विणस्सइ ॥

नाणविणयतवचरित्तजोगे सपाउणइ, ससमयपरसमय-
विसारए य असघायणिज्जे भवइ ॥५६॥

दसणसपन्नयाए णं भन्ते ! जीवे किं जणयइ ? द० भव-
मिच्छत्तद्धेयण करेइ, पर न विज्झायइ । पर अविज्झाएमाणे
अणुत्तरेण नाणदसणेण अप्पाण सजोएमाणे सम्म भावे-
माणे विहरइ ॥६०॥

चरित्तसपन्नयाए ण भते ! जीवे किं जणयइ ? च० सेलेसी-
भाव जणयइ । सेलेसि पडिवन्ने य अणगारे चत्तारि केवलि-
कम्मसे खवेइ । तत्रो पच्छा सिज्झइ, वुज्झइ, मुत्तइ, परि-
निव्वायइ, सव्वदुक्खाणमन्त करेइ ॥६१॥

सोइन्दियनिग्गहेणं भते ! जीवे किं जणयइ ? सो० मणु-
न्नामणुन्नेसु सहेसु रागदोसनिग्गहं जणयइ, तप्पच्चइय कम्म
च णं न बन्धइ, पुव्वबद्ध च निज्जरेइ ॥६२॥

चक्खिन्दियनिग्गहेणं भते ! जीवे किं जणयइ ? च० मणु-
न्नामणुन्नेसु रुवेसु रागदोसनिग्गहं जणयइ, तप्पच्चइय च ण
कम्म न बन्धइ, पुव्वबद्ध च निज्जरेइ ॥६३॥

घाणिन्दियनिग्गहेण भते ! जीवे किं जणयइ ? घा० मणु-
न्नामणुन्नेसु गन्धेसु रागदोसनिग्गहं जणयइ, तप्पच्चइय च ण
कम्म न बन्धइ, पुव्वबद्धं च निज्जरेइ ॥६४॥

जिबिभन्दियनिग्गहेणं भते ! जीवे किं जणयइ ? जि० मणु-
न्नामणुन्नेसु रसेसु रागदोसनिग्गहं जणयइ, तप्पञ्चइयं च णं
कम्मं न बन्धइ, पुव्वबद्धं च निज्जरेइ ॥६५॥

फासिन्दियनिग्गहेण भंते ! जीवे किं जणयइ ? फा० मणु-
न्नामणुन्नेसु फासेसु रागदोसनिग्गहं जणयइ, तप्पञ्चइयं च णं
कम्मं न बन्धइ, पुव्वबद्धं च निज्जरेइ ॥६६॥

कोहविजएण भन्ते ! जीवे किं जणयइ ? को० खन्ति जण-
यइ, कोहवेयणिज्जं कम्मं न बन्धइ, पुव्वबद्धं च निज्जरेइ ॥६७॥

माणविजएण भते ! जीवे किं जणयइ ? मा० मद्दव जणयइ,
माणवेयणिज्जं कम्मं न बन्धइ, पुव्वबद्धं च निज्जरेइ ॥६८॥

मायाविजएण भन्ते ! जीवे किं जणयइ ? मा० अज्जवं जण-
यइ, मायावेयणिज्जं कम्मं न बन्धइ, पुव्वबद्धं च निज्जरेइ ॥६९॥

लोभविजएण भन्ते ! जीवे किं जणयइ ? लो० संतोसं
जणयइ, लोभवेयणिज्जं कम्मं न बन्धइ, पुव्वबद्धं च निज्जरेइ ॥७०॥

पिज्जदोसमिच्छादसणविजएण भन्ते ! जीवे किं जणयइ ?
पि० नाणदसणचरित्ताराहणयाए अद्भुट्टेइ । अट्टविहस्स
कम्मस्स कम्मगण्ठिविमोयणयाए तप्पढमयाए जहाणुपुव्वीए
अट्टावीसइविहं मोहणिज्जं कम्मं उग्घाएइ, पञ्चविहं नाणावर-
णिज्जं, नवविहं दसणावरणिज्जं, पचविहं अन्तराइयं, एए
तिन्नि वि कम्मसे जुगव खवेइ । तथो पच्छा अणुत्तरं, कसिणं,
पडिपुण्णं, निरावरणं, वित्तिमिरं, विसुद्धं, लोगालोपपभावं, केवल-
वरणाणदसणं समुप्पाडेइ । जाव सजोगी भवइ, ताव ईरिया-
वहियं कम्मं निबन्धइ, सुहफरिसं दुसमयठिइयं । तं पढम-
समए बद्धं, विइयसमए वेइयं, तइयसमए निज्जिण्णं, तं बद्धं,

पुट्ट उदीरियं वेइय निज्जिण्ण सेयाले य अकम्म यावि भवइ ॥७१॥

अहाउय पालइत्ता अन्तोमुहुत्तद्धावसेसाए जोगनिरोह
करेमाणे सुहुमकिरिय अप्पडिवाइ सुक्कज्भाण भायमाणे
तप्पढमयाए मणजोग निरुंभइ, वयजोगं निरु भइ, कायजोग
निरु भइ आणपाणनिरोह करेइ, ईसि पच्चहस्सक्खरुच्चारणद्धाए
य णं अणगारे समुच्छिन्नकिरिय अनियट्टिसुक्कज्भाणं भियाय-
माणे वेयणिज्ज आउय नाम गोत्त च एए चत्तारि कम्मसे
जुगवं खवेइ ॥७२॥

तओ ओरालियतेयकम्माइ सब्वाहिं विप्पजहणाहिं विप्प-
जहित्ता उज्जुसेट्ठिपत्ते, अफुसमाणगई उड्ढ एगसमएण
अविग्गहेण तत्थ गन्ता सागारोवउत्ते सिज्भइ, बुज्भइ,
जाव अत करेइ ॥७३॥

एस खलु सम्मत्तपरक्कम्मस्स अञ्जयणस्स अट्टे समणेण
भगवया महावीरेण्ण आघविए, पन्नविए, पहरुविए, दसिए,
निदसिए, उवदसिए, त्ति वेमि ॥७४॥

॥ इय सम्मत्तपरक्कमे णमि एगूणतीमइम अञ्जयण समत्त ॥

अह तवमग्गं तीसइम अञ्जयण

जहा उ पावग कम्म, रागदोससमज्जिय ।

खवेइ तवसा भिव्खू, तमेगगमणो सुण ॥१॥

पाणिवहमुसावाथा अदत्तमेहुणपरिग्गहा विरओ ।

राईभोयणविरओ, जीवो भवइ अणासवो ॥२॥

पचसमिश्रो तिगुत्तो, अकसाओ जिइन्दिओ ।
 अगारवो य निस्सल्लो, जीवो होइ अणासवो ॥३॥
 एएसि तु विवञ्जासे, रागदोससमञ्जिय ।
 खवेइ उ जहा भिक्खू, तमेगगमणो सुण ॥४॥
 जहा महातलायस्स, संनिरुद्धे जलागमे ।
 उस्सिचणाए तवणाए, कमेणं सोसणा भवे ॥५॥
 एवं तु सजयस्सावि, पावकम्मनिरासवे ।
 भवकोडीसचियं कम्म, तवसा निञ्जरिञ्जइ ॥६॥
 सो तवो दुविहो वुत्तो, बाहिरवभन्तरो तथा ।
 बाहिरो छ्विहो वुत्तो, एवमवभन्तरो तवो ॥७॥
 अणसणमूणोरिया, भिक्खायरिया य रसपरिञ्जाओ ।
 कायकिलेसो संलीणया य बज्भो तवो होइ ॥८॥
 इत्तरियमरणकाला य, अणसणा दुविहा भवे ।
 इत्तरिया सावकंखा, निरवकखा उ विइज्जिया ॥९॥
 जो सो इत्तरियतवो, सो समासेण छ्विहो ।
 सेढित्तवो पयरतवो, घणो य तह होइ वग्गो य ॥१०॥
 ततो य वग्गवग्गो, पचमो छट्ठओ पइण्णतवो ।
 मणइच्छियचित्तत्थो, नायव्वो होइ इत्तरिओ ॥११॥
 जा सा अणसणा मरणे, दुविहा सा वियाहिष्सा ।
 सबियारमवियारा, कायचिट्ठ पई भवे ॥१२॥
 अहवा सपरिकम्मा, अवरिकम्मा य आहिया ।
 नोहारिमनोहारी, आहारच्छेओ दोसु वि ॥१३॥

श्रोमोयरण पंचहा, समासेण विद्याहियं ।
 दव्वश्रो खेत्तकालेण, भावेण पल्लवेहि य ॥१४॥
 जो जस्स उ आहारो, तत्तो श्रोम तु जो करे ।
 जहन्नेणेग-सित्थाई, एव दव्वेण उ भवे ॥१५॥
 गामे नगरे तह रायहाणि-निगमे य आगरे पल्ली ।
 खेडे कब्बड दोणमुह-पट्टण-मडम्ब-सवाहे ॥१६॥
 आसमपए विहारे, सन्निवेसे समाय-घोसे य ।
 थल्लिसेणाखन्धारे, सत्थे सवट्ट-कोट्टे य ॥१७॥
 वाडेसु य रत्थामु व, घरेसु वा एवमित्थिय खेत्तं ।
 कप्पइ उ एवमाइ, एव खेत्तेण उ भवे ॥१८॥
 पेडा य अद्धपेडा, गोमुत्ति पयगवीहिया चेव ।
 सम्बुक्कावट्टाययगन्तुं पञ्जागया, छट्टा ॥१९॥
 दिवसस्स पोरुसीण, चउण्हपि उ जत्तिश्रो भवे कालो ।
 एव चरमाणो खलु, कालोमाण मुण्येयव्व ॥२०॥
 अहवा तइयाए पोरिसीए, ऊणाइ घासमेसन्तो ।
 चउभागूणाए वा, एवं कालेण उ भवे ॥२१॥
 इत्थी वा पुरिसो वा, अलकिश्रो वाऽनलंकिश्रो वावि ।
 अन्नयरवयत्थो वा, अन्नयरेण व वत्थेण ॥२२॥
 अन्नेण विसेसेण, वण्णेणं भावमणुमुयन्ते उ ।
 एवं चरमाणो खलु, भावीमाण मुण्येयव्वं ॥२३॥
 दव्वे खेत्ते काले भावम्मि य, आहिया उ जे भावा ।
 एएहि श्रोमचरश्रो, पल्लवचरश्रो भवे भिक्खु ॥२४॥

अट्टविहगोयरगं तु, तथा सत्तेव एसणा ।
 अभिग्गहा य जे अन्ते, भिक्खायरियमाहिया ॥२५॥
 खीरदहिसप्पिमाई, पणीय पाणभोयण ।
 परिवज्जणं रसाणं तु, भणियं रसविज्जणं ॥२६॥
 ठाणा वीरासणाईया, जीवस्स उ सुहावहा ।
 उग्गा जहा धरिज्जन्ति, कायकिलेस तमाहियं ॥२७॥
 एगन्तमणावाए, इत्थी-पसु-विवज्जिए ।
 सयणासणसेवणया, विवित्तसयणासणं ॥२८॥
 एसो बाहिरंगतवो, समासेण वियाहिओ ।
 अब्भित्तरं तव एत्तो, बुच्छामि अणुपुव्वसो ॥२९॥
 पायच्छित्तं विणओ, वेयावच्चं तहेव सज्झाओ ।
 भाणं च त्रिउसग्गो, एसो अब्भित्तरो तवो ॥३०॥
 आलोयणारिहाइयं, पायच्छित्तं तु दसविहं ।
 जं भिक्खू वहइ सम्मं, पायच्छित्तं तमाहियं ॥३१॥
 अब्भुट्ठाणं अजलिकरणं, तहेवासणदायणं ।
 गुरुभत्तिभावसुत्तूसा, विणओ एस वियाहिओ ॥३२॥
 आयरियमाईए वेयावच्चम्मि दसविहे ।
 आसेवणं जहायाम, वेयावच्चं तमाहियं ॥३३॥
 वायणा पृच्छणा चेव, तहेव परियट्ठणा ।
 अणुप्पेहा धम्मकहा, सज्झाओ पञ्चहा भवे ॥३४॥
 अट्ठरूहाणि वज्जिता, भाएज्जा सुसमाहिए ।
 धम्मसुक्काइं ऋणाइं, भाणं तं तु बुहा वए ॥३५॥

सयणासणठाणे वा, जे उ भिक्खू न चावरे ।
 कायस्स विउस्सग्गो, छट्ठो सो परिकित्तिओ ॥३६॥
 एवं तवं तु डुविह, जे सम्मं आयरे मुणो ।
 सो खिप्पं सव्वससारा, विप्पमुच्चइ पण्डओ, त्ति बेमि ॥३७॥

॥ इय तवमग्ग नाम तीसइस अज्जकयण समत्तं ॥

अह चरणविही नामं एगतीसइमं अज्जकयणं

चरणविहि पवक्खामि, जीवस्स उ सुहावह ।
 जं चरित्ता बहू जीवा, तिण्णा ससारसागर ॥१॥
 एगओ विरइ कुल्ला, एगओ य पवत्तणं ।
 असजमे निर्यत्ति च, संजमे य पवत्तणं ॥२॥
 रागदोसे य दो पावे, पावकम्मप्पवत्तणे ।
 जे भिक्खू रु भइ निच्च, से न अच्चइ मण्डले ॥३॥
 दण्डाणं गारवाण च, सल्लाणं च तियं तिय ।
 जे भिक्खू चयइ निच्चं, से न अच्चइ मण्डले ॥४॥
 दिव्वे य जे उवसग्गे, तहा तेरिच्छ-माणुसे ।
 जे भिक्खू सहइ निच्च, से न अच्चइ मण्डले ॥५॥
 विगहा-कसाय-सन्नाणं, भाणाणं च द्रुय तहा ।
 जे भिक्खू वल्लइ निच्च, से न अच्चइ मण्डले ॥६॥
 वएसु इन्दियत्थेसु, समिईसु किरियासु य ।
 जे भिक्खू जयइ निच्चं, से न अच्चइ मण्डले ॥ ८ ॥

लेसासु छसु काएसु, छक्के आहार-कारणे ।
 जे भिक्खू जयइ निच्चं, से न अच्छइ मण्डले ॥ ८ ॥
 पिण्डोग्गह-पडिमासु, भयट्टाणेषु सत्तमु ।
 जे भिक्खू जयइ निच्चं, से न अच्छइ मण्डले ॥ ९ ॥
 मदेसु बम्भग्त्तीसु, भिक्खूधम्मम्मि दसविहे ।
 जे भिक्खू जयइ निच्च, से न अच्छइ मण्डले ॥ १० ॥
 उवासगाणां पडिमासु, भिक्खूण पडिमासु य ।
 जे भिक्खू जयइ निच्च, से न अच्छइ मण्डले ॥ ११ ॥
 किरियासु भूयगामेषु परमाहम्मिएसु य ।
 जे भिक्खू जयइ निच्च, से न अच्छइ मण्डले ॥ १२ ॥
 गाहासोलसएहिं, तथा असजमम्मि य ।
 जे भिक्खू जयइ निच्च, से न अच्छइ मण्डले ॥ १३ ॥
 वम्भम्मि नायज्भयणेषु, ठाणेषु यऽसमाहिए ।
 जे भिक्खू जयइ निच्च, से न अच्छइ मण्डले ॥ १४ ॥
 एगवीसाए सबले, बावीसाए परीसहे ।
 जे भिक्खू जयइ निच्च, से न अच्छइ मण्डले ॥ १५ ॥
 तेवीसाइ सूयगडे, रूवाहिएसु सुरेसु ।
 जे भिक्खू जयइ निच्च, से न अच्छइ मण्डले ॥ १६ ॥
 पणवीसभावणासु, उद्देसेसु दसाईणं ।
 जे भिक्खू जयइ निच्च, से न अच्छइ मण्डले ॥ १७ ॥
 अणगारगुणेहिं च, पगप्पम्मि तहेव व ।
 जे भिक्खू जयइ निच्च, से न अच्छइ मण्डले ॥ १८ ॥

पावसुयपसगेसु, मोहट्टाणेषु चैव य ।
 जे भिक्खू जयइ निच्च, से न अच्छइ मण्डले ॥१९॥
 सिद्धाइगुणजोगेसु, तेत्तीसासायणासु य ।
 जे भिक्खू जयइ निच्च, से न अच्छइ मण्डले ॥२०॥
 इय एएसु ठाणेषु, जे भिक्खू जयइ सया ।
 खिप्प सो सव्वससारा, विप्पमुच्चइ पण्डिओ, त्ति वेमि ॥२१॥
 ॥ इय चरणविही नाम एगतीसइम अञ्जयण समत्त ॥

अह पमायट्टाणं बत्तीसइम अञ्जयण

अच्चन्तकालस्स समूलगस्स,
 सव्वस्स दुक्खस्स उ जो पमोक्खो ।
 तं भासओ मे पड्डिपुण्णचित्ता,
 सुणह एगन्तहिय हियत्थ ॥१॥
 नाणस्स सव्वस्स पगासणाए,
 अन्नाणमोहस्स विवज्जणाए ।
 रागस्स दोसस्स य सखएणं,
 एगन्तसोक्खं समुवेइ मोक्ख ॥२॥
 तस्सेस मग्गो एरुविद्धसेवा,
 विवज्जणा बालजणस्स दूर ।
 सज्झाय-एगन्तनिसेवणा य,
 सुत्तत्थसचिन्तणया धिई य ॥३॥
 आहारमिच्छे मियमेसणिज्ज,
 सहायमिच्छे विउणत्थवुद्धि ।

निकेयमिच्छेज्ज विवेगजोग्गं,
 समाहिकामे समणे तवस्सी ॥४॥
 न वा लभेज्जा निउणं सहायं
 गुणाहियं वा गुणओ समं वा ।
 एगो वि पावाइं विवज्जयतो',
 विहरेज्ज कामेसु असज्जमाणो ॥५॥
 जहा य अण्डप्पभवा बलागा,
 अण्डं बलागप्पभवं जहा य ।
 एमेव मोहाययणं खु तण्हा,
 मोहं च तण्हाययणं वयन्ति ॥६॥
 रागो य दोसो वि य कम्मवीयं,
 कम्मं च मोहप्पभवं वयन्ति ।
 कम्मं च जाइमरणस्स मूलं,
 दुक्खं च जाइमरणं वयन्ति ॥७॥
 दुक्खं हयं जस्स न होइ मोहो,
 मोहो हओ जस्स न होइ तण्हा ।
 तण्हा हया जस्स न होइ लोहो,
 लोहो हओ जस्स न किचणाइ ॥८॥
 रागं च दोसं च तहेव मोहं,
 उद्धत्तुकामेण समूलजालं ।
 जे जे उवाया पडिवज्जियव्वा,
 ते कित्तइस्सामि अहाणुपुड्वि ॥९॥
 रसा पगामं न निसेवियव्वा,
 पायं रसा वित्तिकरा नराणं ।

दित्तं च कामा समभिद्वन्ति,
 । द्रुम जहा साउफ़ल व पक्खी ॥१०॥
 जहा दवग्गी पउरिन्धणे वणे,
 । समारुओ नोवसम उवेह ।
 एविन्दिद्यग्गी वि पगामभोइण्णे,
 । न बम्भयारिस्स हियाय कस्सइ ॥११॥
 विचित्तसेज्जासणजन्तियाणं,
 । ओमासणाणं दमिइन्दिद्याण ॥
 न रागसत्तू धरिसेइ चित्तं,
 । पराइओ वाहिरिवोसहेह ॥१२॥
 न्जहा विरालावसहस्स मूले,
 । न मूसगाणं वसही पसत्था ॥
 एमेव इत्थीविलयस्स सज्जे,
 । न बम्भयारिस्स खमो विवासो ॥१३॥
 न रुवलावण्ण विलासहासं,
 । न जपिय इंगियपेहिय वा ।
 इत्थीण चित्तसि निवेसइत्ता,
 । दट्ठु ववस्से ससणे तवस्सी ॥१४॥
 अदंसण चेव अपत्थणं च,
 । अचिन्तण चेव अक्किलण च ॥
 इत्थीजणस्सारियज्झाणजुग्ग,
 । हिय सया बम्भवए रयाणं ॥१५॥

काम तु देवीहि विभूसियार्हि,
 न चाइया खोभइउ तिगुत्ता ।
 तथा वि एगन्तहिय ति नच्चा,
 विवित्तवासो सुणीणं पसत्थो ॥१६॥

मोक्खाभिकंखिस्स उ माणवस्स,
 ससारभीरुस्स ठियस्स धम्मे ।
 नेयारिसं दुत्तरमत्थि लोए,
 जहित्थिओ बालमणोहराओ ॥१७॥

एए य सगे समइक्कमित्ता,
 सुहुत्तरा चेव भवन्ति सेसा ।
 जहा महासागरमुत्तरित्ता,
 नई भवे अवि गङ्गासमाणा ॥१८॥

कामाणुगिद्धिप्पभवं खु दुक्ख,
 सव्वस्स लोगस्स सदेवगस्स ।
 जं काइयं माणसियं च किंचि,
 तस्सन्तमां गच्छइ वीयरगो ॥१९॥

जहा य किम्पागफला मणोरमा,
 रसेण वण्णेण य भुज्जमाणा ।
 ते खुडुए जीविए पच्चमाणा,
 एओवमा कामगुणा विवागे ॥२०॥

जे इंदियाणं विसया मणुत्ता,
 न तेसु भावं निसिरे कयाइ ।
 न यामणुन्नेसु मणं पि कुज्जा,
 समाहिकामे समणे तवस्सी ॥२१॥

चक्खुस्स रूवं गहणं वयन्ति,
 त रागहेउ तु मणुन्नमाहु ।
 त दोसहेउ अमणुन्नमाहु,
 समो य जो तेसु स चीयरगो ॥२२॥

रूवस्स चक्खु गहण वयन्ति,
 चक्खुस्स रूव गहणं वयन्ति ।
 रागस्स हेउ समणुन्नमाहु,
 दोसस्स हेउ अमणुन्नमाहु ॥२३॥

रूवेसु जो गिद्धिमुवेइ तिच्च,
 अकालिय पावइ से विणास ।
 रागाउरे से जह वा पयगे,
 आलोयलोले समुवेइ मच्चुं ॥२४॥

जे यावि दोस समुवेइ तिच्च,
 तसि खणे से उ उवेइ दुक्ख ।

दुहन्तदोसेण सएण जन्तू,
 न किञ्चि रूव अवरज्भइ से ॥२५॥

एगन्तरत्ते खइरसि रूवे,
 अतालिसे से कुणइ पओस ।

दुक्खस्स सम्पीलमुवेइ बाले,
 न लिप्पइ तेण सुणी विरागो ॥२६॥

रूवाणुगासाणुगए य जीवे,
 चराचरे हिसइऽणेगरूवे ।

चित्तेहि ते परितावेइ बाले,
 पीलेइ अत्तट्टगुरू किलिट्टे ॥२७॥

रूवाणुवाएण परिग्गहेण,
 उप्पायणे रक्खणसन्निओगे ।
 वए विओगे य कहं सुह से,
 सम्भोगकाले य अतित्तलाभे ॥२८॥
 रूवे अतित्ते य परिग्गहम्मि,
 सत्तोवसत्तो न उवेइ तुट्ठि ।
 अतुट्ठिदोसेण दुही परस्स,
 लोभाविले आययइ अदत्त ॥२९॥
 तण्हाभिभूयस्स अदत्तहारिणो,
 रूवे अतित्तस्स परिग्गहे य ।
 मायामुसं वड्डइ लोभदोसा,
 तत्थावि दुक्खा न विमुच्चइ से ॥३०॥
 मोसस्स पच्छा य पुरत्थओ य,
 पयोगकाले य दुही दुरन्ते ।
 एवं अदत्ताणि समाययन्तो,
 रूवे अतित्तो दुहिओ अणिस्सो ॥३१॥
 रूवाणुरत्तस्स नरस्स एवं,
 कत्तो सुहं होल्ल कयाइ किञ्चि ।
 तत्थोवभोगे वि किलेसदुक्खं,
 निव्वत्तइ जस्स कएण दुक्खं ॥३२॥
 एमेव रूवम्मि गओ पओसं,
 उवेइ दुक्खोहपरपराओ ।
 पट्टुच्चित्तो य चिणाइ कम्म,
 जं से पुणो होइ दुहं विवागे ॥३३॥

रूवे विरत्तो मणुओ विसोगो,
 एएण दुक्खोहपरपरेण ।
 न लिप्पए भवमज्जे वि सन्तो,
 जलेण वा पोक्खरिणी पलास ॥३४॥

सोयस्स सद्द गहण वयन्ति,
 त रागहेउ तु मणुन्नमाहु ।
 त दोसहेउ अमणुन्नमाहु,
 समो य जो तेसु स वीयरगो ॥३५॥

सद्दस्स सोय गहणं वयन्ति,
 सोयस्स सद्द गहण वयन्ति ।
 रागस्स हेउ समणुन्नमाहु,
 दोसस्स हेउ अमणुन्नमाहु ॥३६॥

सद्देसु जो गिद्धिमुवेइ तिच्च,
 अकालिय पावइ से विणासं ।
 रागाउरे हरिणमिगे व मुद्धे,
 सद्दे अतित्ते समुवेइ मच्चुं ॥३७॥

जे यावि दोसं समुवेइ तिच्च,
 तंसि क्खणे से उ उवेइ दुक्ख ।
 दुहन्तदोसेण सएण जन्तू,
 न किञ्चि सद्दो अवरज्जइ से ॥३८॥

एगन्तरत्ते ख्हरंसि सद्दे,
 अतालित्ते से कुणइ पओसं ।
 दुक्खस्स सम्पीलमुवेइ बाले,
 न लिप्पइ तेण मुणी विरागो ॥३९॥

सद्गुणासाणुगए य जीवे,
 चराचरे हिंसद्विष्णोर्गुरुवे
 चित्तहि ते परितावेइ वाले,
 पीलेइ अत्तद्विगुरु किलिट्टे ॥४०॥
 सद्गुणावाएण परिग्गहेण,
 उप्पायणे रक्खणसन्निओगे ।
 वए विओगे य ऋह सुह से,
 सभागकाले य अतित्तलाभे ॥४१॥
 सद्दे अतित्ते य परिग्गहम्मि,
 सत्तोवसत्तो न उवेइ तुट्ठि ।
 अत्तुट्ठिदोसेण दुही परस्स,
 लोभाविले आययइ अदत्त ॥४२॥
 तण्हाभिभूयस्स अदत्तहारिणो,
 सद्दे अतित्तस्स परिग्गहे य ।
 मायामुसं वडुइ लोभदोसा,
 तत्थावि दुक्खा न विमुच्चइ से ॥४३॥
 मोसस्स पच्छा य पुरत्थओ य,
 पओगकाले य दुही दुरन्ते ।
 एव अदत्ताणि समाययन्तो,
 सद्दे अतित्तो दुहिओ अणिस्सो ॥४४॥
 सद्गुणुरत्तस्स नरस्स एवं,
 कत्तो सुहं होल्ल कयाइ किंचि ?
 तत्थोवभोगे वि किलेसदुक्खं,
 निव्वत्तइ जस्स कएण दुक्ख ॥४५॥

एमेव सदृम्मि गग्नो पग्नोस,
 उवेइ दुक्खोहपरपराग्नो ।
 पदुदुचित्तो य च्चिणाइ कम्म,
 ज से पुणो होइ दुह विवागे ॥४६॥
 सद्दे विरत्तो मणुग्नो विसोगो,
 एएण दुक्खोहपरपरेण ।
 न लिप्पए भवमज्जे वि सन्तो,
 जलेण वा पोक्खरिणीपलास ॥४७॥
 घाणस्स गन्ध गहण वयन्ति,
 त रागहेउ तु मणुन्नमाहु ।
 त दोसहेउ अमणुन्नमाहु,
 समो य जो तेसु स वीयरगो ॥४८॥
 गन्धस्स घाण गहण वयन्ति
 घाणस्स गध गहण वयन्ति ।
 रागस्स हेउ समणुन्नमाहु,
 दोसस्स हेउ अमणुन्नमाहु ॥४९॥
 गन्धेसु जो गिद्धिमुवेइ तिच्च,
 अकालिय पावइ से विणास ।
 रागाउरे ओसहगन्धगिद्धे,
 सप्पे बिलाओ विव निक्खमते ॥५०॥
 जे यावि दास समुवेइ तिच्च,
 तसि क्खणे से उ उवेइ दुक्ख ।
 दुदुन्तदोसेण सएण जन्तू,
 न किंचि गन्ध अवरज्जइ से ॥५१॥

एगन्तरत्ते रुद्धरसि गन्धे,
 अतालसे से कुण्ड पश्रोसं ।
 दुक्खस्स संपीलमुवेइ बाले,
 न लिप्पइ तेण मुणी विरागो ॥५२॥

गन्धाणुगासाणुगए य जीवे,
 चराचरे हिंसइऽणोगरूवे ।
 चित्तेहि ते परितावेइ बाले,
 पीलेइ अत्तट्टुगुरू किलिट्ठे ॥५३॥

गन्धाणुवाएण परिग्गहेण,
 उप्पायणे रक्खणसन्निओगे ।
 वए विओगे य कहं सुह से,
 संभोगकाले य अतित्तलाभे ? ॥५४॥

गन्धे अतित्ते य परिग्गहम्मि,
 सत्तोवसत्तो न उवेइ तुट्ठिं ।
 अतुट्ठिदोसेण दुही परस्स,
 लोभाविले आययइ अदत्तं ॥५५॥

तण्हाभिभूयस्स अदत्तहारिणो,
 गन्धे अतित्तस्स परिग्गहे य ।
 मायामुसं वड्ढइ लोभदोसा,
 तत्थावि दुक्खा न विमुच्चइ से ॥५६॥

मोसस्स पच्छा य पुरत्थओ य,
 पओगकाले य दुही दुरन्ते ।
 एवं अदत्ताणि समाययन्तो,
 गन्धे अतित्तो दुहिओ अणिस्सो ॥५७॥

गन्धानुरत्तस्स नरस्स एवं,
 कत्तो सुह होल्ल कयाइ किंचि ?
 तत्थोवभोगे वि किलेसदुक्खं,
 निव्वत्तइ जस्स कएण दुक्ख ॥५८॥

एमेव गन्धम्मि गओ पओस,
 उवेइ दुक्खोहपरपराओ ।
 पदुट्टिचित्तो य चिणाइ कम्म,
 जं से पुणो होइ दुह विवागे ॥५९॥

गन्धे विरत्तो मणुओ विसोगो,
 एएण दुक्खोहपरपरेण ।
 न लिप्पइ भवमज्जे वि सन्तो,
 जलेण वा पोक्खरिणीपत्तास ॥६०॥

जिब्भाए रस गहणं वयन्ति,
 तं रागहेउ तु मणुन्नमाहु ।
 तं दोसहेउ अमणुन्नमाहु,
 समो य जो तेसु स वीयरगो ॥६१॥

रसस्स जिब्भ गहण वयन्ति,
 जिब्भाए रस गहणं वयन्ति ।
 रागस्स हेउ समणुन्नमाहु,
 दोसस्स हेउ अमणुन्नमाहु ॥६२॥

रसेसु जो गिद्धिमुवेइ तिब्बं,
 अकालिय पावइ से विणासं ।
 रागाउरे वडिसविभिन्नकाए,
 मच्छे जहा आमिसभोगगिद्धे ॥६३॥

जे यावि दोस समुवेइ तिब्ब,
 तंसि खणे से उ उवेइ दुक्खं ।
 दुद्दन्तदोसेण सएण जन्तू,
 न किञ्चि रस अबरज्जइ से ॥६४॥

एगन्तरत्ते रुइरसि रसे,
 अतालिसे से कुणइ पओसं ।
 दुक्खस्स संपीलमुवेइ वाले,
 न लिप्पइ तेण सुणी विरागो ॥६५॥

रसाणुगासाणुगए य जीवे,
 चराचरे हिसइऽणेरूवे ।
 चित्तेहि ते परितावेइ वाले,
 पीलेइ अत्तट्टगुरू किलिद्धे ॥६६॥

रसाणुवाएण परिग्गहेण,
 उप्पायणे रक्खणसन्निओगे ।
 वए विओगे य कह सुहं से,
 सभोगकाले य अतित्तलाभे ? ॥६७॥

रसे अतित्ते य परिग्गहम्मि,
 सत्तोवसत्तो न उवेइ तुट्ठि ।
 अतुट्ठिदोसेण दुही परस्स,
 लोभाविले आययइ अदत्तं ॥६८॥

तण्हाभिभूयस्स अदत्तहरिणो,
 रसे अदत्तस्स परिग्गहे य ।
 मायामुसं वड्ढइ लोभदोसा,
 तत्थावि दुक्खा न विमुच्चइ से ॥६९॥

मोसस्स पच्छा य पुरत्यओ य,
 पओगकाले य दुही दुरन्ते ।
 एव अदत्ताणि समाययन्तो,
 रसे अतित्तो दुहिओ अणिस्सो ॥७०॥

रसाणुरत्तस्स नरस्स एव,
 कत्तो सुह होल्ल कयाइ किच्चि ?
 तत्थोवभोगे वि किलेसदुक्ख,
 निच्चत्तई जस्स कएण दुक्ख ॥७१॥

एमेव रसम्मि गओ पओस,
 उवेइ दुक्खोहपरपराओ ।
 पदुट्टचित्ते य चिणाइ कम्म,
 ज से पुणो होइ दुह विवागे ॥७२॥

रसे विरत्तो मणुओ विसोगे,
 एएण दुक्खोहपरपरेण ।

न लिप्पइ भवमज्जे वि सन्तो,
 जलेण वा पोक्खरिणीपलास ॥७३॥

कायस्स फास गहण वयन्ति,
 त रागहेउ तु मणुन्नमाहु ।
 तं दोसहेउ अमणुन्नमाहु,
 समो य जो तेसु स वीयरगो ॥७४॥

फासस्स काय गहण वयन्ति,
 कायस्स फासं गहण वयन्ति ।
 रागस्स हेउ समणुन्नमाहु,
 दोसस्स हेउ अमणुन्नमाहु ॥७५॥

फासेसु जो गिद्धिमुवेइ तिव्वं,
 अकालियं पावइ से विणासं ।
 रागाउरे सीयजलावसन्ने,
 गाहगहीए महिसे विवन्ने ॥७६॥
 जे यावि दोसं समुवेइ तिव्वं,
 तंसि खणे से उ उवेइ दुक्खं ।
 दुइन्तदोसेण सएण जन्तू,
 न किंचि फास अवरुज्झइ से ॥७७॥
 एगन्तरत्ते रुइरसि फासे,
 अतालसे से कुणइ पओसं ।
 दुक्खस्स सपीलमुवेइ वाले,
 न लिप्पई तेण मुणी विरागो ॥७८॥
 फासाणुगासाणुगए य जीवे,
 चराचरे हिसइऽणेरूवे ।
 चित्तेहि ते परितावेइ वाले,
 पीलेइ अत्तदुगुरू किलिट्ठे ॥७९॥
 फासाणुवाएण परिग्गहेण,
 उप्पायणे रक्खणसन्निओगे ।
 वए विओगे य कहं सुह से,
 संभोगकाले य अतित्तलाभे ॥८०॥
 फासे अतित्ते य परिग्गहम्मि,
 सत्तोवसत्तो न उवेइ तुट्ठि ।
 अतुट्ठिदोसेण दुही परस्स,
 लोभाविले आययइ अदत्तं ॥८१॥

तण्हाभिसूयस्स अदत्तहारिणो,
 फासे अतित्तस्स परिग्गहे य ।
 मायामुसं वड्ढइ लोभदोसा,
 तत्थावि दुक्खा न विमुच्चइ से ॥८२॥
 मोसस्स पच्छा य पुरत्थओ य,
 पओगकाले य दुही दुरते ।
 एवं अदत्ताणि समाययन्तो,
 फासे अतित्तो दुहिओ अणित्तो ॥८३॥
 फासाणुरत्तस्स नरस्स एव,
 कत्तो सुह होज्ज कयाइ किचि ?
 तत्थोवभोगे वि किलेसदुक्खं,
 निव्वत्तइ जस्स कएण दुक्ख ॥८४॥
 एमेव फासस्मि गओ पओस,
 उवेइ दुक्खोहपरपराओ ।
 पदुट्ठचित्तो य चिणाइ कम्म,
 ज से पुणो होइ दुह विवागे ॥८५॥
 फासे विरत्तो मणुओ विसोगो,
 एएण दुक्खोहपरपरेण ।
 न ।लप्पइ भवमज्झे वि सन्तो,
 जलेण वा पोक्खरिणीपलास ॥८६॥
 मणस्स भावं गहणं वयन्ति,
 तं रागहेउ तु मणुन्नमाहु ।
 त दोसहेउं अमणुन्नमाहु,
 समो य जो तेसु स वीघरागो ॥८७॥

भावस्स मण गहणं वयन्ति,
 मणस्स भाव गहण वयन्ति ।
 रागस्स हेउ समणुन्नमाहु,
 दोसस्स हेउ अमणुन्तमाहु ॥८८॥
 भावेसु जो गिद्धिमुवेइ तिव्वं,
 अकालिय पावइ से विणास ।
 रागाउरे कामगुणोसु गिद्धे,
 करेणुमग्गावहिए गजे वा ॥८९॥
 जे यावि दोस समुवेइ तिव्वं,
 तंसि खणे से उ उवेइ दुक्ख ।
 दुद्धन्तदोसेण सएण जन्तु,
 न किंचि भाव अवरुज्झइ से ॥९०॥
 एगन्तरत्ते रुइरंसि भावे,
 अतालसे से कुणइ पओसं ।
 दुक्खस्स संपीलमुवेइ बाले,
 न लिप्पइ तेण मुणो विरागो ॥९१॥
 भावाणुगासाणुगए य जीवे,
 चराचरे हिसइऽणेरूवे ।
 चित्तंहि ते परितावेइ बाले,
 पीलेइ अत्तट्टुगुरु किलिद्धे ॥९२॥
 भावाणुवाएण परिग्गहेण,
 उप्पायणे रक्खणसन्निओगे ।
 वए विओगे य कहं सुहं से,
 सभोगकाले य अत्तित्ताभे ? ॥९३॥

भावे अतित्ते य परिग्गहम्मि,
 सत्तोवसत्तो न उवेइ तुट्ठि ।
 अतुट्ठिदोसेण दुही परस्स,
 लोभाविले आययइ अदत्त ॥६४॥
 तण्हाम्भियस्स अदत्तहारिणो,
 भावे अतित्तस्स परिग्गहे य ।
 मायामुस वड्डइ लोभदोसा,
 तत्थावि दुक्खा न विमुच्चइ से ॥६५॥
 मोसस्स पच्छा य पुरत्थओ य,
 पओगकाले य दुही दुरन्ते ।
 एव अदत्ताणि समाययन्तो,
 भावे अतित्तो दुहिओ अणस्सो ॥६६॥
 भावाणुरत्तस्स नरस्स एव,
 कत्तो सुहं होल्ल कयाइ किञ्चि ?
 तत्थोवभोगे वि किलेसदुक्खं,
 निव्वत्तइ जस्स कएण दुक्खं ॥६७॥
 एमेव भावम्मि गओ पओस,
 उवेइ दुक्खोहपर पराओ ।
 पदुट्ठचित्तो य चिणाइ कम्म,
 जं से पुणो होइ द्ह विवागे ॥६८॥
 भावे विरत्तो मणुओ विसोगो,
 एएण दुक्खोहपरपरेण ।
 न लिप्पइ भवमज्जे वि सन्तो,
 जलेण वा पोक्खरिणीपलास ॥६९॥

एविन्दियत्या य मरास्स अत्या,
 दुक्खस्स हेउ मणुयस्स रागिणो ।
 ते चेव थोवं पि कयाइ दुक्खं,
 न वीयरागस्स करेन्ति किञ्चि ॥१००॥

न कामभोगा समयं उवेन्ति,
 न यावि भोगा विगइ उवेन्ति ।
 जे तप्पम्रोसी य परिग्गही य,
 सो तेसु मोहा विगइ उवेइ ॥१०१॥

कोहं च माणं च तहेव माय,
 लोहं दुगुच्छं अरइं रइं च ।
 हासं भयं सोगपुमित्थिवेयं,
 नपुंसवेयं विविहे य भावे ॥१०२॥

आवज्जइ एवमरोगरूवे,
 एवविहे कामगुणेषु सत्तो ।
 अन्ने य एयप्पभवे विसेसे,
 कारुणदीणे हिरिसे वइस्से ॥१०३॥

कप्पं न इच्छिज्ज सहायलिच्छू,
 पच्छाणुतावेण तवप्पभाव ।

एव वियारे अमियप्पयारे,
 आवज्जइ इन्दियचोरवस्से ॥१०४॥

तम्रो से जायन्ति पम्रोयणाइ,
 निमज्जिउ मोहमहण्णवम्मि ।
 सुहेसिराणो दुक्खविणोयणट्ठा,
 तप्पञ्चयं उज्जमए य रागी ॥१०५॥

विरल्लमाणस्स य इन्दियत्था,
 सदाइया तावइयप्पगारा ।
 न तस्स सव्वे वि मणुन्नय वा,
 निव्वत्तयंती अमणुन्नयं वा ॥१०६॥
 एवं ससकप्पविकप्पणासुं,
 संजायइ समयमुवट्ठियस्स ।
 अत्थे य सकप्पयओ तओ से,
 पहीयए कामगुरोसु तण्हा ॥१०७॥
 स वीयरगो कयसच्चकिञ्चो,
 खवेइ नाणावरण खणेणं ।
 तहेव ज दसणमावरेइ,
 ज चन्तराय पकरेइ कम्म ॥१०८॥
 सव्व तओ जाणइ पासए य,
 अमोहणे होइ निरन्तराए ।
 अणासवे भाणसमाहिजुत्ते,
 आउक्खए मोक्खमुवेइ सुद्धे ॥१०९॥
 सो तस्स सव्वस्स दुहस्स मुक्को,
 ज चाहइ सयय जत्तुमेयं ।
 दीहामयं विप्पमुक्को पसत्थो,
 तो होइ अच्चन्तसुही कयत्थो ॥११०॥
 अणाइकालप्पभवस्स एसो,
 सव्वस्स दुक्खत्स पमोक्खमग्गो ।
 विद्याहिओ जं समुविच्च सत्ता,
 कामेण अच्चन्तसुही भवन्ति, त्ति वेमि ॥१११॥
 ४। इय पमायट्ठाण णाम वत्तीसइमं अञ्जयण समत्त ॥

अह कम्मप्पयडी णाम तेत्तीसइमं अज्भयणं

अट्टं कम्माइं वोच्छामि, आणुपुण्वि जहक्कम ।
जेहिं बद्धो अयं जीवो, ससारे परिवट्टइ' ॥१॥

नाणस्सावरणिज्जं, दंसणावरणं तथा ।
वेयणिज्ज तथा मोह, आउकम्मं तहेव य ॥२॥

नामकम्म च गोयं च, अन्तरायं तहेव य ।
एवमेयाइं कम्माइ, अट्टेव उ समासओ ॥३॥

नाणावरण पञ्चविह, सुयं आभिणिशोहियं ।
ओहिनाणं च तइय, मणनाण च केवल ॥४॥

निट्ठा तहेव पयला, निट्ठानिट्ठा पयलपयला य ।
तत्तो य थीणगिद्धी उ, पंचमा होइ नायव्वा । ५॥

चक्खुमचक्खू ओहिस्स, दसणे केवले य आवरणे ।
एवं तु नवविगप्प, नायव्वं दंसणावरण ॥६॥

वेयणीयंपि य दुविहं, सायमसाय च आहिय ।
सायस्स उ बहू मेया, एमेव असायस्स वि ॥७॥

मोहणिज्जपि च दुविहं, दसणे चरणे तथा ।
दसणे तिविह वुत्तं, चरणे दुविहं भवे ॥८॥

सम्मत्त चेव मिच्छत्त, सम्मामिच्छत्तमेव य ।
एयाओ तिल्लि पयडीओ, मोहणिज्जस्स दसणे ॥९॥

चरित्तमोहणं कम्म, दुविहं तु वियाहिय ।
कसायमोहणिज्ज तु, नोकसायं तहेव य ॥१०॥

सोलसविहभेएणं, कम्म तु कसायज ।
 सत्तविहं नवविह वा, कम्म च नोकसायजं ॥११॥
 नेरइय-तिरिक्खाउ, मणुस्साउ तहेव य ।
 देवाउय चउत्थ तु, आउकम्म चउव्विह ॥१२॥
 नामकम्मं तु दुविह, सुहमसुह च आहिय ।
 सुभस्स उ बहू भेया, एमेव असुहस्स वि ॥१३॥
 गोयं कम्मं दुविहं, उच्च नीयं च आहियं ।
 उच्चं अट्टविह होइ, एव नीय पि आहिय ॥१४॥
 दाणे लाभे य भोगे ए, उवभोगे वीरिए तथा ।
 पञ्चविहमन्तराय, समासेण वियाहिय ॥१५॥
 एयाओ मूलपयडीओ, उत्तराओ य आहिया ।
 पएसग्ग खेतकाले य, भाव च उत्तर सुण ॥१६॥
 सव्वेसिं चैव कम्माण, पएसग्गमणन्तग ।
 गंठियसत्ताईय', अन्तो सिद्धाण आहियं ॥१७॥
 सव्वजीवाण कम्म तु, संगहे छुडिसागय ।
 सव्वेसु वि पएसेसु, सव्व सव्वेण बद्धगं ॥१८॥
 उदहीसरिसनामाणं, तीसई कोडिकोडिओ ।
 उक्कोसिया ठिई होइ, अन्तोमुहुत्त जहन्निया ॥१९॥
 आवरणिज्जाण दुण्हपि, वेयणिज्जे तहेव य ।
 अन्तराए य कम्मम्मि, ठिइ एसा वियाहिया ॥२०॥
 उदहीसरिसनामाण, सत्तरिं कोडिकोडिओ ।
 मोहणिज्जस्स उक्कोसा, अतोमुहुत्त जहन्निया ॥२१॥

१ गंठि (५) सत्ताऽणाइ ।

तेत्तीस सागरोवमा, उक्कोसेण वियाहिया ।
 ठिइ उ आउकम्मस्स, अन्तोमुहुत्त जहन्निया ॥२२॥
 उदहीसरिसनामाण, वीसई कोडिकोडिओ ।
 नामगोत्ताणं उक्कोसा, अट्टमुहुत्ता जहन्निया ॥२३॥
 सिद्धाणणन्तभागो य, अणुभागा हवन्ति उ ।
 सव्वेसु वि पएसग्गं, सव्वजीवेसु इच्छियं ॥२४॥
 तम्हा एएसि कम्माण, अणुभागा वियाणिया ।
 एएसि संवरे चेव, खवणो य जए बुहो, त्ति वेमि ॥२५॥
 ॥ इय कम्मप्पयडी नाम तेत्तीसइमं अज्भयणं समत्तं ॥३३॥

अह लेसज्भयणं णाम चोत्तीसइमं अज्भयणं

लेसज्भयणं पवक्खामि, आणुपुण्वि जहक्कमं ।
 छण्हपि कम्मलेसाणं, अणुभावे सुणेह मे ॥१॥
 नामाइ वण्णरसगन्धफासपरिणामलक्खणं ।
 ठाणं ठिइं गइ चाउं, लेसाणं तु सुणेह मे ॥२॥
 किण्हा नीला य काऊ य, तेऊ पम्हा तहेव य ।
 सुक्कलेसा य छट्ठा य, नामाइं तु जहक्कमं ॥३॥
 जीमूयनिद्धसंकासा, गवलरिट्ठगसन्निभा ।
 खंजणनयणनिभा, किण्हलेसा उ वण्णओ ॥४॥
 नीलासोगसकासा, चासपिच्छसमप्पभा ।
 वेहलियनिद्धसंकासा, नीललेसा उ वण्णओ ॥५॥
 अयसीपुप्फसंकासा, कोइलच्छदसन्निभा ।
 पारेवयगीदनिभा, काऊलेसा उ वण्णओ ॥६॥

हिंगुलयथाउसकासा, तरुणाइच्चसन्निभा ।
 सुयतुण्डपईवनिभा, तेउलेसा उ वण्णओ ॥७॥
 हरियालभेय सकासा, हलिद्दाभेयसमप्पभा' ।
 सणासणकुसुमनिभा, पम्हलेसा उ वण्णओ ॥८॥
 संखककुन्दसङ्कासा, खीरपूरसमप्पभा ।
 रययहारसकासा, सुक्कलेसा उ वण्णओ ॥९॥
 जह कडुयतुम्बगरसो,
 निम्बरसो कडुयरोहिणिरसो वा ।
 एत्तो वि अणन्तगुणो,
 रसो य किण्हाए नायव्वो ॥१०॥
 जह तिकडुयस्स य रसो,
 तिक्खो जह हत्थिपिप्पलीए वा ।
 एत्तो वि अणन्तगुणो,
 रसो उ नीलाए नायव्वो ॥११॥
 जह तरुणअम्बगरसो,
 तुवरकविट्ठस्स वावि जारिसओ ।
 एत्तो वि अणन्तगुणो,
 रसो उ काऊण नायव्वो ॥१२॥
 जह परिणयम्बगरसो,
 पक्ककविट्ठस्स वावि जारिसओ ।
 एत्तो वि अणन्तगुणो,
 रसो उ तेऊण नायव्वो ॥१३॥

वरवारुणीए व रसो,
विविहाण व आसवाण जारिसओ ।

महुमेरयस्स व रसो,
एत्तो पम्हाए परएणं ॥१४॥

खज्जूरमुद्दियरसो, खीररसो खंडसक्कररसो वा ।
एत्तो वि अणतगुणो, रसो उ सुक्काए ना यव्वो ॥१५॥

जह गोमडस्स गधो, सुणगमडस्स व जहा अहिमडस्स ।
एत्तो वि अणंतगुणो, लेसाण अप्पसत्थाण ॥१६॥

जह सुरहिकुसुमगंधो गधवासाण पिस्समाणाण ।
एत्तो वि अणंतगुणो, पसत्थलेसाण तिण्हं पि ॥१७॥

जह करगयस्स फासो, गोजिबभाए य सागपत्ताण ।
एत्तो वि अणंतगुणो, लेसाण अप्पसत्थाणं ॥१८॥

जह बूरस्स व फासो, नवणीयस्स व सिरीसकुसुमाण ।
एत्तो वि अणतगुणो, पसत्थलेसाण तिण्हंपि ॥१९॥

तिविहो व नवविहो वा, सत्तावीसइविहेक्कसीओ वा ।
दुसओ तेयालो वा, लेसाण होइ परिणामो ॥२०॥

पचासवप्पवत्तो, तीह अगुत्तो छसुं अविरओ य ।
तिव्वारभपरिणओ, खुद्दो साहसिओ नरो ॥२१॥

निद्धन्धसपरिणामो, निस्ससो अजिइन्दिओ ।
एयजोगसमाउत्तो, किण्हलेस तु परिणमे ॥२२॥

इस्साअमरिसअतवो, अबिज्जमाया अहीरिया ।
गिद्धी पओसे य सढे, पमत्ते रसलोलुए ॥२३॥

(सायगवेसए य) श्रारम्भाश्रो अविरश्रो, खुद्वो साहस्तिश्रो नरो
एयजोगसमाउत्तो, नीललेस तु परिणमे ॥२४॥

वके वकसमायारे, नियड्डिले श्रणुज्जुए ।
पलिउचगश्रोवाहए, मिच्छदिट्ठी श्रणारिए ॥२५॥

उप्फालगदुट्टुवाई य, तेणे यावि य मच्छरी ।
एयजोगसमाउत्तो, काऊलेस तु परिणमे ॥२६॥

नीयावित्ती श्रचवले, श्रमाई श्रकुऊहले ।
विणीयविणए दन्ते, जोगव उवहाणव ॥२७॥

पियधम्मे दढधम्मेऽवज्जभोरू हिएसए ।
एयजोगसमाउत्तो, तेउलेस तु परिणमे ॥२८॥

पयणुकोहमाणे य, मायालोभे य पयणुए ।
पसन्तचित्ते दन्तप्पा, जोगव उवहाणव ॥२९॥

तहा पयणुवाई य, उवसन्ते जिइन्दिए ।
एयजोगसमाउत्तो, पम्हलेस तु परिणमे ॥३०॥

श्रट्टरुद्दाणि वज्जित्ता, धम्ममुक्काणि भायए ।
पसन्तचित्ते दन्तप्पा, समिए गुत्ते य गुत्तिमु ॥३१॥

सरागे वीयरगे वा, उवसन्ते जिइन्दिए ।
एयजोगसमाउत्तो, सुक्कलेस तु परिणमे ॥३२॥

श्रसखिज्जाणोसप्पिणीण, उस्सप्पिणीण जे समयया ।
सखाईया लोगा, लेसाण हवन्ति ठाणाइ ॥३३॥

मुहुत्तद्धं तु जहन्ना, तेत्तीसा सागरा मुहुत्तहिया ।
उक्कोसा होइ ठिइ, नायन्वा किण्हेसाए ॥३४॥

मुहुत्तद्धं तु जहन्ना, दस उदही पलियमसंखभागमब्भहिया ।
उक्कोसा होई ठिइ, नायव्वा नीललेसाए ॥३५॥

मुहुत्तद्धं तु जहन्ना, तिण्णुदही पलियमसंखभागमब्भहिया ।
उक्कोसा होइ ठिइ, नायव्वा काउलेसाए ॥३६॥

मुहुत्तद्ध तु जहन्ना, दोण्णुदही पलियमसंखभागमब्भहिया ।
उक्कोसा होइ ठिइ, नायव्वा तेउलेसाए ॥३७॥

मुहुत्तद्ध तु जहन्ना दस होन्ति य सागरा मुहुत्तहिया ।
उक्कोसा होइ ठिइ, नायव्वा पम्हूलेसाए ॥३८॥

मुहुत्तद्ध तु जहन्ना, तेत्तीस सागरा मुहुत्तहिया ।
उक्कोसा होइ ठिइ, नायव्वा सुक्कूलेसाए ॥३९॥

एसा खलु लेसाणं, ओहेण ठिइ उ वण्णिया होइ ।
चउसु वि गइसु एत्तो, लेसाण ठिइ तु वोच्छामि ॥४०॥

दस वाससहस्साइ, काऊए ठिइ जहन्निया होइ ।
तिण्णुदही पलिओवम, असखभाग च उक्कोसा ॥४१॥

तिण्णुदही पलिओवमसंखभागो जहन्नेण नीलठिइ ।
दस उदही पलिओवम-असंखभागं च उक्कोसा ॥४२॥

दसउदही पलिओवम, असखभाग जहन्निया होइ ।
तेत्तीससागराइ उक्कोसा, होइ किण्हाए लेसाए ॥४३॥

एसा नेरइयाणं लेसाण, ठिइ उ वण्णिया होइ ।
तेण पर वोच्छामि, तिरियमणुस्साण देवाण ॥४४॥

अन्तोमुहुत्तमद्ध, लेसाण ठिइ जहिं जहिं जाउ ।
तिरियाण नराणं वा, वल्लिता केवल लेसं ॥४५॥

मुहुत्तद्धं तु जहन्ना, उक्कोसा होइ पुव्वकोडीओ ।

नवहि वरिसेहि ऊणा, नायव्वा सुक्कलेसाए ॥४६॥

एसा तिरियनराणं,

लेसाण ठिइ उ वण्णिया होइ ।

तेण पर वोच्छामि,

लेसाण ठिइ उ देवाण ॥४७॥

दस वाससहस्साइ,

किण्हाए ठिइ जहन्निया हाइ ।

पलियमसखिज्जइमो,

उक्कोसो होइ किण्हाए ॥४८॥

जा किण्हाए ठिइ खलु,

उक्कोसा सा उ समयमव्वभहिया ।

जहन्नेणं नीलाए,

पलियमसख च उक्कोसा ॥४९॥

जा नीलाए ठिइ खलु,

उक्कोसा सा उ समयमव्वभहिया ।

जहन्नेण काऊए,

पलियमसखं च उक्कोसा ॥५०॥

तेण परं वोच्छामि, तेऊलेसा जहा सुरगणाण ।

भवणवइ-वाणमन्तर-जोइस-वेमाणियाणं च ॥५१॥

पलिओवम जहन्ना, उक्कोसा सागरा उ दुन्नहिआ ।

पलियमसखेज्जेण, होइ भागेण तेऊए ॥५२॥

दसवासमहस्साइ, तेऊए ठिइ जहन्निया होइ ।

दुन्नुदही पलिओवमअसखभागं च उक्कोसा ॥५३॥

जा तेऊए ठिइ खलु,

उक्कोसा सा उ समयमब्भहिया ।

जहन्नेण पम्हाए,

दस उ मुहुत्ताहियाइ उक्कोसा ॥५४॥

जा पम्हाए ठिइ खलु, उक्कोसा सा उ समयमब्भहिया ।

जहन्नेण सुक्काए, तेत्तीसमुहुत्तमब्भहिया ॥५५॥

किण्हा नीला काऊ, तिन्नि वि एयाओ अहम्मलेसाओ ।

एयाहिं तिहिं वि जीवो, दुग्गइ उववज्जइ ॥५६॥

तेऊ पम्हा सुक्का, तिन्नि वि एयाओ घम्मलेसाओ ।

एयाहिं तिहिं वि जीवो, सुग्गइ उववज्जइ ॥५७॥

लेसाहिं सव्वाहिं, पढमे समयम्मि परिणयाहिं तु ।

न हु कस्सइ उववाओ, परे भवे अत्थि जीवस्स ॥५८॥

लेसाहिं सव्वाहिं, चरिमे समयम्मि परिणयाहिं तु ।

न हु कस्सइ उववाओ, परे भवे होइ जीवस्स ॥५९॥

अन्तमुहुत्तम्मि गए, अन्तमुहुत्तम्मि सेसए चेव ।

लेसाहिं परिणयाहिं, जीवा गच्छन्ति परलोयं ॥६०॥

तम्हा एयासि लेसाण, अणुभावं वियाणिया ।

अप्पसत्थाओ वज्जित्ता, पसत्थाओऽहिट्ठिए मुणी, त्ति बेमि ॥६१॥

॥ इय लेसञ्जयण णाम चउत्तीसम अञ्जयण समत्त ॥

अह अणगारिज्ज णाम पंचतीसइमं अञ्जयणं

सुणेह मे एगग्गमणा, मग्ग बुद्धेहिं देसिय ।

जमायरन्तो भिक्खू, दुक्खाणन्तकरे भवे ॥१॥

गिहवास परिच्चञ्ज, पवञ्जामस्सिए मुणी ।
 इमे सगे वियाणिज्ज, जेहि सज्जन्ति माणवा ॥२॥
 तहेव हिंस अलिय, चोज्ज अबम्भसेवण ।
 इच्छाकाम च लोभ च, सज्जो परिवज्जए ॥३॥
 मणोहर चित्तघरं, मल्लघूवेण वासिय ।
 सकवाड पण्डुरल्लोयं, मणसावि न पत्थए ॥४॥
 इन्दियाणि उ भिक्खुस्स, तारिसम्मि उवस्सए ।
 दुक्कराइ निवारेउ, कामरागविवट्टणे ॥५॥
 सुसाणे सुन्नगारे वा, रुक्खमूले व इक्कओ ।
 पइरिक्के परकडे वा, वास तत्थाभिरोयए ॥६॥
 फासुयम्मि अणाबाहे, इत्थोहि अणभिद्दुए ।
 तत्थ सकप्पए वास, भिक्खू परमसजए ॥७॥
 न सयं गिहाइ कुव्विज्जा, णेव अन्नेहि कारए ।
 गिहकम्मसमारम्भे, भूयाण दिस्सए वहो ॥८॥
 तसाण थावराण च, सुहुमाण बादराण य ।
 तम्हा गिहसमारम्भं, सज्जो परिवज्जए ॥९॥
 तहेव भत्तपाणेसु, पयणे पयावणेसु य ।
 पाणभूयदयट्ठाए, न पए न पयावए ॥१०॥
 जलधन्ननिस्सिया जीवा, पुढवीकट्टनिस्सिया ।
 हम्मन्ति भत्तपाणेसु, तम्हा भिक्खू न पयावए ॥११॥
 विसप्ये सव्वओ धारे, बहुपाणिविणासणे ।
 नत्थि जोइसमे सत्थे, तम्हा जोई न दीवए ॥१२॥

हिरणं, जायख्व च. मणसा वि न पत्थए ।
 समलेट्टुकचणे भिक्खू, विरए कयविककए ॥१३॥
 क्किणन्तो कइओ होइ, विक्किणन्तो य वाणिओ ।
 कयविककयन्मि वट्टन्तो, भिक्खू न भवइ तारिसो ॥१४॥
 भिक्खियव्व न केयव्वं, भिक्खुणा भिक्खवत्तिणा ।
 कयविककओ महादोसो, भिक्खावित्ती सुहावहा ॥१५॥
 समुयाण उच्छमेसिज्जा, जहा-सुत्तमणिन्दियं ।
 लाभालाभम्मि सत्तुट्ठे, पिण्डवाय चरे मुणी ॥१६॥
 अलोले न रसे गिद्धे, जिठ्भादन्ते अमुच्छिए ।
 न रसट्टाए भुंजिज्जा, जवणट्टाए महामुणी ॥१७॥
 अञ्जण रयणं चैव, वन्दणं पूयणं तथा ।
 इड्ढीसक्कारसम्माण, मणसा वि न पत्थए ॥१८॥
 सुक्कज्झाण भियाएज्जा, अणियाणे अकिचणे ।
 वोसट्टकाए विहरेज्जा, जाव कालस्स पज्जओ ॥१९॥
 निज्जूहिऊण आहारं, कालघम्मे उवट्टिए ।
 जहिऊण' माणुस बोण्दि, पहू दुक्खा विमुञ्चइ ॥२०॥
 निम्ममे निरहंकारे, वीयरगो अणासवो ।
 सपत्तो केवल नाणं, सासय परिणिव्वुए, त्ति बेमि ॥२१॥

॥ इय अणगार नाम पचतीसइमअञ्जयण समत्तं ॥३५॥

अह जीवाजीवविभत्ती णाम छत्तीसइम अज्भयण

जीवाजीवविभत्ति सुणेह मे, एगमणा इओ ।
ज जाणिऊण भिवखू, सम्म जयइ सजमे ॥१॥
जीवा चेव अजीवा य, एस लोए वियाहिए ।
अजीवदेसमागासे, अलोगे से वियाहिए ॥२॥
दव्वओ खेतओ चेव, कालओ भावओ तथा ।
परूवणा तेसिं भवे, जीवाणमजीवाण य ॥३॥
रूविणो चेव रूवी य, अजीवा दुविहा भवे ।
अरूवी दसहा वुत्ता, रूविणो य चउव्विहा ॥४॥
धम्मत्थिकाए तद्देसे, तप्पएसे य आहिए ।
अहम्मे तस्स देसे य, तप्पएसे य आहिए ॥५॥
आगासे तस्स देसे य, तप्पएसे य आहिए ।
अद्धासमए चेव, अरूवी दसहा भवे ॥६॥
धम्माधम्मे य दो चेव, लोगसित्ता वियाहिया ।
लोगालोगे य आगासे, समए समयखेत्तिए ॥७॥
धम्माधम्मागासा, तिननिवि एए अणाइया ।
अपज्जवसिया चेव, सव्वद्ध तु वियाहिए ॥८॥
समएवि सन्तइ पप्प, एवमेव वियाहिए ।
आएस पप्प साईए, सपज्जवसिएवि य ॥९॥
खन्धा य खन्धदेसा य, तप्पएसा तहेव य ।
परमाणुणो य वोधव्वा, रूविणो य चउव्विहा ॥१०॥

एगत्तेण पुहत्तेणं, खन्धा य परमाणु य ।
 लोएगदेसे लोए य, भइयव्वा ते उ खेत्तओ ॥११॥
 सुहुसा सब्वलोगम्मि, लोएगदेसे य वायरा ।
 इत्तो कालविभाग तु, तेसिं वुच्छं चउव्विह ॥१२॥
 संतइ पप्प तेऽणाई, अप्पज्जवसियावि य ।
 ठिइ पडुच्च साईया, सपज्जवसिया वि य ॥१३॥
 असंखकालमुक्कोसं, एक्को समओ जहन्नयं ।
 अजीवाण य रूवीण, ठिई एसा वियाहिया ॥१४॥
 अणन्तकालमुक्कोस, एक्को समओ जहन्नय ।
 अजीवाण य रूवीण, अन्तरेय वियाहिय ॥१५॥
 वण्णओ गन्धओ चैव, रसओ फासओ तहा ।
 सठाणओ य विन्नेओ, परिणामो तेसि पंचहा ॥१६॥
 वण्णओ परिणया जे उ, पञ्चहा ते पकित्तिया ।
 किण्हा नीला य लोहिया, हलिद्दा सुक्किला तहा ॥१७॥
 गन्धओ परिणया जे उ, दुविहा ते वियाहिया ।
 सुब्भिगन्धपरिणामा, दुब्भिगन्धा तहेव य ॥१८॥
 रसओ परिणया जे उ, पञ्चहा ते पकित्तिया ।
 तित्तकडुयकसाया, अम्बिला महुरा तहा ॥१९॥
 फासओ परिणया जे उ, अट्टहा ते पकित्तिया ।
 कक्खडा मउआ चैव, गरुया लहुआ तहा ॥२०॥
 सीया उण्हा ञ निद्धा य, तहा लुवखा य आहिया ।
 इर फासपरिणया एए, पुग्गला समुदाहिया ॥२१॥

संठाणओ परिणया जे उ, पञ्चहा ते पकितिया ।
परिमडला य वट्टा य, तसा चउरसमायया ॥२२॥
वण्णओ जे भवे किण्हे, भइए से उ गन्धओ ।
रसओ फासओ चेव, भइए संठाणओवि य ॥२३॥
वण्णओ जे भवे नीले, भइए से उ गन्धओ ।
रसओ फासओ चेव, भइए सठाणओवि य ॥२४॥
वण्णओ लोहिए जे उ, भइए से उ गन्धओ ।
रसओ फासओ चेव, भइए सठाणओवि य ॥२५॥
वण्णओ पीए जे उ, भइए से उ गन्धओ ।
रसओ फासओ चेव, भइए सठाणओवि य ॥२६॥
वण्णओ सुक्किले जे उ, भइए से उ गन्धओ ।
रसओ फासओ चेव, भइए सठाणओवि य ॥२७॥
गन्धओ जे भवे सुव्भी, भइए से उ वण्णओ ।
रसओ फासओ चेव, भइए सठाणओवि य ॥२८॥
गन्धओ जे भवे दुव्भी, भइए से उ वण्णओ ।
रसओ फासओ चेव, भइए सठाणओवि य ॥२९॥
रसओ तित्तए जे उ, भइए से उ वण्णओ ।
गन्धओ रसओ चेव, भइए संठाणओवि य ॥३०॥
रसओ कडुए जे उ, भइए से उ वण्णओ ।
गन्धओ फासओ चेव, भइए सठाणओवि य ॥३१॥
रसओ कसाए जे उ, भइए से उ वण्णओ ।
गन्धओ फासओ चेव, भइए सठाणओवि य ॥३२॥

रसञ्चो अम्बिले जे उ, भइए से उ वण्णञ्चो ।
 गन्धञ्चो फासञ्चो चैव, भइए संठाणञ्चोवि य ॥३३॥
 रसञ्चो महुरए जे उ भइए से उ वण्णञ्चो ।
 गन्धञ्चो फासञ्चो चैव, भइए सठाणञ्चोवि य ॥३४॥
 फासञ्चो कक्खडे जे उ, भइए से उ वण्णञ्चो ।
 गन्धञ्चो रसञ्चो चैव, भइए सठाणञ्चोवि य ॥३५॥
 फासञ्चो मउए जे उ, भइए से उ वण्णञ्चो ।
 गन्धञ्चो रसञ्चो चैव, भइए संठाणञ्चोवि य ॥३६॥
 फासञ्चो गुरुए जे उ, भइए से उ वण्णञ्चो ।
 गन्धञ्चो रसञ्चो चैव, भइए सठाणञ्चोवि य ॥३७॥
 फासञ्चो लहुए जे उ, भइए से उ वण्णञ्चो ।
 गन्धञ्चो रसञ्चो चैव, भइए संठाणञ्चोवि य ॥३८॥
 फासए सीयए जे उ, भइए से उ वण्णञ्चो ।
 गन्धञ्चो रसञ्चो चैव, भइए संठाणञ्चोवि य ॥३९॥
 फासञ्चो उण्हए जे उ, भइए से उ वण्णञ्चो ।
 गन्धञ्चो रसञ्चो चैव, भइए संठाणञ्चोवि य ॥४०॥
 फासञ्चो निद्धए जे उ, भइए से उ वण्णञ्चो ।
 गन्धञ्चो रसञ्चो चैव, भइए सठाणञ्चोवि य ॥४१॥
 फासञ्चो लुक्खए जे उ, भइए से उ वण्णञ्चो ।
 गन्धञ्चो रसञ्चो चैव, भइए संठाणञ्चोवि य ॥४२॥
 परिमण्डलसंठाणे, भइए से उ वण्णञ्चो ।
 गन्धञ्चो रसञ्चो चैव, भइए फासञ्चोवि य ॥४३॥

संठाणओ भवे वट्ठे, भइए से उ वण्णओ ।
गन्धओ रसओ चेव, भइए फासओवि य ॥४४॥
संठाणओ भवे ससे, भइए से उ वण्णओ ।
गन्धओ रसओ चेव, भइए फासओवि य ॥४५॥
संठाणओ य चउरसे, भइए से उ वण्णओ ।
गन्धओ रसओ चेव, भइए फासओवि य ॥४६॥
जे आययसठाणे, भइए से उ वण्णओ ।
गन्धओ रसओ चेव, भइए फासओवि य ॥४७॥
एसा अजीवविभत्ती, समासेण वियाहिया ।
इत्तो जीवविभत्ति, बुच्छामि अणुपुण्वसो ॥४८॥
ससारत्था य सिद्धा य, दुविहा जीवा वियाहिया ।
सिद्धा णेगविहा वृत्ता, त मे कित्तयओ सुण ॥४९॥
इत्थीपुरिससिद्धा य, तहेव य नपु सगा ।
सल्लिगे अन्नल्लिगे य, गिहिल्लिगे तहेव य ॥५०॥
उक्कोसोगाहणाए य, जहन्नमज्झिमाइ य ।
उड्ढं अहे य तिरियं च, समुद्धम्मि जलम्मि य ॥५१॥
दस य नपुंसएसु, वीस इत्थियासु य ।
पुरिसेसु य अट्टसयं, समएणेण सिज्झइ ॥५२॥
चत्तारि य गिहिल्लिगे, अन्नल्लिगे दसेद ।
सल्लिगेण अट्टसय, समएणेण सिज्झइ ॥५३॥
उक्कोसोगाहणाए य, सिज्झन्ते जुगवं दुवे ।
चत्तारि जहन्नाए, मज्झे' अट्ठुत्तर सय ॥५४॥

चउरुडुलौए, य दुवे समुद्दे,
तओ जले वीसमहे तहेव य ।

सयं च अट्टुत्तरं तिरियलोए,
समएणेणेण सिज्झइ धुवं ॥५५॥

कहिं पडिहया सिद्धा ?, कहिं सिद्धा पइट्टिया ?
कहिं बोन्दि, चइत्ताण?, कत्थ गन्तूण सिज्झइ ? ॥५६॥

अलोए पडिहया सिद्धा, लोयगे य पइट्टिया ।
इह बोन्दि चइत्ताणं, तत्थ गन्तूण सिज्झइ ॥५७॥

बारसहिं जोयणेहिं, सब्वट्टुस्सुवरिं भवे ।
ईसिपब्भारनामा उ, पुढवी छत्तसठिया ॥५८॥

पणयालसयसहस्सा, जोयणाणं तु आयया ।
तावइय चव वित्थिण्णा, तिगुणो साहिय परिरओ ॥५९॥

अट्टुजोयणवाहल्ला, सा मज्झम्मि वियाहिया ।
परिहायन्ती चरिमन्ते, मच्छिपत्ताउ तणुययरी ॥६०॥

अज्जुणसुवण्णगमई,
सा पुढवी निम्मला सहावेण ।

उत्ताणगच्छत्तगसंठिया य,
भणियां जिणवरेहिं ॥६१॥

संखककु दसकासा, पण्डुरा, निम्मला सुहा ।
सीयाए जोयणे तत्तो, लोयन्तो उ वियाहिओ ॥६२॥

जोयणस्स उ जो तत्थ, कोसो उवरिमो भवे ।
तस्स कोसस्स छब्भाए, सिद्धाणोगाहणा भवे ॥६३॥

तत्थ सिद्धा महाभागा, लोगगम्मि पइट्टिया ।
 भवप्पवंचओ मुक्का, सिद्धि वरगइ गया ॥६४॥
 उस्सेहो जस्स जो होइ, भवम्मि चरिमम्मि उ ।
 तिभागहीणो तत्तो य, सिद्धाणोगाहणा भवे ॥६५॥
 एगत्तेण साईया, अपल्लवसियावि य ।
 पुहत्तेण अणाइया, अपल्लवसियावि य ॥६६॥
 अरुविणो जीवघणा, नाणदसणसन्निया ।
 अउल सुह सपन्ना, उवमा जस्स नत्थि उ ॥६७॥
 लोगेगदेसे ते सव्वे, नाणदंसणसन्निया ।
 ससारपारनित्थिण्णा, सिद्धि वरगइं गया ॥६८॥
 संसारत्था उ जे जीवा, दुविहा ते वियाहिया ।
 तसा य थावरा चेव, थावरा तिविहा त्तिहि ॥६९॥
 पुढवी आउजीवा य, तहेव य वणस्सई ।
 इच्चेए थावरा तिविहा, तैसि भेए सुणेह मे ॥७०॥
 दुविहा उ पुढवीजीवा, सुहुमा बायरा तथा ।
 पल्लत्तमपल्लत्ता, एवमेए दुहा पुणो ॥७१॥
 बायरा जे उ पल्लत्ता, दुविहा ते वियाहिया ।
 सणहा खरा य बोधव्वा, सणहा सत्तविहा त्तिहि ॥७२॥
 किण्हा नीला य रुहिरा य, हलिहा सुक्किला तथा ।
 पण्डुपणगमट्टिया, खरा छत्तीसइविहा ॥७३॥
 पुढवी य सक्करा बालुया य,
 उवले सिला य लोणूसे ।

अय-तम्ब तउय-सीसग,
रुप्प-सुवण्णे य वंडरे य ॥७४॥

हरियाले हिगुलए,
मणोसिला सासगंजण-पवाले ।

अव्भपडलढ्भवालय,
वायरकाए मणिविहाणे ॥७५॥

गोमेज्जए य रुयगे. अंके पलिहे य लोहियक्खे य ।
सरगय-मसारगल्ले. भुयमोयग-इन्दनीले य ॥७६॥

चन्दण रोख्य हंसगढ्मे, पुलए सोगन्धिए य दोघच्चे ।
चन्दप्पह-वेरुलिए, जलकन्ते सूरकते य ॥७७॥

एए खरपुढवीए, भेया छत्तीसमाहिया ।
एगविहमनाणत्ता, सुहुमा तत्तय वियाहिया ॥७८॥

सुहुमा य सव्वलोगम्मि, लोगदेसे य वायरा ।
इत्तो कालविभागं तु, वुच्छं तेसि चउद्विहं ॥७९॥

संतइं पप्पणाईया, अपज्जवसियावि य ।
ठिईं पडुच्च साईया, सपज्जवसियावि य ॥८०॥

बावीससहस्साइं, वासाणुक्कोसिया भवे ।
आउठिईं पुढवीणं. अन्तोमुहुत्तं जहन्निया ॥८१॥

असंखकालमुक्कोसं, अन्तोमुहुत्तं जहन्नय ।
कायठिईं पुढवीणं, तं कायं तु अमुंचओ ॥८२॥

अणन्तकालमुक्कोसं, अन्तोमुहुत्तं जहन्नयं ।
विजढम्मि सए काए, पुढविजीवाण अन्तरं ॥८३॥

एएसि वण्णप्रो चेव, गन्धत्रो रसफासत्रो ।
 संठाणादेसत्रो वावि, विहाणाइं सहस्ससो ॥८४॥
 दुविहा आउजीवा उ, सुहुमा बायरा तथा ।
 पल्लत्तमपल्लत्ता, एवमेव दुहा पुणो ॥८५॥
 बायरा जे उ पल्लत्ता, पचहा ते पकित्तिया ।
 सुद्धोदए य उस्से य, हरतणू महिया हिमे ॥८६॥
 एगविहमणाणत्ता, सुहुमा तत्थ वियाहिया ।
 सुहुमा सव्वलोगम्मि, लोगदेसे य बायरा ॥८७॥
 सतइ पप्पणाईया, अपल्लवसियावि ।
 ठिइं पडुच्चसाईया, सपज्जवसियावि य ॥८८॥
 सत्तेव सहस्साइं, वासाणुक्कोसिया भवे ।
 आउठिईं आऊण, अन्तोमुहुत्तं जहन्निया ॥८९॥
 असंखकालमुक्कोसं, अन्तोमुहुत्तं जहन्नय ।
 कायठिईं आऊणं, तं कायं तु अमुचत्रो ॥९०॥
 अणन्तकालमुक्कोस, अन्तो मुहुत्तं जहन्नयं ।
 विजढम्मि सए काए, आऊजीवाण अन्तर ॥९१॥
 एएसि वण्णत्रो चेव, गन्धत्रो रसफासत्रो ।
 संठाणादेसत्रो वावि, विहाणाइं सहस्ससो ॥९२॥
 दुविहा वणस्सईजीवा, सुहुमा बायरा तथा ।
 पल्लत्तमपल्लत्ता, एवमेव दुहा पुणो ॥९३॥
 बायरा जे उ पल्लत्ता, दुविहा ते वियाहिया ।
 साहारणसरीरा य, पत्तेगा य तहेव य ॥९४॥

पत्तेगसरीराश्रोऽण्गेगहा, ते पकित्तिया ।
 रक्खा गुच्छा य गुम्मा य, लया वत्ली तणा तथा ॥६५॥
 वलया पव्वगा' कुहुणा जलरुहा श्रोसही तथा ।
 हरियकाया बोधव्वा, पत्तेगा इह आहिया ॥६६॥
 साहारणसरीराश्रोऽण्गेगहा, ते पकित्तिया ।
 आलुए मूलए चेव, सिगवेरे तहेव य ॥६७॥
 हिरिली सिरिली सस्सरिली, जावई केयकन्दली ।
 पलण्डुलसणकन्दे य, कन्दली य कहुव्वए ॥६८॥
 लोहिणी हूयत्थी हूय, कुहगा य तहेव य ।
 कण्हे य वञ्जकन्दे य, कन्दे सूरणए तथा ॥६९॥
 अस्सकण्णी य बोधव्वा, सीहकण्णी तहेव य ।
 मुसुण्डी य हलिद्दा य, णेगहा एवमायश्रो ॥१००॥
 एगविहमणत्ता, सुहुमा तत्थ वियाहिया ।
 सुहुमा सव्वलोगम्मि, लोगदेसे य बायरा ॥१०१॥
 संतइ पप्पणाईया, अपञ्जवसियावि य ।
 ठिइ पडुञ्च साईया, सपञ्जवसियावि य ॥१०२॥
 दस चेव सहस्साईं, वासाणुक्कोसिया भवे ।
 वण्णफईण आउ तु अन्तोमुहुत्त जहन्निया ॥१०३॥
 अणन्तकालमुक्कोस, अन्तोमुहुत्त जहन्नयं ।
 कायठिई पणगाणं, त काय तु अमु'चश्रो ॥१०४॥
 असंखकालमुक्कोसं, अन्तोमुहुत्तं जहन्नयं ।
 विजढम्मि सए काए, पणगजीवाण अन्तरं ॥१०५॥

एएसिं वण्णओ चैव, गन्धओ रसफासओ ।
 सठाणादेसओ वावि, विहाणाइं सहस्सतो ॥१०६॥
 इच्चेए थावरा तिविहा, समासेण वियाहिया ।
 इत्तो उ तसे तिविहे, वुच्छामि अणुपुव्वसो ॥१०७॥
 तेऊ वाऊ य बोधव्वा, उराला य तसा तथा ।
 इच्चेए तसा तिविहा, तेसिं भेए सुणेह मे ॥१०८॥
 दुविहा तेउजीवा उ, सुहुमा वायरा तथा ।
 पज्जत्तमपज्जत्ता, एवमेए दुहा पुणो ॥१०९॥
 वायरा जे उ पज्जत्ताऽणेगहा ते वियाहिया ।
 इगाले मुम्मुरे अगणी, अस्सिजाला तहेव य ॥११०॥
 उक्का विज्जू य बोधव्वा णेगहा एवमायओ ।
 एगविहमणाणत्ता, सुहुमा ते वियाहिया ॥१११॥
 सुहुमा सच्चलोगम्मि, लोगदेसे य वायरा ।
 इत्तो कालविभाग तु, तेसिं वुच्छं चउन्विह ॥ ११२ ॥
 सतइ पप्पऽणाईया, अपज्जवसियावि य ।
 ठिइ पडुच्च साइया सपज्जवसियावि य ॥११३॥
 तिण्णेव अहोरत्ता, उक्कोसेण वियाहिया ।
 आउठिई तेऊणं, अन्तोमुहुत्तं जहन्निया ॥११४॥
 असंखकालमुक्कोस, अन्तोमुहुत्तं जहन्नय ।
 कायठिई तेऊणं, त कायं तु अमूचओ ॥११५॥
 अणन्तकालमुक्कोस, अन्तोमुहुत्तं जहन्नय ।
 विजढम्मि सए काए, तेऊजीवाण अन्तर ॥११६॥

एर्णसि वण्णओ चेव, गन्धओ रसफासओ ।
 सठाणदेसओ वावि, विहाणाइं सहस्ससो ॥११७॥
 दुविहा वाउजीवा उ, सुहुमा वायरा तथा ।
 पज्जत्तमपज्जत्ता, एवमेए दुहा पुणो ॥११८॥
 वायरा जे उ पज्जत्ता, पञ्चहा ते पकित्तिया ।
 उक्कलिया मण्डलिया, घणगुज्जा सुद्धवाया य ॥११९॥
 सवट्टगवाये य, णोगहा एवमायओ ।
 एगविहमणाणत्ता, सुहुमा तत्थ वियाहिया ॥१२०॥
 सुहुमा सव्वलोगम्मि, लोगदेसे य वायरा ।
 इत्तो कालविभाग तु, तेसि बुच्छं चउव्विहं ॥१२१॥
 सन्तइ पप्पणाईया, अपज्जवसियावि य ।
 ठिइ पडुच्च साईया, सपज्जवसियावि य ॥१२२॥
 तिण्णेव सहस्साइ, वासाणुक्कोसिया भवे ।
 आउठिई वाऊणं, अन्तोमुहुत्त जहन्निया ॥१२३॥
 असखकालमुक्कोसं, अन्तोमुहुत्त जहन्नयं ।
 कायठिई वाऊणं, त काय तु अमुंचओ ॥१२४॥
 अणन्तकालमुक्कोस, अन्तोमुहुत्तं जहन्नय ।
 विजढम्मि सए काए, वाऊजीवाण अन्तरं ॥१२५॥
 एर्णसि वण्णओ चेव, गन्धओ रसफासओ ।
 सठाणदेसओ वावि, विहाणाइ सहस्ससो ॥१२६॥
 उराला तसा जे उ, चउहा ते पकित्तिया ।
 वेइन्दिया-तेइन्दिया-चउरो पचिन्दिया तथा ॥१२७॥

वेइन्दिया उ जे जीवा, दुविहा ते पकित्तिया ।
 पञ्जत्तपमञ्जत्ता, तेसिं भेए सुणेह मे ॥१२८॥
 किमिणो सोमञ्जला चेव, अलसा साइवाहया ।
 वासीमुहा य सिप्पिया, सखा सखणगा तथा ॥१२९॥
 पल्लोयाणुल्लया चेव, तहेव य वराडगा ।
 जलुगा जालगा चेव, चन्दणा य तहेव य ॥१३०॥
 इह वेइन्दिया, एएऽणंगहा एवमायओ ।
 लोगेगदेसे ते सव्वे, न सव्वत्थ वियाहिया ॥१३१॥
 सतइ पप्पऽणाईया अपञ्जवसियावि य ।
 ठिइ पडुच्च साईया, सपज्जवसियावि य ॥१३२॥
 वासाइ बारसा चेव, उक्कोसेण वियाहिया ।
 वेइन्दिय आउठिई अन्तोमुहुत्त जहन्निया ॥१३३॥
 सखिञ्जकालमुक्कोस, अन्तोमुहुत्त जहन्नय ।
 वेइन्दियकायठिई, त कायं तु अमू चओ ॥१३४॥
 अणन्तकालमुक्कोस, अन्तोमुहुत्त जहन्नयं ।
 वेइन्दियजीवाणं, अन्तर च वियाहिय ॥१३५॥
 एएसिं वण्णओ चेव, गन्धओ रसफासओ ।
 सठाणादेसओ वावि, विहाणाइ सहस्ससो ॥१३६॥
 तेइन्दिया उ जे जीवा, दुविहा ते पकित्तिया ।
 पज्जत्तमपञ्जत्ता, तेसिं भेए सुणेह मे ॥१३७॥
 कुन्थुपिवील्लिउड्डसा, उक्कलुद्देहिया तथा ।
 तणहारकट्टहारा य, मालुगा पत्तहारगा ॥१३८॥

कप्पासट्टिमिजा य, तिदुगा तउसामजगा ।
 सदावरी य गुम्मी य, बोवच्चा इन्दगाइया ॥१३६॥
 इन्दगोवगमाईया णेगहा एवमायओ ।
 लोगेगदेसे ते सव्वे, न सव्वत्थ वियाहिया ॥१४०॥
 सतइं पप्पऽणाईया, अपज्जवसियावि य ।
 ठिइं पडुच्च साईया, सपज्जवसियावि य ॥१४१॥
 एगूणपण्णहोरत्ता, उक्कोसेण वियाहिया ।
 तेइन्दियआउठिई, अन्तोमुहुत्तं जहन्निमा ॥१४२॥
 संखिज्जकालमुक्कोस, अन्तोऽुहुत्तं जहत्तयं ।
 तेइन्दियकायठिई, त कायं तु अमुचओ ॥१४३॥
 अणन्तकालमुक्कोस, अन्तोमुहुत्तं जहत्तयं ।
 तेइन्दियजीवाण, अतर तु वियाहियं ॥१४४॥
 एएंसि वण्णओ चेव, गन्धओ रसफासओ ।
 सठाणादेसओ वावि, विहाणाइं सहस्ससो ॥१४५॥
 चउरिन्दिया उ जे जीवा, दुविहा ते पकित्तिया ।
 पज्जत्तमपज्जत्ता, तेसि भेए सुणेह मे ॥१४६॥
 अन्धिया पोत्तिया चेव, मच्छिया मसगा-तर्हा ।
 भमरे कीडपयगे य, ढिकुणे ककणे तथा ॥१४७॥
 कुक्कुडे सिंगिरीडी य, नन्वावत्ते य विच्छुए ।
 डोले भिगीरीडी य, विरिली अच्छिवेहए ॥१४८॥

अच्छिले माहए अच्छिरोडए,
 विचित्ते चित्तपत्तए ।

उहिंजलिया जलकारी य,
नीया तन्तवयाइया ॥१४६॥

इय चउरिन्दिया एए, ऽणगेहा एवमायओ ।
लोगेगदेसे ते सव्वे, न सव्वत्थ वियाहिया ॥१५०॥

सतइ पप्पऽणाईया, अपल्लवसिया वि य ।
ठिइ पडुच्च साईया, सपल्लवसिया वि य ॥१५१॥

छस्सेव मासाउ, उक्कोसेण वियाहिया ।
चउरिन्दिय आउठिई, अन्तोमुहुत्तं जहन्निया ॥१५२॥

सखिण्णकालमुक्कोस, अन्तोमुहुत्तं जहन्नयं ।
चउरिन्दियकायठिई, तं कायं तु अमुचओ ॥१५३॥

अणन्तकालमुक्कोस, अन्तोमुहुत्तं जहन्नय ।
चउरिन्दियजीवाणं, अन्तरं च वियाहिय ॥१५४॥

एएसि वण्णओ चेव, गन्धओ रसफासओ ।
संठाणा देसओ वावि, विहाणाइ सहस्ससो ॥१५५॥

पंचिन्दिया उ जे जीवा, चउव्विहा ते वियाहिया ।
नेरइयतिरिक्खा य, मणुया देवा य आहिया ॥१५६॥

नेरइया सत्तविहा, पुढवीसु सत्तसु भवे ।
रयणाभ-सक्काराभा, बालुयाभा य आहिया ॥१५७॥

पकाभा धूमाभा, तमा तमतमा तहा ।
इइ नेरइया एए, सत्तहा परिकित्तिया ॥१५८॥

• तववगाहया । २ लोगस्स एया देसम्मि, ते सव्वे परिकित्तिमा ।

लोगस्स एगदेसम्मि, ते सव्वे उ वियाहिया ।
 एत्तो कालविभागं तु, वोच्च तेसिं जउव्विह ॥१५६॥
 संतइ पप्पाऽणाईया, अपज्जवसियावि य ।
 ठिइं पडुच्च साइया, सपज्जवसियावि य ॥१६०॥
 सागरोवममेग तु उक्कोसेण वियाहिया ।
 पढमाए जहन्नेण, दसवाससहस्सिया ॥१६१॥
 तिण्णेव सागरा उ, उक्कोसेण वियाहिया ।
 दोच्चाए जहन्नेणं, एग तु सागरोवम ॥१६२॥
 सत्तेव सागरा उ, उक्कोसेण वियाहिया ।
 तइयाए जहन्नेण, तिण्णेव सागरोवमा ॥१६३॥
 दस सागरोवमा उ, उक्कोसेण वियाहिया ।
 चउत्थीए जहन्नेणं, सत्तेव सागरोवमा ॥१६४॥
 सत्तरस सागरा उ, उक्कोसेण वियाहिया ।
 पचमाए जहन्नेण, दस चेव सागरोवमा ॥१६५॥
 बावीस सागरा उ, उक्कोसेण वियाहिया ।
 छट्ठीए जहन्नेण सत्तरस सागरोवमा ॥१६६॥
 तेत्तीस सागरा उ, उक्कोसेण वियाहिया ।
 सत्तमाए जहन्नेण, बावीस सागरोवमा ॥१६७॥
 जा चेव य आउठिई, नेरइयाण वियाहिया ।
 सा तेसिं कायठिई, जहन्नुक्कोसिया भवे ॥१६८॥
 अणन्तकालमुक्कोस, अन्तोमुहुत्त जहत्तयं ।
 विजडम्मि सए काए, नेरइयाणं तु अन्तर ॥१६९॥

एएंसि वण्णओ चेव, गन्धओ रसफासओ ।
सठाणा देसओ वावि, विहाणाइ सहस्ससो ॥१७०॥

पच्चिन्दियतिरिक्खाओ,
दुविहा ते वियाहिया ।

समुच्छिमतिरिक्खाओ,
गम्भवक्कन्तिया तथा ॥१७१॥

दुविहा ते भवे तिविहा, जलयरा थलयरा तथा ।
नहयराय बोधव्वा, तेसि भेए सुणेह मे ॥१७२॥

मच्छा य कच्छभा य, गाहा मगरा तथा ।
सुसुमारा य बोधव्वा, पचहा जलयराहिया ॥१७३॥

लोगेगदेसे ते सव्वे, न सव्वत्थ वियाहिया ।
एत्तो काल विभाग तु, वोच्छ तेसि चउच्चिह ॥१७४॥

सतइ पप्पणाईया, अपज्जवसिया वि य ।
ठिइ पडुच्च साईया, सपज्जवसिया वि य ॥१७५॥

एगा य पुव्वकोडी, उक्कोसेण वियाहिया ।
आउठिई जलयराण, अन्तोमुहुत्त जहन्नय ॥१७६॥

पुव्वकोडिपुहुत्त तु, उकोसेण वियाहिया ।
कायठिई जलयराण अन्तोमुहुत्त जहन्नय ॥१७७॥

अणन्तकालमुक्कोस, अन्तोमुहुत्त जहन्नय ।
विजढम्मि सए काए, जलयराण तु अन्तर ॥१७८॥

(एएंसि वण्णओ चेव, गन्धओ रसफासओ ।
सठाणादेसओ वावि, विहाणाइ सहस्सओ ॥)

चउप्पया य परिसप्पा, दुविहा थलयरा भवे ।
 चउप्पया चउविहा उ, ते मे कित्तयओ सुण ॥१७६॥
 एगखुरा दुखुरा चेव, गण्डीपय सणहप्पया ।
 हयमाइ - गोणमाइ - गयसाइ - सीहमाइणो ॥१८०॥
 भुओरोगपरिसप्पा य, परिसप्पा दुविहा भवे ।
 गोहाई अहिमाई य, एक्केक्काणंगहा भवे ॥१८१॥
 लोगेगदेसे ते सव्वे, न सव्वत्थ वियाहिया ।
 एत्तो कालविभागं तु, वोच्छं तेसि चउव्विह ॥१८२॥
 सतइ पप्पणाईया, अपज्जवसिया वि य ।
 ठिइ पडुच्च साईया, सपज्जवसिया वि य ॥१८३॥
 पलिओवमाइं तिण्णि उ, उक्कोसेण वियाहिया ।
 आउठिई थलयराण, अन्तोमुहुत्तं जहन्निया ॥१८४॥
 पलिओवमाई तिण्णि उ, उक्कोसेण वियाहिया ।
 कायठिई थलयराण अन्तो मुहुत्तं जहन्निया ॥१८५॥
 कालमणन्तमुक्कोस, अन्तोमुहुत्तं जहन्नय ।
 विजढम्मि सए काए, थलयराणं तु अन्तर ॥१८६॥
 चम्मे उ लोमपक्खी य,
 तइया समुग्गपदिक्खया ।
 विययपक्खी य बोधव्वा,
 पक्खिणो य चउव्विहा ॥१८७॥
 लोगेगदेसे ते सव्वे, सव्वत्थ वियाहिया ।
 इत्तो कालविभाग तु, वोच्छं तेसि चउव्विह ॥१८८॥
 सतइं पप्पणाईया, अपज्जवसिया वि य ।
 ठिइ पडुच्च साईया, सपज्जवसिया वि य ॥१८९॥

पलिओवमस्स भागो, अत्तखेज्जइमो भवे ।
 आउठिई खहयराण, अन्तोमुहुत्त जहन्निया ॥१६०॥
 असखभाग पलियस्स, उक्कोसेण उ साहिया ।
 पुव्वकोडिपुहुत्त, अन्तोमुहुत्त जहन्निया ॥१६१॥
 कायठिई खहयराण, अन्तर तेसिम भवे ।
 अणन्तकालमुक्कोस, अन्तोमुहुत्त जहन्नय ॥१६२॥
 एएसि वण्णओ चेव, गन्धओ रसफासओ ।
 संठाणादेसओ वावि, विहाणाइ सहस्ससो ॥१६३॥
 मणुया द्रुविहभेया उ, ते मे कित्तयओ सुण ।
 समुच्छिमा य मणुया, गढभवक्कन्तिया तथा ॥१६४॥
 गढभवक्कन्तिया जे उ, तिविहा ते वियाहिया ।
 कम्मअकम्मभूमा य, अन्तरद्दीवया तथा ॥१६५॥
 पन्नरस तीसविहा, भेया अट्टवीसइं ।
 सखा उ कमसो तेसि, इइ एसा वियाहिया ॥१६६॥
 समुच्छिमाण एसेव, भेओ होइ वियाहिओ ।
 लोगस्स एगदेसम्मि, ते सव्वे वि वियाहिया ॥१६७॥
 सतइ पण्णणाईया, अपज्जवमियावि य ।
 ठिइ पडुच्च साईया, सपज्जवसियावि य ॥१६८॥
 पलिओवमाइ तिण्णिवि, उक्कोसेण वियाहिया ।
 आउट्टिई मणुयाण, अन्तोमुहुत्त जहन्निया ॥१६९॥
 पलिओवमाइ तिण्णि उ, उक्कोसेण वियाहिया ।
 पुव्वकोडिपुहुत्तेण, अन्तोमुहुत्त जहन्नय ॥२००॥

कायठिई मणुयाणं, अन्तर तेसिम भवे ।
 अणन्तकालमुक्कोसं, अन्तोसुहुत्तं जहन्त्य ॥२०१॥
 एएंसि वण्णओ चेव, गन्धओ रसफासओ ।
 संठाणादेसओ वावि, विहाणाइं सहस्ससो ॥२०२॥
 देवा चउव्विहा वुत्ता, ते मे कित्तयओ सुण ।
 भोमिञ्ज वाणमन्तर-जोइस-वेमाणिया तथा ॥२०३॥
 दसहा उ भवणवासी, अट्टहा वणचारिणो ।
 पंचविहा जोइसिया, दुविहा वेमाणिया तथा ॥२०४॥

असुरा नागसुवण्णा,
 विञ्जू अग्गी वियाहिया ।
 दीवोदहिदिसा वाया,
 थणिया भवणवासिणो ॥२०५॥
 पिसायभूया जक्खा य,
 रक्खसा किन्नरा किंपुरिसा ।
 महोरगा य गन्धव्वा,
 अट्टविहा वाणमन्तरा ॥२०६॥
 चन्दा सूरा य नक्खत्ता,
 गहा तारागणा तथा ।
 ठिया' विचारिणो चेव,
 पचहा जोइसालया ॥२०७॥

वेमाणिया उ जे देवा, दुविहा ते वियाहिया ।
 कप्पोवगा य बोधव्वा, कप्पाईया तहेव य ॥२०८॥
 कप्पोवगा बारसहा, सोहम्मीसाणगा तथा ।
 सणंकुमारमाहिन्दा, बम्भलोगा य लन्तगा ॥२०९॥

महासुक्ता सहस्रसारा, आणया पाणया तथा,
आरणा अच्युया चैव, इइ कप्पोवगा सुरा ॥२१०॥

कप्पाईया उ जे देवा, दुविहा ते वियाहिया ।
गेविज्जगाणुत्तरा चैव, गेविज्जा नवविहा तहिं ॥२११॥

हेट्टिमाहेट्टिमा चैव, हेट्टिमा मज्झिमा तथा ।
हेट्टिमाउवरिमा चैव, मज्झिमाहेट्टिमा तथा ॥२१२॥

मज्झिमामज्झिमा चैव,
मज्झिमाउवरिमा तथा ।

उवरिमाहेट्टिमा चैव,
उवरिमामज्झिमा तथा ॥२१३॥

उवरिमाउवरिमा चैव, इय गेविज्जगा सुरा ।
विजया वेजयन्ता य, जयन्ता अपराजिया ॥२१४॥

सव्वत्थसिद्धगा चैव, पचहाणुत्तरा सुरा ।
इय वेमाणिया एएणगेहा एवमायओ ॥२१५॥

लोगस्स एगदेसम्मि, ते सव्वेवि वियाहिया ।
इत्तो कालविभाग तु, वुच्छ तेसि चउव्विह ॥२१६॥

संतइ पप्पणाईया, अपज्जवसियावि य ।
ठिइ पडुच्च साइया, सपज्जवसियावि य ॥२१७॥

साहिय सागरं एक्क उक्कोसेण ठिई भवे ।
भोमेज्जाण जहन्नेण, दसवांससहस्सिया ॥२१८॥

(पलिओवम दो ऊणा, उक्कोसेण वियाहिया ।
असुरिन्दवज्जेताण, जहन्ना दमनहस्सगा ॥)

पलिओवममेग तु, उक्कोसेण ठिई भवे ।
 वन्तराण जहन्नेणं, दसवाससहस्सिया ॥२१६॥
 पलिओवममेग तु, वासलवखेण साहियं ।
 पलिओवमट्टभागो, जोइसेसु जहन्निया ॥२२०॥
 दो चेव सागराइं, उक्कोसेण वियाहिया ।
 सोहम्मम्मि जहन्नेणं, एगं च पलिओवम ॥२२१॥
 सागरा साहिया दुन्नि, उक्कोसेण वियाहिया ।
 ईसाणम्मि जहन्नेणं, साहियं पलिओवम ॥२२२॥
 सागराणि य सत्तेव, उक्कोसेण ठिई भवे ।
 सणकुमारे जहन्नेणं, दुन्नि उ सागरोवमा ॥२२३॥
 साहिया सागरा सत्त, उक्कोसेण ठिई भवे ।
 साहिन्दम्मि जहन्नेण, साहिया दुन्नि सागरा ॥२२४॥
 दस चेव सागराइ. उक्कोसेण ठिई भवे ।
 बम्भलोए जहन्नेण सत्त उ सागरोवमा ॥२२५॥
 चउदससागराइं, उक्कोसेण ठिई भवे ।
 लन्तगम्मि जहन्नेणं, दस उ सागरोवमा ॥२२६॥
 सत्तरमसागराइ, उक्कोसेण ठिई भवे ।
 महासुक्के जहन्नेण, चोदस सागरोवमा ॥२२७॥
 अट्टारस सागराइ, उक्कोसेण ठिई भवे ।
 सहस्सारम्मि जहन्नेणं, सत्तरस सागरोवमा ॥२२८॥
 सागरा अउणवीसं तु, उक्कोसेण ठिई भवे ।
 आणयम्मि जहन्नेणं, अट्टारस सागरोवमा ॥२२९॥

वीस तु सागराइ, उक्कोसेण ठिई भवे ।
 पाणयम्मि जहन्नेण, सागरा अउणवीसई ॥२३०॥
 सागरा इक्कवीस तु, उक्कोसेण ठिई भवे ।
 आरणम्मि जहन्नेण, वीसई सागरोवमा ॥२३१॥
 बावीसं सागराइ, उक्कोसेण ठिई भवे ।
 अरुचुयम्मि जहन्नेण, सागरा इक्कवीसई ॥२३२॥
 तेवीससागराइ उक्कोसेण ठिई भवे ।
 पढमम्मि जहन्नेण, बावीस सागरोवमा ॥२३३॥
 चउवीसं सागराइ, उक्कोसेण ठिई भवे ।
 बिइयम्मि जहन्नेणं, तेवीस सागरोवमा । २३४॥
 पणवीस सागराइ, उक्कोसेण ठिई भवे ।
 तइयमि जहन्नेण, चउवीस सागरोवमा ॥२३५॥
 छवीसं सागराइ, उक्कोसेण ठिई भवे ।
 चउत्थम्मि जहन्नेण, सागरा पणवीसई ॥२३६॥
 सागरा सत्तवीस तु, उक्कोसेण ठिई भवे ।
 पञ्चमम्मि जहन्नेण, सागरा उ छवीसई ॥२३७॥
 सागरा अट्टवीस तु, उक्कोसेण ठिई भवे ।
 छट्ठम्मि जहन्नेण, सागरा सत्तवीसई ॥२३८॥
 सागरा अउणतीस तु, उक्कोसेण ठिइ भवे ।
 सत्तमम्मि जहन्नेण, सागरा अट्टवीसई ॥२३९॥
 तीस तु सागराइ, उक्कोसेण ठिई भवे ।
 अट्टमम्मि जहन्नेण, सागरा अउणतीसई ॥२४०॥

सागरा इक्कतीस तू, उक्कोसेण ठिई भवे ।
 नवमम्मि जहन्नेण, तीलई सागरोवमा ॥२४१॥
 तेत्तीसा सागराई, उक्कोसेण ठिई भवे ।
 चउत्तुपि विजयाईसु, जहन्नेणेक्कतीसई ॥२४२॥
 अजहन्नमणुक्कोस, तेत्तीसं सागरोवमा ।
 महाविमाणे सव्वट्टे, ठिई एसा वियाहिया ॥२४३॥
 जा चेव उ आउठिई, देवाण तु वियाहिया ।
 सा तेसिं कायठिई, जहन्नमुक्कोसिया भवे ॥२४४॥
 अणन्तकालमुक्कोसं, अन्तोमुहुत्त जहन्नय ।
 विजदम्मि सए काए, देवाणं हुज्ज अन्तर ॥२४५॥
 एएंसि वण्णओ चेव, गन्धओ रसफासओ ।
 सठाणादेसओ वावि, विहाणाइ सहस्ससो ॥२४६॥
 (अणन्तकालमुक्कोसं, वासपुहुत्तं जहन्नग ।
 आणयाई कप्पाण गेविज्जाण तु अन्तर ॥
 संखिज्जसागरुक्कोसं, वासपुहुत्तं जहन्नग ।
 अणुत्तराण य देवाणं अन्तर तु वियाहिया)
 ससारत्था य सिद्धा य, इय जीवा वियाहिया ।
 हविणो चेवऽहवी य, अजीवा इविहावि य ॥२४७॥
 इय जीवमजीवे य, सोच्चा सद्विहण य ।
 सव्वनयाणमणुमए, रमेज्ज सजमे मुणी ॥२४८॥
 तओ वहूणि वासाणि, सामण्णमणुपालिय ।
 इमेण कमजोगेण, अप्पाण सलिहे मुणी ॥२४९॥
 वारसेव उ वासाइ, सलेहुक्कोसिया भवे ।
 संवरच्छरमज्झिमिया, छम्मासा य जहन्निया ॥२५०॥

पढमे वासचउक्कम्मि, विगई-निज्जूहण करे ।
 विईए वासचउक्कम्मि, विवित्त तु तव चरे ॥२५१॥
 एगन्तरमायाम कट्टु, सवच्छरे दुवे ।
 तओ सवच्छरद्ध तु, नाइविगिट्टु तव चरे ॥२५२॥
 तओ सवच्छरद्ध तु, विगिट्टु तु तव चरे ।
 परिमिय चेव श्रायाम, तम्मि सवच्छरे करे ॥२५३॥
 कोडो सहियमायाम, कट्टु सवच्छरे मुणो ।
 मासद्धमासिएण तु, आहारेण तव चरे ॥२५४॥

कन्दप्पमाभिओग च,
 किन्विसिय मोहमासुरत्तं च ।

एयाउ दुगईओ,
 मरणम्मि विराहिया हुन्ति ॥२५५॥

मिच्छादसणरत्ता, सनियाणा उ हिंसया ।
 इय जे मरन्ति जीवा, तेसि पुण दुल्लहा बोही ॥२५६॥
 सम्मद्द सणरत्ता, अनियाणा सुक्कलेसमोगाढा ।
 इय जे मरन्ति जीवा, तेसि सुलहा भवे बोही ॥२५७॥

मिच्छादसणरत्ता,
 सनियाणा कण्हलेसमोगाढा ।

इय जे मरन्ति जीवा,
 तेसि पुण दुल्लहा बोही ॥२५८॥

जिणवयणे अणुरत्ता, जिणवयण जे करेन्ति भावेण ।
 अमत्ता असकिलिद्धा, ते हुन्ति परित्तससारी ॥२५९॥

बालमरणाणि बहुसो,
 अकाममरणाणि चैव य बहूणि ।
 मरिहन्ति ते वराया,
 जिणवयणं जे न जाणन्ति ॥२६०॥

बहुआगमविज्ञाणा, समाहिउप्पायगा य गुणगाही ।
 एएण कारणेणं, अरिहा आलोयण सोउं ॥२६१॥
 कन्दप्पकुक्कुराइ, तह सीलसहाव-हसणविगहाइ ।
 विम्हावेन्तोवि पर, कन्दप्प भावणं कुणइ ॥२६२॥
 मन्ताज्जोग काउ, भूइकम्म च जे पउजन्ति ।
 साय-रस-इड्डिहेउ, अभिआगं भावण कुणइ ॥२६३॥
 नाणस्स केवलीण, धम्मायरियस्स सघसाहूण ।
 माई अवण्णवाई, किंविंसिय भावणं कुणइ ॥२६४॥
 अणुबद्धरोसपसरो, तह य निमित्तम्मि होइ पडिसेवी ।
 एएहि कारणोह, आसुरिय भावण कुणइ ॥२६५॥

सत्थगहण विसभवखण च,
 जलणं च जलपवेसो य ।

अणायार-भण्डसेवी,

जम्मणमरणाणि बधन्ति ॥२६६॥

इय पाउकरे बुद्धे, नायए परिनिव्वुए ।

छत्तीस उत्तरज्झाए, भवसिद्धियसवुडे' त्ति बेमि ॥ २६७॥

॥ इयं जीवाजीवविभती णाम छत्तीसइम अज्भयण समत्त ॥३६॥

॥ उत्तरज्भयणसुत्तं समत्तं ॥

सिरी नंदीसुत्तं



जयइ जगजीवजोणी-वियाणओ जगगुरू जगाणदो ।
जमणाहो जगवधू, जयइ जगप्पियामहो भयव ॥१॥
जयइ सुआण पभवो, तित्थयराण अपच्छिमो जयइ ।
जयइ गुरू लोगाण, जयइ महप्पा महावीरो ॥२॥
भद्दं सव्वजगुल्लोयगस्स, भद्दं जिणस्स वीरस्स ।
भद्दं सुरासुरनमसियस्स, भद्दं धुरयस्स ॥३॥
गुणभवणगहण सुययण-भरिय दसणविसुद्धरत्थामा ।
सघनगर ! भद्दं ते, अखडचारित्तपागारा ॥४॥
सजम-तव-तु वारयस्स, नमो सम्मत्तपारियल्लस्स ।
अप्पडिचक्कस्स जओ, होउ सया सघचक्कस्स ॥५॥
भद्दं सीलपडागूसियस्स, तवनियमतुरयजुत्तस्स ।
सघरहस्स भगवओ, सज्जायसुनन्दिघोसस्स ॥६॥
कम्मरयजलोहविणग्गयस्स, सुययणदोहनालस्स ।
पच्च महव्वयथिरकन्नियस्म, गुणकेसरालस्स ॥७॥
सावगजणमहुअर'-परिवुडस्स, जिणसूतेयवुद्धस्स ।
सघपडमस्स भद्दं, समणगणसहस्सपत्तस्स ॥८॥
तवसजममयलद्धण, अकिरियराहुमुहुद्धरिस्स निच्च ।
जय सघचद निम्मलसम्मत्तविसुद्धजोणहागा ॥९॥

१. महुअरि

परतित्थिद्यगहपहनासगस्स, तवतेयदित्तलेसस्स ।
 नाणुज्जोयस्स जए ! भद्द दमसघसूरस्स ॥१०॥
 भद्द धिइवेलापरिगयस्स, सज्जायजोगमगरस्स ।
 अक्खोहस्स भगवओ, संघसमुद्दस्स रुदस्स ॥११॥
 सम्मदसण-वरवइर-दढरूढगाढा-वगाढ-पेढस्स ।
 घम्मवर-रयणमडिय-चामीयर-मेहलागस्स ॥१२॥
 नियमूसियकणयसिलादलुज्जल-जलतचित्तकूडस्स ।
 नदणवणमणहर-सुरभिसील गधुद्धुमायस्स ॥१३॥
 जीवदयासुं दरकदरुद्धरियमुणिवरमइदइन्नस्स ।
 हेउसय-घाउ-पगलंत-रयणदित्तोसहि-गुहस्स ॥१४॥
 संवरवरजलपगलियउज्जरपविरायमाणहारस्स ।
 सावगजण-पउररवत-मोरनच्चत-कुहरस्स ॥१५॥
 विणयनयपवरमुणिवरफुरतविज्जुज्जलतसिहरस्स ।
 विविहगुणकप्परुक्खगफलभरकुसुमाउलवणस्स ॥१६॥
 नाणवररयणदिप्पंत-कतवेरुलिय-विमलचूलस्स ।
 वंदामि विणयपणओ, सघमहामदरगिरिस्स ॥१७॥
 ॐगुणरयणुज्जलकडय, सीलसुगधि-तवमडिउद्देसं ।
 सुयवारसगसिहर सघमहामंदरं वदे ! ॥१८॥
 ॐनगररहचक्कपउमे, चदे सूरे समुद्दमेरुम्मि ।
 जो उवमिज्जइ सयय, त सघगुणायरं वदे ॥१९॥
 [वदे] उसभ अजिय, सभवमभिनंदणसुमइसुप्पभसुपासं ।
 ससिपुप्फदतसीयलसिज्जसं वासुपुज्ज च ॥२०॥

ॐटीकायां तु न ।

विमलमणत य धम्म, सन्ति कु थं अर च मल्लि च ।
 मुनिसुव्वयनमिनेमि, पास तह वद्धमाण च ॥२१॥
 पढमित्थ इदभूई, वीए पुण होइ अग्गिभूइत्ति ।
 तइए य वाउभूई, तओ वियत्ते सुहम्मे य ॥२२॥
 मडिअ-मोरियपुत्ते, अकपिए चेव अयलभाया य ।
 मेअज्जे य पहासे, गणहरा हु ति वीरस्स ॥२३॥
 निव्वुइपहसासणय, जयइ सया सव्वभावदेसणय ।
 कुसमयमयनासणय, जिणंदवरवीरसासणय ॥२४॥
 सुहम्म अग्गिवेसाण, जवुनाम च कासव ।
 पभवं कच्चायण वन्दे! वच्छ सिज्ज भव तथा ॥२५॥
 जसभद्द तु गिय वन्दे, समुय चेव माढर ।
 भद्दबाहु च पाइन्न, थूलभद्द च गोयमं ॥२६॥
 एलावसुसगोत्त, वन्दामि महागिरि सुहत्थि च ।
 तत्तो कोसियगोत्त, बहुलस्स सरिव्वय वन्दे ॥२७॥
 हारियगुत्त साइ च, वन्दिमो हारिय च सामज्ज ।
 वन्दे कोसियगोत्त, सडिल्ल अज्जजीयधर ॥२८॥
 तिसमुद्दखायकित्ति, दीवसमुद्दे सु गहियपेयाल ।
 वन्दे अज्जसमुद्द, अक्खुभियसमुद्दगभीर ॥२९॥
 भणग करगं भरग, पभावग णाण-दसणगुणाण ।
 वन्दामि अज्जमगु, सुयसागरपारग धीर ॥३०॥
 अज्जवन्दामि अज्जधम्म, तत्तो वन्दे य भद्दगुत्त च ।
 तत्तो य अज्जवइर तवनियमगुणेहि वइरसम ॥३१॥
 एतच्चिन्हिनास्तु टीकाया न वत्तन्ते ।

ॐ वन्दामि अञ्जरद्विखयखमणे. रद्विखय चरित्तसद्वत्से ।
 रयणकरडंगभूओ, अणुओगो रद्विखओ जेहि ॥३२॥
 नाणम्मि दंसणम्मि य, तवविणए णिञ्जकालमुज्जुत्तं ।
 अज्जं नंदिलखमणं, सिरसा वदे पत्तमणं ॥३३॥
 वड्डु उ वायगवसो जसवंसो अज्जनागहत्थीण ।
 वागरणकरणभंगिय, कम्मपयडोपहाणाण ॥३४॥
 जच्चजणधाउ-समपहाणमुद्धिय-कुवलयनिहाण ।
 वड्डु उ वाययवसो - रेवइनवत्तनामाण ॥३५॥
 अयलपुरा णिवत्ते, कालियसुयअणुओगिए धीरे ।
 बंभहीवगसीहे, वायगपयमुत्तमं पत्ते ॥३६॥
 जेसि इमो अणुओगो, पयरइ अज्जावि अड्डुभरहम्मि ।
 बहुनयरनिग्गयजसे, से वदे खदिलायरिए ॥३७॥
 तत्तो हिमवंतमहंतविक्कमे, धिइपरक्कममणंते ।
 सज्जायमणतधरे, हिमवते वदिमो सिरसा ॥३८॥
 कालियसुय-अणुओगस्स धारए, धारए य पुव्वाणं ।
 हिमवतखमासमणे, वदे णागज्जुणायरिये ॥३९॥
 मिउमह्वसंपन्ने, अणुपुण्वि^१ वायगत्तण पत्ते ।
 ओहसुय समायारे, नागज्जुणवायए वदे ॥४०॥
 *गोविवाण पि नमो, अणुओगविउलधारिणिदाणं ।
 णिच्च खंतिदयाण, परूवणे दुल्लभिदाण ॥४१॥
 *तत्तो य सूयदिन्त निच्चं, तव संजमे अनिव्विण्णं ।
 पंडियजण सामण्णं, वंदामि सजमविहिण्णुं ॥४२॥

वरकणगतविय-धंपगविमउलवरकमल-गब्भसरिवस्से ।
 भवियजणहिययदइए, दयागुणविसारए घीरे ॥४३॥
 अड्डभरहप्पहाणे, बहुविहसज्झायसुमुणिय पहाणे ।
 अणुओगियवरवसभे, नाइलकुलवस-नंदिकरे ॥४४॥
 जगभूयहियपगब्भे', वदेऽहं भूयदिन्नमायरिए ।
 भव-भववुच्चैयकरे, सीसे नागज्जुणरिसीणं ॥४५॥
 सुमुणियनिच्चानिच्चं, सुमुणिय सुत्तत्थधारयं वन्दे ।
 सन्भावुब्भवावणया', तत्थ लोहिच्चणामाण ॥४६॥
 अत्थमहत्थक्खाणि, सुसमणनक्खाणकहणनिव्वाणि ।
 पयईए महुरवाणि पयओ पणमामि दूसर्गणि ॥४७॥
 तवनियम-सच्च-संजम-विणयज्जव-खंतिमद्दव-रयाणं ।
 सील गुणगद्दियाण, अणुओगजुगप्पहाणाणं ॥४८॥
 सुकुमालकोमलतले, तेसि पणमामि लक्खणपसत्थे ।
 पाए पावयणीण, पडिच्चयसएहि पणिवइए ॥४९॥
 जे अन्ने भगवंते कालियसुय-आणुओगिए घीरे ।
 ते पणमिळण सिरसा, नाणस्स परूवण धोच्छं ॥५०॥

सेल-घण', कुडग', चालणि', परिपूणग', हस', महिस' मेसेय' ।
 मसग', जलूग', बिराली', जाहग'', गो'', भेरी'', आभीरी'' ॥१॥

सा समासओ निविहा पत्तता, तं जहा—जाणिया, अजाणिया,
 दुव्वियड्ढा जाणिया जहा, गाहा ।

खीरमिव जहा हंसा, जे घुट्टन्ति इह गुरुगुणसमिद्धा ।

दोसे य विवज्जति त, जाणसु जाणिय परिस ॥२॥

१. भूयहियअप्पगन्ने । २. वदेऽहं लेहिच्च सन्भावुब्भवावणा णिच्चं ।

अजाणिया जहा—

जा होइ पगइमहुरा, मियछावयसीह कुक्कुडयभूआ ।

रयणमिव असंठविया अजाणिया सा भवे परिसा ॥३॥

दुव्वियड्डा जहा—

न य णत्थइ निम्माओ, न य पुच्छइ परिभवस्सदोसेण ।

वत्थिद्व वायपुण्णो फुट्टइ गामिल्लयवियड्डो ॥४॥

सूत्रं नाण पंचविह पणत्तं, तं जहा—आभिणिबोहियनाणं,

सुयनाण, ओहिनाण, मणपज्जवनाणं, केवलनाणं ॥सू० १॥

तं समासओ दुविहं पणत्त, तं जहा—पञ्चक्खं च परोक्ख
च ॥सू० २॥

से किं तं पच्चक्खं ? पञ्चक्खं दुविहं पणत्तं, तं जहा—
इदियपञ्चक्खं, नोइदियपञ्चक्खं च ॥सू० ३॥

से किं त इदियपञ्चक्खं ? इन्दियपच्चक्खं पंचविहं पणत्तं
त जहा—सोइन्दियपच्चक्खं, चक्खिदियपच्चक्खं, घाणिदियपच्चक्खं,
जिड्ढिदियपच्चक्खं, फासिदियपच्चक्खं, से तं इदियपच्चक्खं
॥सू० ४॥

से किं त नोइन्दियपञ्चक्खं ? नोइन्दियपञ्चक्खं तिविह
पणत्तं त जहा—ओहिनाणपञ्चक्खं, मणपज्जवनाणपञ्चक्खं,
केवलनाणपञ्चक्खं ॥सू० ५॥

से किं तं ओहिनाणपच्चक्खं ? ओहिनाणपच्चक्खं दुविहं
पणत्त, त जहा—भवपच्चइय च खाओवसमियं च ॥सू० ६॥

से किं तं भवपच्चइय ? भवपच्चइय दुण्ह, तं जहा—देवाण य
नेरइयाण य ॥सू० ७॥

से किं त खओवसमियं ? खओवसमियं दुण्हं, त जहा—
मणसाण य पंचेदियतिरिक्खजोणियाण य । को हेऊ खओवसमियं ?
खओवसमियं तथावरणिज्जाणं कम्माण उदिण्णाण खएण, अणु-

दिष्णाण उवसमेण ओहिनाणं समुप्पज्झइ ॥सू० ८॥

अहवा गुणपडिवन्नस्स अणगारस्स ओहिनाणं समुप्पज्झइ, त समासओ छ्विव्ह पणत्तं, त जहा—आणुगामिय', अणाणुगामिय', वड्डमाणय', हीयमाणय', पडिवाइय', अप्पडिवाइय' ॥सू० ९॥

से किं त आणुगामिय ओहिनाण ? आणुगामियं ओहिनाणं दुविह पणत्तं, त जहा—अंतगय च मज्झगय च । से किं त अतगय ? अतगय त्तिविह पणत्तं त जहा—पुरओ अतगय, मग्गओ अतगय, पासओ अतगय । से किं त पुरओ अतगय ? पुरओ अतगय—से जहानामए केई पुरिसे उक्कं वा चड्डुलिय वा अलाय वा मणिं वा पईवं वा जोइ वा पुरओ काउ पणुल्लेमाणे २ गच्छेज्जा, से तं पुरओ अतगयं । से किं तं मग्गओ अतगयं ? मग्गओ अतगय—से जहानामए केइ पुरिसे उक्कं वा चड्डुलिय वा अलाय वा मणिं वा पईवं वा जोइ व मग्गओ काउ अणुकड्डेमाणे २ गच्छिज्जा, से त मग्गओ अंतगय । से किं त पासओ अतगय ? पासओ अतगय—से जहानामए केइ पुरिसे उक्कं वा चड्डुलिय वा आलाय वा मणिं वा पईवं वा जोइं वा पासओ काउ परिकड्डेमाणे २ गच्छिज्जा, से तं पासओ अंतगय, से त अतगय । से किं त मज्झगय ? मज्झगय से जहानामए केई पुरिसे उक्कं वा चड्डुलिय वा अलायं वा मणिं वा पईवं वा जोइ वा मत्थए काउ समुव्वहमाणे २ गच्छिज्जा से त मज्झगयं । अंतगयस्स मज्झगयस्स य को पइविसेतो ? पुरओ अतगएण ओहिनाणेण पुरओ चेव सखिज्जाणि वा असखिज्जाणि वा जोयणाइं जाणइ पासइ, मग्गओ अतगएण ओहिनाणेणं मग्गओ चेव सखिज्जाणि वा असखिज्जाणि वा जोयणाइं जाणइ पासइ । पासओ अतगएण ओहिनाणेण पासओ चेव सखिज्जाणि वा असखिज्जाणि वा जोयणाइ जाणइ पासइ—। मज्झगएण ओहिनाणेणं सव्वओ समता सखिज्जाणि वा असखिज्जाणि वा जोयणाइं जाणइ

पासइ । से तं अणुगामियं ओहिनाण ॥सू० १०॥

से किं त अणुगामियं ओहिनाण ? अणुगामियं ओहिनाणं से जहानामए केइ पुरिसे एगं महत्त जोइट्ठाणं काउं तस्सेव जोइट्ठाणस्स परिपेरत्तेहि परिपेरत्तेहि परिघोलेमाणे परिघोलेमाणे तमेव जोइट्ठाण पासइ, अन्नत्थगए न पासइ, एवामेव अणुगामियं ओहिनाण जत्थेव समुप्पल्लइ तत्थेव संखेज्जाणि वा असखेज्जाणि वा सबद्धाणि वा असबद्धाणि वा जोयणाइं जाणइ पासइ, अन्नत्थगए ण पासइ, से तं अणुगामियं ओहिनाण ॥सू० ११॥

से किं तं वड्डमाणयं ओहिनाण ? वड्डमाणयं ओहिनाण पसत्थेसु अज्झवसायट्ठाणेसु वट्टमाणस्स वट्टमाणचरित्तस्स विसुज्झमाणस्स विसुज्झमाणचरित्तस्स सब्बओ समता ओही वड्डइ, गाह—

जावइया तिसमयाहारगस्स सुहुमस्स पणगजीवस्स ।

ओगाहणा जहन्ना ओहीखित्त जहन्नं तु ॥१॥

सब्बबहुअणज्जाणीवा निरतरं जत्थि भरिज्जंसु ।

खित्तं सब्बदिसाग परमोहीखित्तं निहिट्ठो ॥२॥

अंगुलमावलियाणं भागमसखिज्जा दोसु संखिज्जा ।

अंगुलमावलिअतो आवलिया अंगुलपुहुत्तं ॥३॥

हत्थम्मि सुहुत्तंतो, दिवसन्तो गाउयम्मि बोद्धव्वो ।

जोयणं दिवसपुहुत्तं, पक्खंतो पन्नवीसाओ ॥४॥

भरहम्मि अद्धमासो, जम्बुद्वीवम्मि साहिओ मासो ।

वासं च मणुयलोए, वासपुहुत्तं च ह्यगम्मि ॥५॥

सखिज्जम्मि उ काले, दीवसमुद्दावि ह्वंति सखिज्जा ।

कालम्मि असखिज्जे दीवसमुद्दा उ भइयव्वा ॥६॥

काले चउण्हवुड्डी, कालो भइयव्वु खित्तवुड्डीए ।
वुड्डीए दव्वपज्जव, भइयव्वा खित्तकालो उ ॥७॥

सुहुमो य होइ कालो, तत्तो सुहुमयर हवइ खित्त ।
अगुलसेढीमित्ते, ओसप्पिणीओ असखिन्ना ॥८॥

से त्तं वड्डमाणय ओहिनाण ॥सू० १२॥

से किं त हीयमाणय ओहिनाण ?

हीयमाण ओहिनाण अप्पसत्थेहिं अज्झवसायट्ठारोहिं वट्ट-
माणस्स वट्टमाणचरित्तस्स सकिलिस्समाणस्स सकिलिस्स-
माणचरित्तस्स सव्वओ समन्ता ओही परिहायइ से त हीयमाण
ओहिनाण ॥१३॥

से किं त पडिवाइओहिनाण ?

पडिवाइओहिनाण जहण्णेण अगुलस्स असखिन्नायभाग
वा सखिन्नायभाग वा वालग्ग वा वालग्गपुहुत्त वा लिक्ख वा
लिक्खपुहुत्त वा, जूय वा जूयपुहुत्त वा, जव वा जवपुहुत्त वा,
अगुल वा अगुलपुहुत्त वा, पाय वा पायपुहुत्त वा, विहत्थि वा
विहत्थिपुहुत्त वा, रयाण वा रयाणपुहुत्त वा, कुच्चि वा कुच्चि-
पुहुत्त वा, घणु वा घणुपुहुत्त वा, गाउअ वा गाउयपुहुत्त वा
जोयण वा जोयणपुहुत्त वा, जोयणसय वा जोयणसयपुहुत्त वा,
जोयणसहस्स वा जोयणसहस्सपुहुत्त वा, जोयणलक्ख वा
जोयणलक्खपुहुत्त वा जोयणकोडि वा जोयणकोडिपुहुत्त वा
जोयणकोडाकोडि वा जोयणकोडाकोडिपुहुत्त, वा जोयणम-
खिज्ज वा जोयणसखिज्जपुहुत्तं वा, जोयणअसखेज्जं वा जोय-
णअसखेज्जपुहुत्त वा उक्कोसेण लोग वा पासित्ताणं पडिवाइन्ना ।
से त पडिवाइओहिनाण ॥१४॥

से किं त अपडिवाइ-ओहिनाणं ?

अपडिवाइ-श्रोहिनाणं-जेण अलोगस्स एगमवि आगा-
सपएस जाणइ पासइ तेण पर अपडिवाइश्रोहिनाण । से
त अपडिवाइ श्रोहिनाण ॥१५॥

त समासओ चउव्विहं पणत्त, तजहा-दव्वओ, खित्तओ,
कालओ, भावओ । तत्थ दव्वओ णं श्रोहिनाणी जहन्नेणं
अणताइ रुविदव्वाइ जाणइ पासइ, उक्कोसेण असखिज्जाइ अलोगे
लोगप्पमाण-मित्ताइ खडाइ जाणइ पासइ । कालओ णं श्रोहि-
नाणी जहन्नेणं आवलियाए असखिज्जयभाग जाणइ पासइ,
उक्कोसेणं असखिज्जाओ उस्सप्पिणीओ अवसप्पिणीओ अईय-
मणागय च कालं जाणइ पासइ । भावओ णं श्रोहिनाणी
जहन्नेणं अणंते भावे जाणइ पासइ, उक्कोसेण वि अणते भावे
जाणइ पासइ । सव्वभावाणमणंतभाग जाणइ पासइ ॥१६॥

ओही भवपच्चइओ गुणपच्चइओ य वणिणओ दुविहो ।

तस्स य बहू विगपा दव्वे खित्ते य काले य ॥१६॥

नेरइयदेवतित्थकरा य श्रोहिस्सऽबाहिरा हुंति ।

पासति सव्वओ खलु सेसा देसेण पासंति ॥१७॥

से त्त श्रोहिनाणवद्धख ।

से किं त मणपज्जवनाणे ? मणपज्जवणाणे णं भन्ते ! किं
मणुस्साण उप्पज्जइ अमणुस्साणं ?

गोयमा ! मणुस्साण, नो अमणुस्साणं ?

जइ मणुस्साण किं समुच्छिममणुस्साणं, गढभवक्कंतिय-
मणुस्साण ?

गोयमा ! नो समुच्छिममणुस्साणं उप्पज्जइ, गढभवक्कंतिय-
मणुस्साण ।

जइ गढभवक्कतियमणुस्साण किं कम्मभूमियगढभवक्कतिय-
मणुस्साण, अकम्मभूमियगढभवक्कतियमणुस्साण, अन्तरदीवग-
गढभवक्कतिय मणुस्साण ?

गोयमा ! कम्मभूमियगढभवक्कतियमणुस्साण, नो अकम्म-
भूमियगढभवक्कतियमणुस्साण, नो अन्तरदीवगगढभवक्कतिय-
मणुस्साण ।

जइ कम्मभूमियगढभवक्कतिय मणुस्साणं, किं सखिज्ज-
वासाउयकम्मभूमियगढभवक्कतियमणुस्साणं असखिज्जवासाउय-
कम्मभूमियगढभवक्कतियमणुस्साण ?

गोयमा ! सखिज्जवासाउयकम्मभूमियगढभवक्कतियमणु-
स्साणं, नो असखेज्जवासाउयकम्मभूमियगढभवक्कतियमणुस्साण ।

जइ संखेज्जवासाउयकम्मभूमियगढभवक्कतियमणुस्साण किं
पज्जत्तगसंखेज्जवासाउयकम्मभूमियगढभवक्कतियमणुस्साण, अप-
ज्जत्तगसंखेज्जवासाउयकम्मभूमियगढभवक्कतियमणुस्साणं ?

गोयमा ! पज्जत्तगसंखेज्जवासाउयकम्मभूमियगढभवक्क-
तियमणुस्साण, नो अपज्जत्तगसंखेज्जवासाउयकम्मभूमियगढभ-
वक्कतियमणुस्साणं ।

जइ पज्जत्तगसंखेज्जवासाउयकम्मभूमियगढभवक्कतिय-
मणुस्साण, किं सम्मद्दिट्ठिपज्जत्तगसंखेज्जवासाउयकम्म-
भूमियगढभवक्कतियमणुस्साण, मिच्छदिट्ठिपज्जत्तगसंखेज्ज-
वासाउयकम्मभूमियगढभवक्कतियमणुस्साण, सम्ममिच्छद्दिट्ठि-
पज्जत्तगसंखेज्जवासाउयकम्मभूमियगढभवक्कतियमणुस्साण ?

गोयमा ! सम्मद्दिट्ठिपज्जत्तगसंखेज्जवासाउयकम्मभूमिय-
गढभवक्कतियमणुस्साण, नो मिच्छद्दिट्ठिपज्जत्तगसंखेज्जवासा-

उयकम्मभूमियगढभवक्कंतियमणुत्साणं, नो सम्ममिच्छदिट्ठि-
पज्जत्तगसखेज्जवासाउयकम्मभूमियगढभवक्कंतियमणुत्साणं ।

जइ सम्मदिट्ठिपज्जत्तगसंखेज्जवासाउयकम्मभूमियगढभ-
वक्कंतियमणुत्साणं किं सजयसम्मदिट्ठिपज्जत्तगसंखेज्जवासा-
उयकम्मभूमियगढभवक्कंतियमणुत्साणं. असजयसम्मदिट्ठि-
पज्जत्तगसंखेज्जवासाउयकम्मभूमियगढभवक्कंतियमणुत्साणं, संजया-
सजयसम्मदिट्ठिपज्जत्तगसंखेज्जवासाउयकम्मभूमियगढभवक्कंतियम-
णुत्साणं ?

गोयमा ! संजयसम्मदिट्ठिपज्जत्तगसंखेज्जवासाउयकम्म-
भूमियगढभवक्कंतियमणुत्साणं, नो असंजयसम्मदिट्ठिपज्जत्त-
गसंखेज्जवासाउयकम्मभूमियगढभवक्कंतियमणुत्साणं, नो संजया-
संजयसम्मदिट्ठिपज्जत्तगसंखेज्जवासाउयकम्मभूमियगढभवक्कंतियम-
णुत्साणं ।

जइ सजयसम्मदिट्ठिपज्जत्तगसंखेज्जवासाउयकम्मभूमिय-
गढभवक्कंतियमणुत्साणं, किं पमत्तसजयसम्मदिट्ठिपज्जत्तग-
संखेज्जवासाउयकम्मभूमियगढभवक्कंतियमणुत्साणं, अप्पमत्तस-
जयसम्मदिट्ठिपज्जत्तगसंखेज्जवासाउयकम्मभूमियगढभवक्कंतियमणु-
त्साणं ?

गोयमा ! अप्पमत्तसंजयसम्मदिट्ठिपज्जत्तगसंखेज्जवासा-
उयकम्मभूमियगढभवक्कंतियमणुत्साणं, नो पमत्तसंजयसम्म-
दिट्ठिपज्जत्तगसंखेज्जवासाउयकम्मभूमियगढभवक्कंतियमणुत्साणं ।

जइ अप्पमत्तसजयसम्मदिट्ठिपज्जत्तगसंखेज्जवासाउयकम्म-
भूमियगढभवक्कंतियमणुत्साणं, किं इड्डीपत्तअप्पमत्तसंजयस-
म्मदिट्ठिपज्जत्तगसंखेज्जवासाउयकम्मभूमियगढभवक्कंतियमणुत्साणु,
अणिड्डीपत्तअप्पमत्तसंजयसम्मदिट्ठिपज्जत्तगसंखेज्जवासाउयकम्मभूमि-

यगन्भवक्क तियमणुसाणं ?

गोयमा ! इड्डीपत्त-अप्पमत्त-सजय-सम्मद्दिट्ठि-पज्जत्तग-सखेज्जवासा-
उय-कम्मभूमिय-गन्भवक्क तियमसाणुण, नो अण्डिपत्त-अप्पमत्त-सजय-
सम्मद्दिट्ठि-पज्जत्तग-सखेज्जवासाउय-कम्मभूमिय-गन्भवक्क तियमणुस्सा-
णं मणपज्जवनाणं समुप्पज्जइ ॥सू० १७॥

तं च दुविह उप्पज्जइ, तं जहा—उज्जुमई य विउलमई य ।
त समासओ चउव्विह पन्नत्तं, त जहा—दव्वओ, खित्तओ, कालओ,
भावओ ।

तत्थ दव्वओ णं उज्जुमई अणते अणतपएसिए खंघे जाणइ,
पासइ, ते चेव विउलमई अन्वहियतराए, विउलतराए, विसुद्धतराए,
वित्तिमिरतराए जाणइ, पासइ ।

खित्तओ णं उज्जुमई जहन्नेण अंगुलस्स असखेज्जयभागं
उक्कोसेणं अहे जाव इमीसे रयणप्पभाए पुढवीए उवरिमहे-
द्विल्ले खुडुगपयरे, उड्ढ जाव जोइसस्स उवरिमतले, तिरियं
जाव अंतोमणुस्सखित्ते अड्डाइज्जेसु दीवसमुद्देसु, पन्नरससु
कम्मभूमिसु, तीसाए अकम्मभूमिसु, छप्पन्नाए अन्तरदीवगेसु
सन्निपंचेदियाणं पज्जत्तयाण मणोगए भावे जाणइ, पासइ ।
त चेव विउलमई अड्डाइज्जेहिमंगुलेहि अन्वहियतर, विउलतरं
विसुद्धतर, वित्तिमिरतराग खेतं जाणइ, पासइ ।

कालओ णं उज्जुमई जहन्नेणं पलिओवमस्स असखिज्जय-
भागं, उक्कोसेणवि पलिओवमस्स असखिज्जयभागं अतीयमणा-
गय वा काल जाणइ, पासइ । त चेव विउलमई अन्वहियतरागं,
विउलतराग, विसुद्धतरागं, वित्तिमिरतरागं जाणइ पासइ ।

भावओ णं उज्जुमई अणते भावे जाणइ, पासइ, सव्व-

भावानं अणतभाग जाणइ, पासइ । तं चैव विउलमई अन्भहिय-
तराग, विउलतरागं, विसुद्धतराग, वितिमिरतरागं जाणइ, पासइ ।

मणपज्जवनाणं पुण, जणमणपरिचिंतियत्थ-पागडणं ।

माणुसखित्तनिबद्ध, गुणपच्चइय चरित्तवओ ॥ ११ ॥

से तं मणपज्जवनाणं ॥सू० १८॥

से किं तं केवलनाणं ? केवलनाणं दुविहं पन्नत्तं, तं जहा—
भवत्थकेवलनाणं च, सिद्धकेवलनाणं च । से किं तं भवत्थकेवलनाणं ?
भवत्थकेवलनाणं दुविहं पणत्तं, तं जहा—सजोगि-भवत्थकेवलनाणं
च, अजोगि-भवत्थकेवलनाणं च ।

से किं तं सजोगि-भवत्थकेवलनाणं ?

सजोगि-भवत्थकेवलनाणं दुविहं पणत्तं, तं जहा—पढमसमय-
सजोगि-भवत्थकेवलनाणं च, अपढमसमय-सजोगि-भवत्थकेवलनाणं
च, । अहवा चरमसमय-सजोगि-भवत्थकेवलनाणं च, अचरमसमय-
सजोगि-भवत्थकेवलनाणं च । से तं सजोगि-भवत्थकेवलनाणं ।

से किं तं अजोगि-भवत्थकेवलनाणं ?

अजोगि-भवत्थकेवलनाणं दुविहं पन्नत्तं, तं जहा—पढमसमय-
अजोगि-भवत्थकेवलनाणं च, अपढमसमय-अजोगि-भवत्थकेवलनाणं
च । अहवा चरमसमय-अजोगि-भवत्थकेवलनाणं च, अचरमसमय-
अजोगि-भवत्थकेवलनाणं च । से तं अजोगि-भवत्थकेवलनाणं । से तं-
भवत्थकेवलनाणं ॥सू० १९॥

से किं तं सिद्धकेवलनाणं ? सिद्धकेवलनाणं दुविहं पणत्तं,
तं जहा—अणंतरसिद्धकेवलनाणं च, परंपरसिद्धकेवलनाणं च
॥सू० २०॥

से किं तं अणंतरसिद्धकेवलनाणं ? अणंतरसिद्धकेवलनाणं

पन्नरसविहं पण्णत्तं, तं जहा—तित्थसिद्धा १, अतित्थसिद्धा २, तित्थयरसिद्धा ३, अतित्थयरसिद्धा ४, सयंबुद्धसिद्धा ५, पत्तेयबुद्धसिद्धा ६, बुद्धबोहियसिद्धा ७, इत्थिलिगसिद्धा ८, पुरिसिलिगसिद्धा ९, नपुंसर्गिलिगसिद्धा १०, सर्लिगसिद्धा ११, अर्त्तिलिगसिद्धा १२, गिहिलिगसिद्धा १३, एगसिद्धा १४, अरण्येगसिद्धा १५, से त्तं अणतरसिद्धकेवलनाणं ॥सू० २१॥

से किं तं परंपरसिद्धकेवलनाणं ? परंपरसिद्धकेवलनाण अण्येगविह पण्णत्तं, तं जहा—अपढमसमयसिद्धा, दुसमयसिद्धा, तिसमयसिद्धा, चउसमयसिद्धा, जाव दससमयसिद्धा, सखिज्जसमयसिद्धा, असखिज्जसमयसिद्धा, अणंतसमयसिद्धा, से त्त परंपरसिद्धकेवलनाणं ।

तं समासओ चउव्विह पण्णत्तं, तं जहा—दव्वओ, खित्तओ, कालओ, भावओ । तत्थ दव्वओ ण केवलनाणी सव्वदव्वाइ जाणइ, पासइ । खित्तओ ण केवलनाणी सव्व खित्त जाणइ, पासइ । कालओ ण केवलनाणी सव्वं कालं जाणइ, पासइ । भावओ णं केवलनाणी सव्वे भावे जाणइ, पासइ ।

अह सव्व दव्वपरिणामभाव-विण्णत्तिकारणमणत्त ।

सासयमप्पडिवाई, एगविहं केवलं नाण ॥१२॥ सू० २२ ॥

केवलनाणेणत्थे, नाउ जे तत्थ पण्णवणजोगे ।

ते भासइ तित्थयरो, वईजोगसुयं हवइ सेस ॥ १३ ॥

से त्त केवलनाणं । से त्तं नोइंदियपच्चक्ख । से त्त पच्चक्खनाण ॥ सू० ॥ २३ ॥

से किं त परोक्खनाणं ? परोक्खनाणं डुविह पण्णत्तं, तं जहा—आभिणिबोहियनाणपरोक्ख च, सुयनाणपरोक्ख च । जत्थ आभिणिबोहियानाण तत्थ सुयनाण, जत्थ सुयनाणं तत्थ आभिणिबोहियनाण

दोऽवि एयाइं अणमणमणगयाइं । तहवि पुण इत्य आयरिया नाणत्तं
पणवयंति—अभिनिबुज्झइत्ति आभिणिबोहियनाणं, सुणेइत्ति सुयं;
मइपुव्वं जेण सुय. न मई सुयपुव्विया ॥ सू० २४ ॥

अविसेसिया मई, मइनाणं च मइअन्नाणं च । विसेसिया
सम्मद्दिट्ठिस्स मई मइनाणं, मिच्छद्दिट्ठिस्स मई मइअण्णाणं । अवि-
सेसिय सुयं, सुयनाण च सुयअन्नाणं च । विसेसियं सुयं, सम्मद्दिट्ठिस्स
सुयं सुयनाणं, मिच्छद्दिट्ठिस्स सुय सुयअन्नाणं ॥ सू० २५ ॥

से किं तं आभिणिबोहियनाणं ? आभिणिबोहियनाणं दुविहं
पणत्तं, तं जहा—सुयनिस्सियं च, असुनिस्सियं च । से किं तं
असुयनिस्सियं ? असुयनिस्सियं चउव्विहं पणत्तं, त जहा—
उप्पत्तिया १, वेणइया २, कम्मिया ३, परिणामिया ४ ।

बुद्धी च चउव्विहा वुत्ता, पचमा नोवलब्भइ ॥१४॥ सू० २६॥

पुव्वमदिट्ठमस्सुयमवेइय-तक्खणविसुद्धगहियत्था ।

अन्वाहयफलजोगा, बुद्धी उप्पत्तिया नाम ॥१५॥

भरह-सिल-मिढ-कुक्कुड-तिल-वालुय-हत्थी-अगड-वणसंडे ।

पायस-अइया-पत्ते-खाडहिला-पंच पिअरो य ॥१६॥

भरहसिल-पणिय-रुक्खे-खुडुग-पड-सरड-काय-उच्चारे ।

गयघयण-गोल-खभे-खुडुग-मग्गि-त्थि-पइ-पुत्ते ॥१७॥

महुसित्थि-मुद्दि-अंके-नाणए-भिक्खु-चेडगनिहाणे ।

सिक्खा य अत्यसत्थे-इच्छा' य, गहं-सयसहस्से ॥१८॥

भरनित्थरणसमत्था, तिवग्गसुत्तत्थगहियपेयाला ।

उभओलोगफलवई, विणयसमुत्था हवइ बुद्धी ॥१९॥

निमित्ते अत्यसत्थे य, लेहे गणिए य कूव-अस्से य ।

गइभ-लक्खण-गठी, अगए-रहिए य गणिया य ॥२०॥

१-इत्थी ।

सीया साडी दीहं च, तणं अरवसन्वयं च कुंचस्स ।
निव्वोदए य गोणे, घोडगपडण च रुक्खाओ ॥२१॥

उवओगदिट्टसारा, कम्मपसंगपरिघोलणविसाला ।
साहुक्कारफलवई, कम्मसमुत्था हवइ बुद्धी ॥२२॥

हेरण्णिए-करिसए, कोलिय-डोवे य, मुत्ति, घय-पवए ।
तुत्ताए - वड्डई य - पूयइ - घड - चित्तकारे य ॥२३॥

अणुमाणहेउदिट्टतसाहिया, वयविवागपरिणामा ।
हियनिस्सेयस-फलवई, बुद्धी परिणामिया नाम ॥२४॥

अभए-सिद्धि-कुमारे, देवी-उदिओदए हवइ राया ।
साहू य नदिसेणे, घणदत्ते-सावग-अमच्चे ॥२५॥

खमए-अमच्चपुत्ते, चाणक्के चेव थूलभद्दे य ।
नासिकमु दरिनदे, वयरे-परिणामबुद्धीए ॥२६॥

चलणाहणं-आमडे-मणी य सप्पे य, खग्गि-थूभिदे ।
परिणामियबुद्धीए, एवमाई उदाहरणा ॥२७॥

से तं अस्सुयनिस्सिय ।

से किं तं सुयनिस्सिय ?

सुयनिस्सिय चउच्चिह पणत्ते, तंजहा—उग्गहे, ईहा, अवाओ,
घारणा ॥सू० २७॥

से किं तं उग्गहे ?

उग्गहे दुविहे पणत्ते, तं जहा—अयुग्गहे य, वजणुग्गहे य
सू० ॥ २८ ॥

से किं तं वजणुग्गहे

वजणुग्गहे चउच्चिह पणत्ते, तं जहा—सोइदियवजणुग्गहे,

घाणिदियवंजणुग्गहे, जिन्भिदियवंजणुग्गहे, फासिदियवंजणुग्गहे
॥सू० २६॥

से किं तं अत्थुग्गहे ?

अत्थुग्गहे छन्विहे पणत्ते, तं जहा—सोइंदियअत्थुग्गहे,
चक्खिदियअत्थुग्गहे, घाणिदियअत्थुग्गहे, जिन्भिदियअत्थुग्गहे,
फासिदियअत्थुग्गहे, नोइंदियअत्थुग्गहे ॥सू० ३०॥

तस्स णं इमे एगट्टिया नाणाघोसा, नाणावंजणा पंच नाम-
धिज्जा भवति. तं जहा—ओगेण्हणया, उवधारणया, सवणया,
अवलंबणया, मेहा । से त्त उग्गहे ॥सू० ३१॥

से किं त ईहा ? ईहा छन्विहा पणत्ता, तं जहा—सोइंदियईहा,
चक्खिदियईहा, घाणिदियईहा, जिन्भिदियईहा, फासिदिय-
ईहा, नोइंदियईहा । तीसे णं इमे एगट्टिया नाणाघोसा, नाणा
वंजणा पंच नामधिज्जा भवन्ति, तं जहा—आभोगणया, मग्गणया,
गवेसणया, चित्ता, वीमसा । से त्तं ईहा ॥सू० ३२॥

से किं तं अवाए ? अवाए छन्विहे पणत्ते, तं जहा—सोइंदि-
यअवाए, चक्खिदियअवाए, घाणिदियअवाए, जिन्भिदिय-
अवाए, फासिदियअवाए, नोइंदियअवाए । तस्स णं इमे एग-
ट्टिया नाणाघोसा, नाणावजणा पंच नामधिज्जा भवन्ति, तं जहा—
आउट्टणया, पच्चाउट्टणया. अवाए, बुद्धी, विण्णाणे, से त्तं
अवाए ॥सू० ३३॥

से किं तं धारणा ?

धारणा छन्विहा पणत्ता, तं जहा—सोइंदियधारणा, चक्खि-
दियधारणा, घाणिदियधारणा, जिन्भिदियधारणा, फासिदिय-
धारणा, नोइंदियधारणा । तीसे णं इमे एगट्टिया नाणाघोसा,

नाणावजणा पच नामधिज्ञा भवति, त जहा—धरणा, धारणा, ठवणा, पइट्टा, कोट्टे । से त धारणा ॥ सू० ३४॥

उग्गहे इक्कसमइए, अतोमुहुत्तिया ईहा, अतोमुहुत्तिए अवाए, धारणा सखेज्ज वा काल, असखेज्ज वा काल ॥सू० ३५॥

एव अट्टावीसइविहस्स आभिणिबोहियनाणस्स वजणुग्गहस्स परूवण करिस्सामि पडिबोहगदिट्ठतेण, मल्लगदिट्ठतेण य ।

से किं तं पडिबोहगदिट्ठतेण ?

पडिबोहगदिट्ठतेणं—से जहानामए केइ पुरिसे कचि पुरिसं सुत्तं पडिबोहिज्ञा, अमुगा । अमुगत्ति ॥ तत्थ चोयणे पन्नवय एवं वयासी—किं एगसमयपविट्ठा पुग्गला गहणमागच्छति ? दुसमयपविट्ठा पुग्गला गहणमागच्छति ? जाव दससमयपविट्ठा पुग्गला गहणमागच्छति ?, सत्तिज्जसमयपविट्ठा पुग्गला गहणमागच्छति ?, असत्तिज्जसमयपविट्ठा पुग्गला गहणमागच्छति ?, एव वयत चोयणं पणवए एव वयासी—नो एगसमयपविट्ठा पुग्गला गहणमागच्छति, नो दुसमयपविट्ठा पुग्गला गहणमागच्छति, जाव नो दससमयपविट्ठा पुग्गला गहणमागच्छति, नो सत्तिज्जसमयपविट्ठा पुग्गला गहणमागच्छति; असत्तिज्जसमयपविट्ठा पुग्गला गहणमागच्छति । से त पडिबोहगदिट्ठतेणं ।

से किं त मल्लगदिट्ठतेण ?

मल्लगदिट्ठतेणं—से जहानामए केइ पुरिसे आवागसीसाओ मल्लग गहाय तत्थेग उदगविट्ठ पक्खिविज्ञा, से नट्टे, अण्णेऽवि पक्खित्ते, सेऽवि नट्टे, एवं पक्खिप्पमाणेसु-पक्खिप्पमाणेसु होही से उदगविट्ठ जे ण त मल्लग रावेहिइत्ति, होही मे उदगविट्ठ जे ण तसि मल्लगसि ठाहिति, होही से उदगविट्ठ जेण त मल्लगं

भरिहिति, होही से उदगाब्दि जेण त मल्लग पवाहेहिति । एवामेव पक्खिप्पमाणोहि-पक्खिप्पमाणोहि-अणतेहि पुग्गलेहि जाहे त वंजण पूरियं होइ; ताहे हुंति करेइ, नो चेव ण जाणइ के वि एस सद्दाइ ? तओ ईह पविसइ, तओ जाणइ अमुगे एस सद्दाइ ? तओ अवायं पविसइ, तओ से उवगयं हवइ, तओ णं धारणं पविसइ, तओ ण धारेइ सखिज्जं वा काल, असखिज्जं वा कालं ।

से जहानामए केइ पुरिसे अव्वत्तं सद्दं सुणिज्जा, तेणं सद्दोत्ति उग्गहिए, नो चेव ण जाणइ, के वेस सद्दाइ ? तओ ईह पविसइ, तओ जाणइ अमुगे एस सद्दे, तओ णं अवायं पविसइ, तओ णं धारेइ, सखेज्जं वा कालं, असखेज्जं वा कालं ।

से जहानामए केइ पुरिसे अव्वत्तं रुवं पासिज्जा, तेणं रुवत्ति उग्गहिए, नो चेव णं जाणइ, के वेस रुवत्ति ? तओ ईहं पविसइ, तओ जाणइ, अमुगे एस रुवे, तओ अवायं पविसइ, तओ से उवगयं हवइ, तओ धारण पविसइ, तओ ण धारेइ संखेज्जं वा कालं, असखेज्जं वा काल ।

से जहानामए केइ पुरिसे अव्वत्तं गंध अग्घाइज्जा, तेणं गंधत्ति उग्गहिए, नो चेव ण जाणइ, के वेस गधेत्ति, तओ ईह पविसइ, तओ जाणइ अमुगे एस गंधे, तओ अवाय पविसइ, तओ से उवगयं हवइ; तओ धारणं पविसइ, तओ णं धारेइ, सखेज्जं वा कालं, असखेज्जं वा काल ।

से जहानामए केइ पुरिसे अव्वत्तं रसं आसाइज्जा, तेणं रसोत्ति उग्गहिए, नो चेव णं जाणइ, के वेस रसेत्ति ? तओ ईह पविसइ, तओ जाणइ, अमुगे एस रसे, तओ अवायं पविसइ, तओ से उवगय हवइ, तओ धारणं पविसइ, तओ णं धारेइ, सखिज्ज वा काल, असखिज्जं वा काल ।

से जहानामए केइ पुरिसे अरुवत्त फास पडिसवेइज्जा, तेण फासेत्ति उग्गहिए, नो चेव ण जाणइ, के वेस फासओत्ति ? तओ ईह पविसइ, तओ जाणइ अमुगे एस फासे, तओ अवाय पविसइ, तओ से उवगय हवइ, तओ धारण पविसइ, तओ ण धारेइ सखेज्ज वा काल, असखेज्ज वा काल ।

से जहानामए केइ पुरिसे अरुवत्त फासं पडिसवेइज्जा, तेण फासेत्ति उग्गहिए, नो चेव ण जाणइ, के वेस फासओत्ति ? तओ ईह पविसइ, तओ जाणइ, अमुगे एस फासे, तओ अवाय पविसइ, तओ से उवगयं हवइ, तओ धारण पविसइ, तओ णं धारेइ सखेज्ज वा काल, असखेज्ज वा काल ।

से जहानामए केइ पुरिसे अरुवत्त सुमिणं पासिज्जा, तेणं सुमिणेत्ति उग्गहिए, नो चेव ण जाणइ, के वेस सुमिणेत्ति ? तओ ईह पविसइ, तओ जाणइ अमुगे एस सुमिणे, तओ अवाय पविसइ, तओ से उवगय हवइ, तओ धारण पविसइ, तओ ण धारेइ सखेज्ज का काल, असखेज्ज वा काल । से त मल्लगदिट्ठतेण ॥सू० ३६॥

तं समासओ चउव्विह पणत्त, त जहा—दव्वओ, खित्तओ, कालओ, भावओ । तत्थ दव्वओ णं आभिणिबोहियनाणी आएसेणं सव्वाइं दव्वाइ जाणइ, न पासइ । खित्तओ ण आभिणिबोहियनाणी आएसेण सव्वं खित्त जाणइ न पासइ । कालओ णं आभिणिबोहियनाणी आएसेणं सव्व काल जाणइ, न पासइ । भावओ ण आभिणिबोहियनाणी आएसेणं सव्वे भावे जाणइ, न पासइ ।

उग्गह ईहाऽवाओ य, धारणा एव हुंति चत्तारि ।

आभिणिबोहियनाणस्स, भेयवत्थु समासेणं ॥ २८॥

अत्याण^१ उग्गहणम्मि, उग्गहो तह वियालणे ईहा ।
 ववसायम्मि अवाओ, धरणं पुण धारणं बिन्ति ॥२६॥
 उग्गह इक्कं समय, ईहा-वाया मुहुत्तमद्धं तु ।
 कालमसख संखं च, धारणा होइ नायव्वा ॥३०॥
 पुट्टं सुणेइ सद्द, रूवं पुण पासइ अपुट्ट तु ।
 गधं रसं च फास च, बद्धपुट्ट वियागरे ॥३१॥
 भात्ता समसेढीओ, सद्दं जं सुणइ मीसिय सुणइ ।
 वीसेढी पुण सद्दं, सुणेइ नियमा पराघाए ॥३२॥
 ईहा अपोह वीमसा, मग्गणा य गवेसणा ।
 सन्ना सई मई पन्ना, सव्व आभिणिबोहिय ॥३३॥
 से त्त आभिणिबोहियनाणपरोक्ख । से त्तं मइनाण ॥सू०३७॥
 से किं त सुयनाणपरोक्खं ?

सुयनाणपरोक्ख चोद्दसविहं पण्णत्तं तं जहा—अक्खर-
 सुयं १, अणक्खरसुयं २, सण्णिसुयं ३, असण्णिसुयं ४, सम्मसुय
 ५, मिच्छसुय ६, साइयं ७, अणाइयं ८, सपज्जवसियं ९, अपज्ज-
 वसिय १०, गमिय ११, अगमिय १२, अगपविट्ठं १३, अणगपविट्ठ
 १४ ॥सू० ३८॥

से किं त अक्खरसुयं ?

अक्खरसुय तिविहं पण्णत्त, तं जहा—सन्नक्खर, वंजणक्खरं
 लद्धि-अक्खर ।

से किं त सन्नक्खर ?

१ अत्याणं उग्गहण, च उग्गहं तह वियालणं ईहा ।
 ववसाय च अवाय धरणं पुण धारणं, बिन्ति ॥१॥

सन्नक्खर अक्खरस्स संठाणागिई । से तं सन्नक्खरं ।

से किं त वजणक्खर ?

वजणक्खर अक्खरस्स वंजणाभिलावो । से त्त वजणक्खर ।

से किं त लद्धिअक्खर ?

लद्धि-अक्खर अक्खरलद्धियस्स लद्धिअक्खर समुप्पज्झइ, तं जहा—सोइदियलद्धि-अक्खर, चक्खिदिय-लद्धिअक्खर, घाणि-दियलद्धि-अक्खर, रसणिदियलद्धि-अक्खर, फांसिदियलद्धि-अक्खरं, नोइदियलद्धि-अक्खरं, । से त्त लद्धिअक्खर । से त्त अक्खर-सुयं ॥

से किं तं अणक्खरसुय ?

अणक्खरसुयं अणेगविहं पणत्त, तजहा—

ऊससिय नोससिय, निच्छूढ खासियं च छीय च ।

निस्सिधियमणुसार, अणक्खरं छेलियाईय ॥३४॥

से तं अणक्खरसुयं ॥सू० ३९॥

से किं त सणिसुय ?

सणिसुयं तिविहं पणत्त, तं जहा—कालिओवएसेण, हेऊ-वएसेणं, दिट्ठिवाओवएसेण ।

से किं तं कालिओवएसेणं ?

कालिओवएसेण—जस्स णं अत्थि ईहा, अओवओ, मग्गणा, गवे-सणा, चिन्ता, वीमसा, से ण सण्णीत्ति लट्ठभइ । जस्स ण नत्थि ईहा, अओवओ, मग्गणा, गवेसणा, चिन्ता, वीमसा, से णं असण्णीत्ति लट्ठभइ । से तं कालिओवएसेण ।

से किं त हेऊवएसेण ?

हेऊवएसेण जस्स णं अत्थि अभिसंधारणपुव्विद्या करणसत्ती, से णं सण्णीत्ति लब्भइ । जस्स णं नत्थि अभिसंधारणपुव्विद्या करणसत्ती, से णं असण्णीत्ति लब्भइ । से तं हेऊवएसेण ।

से किं त दिट्ठिवाओवएसेणं ?

दिट्ठिवाओवएसेण—सण्णिसुयस्स खओवसमेण सण्णी लब्भइ, असण्णिसुयस्स खओवसमेण असण्णी लब्भइ । से त्त दिट्ठिवाओवएसेणं । से त्त सण्णिसुयं । से त्तं असण्णिसुयं ॥सू० ४० ॥

से किं त सम्मसुयं ?

सम्मसुयं ज इमं अरहंतेहिं, भगवंतेहिं, उप्पण्णनाणदंसणघरेहिं, तेलुक्कनिरिक्खिय-महिय-पूइएहिं, तीय-पडुप्पण-मणागय-जाणएहिं, सव्वण्णूहिं सव्वदरिसीहिं पणीय दुवालसगं गणिपिडगं, तं जहा—आयारो १, सूयगडो २, ठाणं ३, समवाओ ४, विवाहपण्णत्ती ५, नायाधम्मकहाओ ६, उवासगदसाओ ७, अतगडदसाओ ८, अणुत्तरोववाइयदसाओ ९, पण्हावागरणाइं १०, विवागसुय ११, दिट्ठिवाओ १२ । इच्चेयं दुवालसगं गणिपिडगं चोद्दसपुव्विस्स सम्मसुयं, अभिण्णदसपुव्विस्स सम्मसुयं, तेण परं भिण्णेसु भयणा । से त्त सम्मसुयं ॥सू० ४१ ॥

से किं त मिच्छासुयं ?

मिच्छासुयं ज इमं अण्णाणिएहिं मिच्छादिट्ठिएहिं, सच्छदवुद्धिमइविगप्पिय, तं जहा—भारह, रामायणं, भीमासुरूक्ख, कोडिल्लयं, सगडभट्ठियाओ, घोडमुहं, कप्पासिय नागसुहुमं, कणगसत्तरी, वइसेसियं, बुद्धवयणं, नेरासियं, काविलियं, लोगायय, सट्ठितंतं, माढर, पुराणं, वागरणं, भागवयं, पायंजली, पुस्सदेवय, लेहं, गणिय, सउणहयं, नाडयाइ । अहवा—बावत्तरिकलाओ, चत्तारिय

वेया संगोवंगा । एयाइ मिच्छदिद्विस्स मिच्छत्परिग्गहियाइ मिच्छासुय, एयाइं चेव सम्मदिद्विस्स सम्मत्परिग्गहियाइ सम्मसुय, अहवा—मिच्छदिद्विस्स वि एयाइं चेव सम्मसुय, कम्हा ? सम्मत्तहे-उत्तणओ, जम्हा ते मिच्छदिद्विया तेहि चेव समएहिं चोइया समाणा केइ सपखदिद्वीओ चयति । से त्त मिच्छासुय ॥ सू० ४२ ॥

से किं त साइं-सपज्जवसिय, अणाइय-अपज्जवसिय च ?

इच्चेइयं दुवालसंग गणिपिडग वुच्छित्तिनयद्वयाए साइयं-सपज्जवसियं, अवुच्छित्तिनयद्वयाए अणाइयं-अपज्जवसिय । तं समासओ चउव्विह पणत्त, त जहा—दव्वओ, खित्तओ, कालओ, भावओ । तत्थ दव्वओ णं सम्मसुय एग पुरिसं पडुच्च साइय-सपज्जवसिय, बहवे पुरिसे य पडुच्च अणाइय-अपज्जवसियं । खेत्तओ ण पच भरहाइ, पचेरवयाइं पडुच्च साइयं, पचमहाविदेहाइ पडुच्च अणाइय-अपज्जवसिय । कालओ ण उस्सप्पिणं ओसप्पिणं च पडुच्च साइयं-सपज्जवसियं, नो-उस्सप्पिणं नोओसप्पिणं च पडुच्च अणाइय अपज्जवसिय । भावओ णं जे जया जिणपन्नत्ता भावा आघविज्जति, पण्णविज्जति, परुविज्जति, दसिज्जति, निदसिज्जति, उवदसिज्जति, ते तया भावे पडुच्च साइय सपज्जवसियं । खाओवसमियं पुण भावं पडुच्च अणाइयं अपज्जवसिय । अहवा भवसिद्वियस्स सुय साइय सपज्जवसिय च, अभवसिद्वियस्स सुयं अणाइय अपज्जवसिय च, सव्वागासपएसगं सव्वागासपएसेहिं अणतगुणिय-पज्जवक्खर निप्फज्जइ, सव्वजीवाणंपि य ण अक्खरस्स अणत-भागो निच्चुग्घाडियो, जइ पुण सोऽवि आवरिज्जा तेणं जीवो अजीवत्तं पाविज्जा,—“सुट्ठुवि मेहसमुदए, होइ पभा चद-

सूराणा” । से तं साइयं सपञ्जवसिय । से त अणाइयं अपञ्जव-
सियं ॥सू० ४३॥

से किं तं गमिय ?

गमियं दिष्टिवाओ ।

से किं तं अगमियं ?

अगमियं कालियं सुयं । से तं गमियं, से त अगमियं ॥

अहवा तं समासओ दुविह पणत्तं, त जहा—अंगपविट्ठं
अंगबाहिरं च । से किं तं अंगबाहिरं ? अंगबाहिरं दुविहं पणत्तं,
त जहा—आवस्सयं च, आवस्सयवइरित्तं च । से किं तं आव-
स्सयं ? आवस्सयं छव्विह पणत्तं, तंजहा—सामाइयं, चउवी-
सत्थओ, वंदणय, पडिक्कमणं, काउस्सग्गो, पच्चक्खाण, से तं
आवस्सय ।

से किं तं आवस्सयवइरित्तं ? आवस्सयवइरित्तं दुविहं पणत्तं,
तंजहा—कालियं च, उक्कालिय च ॥

से किं तं उक्कालियं अणेगविहं पणत्तं, तंजहा—दसवेया-
लियं, कप्पियाकप्पिय, चुल्लकप्पसुयं, महाकप्पसुय, उववाइयं, राय-
पसेणियं, जीवाभिगमो, पणवणा, महापणवणा, पसायप्पमायं,
नंदी, अणुओगदाराइं, देविदत्थओ, तदुलवेयालियं, चन्दाविज्झयं,
सूरपणत्तो, पोरिसिमण्डलं, मण्डलपवेसो, विज्जाचरणविणिच्छओ,
गणिविज्जा, भाणविभत्ती, मरणविभत्ती, आयविसोही, वीयरगसुयं,
सलेहणासुयं, विहारकप्पो, चरणविही, आउरपच्चक्खाण, महा-
पच्चक्खाणं, एवमाइ; से तं उक्कालियं ।

से किं तं कालियं ?

कालियं अणेगविह पणत्तं, तंजहा—उत्तरज्झयणाइं,

दसाश्रो, कष्पो, ववहारो, निसीह, महानिसीह, इसिभासियाइ जम्बूदीवपन्नत्ती, दीवसागरपन्नत्ती, चन्दपन्नत्ती, खुड्डिया विमाण-पविभत्ती, महल्लिया विमाणपविभत्ती, अग्रचूलिया, वग्गचूलिया, विवाहचूलिया, अरुणोववाए, वरुणोववाए, गरुलोववाए, धरणो-ववाए, वेसमणोववाए, वेलधरोववाए, देविंदोववाए, उट्टाणसुए, समुट्टाणसुए, नागपरियावणियाश्रो, निरयावलियाश्रो कप्पियाश्रो कप्पवडिसियाश्रो, पुप्फियाश्रो, पुप्फचूलियाश्रो, वण्हीदसाश्रो, (आसीविसभावणाण, दिट्ठिविसभावणाण, सुमिणभावणाण, महा-सुमिणभावणाण, तेयग्गिनिसग्गाण,) एवमाइयाइ चउरासीइ पइन्न-गसहस्साइ भगवश्रो अरहश्रो उसहसामिस्स आइतित्थयरस्स, तहा सखिज्जाइ पइन्नगसहस्साइ मज्झिमगाण जिणवराण, चोदस पइन्नग-सहस्साइ भगवश्रो बद्धमाणसामिस्स । अहवा जस्स जत्तिया सीसा उप्पत्तियाए, वेणइयाए, कम्मयाए, परिणामियाए चउव्विहाए बुद्धीए उववेया तस्स तत्तियाइ पइण्णगसहस्साइ, पत्तेयबुद्धावि तत्तिया चैव । से त्त कालिय । से त्त आवस्सयवइरित्त । से त्त अणं-गपविट्ठ ॥सू०४४॥

से किं त अग्रपविट्ठ ?

अग्रपविट्ठं दुवालसविह पणत्त, त जहा—आयारो १, सूय-गडो २, ठाण ३, समवाश्रो ४, विवाहपन्नत्ती ५, नायाधम्मकहाश्रो ६, उवासगदसाश्रो ७, अतगडदसाश्रो ८, अणुत्तरोववाइयदसाश्रो ९, पण्हावागरणाइ १०, विवागसुयं ११, दिट्ठिवाश्रो १२ ॥सू० ४५॥

से किं तं आयारे ? आयारे ण समणाण निग्गयाण आया-रंगोयरविणयवेइयसिक्खाभासाअभासाचरणकरणजायामायावित्तीश्रो आघविज्जति । से समासश्रो पंचविहे पणत्ते, त जहा—नाणायारे दसणायारे, चरित्तायारे, तवायारे, वीरियायारे । आयारे णं परित्ता

वायणा, संखेज्जा अणुओमदारा, सखिज्जा वेढा, संखिज्जा सिलोगा, सखिज्जाओ निज्जुत्तीओ, (संखिज्जाओ सगहणीओ) सखिज्जाओ पडिवत्तीओ पडिवत्तीओ । से ण अंगदुयाए पढभे अंगे, दो सुयक्खंधा, पणुवीस अज्भयणा, पंचासीइ उद्देसणकाला, पंचासीइ समुद्देसणकाला, अट्टारस पयसहस्साइ पयग्गेणं, संखिज्जा अक्खरा, अणता गमा, अणता पल्लवा, परित्ता तसा, अणंता थावरा, सासयकडनिबद्धनिकाइया जिणपण्णत्ता भावा आघविज्जति, पन्नविज्जति, परुविज्जति, दसिज्जति, निदंसिज्जति, उवदसिज्जति । से एव आया, एव नाया, एवं विण्णाया, एव चरणकरणपरुवणा आघविज्जइ । से तं आयारे १ ॥ सू० ४६ ॥

से किं त सूयगडे ? सूयगडे ण लोए सूइल्लइ, अलोए सूइल्लइ, लोयालोए सूइज्जइ, जीवा सूइज्जति, अजीवा सूइज्जति, ससमए सूइज्जइ, परसमए सूइल्लइ, ससमयपरसमए सूइल्लई, सूयगडे णं असीयस्स किरियावाइसयस्स, चउरासीइए अकिरियावाइण, सत्तट्ठीए अण्णणीयवाईण, बत्तीसाए वेणइयवाईणं, तिण्ह तेसट्ठाण पासंडियसयाण वूह किच्चा ससमए ठाविज्जइ । सूयगडे ण परित्ता वायणा, संखिज्जा अणुओमदारा, संखेज्जा वेढा, संखेज्जा सिलोग, संखिज्जाओ निज्जुत्तीओ, (संखिज्जाओ सगहणीओ) सखिज्जाओ पडिवत्तीओ, से णं अंगदुयाए बिइए अंगे, दो सुयक्खंधा, तेवीसं अज्भयणा, तित्तीसं उद्देसणकाला, तित्तीसं समुद्देसणकाला, छत्तीसं पयसहस्साइं पयग्गेणं । संखिज्जा ॥ अक्खरा, अणता गमा, अणंता पल्लवा, परित्ता तसा, अणंता थावरा, सासयकडनिबद्धनिकाइया जिणपण्णत्ता भावा आघविज्जति पण्णविज्जति, परुविज्जति, दंसिज्जति, निदंसिज्जति, उवदंसिज्जति । से एव आया, एवं नाया, एवं विण्णाया, एवं चरणकरणपरुवणा आघविज्जइ, से तं सूयगडे २ ॥ सू० ४७ ॥

से किं त् ठाणे ? ठाणे ण जीवा ठाविज्जति, अजीवा ठाविज्जति, जीवाजीवा ठाविज्जति,ससमए ठाविज्जइ, परसमए ठाविज्जइ, ससमयपरसमए ठाविज्जइ, लोए ठाविज्जइ, अलोए ठाविज्जइ । लोयालोए ठाविज्जइ । ठाणे णं टका,कूडा,सेला,सिहरिणो, पढभारा, कुंडाईं गुहाओ, आगरा, दहा, नईओ, आघविज्जति । ठाणे णं एगाइयाए एगुत्तरियसए बुद्धीए दसट्टाणगविद्वियाण भावाणं परूवणा आघविज्जइ । ठाणे ण परित्ता वायणा, सखेज्जा अणुओगदारा, सखेज्जा वेढा, सखेज्जा सिलोगा, सखेज्जाओ निज्जुत्तीओ, सखेज्जाओ संगहणीओ, सखेज्जाओ पडिबत्तीओ । से ण अगट्टयाए तइए अगे, एगे सुयक्खवे, दस अज्जयणा एगवीस उद्देसणकाला, एग्वीस समुद्देसणकाला, वावत्तरि पयसहस्सा पयग्गेण, सखेज्जा अक्खरा, अणता गमा, अणता पज्जावा, परित्ता तसा, अणता थावरा, सासयकडनिबद्धनिकाइया जिणपन्नत्ता भावा आघविज्जति, पन्नविज्जति, परूविज्जति दसिज्जति, निदसिज्जति, उवदसिज्जति । से एव आया, एवं नाया, एवं विण्णाया, एव चरणकरणपरूवणा आघविज्जइ । से त् ठाणे ३ ॥ सू० ४८ ॥

से किं त् समवाए ? समवाए ण जीवा समासिज्जति, अजीवा समासिज्जति, जीवाजीवा समासिज्जति, ससमए समासिज्जइ, परसमए समासिज्जइ, ससमयपरसमए समासिज्जइ, लोए समासिज्जइ, अलोए समासिज्जइ, लोयालोए समासिज्जइ । समवाए ण एगाइयाण एगुत्तरियाणं ठाणसयविद्वियाण भावाणं परूवणा आघविज्जइ, दुवालसविहस्स य गरिपिडगस्स पल्लवग्गे समासिज्जइ । समवायस्स ण परित्ता वायणा, संखिज्जा अणुओगदारा, संखिज्जा वेढा, संखिज्जा मिलोगा, संखिज्जाओ निज्जुत्तीओ, संखिज्जाओ संगहणीओ । संखिज्जाओ पडिबत्तीओ ।

से ण अंगट्टयाए चउत्थे अगे, एगे सुयक्खधे, एगे उद्देसणकाले, एगे समुद्देसणकाले एगे चोयाले सयसहस्से पयग्गेण । सखिज्जा अक्खरा, अणता गमा, अणता पज्जवा, परिता तसा, अणता थावरा, सासयकडनिबद्धनिकाइया जिणपण्णत्ता भावा आघविज्जति, पण्णविज्जति, परुविज्जति, दसिज्जति, निदसिज्जति, उवदसिज्जति ।

से एव आया, एव नाया, एवं विण्णाया, एव चरणकरणपरुवणा आघविज्जइ । से त्त समवाए ४ ॥ सू० ४६ ॥

से किं त विवाहे ? विवाहे णं जीवा विश्राहिज्जति, अजीवा विश्राहिज्जति, जीवाजीवा विश्राहिज्जति, ससमए विश्राहिज्जति, परसमए विश्राहिज्जति, ससमयपरसमए विश्राहिज्जति, लोए विश्राहिज्जति, अलोए विश्राहिज्जति, लोयालोए विश्राहिज्जति । विवाहस्से ण परिता वायणा, सखिज्जा अणुओगदारा, सखिज्जा वेढा, सखिज्जा सलोगा सखिज्जाओ निज्जुत्तीओ, सखिज्जाओ सगहणीओ सखिज्जाओ पडिवत्तीओ । से ण अंगट्टयाए पचमे अगे, एगे सुयक्खधे, एगे साइरेगे अज्झयणसए, दस उद्देसणसहस्साइं, दस समुद्देसणसहस्साइ, छत्तीस वागरणसहस्साइ, दो लक्खा अट्टासीइं पयसहस्साइ पयग्गेणं, सखिज्जा अक्खरा, अणता गमा, अणता पज्जवा, परिता तसा, अणता थावरा, सासयकड निबद्ध निकाइया जिणपण्णत्ता भावा आघविज्जति, पण्णविज्जति, परुविज्जति, दसिज्जति, निदसिज्जति, उवदसिज्जति । से एव आया, एवं विण्णाया, एव चरणकरणपरुवणा आघविज्जइ । से त्त विवाहे ॥ ५ सू० ५० ॥

सं किं त नायाधम्मकहाओ ? नायाधम्मकहासु ण नायाण नगराइ, उज्जायणाइ, चेइआइ, वणसडाइं, समीसरणाइं, रायाणो, अम्मापियरो, धम्मायरिया, धम्मकहाओ, इहलोइयपरलोइया इड्ढिविसेसा, भोगपरिज्जाया, पव्वज्जाओ, परिआया, सुयपरिग्गहा,

तवोवहाराण्डं, सलेहणाश्रो, भत्तपञ्चक्खाणाण्डं, पाश्रोवगमणाइ, देवलोग-
गमणाइ, सुकुलपञ्चायाइश्रो, पुणवोहिलाभा, अतकिरियाश्रो य
आघविज्जति । दस धम्मकहाण वग्गा. तत्थ ण एगमेगाए धम्म-
कहाए पच पच अक्खाइया सयाइ, एगमेगाए अक्खाइयाए पंच
पच उवक्खाइया सयाइ । एगमेगाए उवक्खाइयाए पच
पच अक्खाइय-उवक्खाइयासयाइ । एवमेव सपुव्वाचरेण अद्दुट्ठाश्रो
कहाणगकोडीश्रो हवतित्ति समक्खाय । नायाधम्मकहाणं परित्ता
वायणा, संखिज्जा अणुश्रोगदारा, सखिज्जा वेढा, सखिज्जा सिलोगा,
सखिज्जाश्रो निज्जुत्तीश्रो, संखिज्जाश्रो सगहणीश्रो, सखिज्जाश्रो पडिव-
त्तीश्रो । से ण अगट्ठयाए छट्ठे अगे, दो सुयक्खधा, एगूणवीस
अज्झयणा, एगूणवीस उद्दंसणकाला एगूणवीस समुद्दंसणकाला,
सखेज्जा पयसहस्सा पयग्गेण । सखेज्जा अक्खरा, अणता गमा, अणता
पज्जवा, परित्ता तसा, अणता थावरा, सासयकडनिवद्धनिकाइया
जिणपण्णत्ता भावा आघविज्ज ति, पण्णविज्ज ति, परुविज्ज ति,
दसिज्जति, निदसिज्ज ति उवदसिज्ज ति । एव आया, एव नाया, एव
विण्णया । एव चरणकरणपरुवणा आघविज्जइ । से तं
नायाधम्मकहाश्रो ६ ॥ मू० ५१ ॥

से किं त उवासगदसाश्रो ? उवासगदसालु ण समणो-
वासयाण नगराइ, उज्जाणाइ, चेइयाइ, वणसडाइ, समोत्तर-
णाइ, रायाणो, अम्मापियरो, धम्मायरिया, धम्मकहाश्रो इह-
लोइयपरलोइया इड्ढिविसेसा, भोगपरिज्जाया. पव्वज्जाश्रो, परिआगा.
सुयपरिग्गहा, तवोवहाणाइ, सीलच्चयगुण-वेरमणपञ्चक्खाण-पोस-
होववास-पडिवज्जणया, पडिमाश्रो, उवसग्गा, सलेहणाश्रो, भत्त-
पञ्चक्खाणाण्डं, पाश्रोवगमणाइ, देवलोगगमणाण्डं, सुकुलपञ्चायाइश्रो,
पुणवोहिलाभा, अतकिरियाश्रो य आघविज्ज ति । उवासगदनाण
परित्ता वायणा, सखेज्जा अणुश्रोगदारा, सखेज्जा वेढा, सखेज्जासिलोगा,

सखेज्जाओ निज्जुत्तीओ,संखेज्जाओ सगहणीओ,सखेज्जाओ पडिवत्ती-
ओ । से ण अंगट्टयाए सत्तमे अगे, एगे सुयक्खधे, दस अज्झयणा,
दस उद्देसणकाला,दस समुद्देसणकाला सखेज्जा पयसहस्सा पयग्गेण ।
संखेज्जा अवखरा, अणता गमा, अणता पज्जवा, परित्ता तसा
अणता थावरा, सासयकडनिबद्धनिकाइया जिणपणत्ता भावा
आघविज्जंति, पन्नविज्जंति, परूविज्जंति, दसिज्जंति, निदसिज्जंति,
उवदसिज्जंति । से एव आया,एव नाया,एवं विन्नाया,एव चरणकरण-
परूवणा आघविज्जइ । से त्त उवासगदसाओ ७ ॥सू० ५२॥

से किं त अंतगडदसाओ ? अंतगडदसासु णं अंतगडाण
नगराइं, उज्जाणाइ, चेइयाइ, वणसडाइं, समोसरणाइ, रायाणो,
अम्मापियरो, धम्मायरिया, धम्मकहाओ इहलोइयपरलोइया
इड्ढिविसेसा, भोगपरिज्जागा, पव्वज्जाओ, परिआगा, सुयप-
रिग्गहा, तवोवहाणाइ, सलेहणाओ, भत्तपञ्चक्खाणाइ, पाओ-
वगमणाइ, अंतकिरियाओ, आघविज्जंति । अंतगडदसासु ण
परित्ता वायणा, सखिज्जा अणुओगदारा, सखेज्जा वेढा, संखेज्जा
सिलोगा, सखेज्जाओ निज्जुत्तीओ, सखेज्जाओ सगहणीओ, सखेज्जाओ
पडिवत्तीओ । से ण अंगट्टयार अट्टमे अगे, एगे सुयक्खधे, अट्ट
वग्गा, अट्ट उद्देसणकाला, अट्ट समुद्देसणकाला, सखेज्जा पयसहस्सा
पयग्गेण । सखेज्जा अवखरा, अणता गमा, अणता पज्जवा, परित्ता
तसा, अणता थावरा, सासयकडनिबद्धनिकाइया जिणपणत्ता
भावा आघविज्जंति, पन्नविज्जंति, परूविज्जंति, दसिज्जंति, निद-
सिज्जंति; उवदसिज्जंति से एव आया एव नाया,एव विन्नाया । एवं
चरणकरणपरूवणा आघविज्जइ । से त्त अंतगडदसाओ ८ ॥सू० ५३॥

से किं त अणुत्तरोववाइयदसाओ ? अणुत्तरोववाइयद-
सासु णं अणुत्तरोववाइयाण नगराइ, उज्जाणाइं, चेइयाइं,
वणसडाइं, समोसरणाइं, रायाणो, अम्मापियरो, धम्मायरिया,

धम्मकहाओ, इहलोइयपरलोइया इड्ढिविसेसा, भोगपरि-
 च्चागा पव्वज्जाओ, परिआगा, सुयपरिग्गहा, तवोवहाणाइं,
 पडिमाओ, उवसग्गा, सलेहणाओ, भत्तपञ्चक्खाणाइ, पाओव-
 गमणाइ, अणुत्तरोववाइयत्ते उववत्ती, सुकुलपञ्चायाईओ,
 पुणवोहिलाभा, अतकिरियाओ, आघविज्जति । अणुत्तरोववा-
 इयदसासु ण परित्ता वायणा, संखेज्जा अणुओगदारा, सखेज्जा
 वेढा, सखेज्जा सिलोगा, सखेज्जाओ निज्जुत्तीओ, सखेज्जाओ
 संगहणीओ, संखेज्जाओ पडिवत्तीओ । से ण अगट्ठयाए नवमे अगे,
 एगे सुयक्खधे, तिन्नि वग्गा, तिन्नि उद्देसणकाला, तिन्नि समुद्देसण-
 काला । सखेज्जाइं पयसहस्साइं पयग्गेण । संखेज्जा अक्खरा,
 अणंता गमा, अणता पल्लवा, परित्ता तसा अणंता
 थावरा, सासयकडनिवद्धनिकाइया जिणवण्णत्ता भावा आघविज्जति,
 पण्णविज्जति, परूविज्जति, दसिज्जति, निदसिज्जति, उवदसि-
 ज्जति । से एव आया, एव नाया, एव विण्णयाया, एव चरणकरण-
 परूवणा आघविज्जइ । से त्त अणुत्तरोववाइयदसाओ ६ ॥सू०५४ ॥

से किं तं पण्हावागरणाइं ? पण्हावागरणेषु णं अट्ठुत्तरं
 पसिणसयं, अट्ठुत्तरं अपसिणसयं, अट्ठुत्तर पसिणापसिणसयं
 तंजहा—अगुट्ठपसिणाइं, बाहुपमिणाइं, अद्दागपसिणाइ, अन्ते
 वि विचित्ता विज्जाइसया, नागसुवण्णेहि सिद्धि दिव्वा सवाया
 आघविज्जति । पण्हावागरणाप परित्ता वायणा, सखेज्जा अणु-
 ओगदारा, सखेज्जा वेढा, सखेज्जा मिलोगा, सखेज्जाओ निज्जु-
 त्तीओ, सखेज्जाओ संगहणीओ, सखेज्जाओ पडिवत्तीओ । मे णं
 अगट्ठयाए दसमे अगे; एगे सुयक्खधे, पणयालीस अज्भयणा,
 पणयालीस उद्देसणकाला, पणयालीसं समुद्देसणकाला । सखेज्जाइं
 पयसहस्साइ पयग्गेण । सखेज्जा अक्खरा, अणता गमा, अणंता
 पज्जवा, परित्ता तसा, अणता थावरा, सासयकडनिवद्धनिकाया

जिणपणत्ता भावा आघविज्जति, पण्णविज्जंति, परुविज्जंति, दसिज्जति, निदंसिज्जति, उवदंसिज्जंति । से एवं आया, एवं नाया, एवं विण्णाया, एव चरणकरणपरुवणा आघविज्जइ । से तं पण्हावागरणाइं १० ॥ सू० ५५ ॥

से किं त विवागसुयं ? विवागसुए ण सुकडडुक्कडाण कम्माणं फलविवागे आघविज्जइ । तत्थ णं दस दुह विवागा, दस सुहविवागा ।

से किं त दुहविवागा ? दुहविवागेषु ण दुहविवागाणं नगराइं, उज्जाणाइं, वणसंडाइं, चेइयाइ, समोसरणाइं, रायाणो अम्मापियरो, धम्मायरिया, धम्मकहाओ, इहलोइयपरलोइया इड्ढिविसेसा । निरयगमणाइं, संसारभवपवचा, दुहपरंपराओ, दुकुलपच्चायाईओ, दुल्लहबोहियत्त आघविज्जइ । से तं दुहविवागा ।

से किं त सुहविवागा ? सुहविवागेषु णं सुहविवागाणं नगराइं, उज्जाणाइं, वणसंडाइं, चेइयाइं; समोसरणाइं, रायाणो, अम्मापियरो, धम्मायरिया, धम्मकहाओ, इहलोइयपरलोइया इड्ढिविसेसा, भोगपरिच्चागा, पव्वज्जाओ, परियागा, सुयपरिग्गहा, तवोवहाणाइं, संलेहणाओ, भत्तपच्चक्खाणाइं, पाओवगमणाइं, देवलोगगमणाइ, सुहपरंपराओ, सुकुलपच्चायाईओ, पुणबोहिलाभा, अंतकिरियाओ, आघविज्जति । विवागसुयस्स णं परित्ता चायणा, संखेज्जा अणुओगदारा, संखेज्जा वेढा, संखेज्जा सिलोगा, संखेज्जाओ निज्जत्तीओ, संखिज्जाओ पडिवत्तीओ । से णं अगट्टयाए इक्कारसमे अगे, दो सुयवखंधा, वीस अज्झयणा, वीसं उद्देसणकाला, वीसं समुद्देसणकाला, संखिज्जाइं पयसहस्साइं पयग्गेणं । संखेज्जा अक्खरा, अणता गमा, अणता पज्जवा, परित्ता तसा अणता थादरा, सासयकडनिवद्धनिकाइया जिणपणत्ता भावा आघविज्जंति पन्नविज्जति. परुविज्जंति, दसिज्जंति निदंसिज्जति, उवदंसिज्जंति । से एवं आया, एवं नाया, एवं विण्णाया, एवं

करणपरूवणा आघविज्जइ । से त्त विवागसुयं ११ ॥ सू० ५ :- ॥

से किं त दिट्ठिवाए ? दिट्ठिवाए ण सव्वभावपरूवणा आघ-
विज्जइ, से समासओ पंचविहे पणत्ते, त जहा—१ परिकम्मे,
२ मुत्ताइ, ३ पुव्वगए, ४ अणुओगे ५ चूलिया ।

से किं त परिकम्मे ? परिकम्मे सत्तविहे पणत्ते, त जहा—
१ सिद्धसेणियापरिकम्मे, २ मणुस्ससेणियापरिकम्मे, ३ पुट्ठसेणिया-
परिकम्मे, ४ ओगाढसेणियापरिकम्मे, ५ उवमपज्जणसेणियापरि-
कम्मे । ६ विप्पजहणसेणियापरिकम्मे, ७ चुयाचुयसेणियापरि-
कम्मे ।

से किं त सिद्धसेणियापरिकम्मे ? सिद्धसेणियापरिकम्मे
चउट्ठसविहे पणत्ते, त जहा—१ माउगापयाइ, २ एगट्ठियपयाइ,
३ अट्ठपयाइ, ४ पाढोआगासपयाइ', ५ केउभूय, ६ रासिवद्ध, ७ एग-
गुण, ८ दुगुणं, ९ तिगुण, १० केउभूय, ११ पडिग्गहो, १२ सत्तारपडि-
ग्गहो, १३ नदावत्त, १४ सिद्धावत्त । से त्त १ सिद्धसेणियापरिकम्मे ।

से किं त मणुस्ससेणियापरिकम्मे ? मणुस्ससेणियापरिकम्मे चउट्ठ-
सविहे पणत्ते, त जहा—१ माउयापयाइ, २ एगट्ठियपयाइ, ३ अट्ठ-
पयाइ', ४ पाढोआगासपयाइ, ५ केउभूय, ६ रासिवद्ध ७ एगगुण,
८ दुगुण, ९ तिगुण, १० केउभूय, ११ पडिग्गहो, १२ सत्तारपडिग्गहो,
१३ नदावत्त, १४ मणुस्सावत्त । से त्त मणुस्ससेणियापरिकम्मे २ ।

से किं त पुट्ठसेणियापरिकम्मे ? पुट्ठसेणियापरिकम्मे इट्ठारसविहे
पणत्ते, त जहा—१ पाढोआगासपयाइ, २ केउभूय, ३ रामिवद्ध,
४ एगगुण, ५ दुगुण, ६ तिगुण, ७ केउभूय, ८ पडिग्गहो, ९ मत्तारपडि-
ग्गहो, १० नदावत्त, ११ पुट्ठावत्त । से त्त पुट्ठसेणियापरिकम्मे ३ ।

से किं त ओगाढसेणियापरिकम्मे ? ओगाढसेणियापरिकम्मे इट्ठार-
सविहे पणत्ते, त जहा—१ पाढोआगासपयाइ, २ केउभूय, ३ रासि-

बद्ध, ४ एगगुण, ५ दुगुण, ६ तिगुणं, ७ केउभूय, ८ पडिग्गहो, ९ ससार-पडिग्गहो, १० नंदावत्त, ११ ओगाढावत्तं । से तं ओगाढसेणियापरिकम्मे ४ ।

से किं त उवसपज्जणसेणियापरिकम्मे ? उवसपज्जणसेणियापरिकम्मे इक्कारसविहे पणत्ते, त जहा—१ पाढोआगासपयाइ, २ केउभूय, ३ रासिबद्ध, ४ एगगुण, ५ दुगुण, ६ तिगुण, ७ केउभूयं, ८ पडिग्गहो, ९ ससारपडिग्गहो, १० नदावत्त, ११ उवसपज्जणावत्त । से त्त उवसंपज्जणसेणियापरिकम्मे ५ ।

से किं त विप्पजहणसेणियापरिकम्मे ? विप्पजहणसेणियापरिकम्मे इक्कारसविहे पणत्ते, त जहा—१ पाढोआगासपयाइ, २ केउभूय, ३ रासिबद्ध, ४ एगगुण, ५ दुगुणं, ६ तिगुण, ७ केउभूय, ८ पडिग्गहो, ९ संसारपडिग्गहो, १० नदावत्त ११, विप्पजहणावत्तं । से त्त विप्पजहणसेणियापरिकम्मे ६ ।

से किं त चुयाचुयसेणियापरिकम्मे ? चुयाचुयसेणियापरिकम्मे इक्कारसविहे पन्नत्ते, त जहा—१ पाढोआगासपयाइ, २ केउभूय, ३ रासिबद्ध, ४ एगगुण, ५ दुगुणं, ६ तिगुणं, ७ केउभूयं, ८ पडिग्गहो, ९ ससारपडिग्गहो, १० नदावत्तं, ११ चुयाचुयावत्तं । से त्त चुयाचुयसेणियापरिकम्मे ७ । छ चउक्कनइयाइ, सत्त तेरासियाइं । से त्त परिकम्मे १ ।

से किं तं सुत्ताइ ? सुत्ताइ वावीस पन्नत्ताइं, तं जहा—१ उज्जुसुय, २ परिणयापरिणय, ३ बहुभगिय, ४ विजयचरियं, ५ अणंतर, ६ परयर, ७ मासाणं, ८ सजूह, ९ सभिण्णं, १० आहव्वायं, ११ सोवत्थियावत्त, १२ नंदावत्त, १३ बहुल, १४ पट्टापट्ट, १५ वियावत्त, १६ एवभूय, १७ दुयावत्त, १८ वत्तमाणपयं, १९ समभिरूढं,

१ स माण । २-च्चायं ।

२० सव्वश्रोभद्द, २१ पस्सास, २२ दुप्पडिग्गहं, इच्चेइयाइ बावीस सुत्ताइं छिन्नच्छेयनइयाणि ससमयसुत्तपरिवाडीए; इच्चेइयाइ बावीस सुत्ताइं अच्चिन्नच्छेयनइयाणि आजोविय-सुत्तपरिवाडीए; इच्चेइयाइं बावीस सुत्ताइ तिगणइयाणि तेरा-सिय सुत्तपरिवाडिए, इच्चेइयाइ बावीस सुत्ताइ चउक्कनइयाणि ससमयसुत्तपरिवाडीए । एवामेव सपुव्वावरेणं अट्ठासीई सुत्ताइ भवतित्ति भक्खाय । से त्त सुत्ताइ २ ॥

से किं तं पुव्वगए ? पुव्वगए चउद्दसविहे पणत्ते, त जहा—
 १ उप्पायपुव्व, २ अग्गाणीय, ३ वीरिय, ४ अत्थिनत्थिप्पवाय,
 ५ नाणप्पवाय, ६ सच्चप्पवाय, ७ आयप्पवाय, ८ कम्मप्पवाय,
 ९ पच्चक्खाणप्पवाय^१, १० विज्जाणुप्पवाय, ११ अवभ, १२ पाणाऊ,
 १३ किरियाविसाल, १४ लोकविदुसार । उप्पायपुव्वस्स ण दम
 वत्थू, चत्तारि चूलियावत्थू पणत्ता । अग्गाणीयपुव्वस्स ण
 चोद्दस वत्थू; दुवालस चूलियावत्थू पणत्ता । वीरियपुव्वस्स
 ण अट्ठ वत्थू अट्ठ चूलियावत्थू पणत्ता । अत्थिनत्थिप्पवाय-
 पुव्वस्स ण अट्ठारस वत्थू दस चूलियावत्थू पणत्ता । नाण-
 प्पवायपुव्वस्स णं वारस वत्थू पणत्ता । सच्चप्पवायपुव्वस्स
 ण दोणिण वत्थू पणत्ता । आयप्पवायपुव्वस्स ण सोलस वत्थू
 पणत्ता । कम्मप्पवायपुव्वस्स ण तीस वत्थू पणत्ता । पच्च-
 क्खाणपुव्वस्स ण वीस वत्थू पणत्ता । विज्जाणुप्पवायपुव्वस्स
 ण पन्नरस वत्थू पणत्ता । अवभपुव्वस्स ण वारस वत्थू पणत्ता ।
 पाणाउपुव्वस्स ण तेरस वत्थू पणत्ता । किरियाविसाल पुव्वस्स
 ण न्नीस वत्थू पणत्ता । लोकविदुसारपुव्वस्स ण पणुवीस वत्थू
 पणत्ता, गाहा—

१ पच्चक्खाणं ।

१ दस २ चोदस ३ अट्ट ४ ऽट्टारसेव ५ वारस ६ दुवे य वत्थूणि ।

७ सोलस ८ तीस ९ वीसा १० पन्नरस अणुप्पवायम्मि ॥३५॥

वारस इक्कारसमे. वारसमे तेरसेव वत्थूणि ।

तीसा पुण तेरसमे, चोद्दसमे पण्णविसाओ ॥३६॥

१ चत्तारि २ दुवालस ३ अट्ट ४ चेव दस चेव चुल्लवत्थूणि ।

आइल्लाण चउण्ह, सेसाण चूलिया नत्थि ॥३७॥

से त्त पुव्वगए ।

से किं त अणुओगे ? अणुओगे दुविहे पण्णत्ते, तं जहा—मूलपढ-
माणुओगे; गडियाणुओगे य ।

से किं त मूलपढमाणुओगे ? मूल पढमाणुओगे ण
अरहताण भगवंताण पुव्वभवा, देवलोगगम णाइ,
आउ, चवणाइ, जम्मणाणि, अभिसेया, रायवरसिरोओ,
पव्वज्जाओ, तवा य उग्गा, केवलनाणुप्पयाओ, तित्थपवत्तणाणि
य, सीसा, गणा, गणहरा, अज्ज, पवत्तिणीओ । सघस्स चउव्वि-
हस्स जं च परिमाणं । जिणमणपज्जवओहिनाणो, सम्मत्तसुय-
नाणिणो य, वाई । अणुत्तरगई य, उत्तरवेउव्विणो य मुणिणो ।
जत्तिया सिद्धा, सिद्धिपहो जह देसिओ, जच्चिर च कालं,
पाओवगया । जे जाह जत्तियाइ भत्ताइ (अणसणाए) छेइत्ता
अतगडे, मुणिवरुत्तमे, तिमिरओघविप्पमुक्के, मुक्खसुहमणुत्तरं
च पत्ते । एवमन्ने य एवमाइ भावा मूलपढमाणुओगे कहिया ।
से त्त मूलपढमाणुओगे ।

से किं त गडियाणुओगे ? गडियाणुओगे—
कुलगरगडियाओ, तित्थयरगडियाओ, चक्कवट्टिगंडि-
याओ, दसारगडियाओ, बलदेवगंडियाओ, वासुदेवगडियाओ,
गणघरगडियाओ, भद्दबाहुगंडियाओ, तवोकम्मगंडियाओ, हरिवंस-
गंडियाओ, उस्सप्पिणीगडियाओ, ओसप्पिणीगडियाओ, चित्तर-

गडियाश्रो, अमर-नर-तिरिय-निरयगडगमणविविहपरियदृणेषु एव-
माइयाश्रो गडियाश्रो आघविज्ञति पणविज्ञति । ते त्त
गडियाणुश्रोणे । से त्त अणुश्रोणे ४ ॥

से किं त चूलियाश्रो ? आइल्लाण चउण्ह पुव्वाण चूलिया,
सेसाइ पुव्वाइ । अचूलियाइ, से त्त चूलियाश्रो ।

दिट्ठिवायस्स ण परित्ता वायणा, सखेज्जा अणुश्रोगदारा,
संखेज्जा वेढा, संखेज्जा सिलोगा, संखेज्जाश्रो पडिवत्तीश्रो, सखि-
ज्जाश्रो निज्जुत्तीश्रो, संखेज्जाश्रो सगहणीश्रो । से ण अगट्ठयाए
बारसमे अणे, एगे सुयक्खधे, चोइस पुव्वाइ, संखेज्जा वत्थू,
सखेज्जा चूलवत्थू, संखेज्जा पाहुडा, संखेज्जापाहुडपाहुडा, संखे-
ज्जाश्रो पाहुडियाश्रो, संखेज्जाश्रो पाहुडपाहुडियाश्रो, संखेज्जाइ
पयसहस्साइ पयग्गेण । संखेज्जा अक्खरा, अणता गमा, अणता
पज्जवा, परित्ता तसा, अणता थावरा, सासयकडनि-वद्वनिका-
इया जिणपन्नत्ता भावा आघविज्ञति, पणविज्जति, परुवि-
ज्जति दसिज्जति, निदंसिज्जति, उवदसिज्जति । से एव आया,
एव नाया, एव विण्णाया । एव चरणकरणपरुवणा आघविज्जति
से त्तं दिट्ठिवाए १२ ॥सू० ५७॥

इच्चेइयमि दुवालसगे गणिपिडगे अणता भावा, अणता
अभावा, अणता हेऊ, अणता अहेऊ, अणता कारणा, अणता
अकारण, अणता जीवा, अणता अजीवा, अणता भवसिद्धिया,
अणता अभवसिद्धिया, अणता सिद्धा, अणता अमिद्धा पणत्ता—

भावमभावा हेऊमहेऊ, कारणमकारणे चेत्र ।

जीवाजीवा भवियमभविया, सिद्धा असिद्धा य ॥३८॥

इच्चेइय दुवालसगं गणिपिटगं तीए काले अणता जीवा
आणाए विराहिता चाउरंत समारकत्तार अणुपरियट्ठिसु ।

इच्छेइयं दुवालसग गणिपिडग पडुपणकाले परित्ता जीवा आणाए विराहिता चाउरत ससारकंतारं अणुपरियट्ट ति ।

इच्छेइय दुवालसग गणिपिडगं अणागए काले अणता जीवा आणाए विराहिता चाउरत संसारकंतार अणुपरियट्टिस्संति ।

इच्छेइयं दुवालसंग गणिपिडग तीए काले अणता जीवा आणाए आराहिता चाउरतं संसारकंतार वीईवइंसु । इच्छेइय दुवालसग गणिपिडगं पडुपणकाले परित्ता जीवा आणाए आराहिता चाउरतं ससारकतारं वीईवयंति । इच्छेइय दुवालसंग गणिपिडगं अणागए काले अणता जीवा आणाए आराहिता चाउरत ससारकतार वीईवइस्संति ।

- इच्छेइय दुवालसंग गणिपिडग न कयाइ नासी, न कयाइ न भवइ, न कयाइ न भविस्सइ, भुवि च, भवइ य, भविस्सइ य, धुवे, नियए, सासए, अक्खए, अच्चए, अवट्टिए, निच्चे । से जहानामए पंचत्थिकाए न कयाइ नासी न कयाइ नत्थि, न कयाइ न भविस्सइ, भुवि च, भवइ य, भविस्सइ य, धुवे, नियए सासए, अक्खए, अच्चए, अवट्टिए, निच्चे । एवामेव दुवालसंगं गणिपिडग न कयाइ नासी, न कयाइ नत्थि, न कयाइ न भविस्सइ, भुवि च, भवइ य, भविस्सइ य, धुवे, नियए, सासए, अक्खए, अच्चए, अवट्टिए, निच्चे ।

से समासओ उवउत्ते पणत्ते, तं जहा—दव्वओ, खित्तओ, कालओ, भावओ, । तत्थ इव्वओ ण सुयनाणी उवउत्ते सव्वदव्वाइं जाणइ पासइ, खित्तओ णं सुयनाणी उवउत्ते सव्वं खेत जाणइ सइ, कालओ ण सुयनाणी उवउत्ते सव्वं काल जाणइ पासइ, ओ ण सुयनाणी उवउत्ते सव्वे भावे जाणइ पासइ ॥ सू० ५८॥

अक्खर सन्नो सम्म, साइय खलु सपज्जवसिय च ।
 गमिय अगपविट्ठ, सत्तवि एए सपडिवक्खा ॥३९॥
 आगमसत्थग्गहण, ज बुद्धिगुणोहि अट्ठहि दिट्ठं ।
 वित्ति सुयनाणलभ, त पुव्वविसारया धीरा ॥ ४०॥
 सुस्ससइ पडिपुच्छइ, सुरोइ गिण्हइ य ईहए यावि ।
 तत्तो अपोहए वा धारेइ, करेइ वा सम्म ॥ ४१॥
 मूअ हुंकारं वा, वाढक्का पडिपुच्छावीमंसा ।
 तत्तो पसगपारायण च, परिणिट्ठ सत्तमए ॥ ४२॥
 सुत्तथो खलु पढमो, बीओ निज्जुत्ति-मीसिओ भणिओ ।
 तइओ य निरवसेसो, एस विही होह अणुओगे ॥ ४३॥
 से त्त अगपविट्ठ । से त्त सुयनाण । से त्त परोक्खनाण । से त्त

नंदो ॥

नदी समत्ता ॥

cos. 2/1/1

श्री अनुत्तरौपपातिकदशांग सूत्रम्



तेण कालेण, तेणं समएणं, रायगिहे णामं णयरे होत्था ।
सेणियनाम राया होत्था । चेलणा देवीए । गुणसिलए चेइए ।
वण्णओ ॥ १ ॥

तेण कालेण तेण समएणं रायगिहे नयरे, अज्ज-सुहम्मस्स
समोसरण । परिसा णिग्गया । धम्मकहिओ । परिसा पडिग्गया ॥ २ ॥

जब्बु जाव पब्बुवासइ, एव वयासी—जइ णं भन्ते ! समणेणं
जाव सपत्तेण अट्ठंमस्स अंगस्स अतगडदसाण अयमट्ठे पणत्ते,
नवमस्स ण भन्ते ! अंगस्स अणुत्तरोववाइयदसाण समणेणं
जाव सपत्तेणं के अट्ठे पणत्ते ? ॥ ३ ॥

तएणं से सुहम्मै अणगारे, जम्बू अणगार एवं वयासी—एवं
खलु जम्बू ! समणेणं जाव सपत्तेणं नवमस्स अंगस्स अणु-
त्तरोववाइयदसाणं तिण्णि वग्गा पणत्ता ॥ ४ ॥

जइ ण भन्ते ! समणेण जाव संपत्तेणं नवमस्स अंगस्स
अणुत्तरोववाइयदसाण तओ वग्गा पणत्ता, पढमस्स ण
भन्ते ! वग्गस्स अणुत्तरोववाइयदसाण समणेणं जाव संपत्तेणं कइ
अज्जभयणा पणत्ता ? ॥ ५ ॥

एवं खलु जम्बू ! समणेण जाव सपत्तेण अणुत्तरोववाइय-
दसाणं पढमस्स वग्गस्स दस अज्जभयणा पणत्ता, तं जहा—
जालि, मयालि, उवयालि, पुरिससेणे य, वारिसेणे य ।
दीहदते य, लट्ठदते य, वेहल्ले, वेहायसे, अभये—ति कुमारे ॥ १ ॥ ६ ॥

जइ ण भन्ते । समणेण जाव सपत्तेण अणुत्तरोववाइय-
दसाण पढमस्स वग्गस्स दस अज्झयणा पणत्ता, पढमस्स णं
भन्ते । अज्झयणस्स समणेणं जाव सपत्तेण के अट्ठे पणत्ते ? ॥७॥

एव खलु जम्बू । तेण कालेण तेण समएण रायगिहे नयरे
रिद्धित्थिमिय-समिद्धे, गुणसिलए चेइए, सेणिए राया । धारिणी
देवी । सीहमुमिण पासित्ताण पडिबुद्धा जाव जालि कुमारे जाए ।
जहा मेहो जाव अट्ठुओ दाओ, जाव उप्पि पासाय जाव
विहरइ ॥८॥

तेण कालेण तेण समएण समणे भगव महावीरे जाव
समोत्तडे । सेणओ णिग्गओ । जहा मेहो तहा जाली वि णिग्गओ ।
तहेव णिवखन्तो, जहा मेहो । एक्कारस अंगाइ अहिज्जइ ॥९॥

तएण से जाली अणगारे जेणेव समणे भगवं महावीरे
तेणेव उवागच्छइ २ ता समण भगव महावीर वदइ नमसइ २
ता एव वयासी—इच्छामि ण भते । तुव्भेहि अढभणुणाय
समाणे गुण-रयण सवच्छरं तवोकम्म उवसपज्जित्ताणं विहरित्तए ?
अहामुहं देवाणुप्पिया । मा पडिवध करेह ॥१०॥

तएण से जाली अणगारे समणेण भगवया महावीरेण
अढभुणाय समाणे समण भगव महावीर वदइ नमसइ २ ता
गुणरयण सवच्छर तवोकम्म उवसपज्जित्ताण विहरइ । त जहा—

१ पढम मास चउत्थ चउत्थेणं अणिकित्तेणं तवोकम्मेण
दियट्ठाणुकुडुए सुराभिमुहे आयावणभूमिए आयावेमाणे, रत्ति
वीरसणेण अवाउडेण य ।

२ दोच्च मासं छट्ठु छट्ठेणं अणिकित्तेणं तवोकम्मेण दिय-
ट्ठाणुकुडुए सुराभिमुहे आयावणभूमिए आयावेमाणे, रत्ति

वीरासणेणं अवाउडेण य ।

३ तच्च मास अट्टम अट्टमेणं अणिविखत्तेणं तवो कम्मेणं दियट्ठाणुक्कडुए सूराम्भुहे, आयावणभूमिए आयावेमाणे, रत्ति वीरासणेणं अवाउडेण य ।

४ चउत्थ मास दसम दसमेणं अनिविखत्तेणं तवोकम्मेणं दियट्ठाणुक्कडुए सूराम्भुहे आयावणभूमिए आयावेमाणे, रत्तिवीरासणेणं अवाउडेण य ।

५ पंचम मास बारसम बारसमेणं अनिविखत्तेणं तवोकम्मेणं दियट्ठाणुक्कडुए सूराम्भुहे, आयावणभूमिए आयावेमाणे, रत्ति वीरासणेणं अवाउडेण य ।

६ छट्ठ मास चउदस-चउदसमेणं अणिविखत्तेणं तवोकम्मेणं दियाठाणुक्कडुए सूराम्भुहे आयावणभूमिए आयावेमाणे, रत्ति वीरासणेणं अवाउडेण य ।

७ सत्तमं मास सोलसमं सोलसमेणं अनिविखत्तेणं तवोकम्मेणं दियट्ठाणुक्कडुए सूराम्भुहे आयावणभूमिए आयावेमाणे, रत्ति वीरासणेणं अवाउडेण य ।

८ अट्टम मास अट्टारसमं अट्टारसमेणं अनिविखत्तेणं तवोकम्मेणं दियाट्ठाणुक्कडुए सूराम्भुहे आयावणभूमिए आयावेमाणे, रत्ति वीरासणेण अवाउडेण य ।

९ णवमं मास विसइम वीसइमेण अनिविखत्तेण तवोकम्मेणं दियट्ठाणुक्कडुए सूराम्भुहे आयावणभूमिए आयावेमाणे, रत्ति वीरासणेण अवाउडेण य ।

१० दसमं मास बावीसाए बावीसंइमेण अनिविखत्तेणं दियट्ठाणुक्कडुए सूराम्भुहे आयावणभूमिए आयावेमाणे, रत्ति वीरासणेण अवाउडेण य ।

११ एकारसम मासं चउवीसाए चउवीसइमेण अनिक्खित्तेण तवोकम्मेण दिथट्ठाणुककुडुए सूराभिमुहे आयावणभूमिए आयावेमाणे रत्ति वीरासणेणं अवाउडेणय ।

१२ वारसम मासं छव्वीसाए छव्वीसइमेण अनिक्खित्तेण तवोकम्मेण दिथट्ठाणुककुडुए सूराभिमुहे आयावणभूमिए आयावेमाणे रत्ति वीरासणेण अवाउडेणय ।

१३ तेरसम मास अट्ठावीसाए अट्ठावीसइमेणं अनिक्खित्तेण तवोकम्मेण दिथट्ठाणुककुडुए सूराभिमुहे आयावणभूमिए आयावेमाणे रत्ति वीरासणेणं अवाउडेणय ।

१४ चउदसमं मासं तीसइम तीसइमेण अनिक्खित्तेणं तवोकम्मेण दिथट्ठाणुककुडुए सूराभिमुहे आयावणभूमिए आयावेमाणे रत्ति वीरासणेण अवाउडेणय ।

१५ पन्नरसम मास वत्तीसइमं वत्तीसइमेण अनिक्खित्तेणं तवोकम्मेण दिथट्ठाणुककुडुए सूराभिमुहे आयावणभूमिए आयावेमाणे रत्ति वीरासणेण अवाउडेणय ।

१६ सोलम मास चोत्तीसइम चोत्तीसइमेणं तवोकम्मेण दिथट्ठाणुककुडुए सूराभिमुहे आयावणभूमिए आयावेमाणे रत्ति वीरासणेण अवाउडेणय ॥११॥

तए णं से जालि अणगारे गुणरयणं संवच्छर तवोकम्मं आहासुत्त अहाकप्पं अहामग्गं अहातच्च समकाएणं फासित्ता पालित्ता सोहित्ता तीरित्ता किट्ठित्ता आणाए आराहित्ता जेणेव समणे भगव महावीरे तेणेव सवागच्छइ २ ता समण भगव महावीरं वदइ नमसइ, वदइत्ता नमंसइत्ता वहीहिं चउत्थछट्ट अट्टमदसमदुवालसेहिं मासेहिं अट्टमासखमणेहिं विचिरोहिं तवोकम्मेहिं अप्पाणं भावेमाणे विहरइ ॥१२॥

तए णं से जाली अणगारे तेणं उरालेणं विउलेणं पयत्तेणं पग्गहिणं एव जा चेव जहा खंदगस्स वत्ताव्वया सा चेव चिन्तणा, आपुच्छणा थेरेहिं सद्धिं विपुल तहेव दुरूहति, णवर सोलस वासाइ सामणपरियागं पाउणित्ता कालमासे कालं किञ्चा उड्ढं च्चदिमसोहम्मसाण जाव आरणच्चुए कप्पे नव य गेवेज्जे विमाणपत्थडे उड्ढ दूर वीतीवत्तित्ता विजयविमाणे देवत्ताए उववण्णे ॥१३॥

तए णं ते थेरा भगवंतो जालिं अणगारं कालगयं जाणित्ता परिनिव्वाणवत्तियं काउसगं करेति, पत्ताचीवराइं गिण्हति, तहेव उत्तरंति जाव इमे से आयारभंडए ॥१४॥

भतेत्ति ! भगवं गोयमे जाव एव वयासी—एव खलु देवाणुप्पियाणं अत्तेवासी जाली नाम अणगारे पगइभट्टए, से णं जाली अणगारे कालगए कहिं गए, कहिं उववण्णे ? एवं खलु गोयमा ! मम अत्तेवासी तहेव जहा खंदयस्स जाव कालगए उड्ढं च्चदिमाइ जाव विजयविमाणे देवत्ताए उववण्णे ॥१५॥

जालिस्स णं भन्ते ! देवस्स केवइयं कालं ठिई पणत्ता ? गोयमा ! बत्तीसं सागरोवमाइं ठिई पणत्ता ॥१६॥

से ण भते ! ताओ देवलोगाओ आउक्खएण्ण भवक्खएणं ठिइक्खएणं कहिं गच्छिहिइ कहिं उववज्जहिइ ? । गोयमा ! महाविदेहे वासे सिज्जिभहिइ जाव सव्वदुक्खाणमतं करि--स्सइ ॥१७॥

एवं खलु जम्बू ! समणेण जाव संपत्तेणं, अणुत्तरोववाइय-दस्साण पढमस्स वग्गस्स पढमस्स अज्जभयणस्स अयमट्ठे पणत्ते ।

एवं सेसाणवि अट्ठण्ह भाणियद्धं । नवरं छ धारिणि-

सुआ, वेहल्लवेहायसा चेल्लणाए । अभयस्स नाणत्त—रायगिहे नगरे, सेरिणए राया, नदा देवी माया, सेसे तहेव । आइल्लाणं पंचण्ह सोलस वासाइ सामण्णपरियाओ, तिण्ह वारसवासाइं, दोण्ह पच वासाइ । आइल्लाण पचण्ह अणुपुच्चीए उववाओ, विजय विजयते जयते अपराजिए सव्वट्टसिद्धे । दोहवते सव्वट्टसिद्धे, अणुक्कमेण सेसा । अभओ विजये । सेस जहा पढमे ।

एवं खलु जम्बू ! समणेण जाव सपत्तेणं अणुत्तरोववाइय-दसाण पढमस्स वग्गस्स अयमट्टे पण्णत्ते ।

॥ इय पढमस्स वग्गस्स दस अज्झयणा समत्ता ॥

॥ द्वितीय—वर्ग ॥

जइ ण भन्ते ! समणेण जाव सपत्तेण अणुत्तरोववाइय-दसाण पढमस्स वग्गस्स अयमट्टे पण्णत्ते, दोच्चस्स णं भते ! वग्गस्स अणुत्तरोववाइयदसाणं समणेणं जाव संपत्तेणं के अट्टे पण्णत्ते ? ॥१॥

एव खलु जम्बू ! समणेण जाव सपत्तेण अणुत्तरोववाइ-यदसाणं दोच्चस्स वग्गस्स तेरस अज्झयणा पण्णत्ता ? तं जहा-दीहसेणे, महासेणे, लट्टदत्ते य, गुढदत्ते य । सुद्धदत्ते य, हल्ले, दुमे, दुमसेणे, महादुमसेणे य आहिए ॥ १ ॥ सीहे य, सीहसेणे य, महासीहसेणे य आहिए । पुल्लसेणे य बोधन्वे, तेरसमे होति अज्झयणे ॥ २ ॥ जइ ण भन्ते ! समणेणं जाव सपत्तेणं अणुत्तरोववाइय-दसाण दोच्चस्स वग्गस्स तेरस अज्झयणा पण्णत्ता, दोच्चस्स

णं भते ! वग्गस्स पढमस्स अज्झयणस्स समणेण जाव सपत्तेणं के अट्ठे पण्णत्ते ?

एवं खलु जम्बू ! तेण कालेण तेणं समएण रायगिहे णयरे, गुणसिलए चेइए, सेणिए राया, धारिणी देवी, सीहो सुमिणे जहा जाली तहा जम्म, बालत्तणं कलाओ, णवर दीहसेणे कुमारे सव्वे वत्तव्वया, जहा-जालिस्स जाव अतं काहिति ॥१॥

एवं तेरसवि, रायगिहे नयरे, सेणिओ पिया, धारिणी माया तेरसण्हवि सोलसवासाए परियाय मासियाए संलेहणाए आणु पुब्बीए उववाओ विजए दोन्नि, विजयंते दोन्नि, जयते दोन्नि, अपराजिते दोन्नि, सेसा महाडुमसेणमाइए पन्न सव्वट्ठसिद्धे ॥२॥

एव खलु जम्बू ! समणेण जाव सपत्तेण अणुत्तरोववाइय-दसाण दोच्चस्स वग्गस्स अयमट्ठे पण्णत्ते, मासियाए संलेहणाए दोसुवि वग्गेसु ॥ त्ति वेमि ॥

॥ बीओ वग्गो समत्तो ॥

॥ तृतीय-वर्ग ॥

जइ ण भन्ते ! समणेण जाव सपत्तेण अणुत्तरोववाइय-दसाण दोच्चस्स वग्गस्स अयमट्ठे पण्णत्ते, तच्चस्स णं भन्ते ! वग्गस्स अणुत्तरोववाइयदसाणं समणेण जाव सपत्तेणं के अट्ठे पण्णत्ते ? ॥ १ ॥

एव खलु जम्बू ! समणेणं जाव सपत्तेण अणुत्तरोववाइय-दसाण तच्चस्स वग्गस्स वस अज्झयणा पण्णत्ता त जहा—

धेण्णे य, सुंनक्खत्ते य, इसिदासे य, अभहिते ।

पेल्लए, रामपुत्ते य, चन्दिमा, पिट्ठिमाइय ॥ १ ॥

पेढालपुत्ते अणगारे, नवमे पोढिले इय ।
वेह्लले, दसमे वुत्ते, इमे य दस आहिया ॥ २ ॥

जइ ण भन्ते । समणेण जाव सपत्तेण अणुत्तरोववाइय-
दसाण तच्चस्स वग्गस्स दस अज्झयणा पणत्ता, पढमस्स
ण भन्ते । अज्झयणस्स समणेण जाव सपत्तेण के अट्ठे
पण्णते ? ॥ ३ ॥

एव खलु जम्बू । तेण कालेण तेण समएण काकन्दी नाम
नयरी होत्था, रिद्धित्थिमियसमिद्धा, सहस्सववरो उज्जाणे
सव्वोउयपुप्फफलसमिद्धे जाव पासाइए, जियसत्तू राया ॥ ४ ॥
तत्थ ण काकन्दीए नयरीए भद्दा णाम सत्थवाही परिवसइ,
अद्दा जाव अपरिभूया ॥ ५ ॥

तीसे ण भद्दए सत्थवाहीए पुत्ते घन्ने नाम दारए होत्था
अहीण जाव सुख्खे, पच्चघाई—परिग्गहिए, तंजहा—खीरघाइए
जहा महव्वलो जाव वावत्तरि कलाओ अहिए जाव अलं भोग-
समत्थे जाए यावि होत्था ॥ ६ ॥

तए ण सा भद्दा सत्थवाही घण्णदारय उम्मुक्कवालभाव
जाव भोगसमत्थ जाणित्ता, वत्तीस पासायवडिसए फारेइ
अव्वभुग्गयभूसिए जाव तेसि मज्जे अणेग-भवण-खभ-सय-
सन्निविट्ठं जाव वत्तीसाए इव्ववरकन्नगणं एगदिवसे ण पाणि-
गिण्हावेइ २ ता वत्तीसाओ दाओ जाव उप्पि पासायवडिसए
फुट्ट तेहि सुइंगमत्थएहि जाव विहरइ ॥ ७ ॥

तेण कालेणं तेण समएण समणे भगव महावीरे समो-
सढे, परिसा निग्गया, जहा कोणिओ तथा जियसत्तू
णिग्गओ ॥ ८ ॥

तए ण तस्स धणस्स तं महया जणसद् जहा जमाली
 तथा णिग्गओ, णवर पायचारेण जाव जं णवरं अम्मयं भद्दं
 सत्थवाहिं आपुच्छामि, तए ण अहं देवाणुप्पियाण अतिए
 जाव पव्वयामि, जाव जहा जमाली तथा आपुच्छइ, मुच्छिया,
 वुत्तपडिवुत्तया, जहा महाब्बले जाव जाहे नो सचाइया,
 जहा थावच्चापुत्ते तथा जियसत्तू आपुच्छइ, छत्त-चामराओ,
 सयमेव जियसत्तू निक्खमण करेइ, जहा थावच्चापुत्तस्स
 कण्हो, जाव पव्वइए, अणगारे जाए, ईरियासमिए जावगुत्त-
 बभयारी ॥ ६ ॥

तएणं से धण्णे अणगारे. ज चेव दिवसं मुडे भवित्ता
 जाव पव्वइए त चेव दिवस समणं भगव महावीर वंदइ
 नमसइ वदित्ता नमसित्ता एव वयासी—एव खलु इच्छामि णं
 भन्ते ! तुब्भेहिं अन्नभणुणाए समाणे जावज्जीवाए छट्ठ-
 छट्ठेणं अणिविखत्तेण आयबिल-परिग्गहिण तवोकम्मेण अप्पा-
 णं भावेमाणे विहरित्तए, छट्ठस्सवि य ण पारणगसि कप्पइ मे
 आयंबिल पडिग्गहित्तए, णो चेव णं अणायबिल, तपि य संसट्ठे-
 णं णो चेव ण अससट्ठेण, त पि य ण उज्जिभयधम्मय णो चेव ण
 अणुज्जिभयधम्मय, तपि य ण ज अन्ने बहवे समणमाहण-अतिहि-
 किवण-वणिमगा णावकखति । अहासुहं देवाणुप्पिया ! मा पडिबंधं
 करेह ॥१०॥

तएण से धण्णे अणगारे समणेण भगवया महावीरेणं अन्नभ-
 णुणायसमाणे हट्ठ-तुट्ठ जावज्जीवाए छट्ठ-छट्ठेण अणिविखत्तेण तवो-
 कम्मेण अप्पाणं भावेमाणे विहरइ ॥११॥

तएण से धण्णे अणगारे पढम-छट्ठखमण-पारणयसि पढमाए
 पोरिसीए सज्झाय करेति, जहा गोयमसामी तहेव आपुच्छति जाव

जेणेव काकदी णयरी तेणेव उवागच्छइ २ ता काकदीए नयरीए उच्चनीय जाव अडमाणे आयविल जाव नावकखति ॥१२॥

तए ण से घण्णे अणगारे ताए आभुज्जताए पयत्ताए पग्ग-
हियाए एसणाए एसमाणे जइ भत्त लभइ तो पाण ण लभइ, अह
पाण लभइ तो भत्त ण लभइ ॥१३॥

तए ण घन्ने अणगारे अदीणे अविमणे अकलुमे अवितादी
अपरिततजोगो जयणघडण-जोग-चरित्ते अहापज्जत्त समुदाण पडि-
गाहेइ २ ता काकदीओ णयरीओ पडिनिक्खमइ २ ता जहा गोयमे
तहा पडिदंसेइ ॥१४॥

तए णं से घण्णे अणगारे, समणेणं भगवया महावीरेण अढभ-
णुण्णाए समाणे अमुच्छिए जाव अणज्भोववन्ने विलमिव पण्णग-
सूएण अप्पाणेण आहार आहारेइ २ ता, संजमेण तवसा अप्पाण-
भावेमाणे विहरइ ॥१५॥

तए णं समणे भगव महावीरे अण्णया कयाइ काकदीओ
णयरीओ सहस्सववणाओ उज्जाणाओ पडिणिक्खमइ २ ता वहिया
जणवयविहार विहरइ ॥१६॥

तए णं से घण्णे अणगारे समणस्स भगवओ महावीरस्स
तहारूवाण थेराण अतिए सामाइयमाइयाइ एक्कारस अगाइ अहि-
ज्जइ २ ता सजमेण तवसा अप्पाण भावेमाणे विहरइ ॥१७॥

तए ण से घण्णे अणगारे तेण ओरालेण जहा खदओ जाव
सुहुयहुयासणे इव तेयसा जलते उवसोभमाणे चिट्ठति ॥१८॥

धन्नस्स णं अणगारस्स पायाण अयमेघान्त्वे तवस्सला-
वण्णे होत्या से जहानामए सुक्खधत्तीइ वा, कट्टपाउयाट वा,
जरगओवाहणाइ वा, एवामेव धन्नस्स अणगारस्स पाया गुक्का

भुक्खा लुक्खा निमंसा अट्टिचम्मछिरत्ताए पन्नार्याति, नो च्चै णं मससोणियत्ताए ॥१९॥

धन्नस्स णं अणगारस्स पायंगुलियाणं अयमेयारूवे तव-
रूवलावण्णे होत्था से जहानामए कलसगलियाइ वा भुग्गमास-
सगलियाइ वा, तरुणिया छिण्णा उण्हे दिण्णा सुक्का समाणी
मिलायमाणी मिलायमाणी चिट्ठंति, एवामेव धन्नस्स पायंगुलियाओ
सुक्काओ जाव णो मससोणियत्ताए ॥२०॥

धन्नस्स अणगारस्स जंघाण अयमेयारूवे—से जहानामए
ककजंघाइ वा, काकजघाइ वा, ढेणियालियाजघाइ वा, एवं जाव
सोणियत्ताए ॥२१॥

धन्नस्स ण जाणूण अयमेयारूवे से जहानामए-कालि-पोरेइ
वा, मयूरपोरेइ वा, ढेणियालियापोरेइ वा, एव जाव सोणिय-
त्ताए ॥२२॥

धन्नस्सण उरूणं—जहा नामए सामकरिल्लेइ वा, बोरिक-
रिल्लेइ वा, सल्लइयकरिल्लेइ वा, सामलिकरिल्लेइ वा, तरुणिया
छिन्ना उण्हे दिण्णा जाव चिट्ठइ, एवामेव धन्नस्स उरूणं जाव
सोणियत्ताए ॥२३॥

धन्नस्स ण कडिपत्तस्स इमेयारूवे, से जहा नामए उट्टपाएइ,
वा जरग्गपाएइ वा, महिसपाएइ वा जाव णो सोणियत्ताए ॥२४॥

धन्नस्स णं उदरभायणस्स अयमेयारूवे से जहा नामए-
सुक्कदिए इवा, भज्जणय कभल्ल इवा, कट्टकोलबएइवा, एवामेव
उदरसुक्क ॥२५॥

धन्नस्स ण पांसुलियाकडयाण अयमेयारूवे से जहा नामए-
थासयावलीइ वा, पाणावलीइ वा, मुंडावलीइ वा, एवामेव ० ॥२६॥

धन्नस्स पिट्ठकरडगाण अयमेयारूवेसे जहा नामए-कन्ता-
वल्लीइ वा, गोलावलीइ वा, वट्टावलीइ वा, एवामेव० ॥२७॥

घण्णस्स उरकडयस्स अयमेयारूवे से जहा नामए-चित्त-
कट्टरेइ वा, वियणपत्तेइ वा, तालियटपत्तेइ वा, एवामेव० ॥२८॥

धन्नस्स वाहाण से जहा नामए-समिसगलियाइ वा पहाया
सगलियाइ वा, अगतियसगलियाइ वा, एवामेव० ॥२९॥

घण्णस्स हत्थाणं अयमेयारूवे से जहा नामए-सुक्क-छग-
णियाइ वा; वडपत्तेइ वा, पलासपत्तेइ वा एवामेव० ॥३०॥

घण्णस्स हत्थगुलियाण से जहा नामए-कलसगलियाइ वा,
मुग्ग-माससगलियाइ वा, तरुणिया छिन्ना आयवे दिण्णा सुक्का
समाणी एवामेव० ॥३१॥

धन्नस्स गीवाए से जहा नामए—करगगीवाइ वा, कुडिया-
गीवाइ वा, [क्केत्थवणाइ वा] उच्चट्टवणएइ वा एवामेव० ॥३२॥

धन्नस्स णं हणुयाए से जहा नामए—लाउफलेइ वा, हकु-
वफलेइ वा अंबगट्टियाइ वा एवामेव० ॥३३॥

धन्नस्स ण उट्टाण से जहा नामए—सुक्कजलोयाइ वा, सिले-
सगुलियाइ वा, अलत्तगुलियाइ वा, [अवाडगपेसीयाइ वा] एवा-
मेव० ॥३४॥

धन्नस्स जिब्भाए से जहा नामए वडपत्तेइ वा, पलास-
पत्तेइ वा [उवरपत्तेइ वा] सागपत्तेइ वा एवामेव० ॥३५॥

धन्नस्स नासाए से जहा नामए—अवग-पेमियाइ वा, अवा-
डगपेत्तियाइ वा, माउलिगपेमियाइ वा, तरुणियाइ वा, एवामेव०
॥३६॥

घण्णस्स अच्छीण से जहा नामए—वीणाछिड्डेइ वा वद्धी-
सगच्छिड्डेइ वा, पाभाइयतारगाइ वा, एवामेव० ॥३७॥

धन्नस्स कन्नाण, से जहा नामए मूलाच्छल्लियाइ वा, वालुं-
कच्छल्लियाइ वा, कारेल्लयल्लिवाइ वा, एवामेव० ॥३८॥

धन्नस्स णं अणगारस्स सीसस्स अयमेयाह्वे से जहानामए
तरुणगलाउएइ वा, तरुणगएलालुएइ वा, सिण्हालए वा,
तरुणए जाव चिट्ठति एवामेव धन्नस्स अणगारस्स सीस सुक्क-
भुक्ख-लुक्ख-निम्मस अट्ठिचम्मछिरत्ताए पन्नायइ नो चेव णं
मस-सोणियत्ताए ॥ ३९ ॥

एवं सव्वत्थमेव नवर उदर-भायण, कन्ना, जीहा, उट्टा,
एएसि अट्ठी न भण्णइ, चम्मछिरत्ताए पन्नायंति इति
भणंति ॥ ४० ॥

घन्ने णं अणगारे सुक्केण भुक्खेणं पायजंघोरुणा विगत-
तडिकरालेण कडिकडाहेणं पिट्टमवस्सिएणं उदरभायणेणं
जोइल्लमाणेहिं पासुलियकडाएहिं अक्खसुत्तमाला वा गणिज्जमाणेहिं
पिट्टिकरडगसधीहिं गगातरग-भूएण, उरकडागदेसभाएणं सुक्क-
सप्पसमारोहिं बाहाहिं सिढिल-कडाली विव लबतेहिं य अग्ग-
हत्थेहिं कपणवाइए विव वेवमाणीए सीसघडीए पट्टादवदन-कमले
उब्भडघडमुहे उब्बुड्डुनयणकोसे ॥ ४१ ॥

जीव जीवेणं गच्छइ, जीव जीवेणं चिट्ठइ भासं भासिस्सा-
मिति गिलायइ से जहा नामए इंगालसगडियाइ वा, जहा
खदओ तथा हुयासणे इव भास-रासिपलिच्छन्ने, तवेणं तेएणं
तवतेयसिरीए उवसोभेमाणे चिट्ठइ ॥ ४२ ॥

तेणं कालेणं तेणं समएणं रायगिहे णयरे, गुणसिलए चेइए-
सेणिए राया । समणे भगव महावीरे समोसढे, परिसा णिग्गया,
सेणिओ णिग्गओ, धम्मकहा, परिसा पडिग्गया ॥ ४३ ॥

तए णं से सेणिए राया समणस्स भगवओ महावीरस्स अतिए धम्मं सोच्चा निसम्म समण भगव महावीर वदइ नमसइ वंदइत्ता नमंसित्ता एव वयासी—इमेसि ण भते । इदभूइपा-
मोक्खाण चउद्दसण्हं समणसाहस्सीण कयरे अणगारे महा-
दुक्करकारए चेव महाणिज्जरतराए ? ॥ ४४ ॥

एव खलु सेणिया । इमेसि इद भूइपामोक्खाण चउद्दसण्हं
समणसाहस्सीण धन्ने अणगारे महादुक्करकारए चेव, महा-
निज्जरतराए चेव ॥ ४५ ॥

से केणट्ठेण भते । एव वुच्चइ इमेसि चउद्दसण्हं समणसा-
हस्सीण धन्ने अणगारे महादुक्करकारए चेव महानिज्जरतराए
चेव ॥ ४६ ॥

एवं खलु सेणिया । तेण कालेण तेण समएण काकंदी
नाम नयरी होत्था, जाव उप्पि पासायवडिसए । तए णं
अहं अणया कयाइ पुव्वाणपुव्वीए चरमाणे गामाणुगाम दुइ-
ज्जमाणे जेणेव काकदी नयरी जेणेव सहस्सववणे उज्जाणे तेणेव
उवागए २ ता अहापडिरुवं उगह उग्गिण्हित्ता सजमेण तवसा
जाव विहरामि । परिसा णिग्गया, त चेव जाव पच्चइए जाव
विलमिव जाव आहारेति, धम्मस्स ण अणगारस्स पादाणं सरीर-
वन्नओ सव्वो जाव उवसोभेमाणे २ चिट्ठइ । से तेणट्ठेणं
सेणिया ! एवं वुच्चइ इमेसि चउदसण्हं समणसाहस्सीणं धन्ने
अणगारे महादुक्करकारए चेव महानिज्जरतराए चेव ॥ ४७ ॥

तस्से ण से सेणिए राया समणस्स भगवओ महावीरम्म
अतिए एयमट्ठ सोच्चा निसम्म हट्ठतुट्ठे समण भगव महावीर
तिक्खुत्तो आयाहिण पयाहिण करेइ, वदइ नमसइ २ ता

जेणेव धन्ने अणगारे तेणेव उवागच्छइ, उवागच्छिता धन्न अणगारं
तिक्खुत्तो आयाहिण पयाहिण करेइ, वदइ नमसइ, वदइत्ता
नमंसइत्ता एवं वयासी—धण्णे सि णं तुमं देवाणुप्पिया ! चुपुण्णे
सुकयत्थे कयलक्खणे सुत्तद्धे ण देवाणुप्पिया ! तव माणुस्सए
जम्मजीविगफलेत्ति कट्टु वदइ नमसइ, नमसित्ता जेणेव समणे भगव
महावीरे तेणेव उवागच्छइ २ त्ता समणं भगवं महावीरं तिक्खुत्तो
जाव वदइ २ त्ता जामेव दिसि पाउव्भूए तामेव दिसि
पडिगए ॥४८॥

तए ण तस्स धन्नस्स अणगारस्स अन्नया कयाइ पुच्च-
रत्तावरत्तकालसमयसि धम्मजागरिय, जागरमाणस्स इमेयारूवे
अज्झत्थिए चित्तिए मणोगए संकप्पे समुपज्झित्था, एवं खलु अहं
इमेण ओरालेणं जहा खदओ तद्देव चित्ता, आपुच्छण, थेरेहिं सद्धि
विपुल दुरूहइ । मासियाए सलेहणाए नवमासा परियाओ जाव
कालम से काल किञ्चा उड्ढ चदिम जाव नवयगेविज्जविजय-
विमाणपत्थडे उड्ढ दुर वीइवइत्ता सव्वट्ठसिद्धे विमाणे देवत्ताए
उववन्ने ॥४९॥

थेरा तहेव उत्तरति जाव इमे से आघारभइए ॥५०॥

भते त्ति, भगवं गोयमे तहेव पुच्छइ जहा खदयस्स भगवं
वागरेति जाव सव्वट्ठसिद्धे विमाणे उववन्ने ॥५१॥

धन्नस्स ण भन्ते ! देवस्स केवइयं काल ठिई पन्नत्ता ?
गोयमा ! तेत्तीसं सागरोवमाइ ठिई पन्नत्ता ॥५२॥

से णं भंते ! ताओ देवलोगाओ आउक्खएण भवक्खएणं
ठित्तिक्खएण कंहि गच्छिहिति कंहि उववज्जेहिति ? गोयमा !
महाविदेहवासे सिज्झिहइ बुज्झिहइ मुच्चिहइ परिणिव्वाहिइ
सव्वदुक्खाणमंतं करेहिइ ॥५३॥

एवं खलु जम्बू । समणेण भगवया महावीरेण जाव सप-
त्तेण पढमस्स अज्झयणस्स अयमट्ठे पणत्ते ॥५४॥

॥ पढम अज्झयण समत्त ॥

जइ ण भन्ते । उवखेवओ एव खलु जम्बू । तेण कालेण
तेण समएण काकंदो नयरो होत्था, भद्दा सत्यवाही परिवसइ ॥१॥

तीसे ण भद्दाए सत्यवाहीए पुत्ते सुनक्खत्ते नाम दारए
होत्था, अहीणं जाव सुरूवे, पचघाइ—परिक्खत्ते जहा धन्तो—
तहेव वत्तोसओ दाओ जाव उप्पि पासायवडिसए विहरइ ॥२॥

तेण कालेण तेणं समएण सामी समोसडे जहा धन्तो
तहा सुनक्खत्ते वि निग्गओ जहा थावञ्जापुत्तस्स तहा निक्खमण
जाव अणगारे जाए ईरियासमिए जाव गुत्तवभयारिए ॥३॥

तेण ण से सुनक्खत्ते अणगारे ज चेव दिवस समणस्स भगवओ
महावीरस्स अतिए मुडे जाव पव्वइए त चेव दिवस अभिग्गह
तहेव विलमिव पणगभूएण आहार आहारेइ, सजमेण जाव विह-
रइ ॥४॥

समण जाव वहिया जणवयविहार विहरइ । एक्कारस अगाइ
अहिज्जइ, सजमेण तवसा अप्पाण भावेमाण विहरइ ॥५॥

तएण स सुनक्खत्त अणगारे तेण उरालेण जहा खदओ ॥ ६ ॥

तेण कालेण तेणं समएण रायगिहे णयरे गुणसिलए
चेइए, सेणिए राया सामी समोसडे, परिसा निग्गया, राया
निग्गओ, धम्मकहा राया पडिगयो, परिमा पडिगया ॥ ७ ॥

तए ण तत्त सुनक्खत्तस्स अन्नया कयाइ पुव्वरत्ता जाव
पम्मजागरियं जहा खदयस्स बहुवात्ताओ परियाओ ॥ ८ ॥

गोयमपुच्छा जाव सव्वट्टसिद्धे विमाणे देवत्ताए उववण्णे ।
जाव महाविदेहवासे सिञ्जिर्हिति ॥ ६ ॥

॥ इय वीय अञ्जयणं समत्तां ॥

एव खलु जम्बू ! सुनवखत्तगमेणं सेसावि अट्ट भाणियव्वा,
णवरं आणुपुव्वीए-दोन्नि रायगिहे, दोन्नि साइए, दोन्नि वाणि-
यग्गामे, नवमो हत्थिणापुरे, दसमो रायगिहे ॥१॥

नवण्हं भद्दाओ जणणीओ, नवण्हवि बत्तीसओ दाओ
नवण्हं निक्खमणं थावच्चापुत्तस्स सरिसं, वेहल्लप्पिया करेइ,
नवमास घण्णे वेहल्ल छासापरियाओ, सेसाणं बहुवासाइ,
मास सलेहणा सव्वे महाविदेहवासे सिञ्जिर्हिति । एवं दस
अञ्जयणाणि ।

एवं खलु जम्बू ! समणेणं भगवया महावीरेण
अणुत्तरोववाइयदसाणं तच्चस्स वग्गस्स अयमट्ठे पणत्ते । अणुत्त-
रोववाइयदसाओ सम्मत्ताओ । अणुत्तरोववाइयदसाणं एओ सुयखंधो
तिन्नि वग्गा तिसु दिवसेसु उट्ठिसिज्जति, पढमे वग्गे दस उट्ठेसगा
वीए वग्गे तेरस उट्ठेसगा, तइये वग्गे दस उट्ठेसगा, सेसं जहा धम्म-
कहा नायव्वा ॥ इति ॥



❀ श्री दशाश्रुतस्कंध ❀

चित्त-समाधि पंचमी दशा

नमो सुयदेवयाए भगवतीए । सुय मे आउस । तेषं भगवया एवमवखाय, इह खलु थेरेहिं भगवतेहिं दस चित्त-समाहि-ठाणा पन्नत्ता । कयरा खलु ते थेरेहिं भगवतेहिं दस चित्त-समाहिठाणा-पण्णत्ता ? इमे खलु थेरेहिं भगवतेहिं दसचित्तसमाहिठाणा-पण्णत्ता त जहा—तेणं कालेणं तेषं समएणं वाणियग्गामे नगरे होत्या, नगर-वण्णओ भाणियव्वो ॥१॥

तस्स णं वाणियग्गामस्स नगरस्स बहिया उत्तरपुरच्छिमे दिसिभाए दूतिपलासए नामं चेइए होत्या, चेइए वण्णओ भाणि-यव्वो ॥९॥

जियसत्तू राधा, तस्स धारिणी नाम देवी, एव सव्व समोस-रणं भाणियव्व जाव पुढवीसिलापट्टए, सामी समोसडे परिता निग्गया, धम्मो कहिओ, परिता पडिगया ॥३॥

अज्जो ! इति समणे भगव महावीरे समणाय समणीओ य निग्गथा य निग्गथोओ य आमत्तिता एवं धयासी-इह खलु अज्जो ! निग्गथाण वा, निग्गथीणं वा इरियासमियाण, भासासमियाण, एसणासमियाणं, आयाणभड-मत्त-निक्खेवणा-समियाण, उच्चार-पासवण-खेल-जत्तसिघाण-पारिट्ठावणिया-समियाणं, मण समियाणं, वय-समियाणं, काय-समियाण, मण-गुत्ति-याण, वय-गुत्तियाण, काय-गुत्तियाणं, गुत्ति-दियाण गुत्त-वभयारीणं, आयट्ठीण, आय-

हियाणं, आय-जोयण, आय-परिक्रमाणं पक्खिए-पोसहिएसु समाहि-
पत्ताणं भियायमाणेण इमाइ दसचित्तसमाहि-ट्ठाणाइ असमुप्पण-
पुव्वाइ समुप्पज्जित्था त जहा—धम्मचित्ता वा से असमुप्पण-पुव्वाइ
समुप्पज्जेज्जा सव्वं धम्म जाणित्तए ॥१॥

सुमिण-दसिण वा से असमुप्पण-पुव्वे समुप्पज्जेज्जा, अहा-
तच्च सुमिणं पासित्तए, सण्णि-जाइ-सरणेणं सण्णि-णाणं वा से
असमुप्पण-पुव्वे समुप्पज्जेज्जा अप्पणो पोरानियं जाइ समरित्तए
॥३॥

देव-दसणे वा से असमुप्पण-पुव्वे समुप्पज्जेज्जा दिव्व
देवदिद्व दिव्व देव-जुइ दिव्वं देवाणभाव पासित्तए ॥४॥

ओहिणाणे वा से असमुप्पण-पुव्वे समुप्पज्जेज्जा, ओहिणा
लोग जाणित्तए ॥५॥

ओहि-दंसणे वा से असमुप्पण-पुव्वे समुप्पज्जेज्जा-अट्ठा-
इज्जेसु दीव-समुद्देसु सण्णीणं-पांचदियाणं पज्जत्तगाणं मणोगएभावे
जाणित्तए ॥७॥

केवलनाणे वा से असमुप्पण-पुव्वे समुप्पज्जेज्जा केवलकप्पं
लोया-लोय जाणित्तए ॥८॥

केवल-दसणे वा से असमुप्पण-पुव्वे समुप्पज्जेज्जा केवलकप्प
लोयालोयं पासित्तए ॥९॥

केवल-मरणे वा से असमुप्पण-पुव्वे समुप्पज्जेज्जा सव्व-
डुक्खप्पहाणाए ॥१०॥

ओय चित्त समादाय, उक्काणं समुप्पज्जइ ।

धम्मे द्विओ अविमणो, निव्वानमभिगच्छइ ॥१॥

ण इम चित्त समादाय, भुज्जो लोयंसि जायइ ।

अप्पणो उत्तमं ठाणं, सण्णी णाणेण जाणइ ॥२॥

अहातच्चं तु सुमिण, खिप्प पासेति सवुडे ।
 सव्वं वा ओह तरति, दुक्खओ य विमुच्चइ ॥३॥
 पताइ भयमाणस्स, विवित्त सयणासण ।
 अग्गपाहारस्स दंतस्स, देवा दसेति ताइणो ॥४॥
 सव्व-काम-विरतस्स, खमणा भय-भेरवं ।
 तओ से ओही भवइ, सनयस्स तवस्सिणो ॥५॥
 तवसा अवहद्दु लेस्सस्स, दंसण परिसुज्झइ ।
 उड्ढ अहे तिरिय च, सव्वमणुपस्सति ॥६॥
 सुसमाहिय-लेस्सस्स, अवितक्कस्स भिवखुणो ।
 सव्वओ विप्पमुक्कस्स, आया जाणाइ पज्जवे ॥७॥
 जया से नाणावरणं, सव्व होइ खय गय ।
 तओ लोगमलोग च, जिणो जाणाति केवली ॥८॥
 जया से दरसणावरण, सव्व होइ खय गय ।
 तओ लोगमलोग च, जिणो पासति केवली ॥९॥
 पडिमाए विमुद्धाए, मोहणिज्ज खय गयं ।
 असेस लोगमलोग च पासेति सुसमाहिए ॥१०॥
 जहा मत्थए सूइए, हंताए हम्मइ तले ।
 एव कम्माणि हम्मति, मोहणिज्जे खय गए ॥११॥
 सेणावइन्मि निहते, जहा सेणा पणस्सइ ।
 एव कम्माणि णस्सति, मोहणिज्जे खय गए ॥१२॥
 धूम-हीणो जहा अग्गी, खीयति से निर्दिघणे ।
 एवं कम्माणि खीयंति, मोहणिज्जे खय गए ॥१३॥

सुक्क-मूले जहा रुक्खे, सिचमाणे ण रोहति ।
 एव कम्मा ण रोहंति, मोहणिज्जे खय गए ॥१४॥
 जहा दड्ढाण बीयाण, न जायति पुणअकुरा ।
 कम्म-बीएसु दड्ढेसु, न जायति भवंकुरा ॥१५॥
 चिञ्जा ओरालिय बोदि, नाम-गोयं च केवली ।
 आउयं वेयणिज्ज च, छित्ता भवति णीरए ॥१६॥
 एव अभिसमागम्म, चित्तमादाय आउसो ।
 सेणिसुद्धिमुवागम्म, आया सुद्धिमुवागइ ॥ त्ति बेमि ॥१७॥

॥ इति दशाश्रुतस्कन्ध-चित्तसमाधि-नाम-पंचमी दशा ॥

॥ चउसरण पइण्णा ॥

सावज्जजोगविरई^१, उक्कित्तण^२ गुणवओ अ पडिवत्ती^३ ।
 खलिअस्स निदणा^४, वणतिगिच्छ^५ गुणधारणा^६ चैव ॥१॥
 चारित्तस्स विसोही कीरइ, सामाइएण किल इहयं ।
 सावज्जेअररजोगाण वज्जणा सेवणत्तणओ ॥२॥
 दंसणायारविसोही, चउवीसत्थएण किञ्चइ य ।
 अञ्जब्भुअगुणकित्तणरूवेण जिणवरिदाणं ॥३॥
 नाणाईआ उ गुणा तस्सपन्नपडिवत्तिकरणाओ ।
 वंदणएण विहिणा, कीरइ सोही उ तेसिं तु ॥४॥
 खलिअस्स य तेसिं पुणो,विहिणा ज निदणाइ पडिक्कमणं ।
 तेण पडिक्कमणेण, तेसिंपि अ कीरए सोही ॥५॥

चरणाईयारा णं जहक्कम्म वणत्तिगिच्छरूवेणं ।
पडिक्कमणासुद्धाणं, सोही तह काउसग्गेणं ॥६॥

गुणधारणरूवेणं पच्चवखाणेण तवइआरस्स ।
विरिआयारस्स पुणो, सव्वेहि वि कीरए सोही ॥७॥

गयं वसहं सीहं अभिसेअं, दामं ससिं दिणयरं भयं कुभं ।
पउमसरं सागरं विमाण, भवणं रयणुच्च यं सिहिं च ॥८॥

अमरिद-नरिद-मुणिदवदिअ, वंदिउं महावीर ।
कुसलाणुवधि, बंधुरमज्झयण कित्तइस्सामि ॥९॥

चउसरणगमण, दुक्कडगरिहा सुकडाणुमोअणा चेव ।
एस गणो अणवरय, कायव्वो कुसलहेउत्ति ॥१०॥

अरहत-सिद्ध-साह, केवलिकहिओ सुहावहो धम्मो ।
ए चउरो चउगइहरणा, सरण लहइ धन्नो ॥११॥

अह सो जिणभत्ति-भरुत्थरत-रोमच-कचुअ-करालो ।
पहरिसण उम्मीस, सीसंमि कयजलि भणइ ॥१२॥

रागद्वोसारीण हता, कम्मट्टगाइ-अरिहता ।
विसय-कसायारीण, अरिहंता हंतु मे सरणं ॥१३॥

रायसिरिसुवक्कमि (सि) ता, तवचरण दुच्चर अणुचरित्ता ।
केवलसिरिमरिहता, अरिहता हंतु मे सरण ॥१४॥

थुइ-वदणमरिहता, अमरिद-नरिदपूइअमरिहता ।
सासयसुहमरहता, अरिहता हंतु मे सरणं ॥१५॥

परमणगयं मुणंता, जोइद-महिंदभाणमरहता ।
धम्मकह अरहंता, अरिहंता हंतु मे सरण ॥१६॥

सच्चजिआणमहिंस, अरहता सच्चवयणमरहता ।
 बंभववधनरहता अरिहता हुंतु मे सरण ॥१७॥
 ओसरणमवसरित्ता चउतीकं अइसए नित्सेवित्ता ।
 धम्मकह च कर्हता अरिहता हुंतु मे सरण ॥१८॥
 एगाइ गिराऽणेगे, सदेहे देहिण सम छित्ता ।
 तिहुयणमणुसासता, अरिहंता हुंतु मे सरण ॥१९॥
 वयणामएण भुवण. निव्वारित्ता गुणेषु ठावता ।
 जिअलोअमुद्धरता, अरिहता हुंतु मे सरणं ॥२०॥
 अच्चवभुयगुणवते, नियजससइरपसाहिअदिअते ।
 निअयमपाइ अणते, पडिवन्नो सरणमरिहते ॥२१॥
 उज्झिअजरमरणण, समत्तदुक्खत्तसत्त-सरणणं ।
 तिहुअण-जणसुहयाण, अरिहंताण नमो तागं ॥२२॥
 अरिहंत-सरण-मल-सुद्धिलद्ध सुविसुद्ध-सिद्धवहुमाणो ।
 पणय-सिर-रइय-कर-कमल-सेहरो-सहरिस भणइ ॥२३॥
 कम्मट्टवज्जयसिद्धा, साहाविअनाणदंसणत्तमिद्धा ।
 सच्चट्टुर्लाद्धिसिद्धा ते, सिद्धा हुंतु मे सरणं ॥२४॥
 तिअलोअ-मत्ययत्या, परमपयत्या अचित्तस.म-था ।
 भगलसिद्धपयत्या, तिद्धा सरण सुहयत्तत्या ॥२५॥
 मूलुक्कज्जयपडिवक्खा, अमूढलक्खा सजोगिपच्चक्खा ।
 साहविअत्तसुक्खा, सिद्धा सरण परमसुक्खा ॥२६॥
 पडिपित्तिलअ पडिणीया, समग्गभाणणिगदड्ढभववीआ ।
 जोइसरसरणीया, सिद्धा सरणं सुनरणिआ ॥ २७ ॥

पावियपरमाणदा, गुणनीसदा विभिन्न भवकदा ।
लहुईकय-रविचंदा, सिद्धा सरण खविअवंदा ॥२८॥

उवलद्धपरमवभा, दुल्लहलभा विमुक्कसरभा ।
भुवणघरघरणखभा, सिद्धा सरण निरारभा ॥२९॥

सिद्धसरणेण, नववभहेउसाहुगुणजणिअ-वहुमाणो ।
मेइणिमित्त-सुपसत्थमत्थओ, तत्थिम भणइ ॥३०॥

जिअलोअवघुणो, कुगईसिघुणो पारगा महाभागा ।
नाणाइएहिं सिवसुखसाहगा, साहुणो सरणं ॥३१॥

केवलिणो परमोही, विउलमई मुअहरा जिणमयमि ।
आयरिअ उवज्जाया, ते सव्वे साहुणो सरण ॥३२॥

चउदस-दस-नवपुव्वी, दुवलसिक्कारसगिणो जे अ ।
जिणकप्पाहालदि, अपरिहार-विसुद्धि-साहू अ ॥३३॥

खीरासवमहु-आसवसभिन्नस्सोअ कुट्टुवुद्धी अ ।
चारणवेउव्वि पयाणुसारिणो साहुणो सरणं ॥३४॥

उज्झियवइर-विरोहा, निज्जमदोहा पसतमुहसोहा ।
अभिमयगुणसदोहा, हयमोहा साहुणो सरण ॥३५॥

खडिअसिणेहदामा, अकामधामा निकाममुहकामा ।
सुपुरिसमणाभिरामा, आयारामा मुणो सरणं ॥३६॥

मिहिअविषयकमाया, उज्झियघरघरणिसगसुहसाया ।
अकलिअहरिसविसाया, साहू सरण गयपमाया ॥३७॥

हिंसाइ-दोससुत्ता, कयकारुत्ता नयभुरुत्पत्ता—(पुण्णा) ।
अजरामरपहलुत्ता, साहू सरण नुकयपुत्ता ॥ ३८ ॥

कामविडवणचुक्का, कलिमलमुक्का विवि [मु] क्वचोरिक्का ।
 पावरय-सुरयरिक्का, साहू गुणरयणचञ्चिक्का ॥३९॥
 साहुत्तसुद्धिया जं, आयरिआई तओो य ते साहू ।
 साहुभणिएण गहिया, तम्हा ते साहुणो सरणं ॥४०॥
 पडिवन्नसाहुसरणो, सरणं काउ पुणोवि जिणधम्म ।
 पहरिसरोमचपवच-कंचुअंचिअतणू भणइ ॥४१॥
 पवरसुकएह पत्त,पत्तेहि वि नवरि केहि वि न पत्तं ।
 तं केवलिपन्नत्त, धम्म सरणं पवन्नोऽह ॥४२॥
 पत्तेण अपत्तेण य पत्ताणि अ जेण नरसुरसुहाइं ।
 सुवत्तसुहं पुण पत्तेण, नवरि धम्मो स मे सरण ॥४३॥
 निट्टलिअकलुसकम्मो, कयसुहजम्मो खलीकय-अहम्मो ।
 पमुहपरिणामरम्मो, सरणं मे होउ जिणधम्मो ॥४४॥
 कालत्तएवि न मय, जम्मण-जरमरणवाहिसय-समयं ।
 असयं व बहुमयं जिणमयं च सरणं पवन्नोऽहं ॥४५॥
 पसमिअकामपमोहं, दिट्ठादिट्ठेसु नकलिअविरोहं ।
 सिवसुहफलममोहं, धम्मं सरण पवन्नोऽहं ॥ ४६ ॥
 नरय-गइ गमणरोह, गुणसंदोहं पवाइनिवखोह ।
 निहणिअवम्महजोह, धम्मं सरणं पवन्नोऽह ॥ ४७ ॥
 भासुर - सुवन्न - सुंदर-रयणालंकार-गारव-महग्घं ।
 निहिमिव दोगच्चहरं, धम्म जिणदेसिअं वंदे ॥ ४८ ॥
 चउसरणगमणसच्चिसुचरिअरोमचअचियसरीरो ।
 कयदुक्कडगरिहो, असुहकम्मवत्तयकखिरो भणइ ॥ ४९ ॥
 इहभविअमत्तभविअ, मिच्छत्तपवत्तणं जमहिगरण ।
 जिणपवयणपडिकुट्ठं, दुट्ठं गरिहासि तं पावं ॥ ५० ॥

मिच्छत्ततमघेणं, अरिहंताइसु अवन्नवयण ज ।
अन्नाणेण विरइय, इण्ह गरिहामि त पाव ॥ ५१ ॥

सुअधम्म-सघसाहुसु, पाव पडिणीअयाइ ज रइय ।
अन्नेसु अ पावेसुं, इण्ह गरिहामि त पाव ॥ ५२ ॥

अन्नेसु अ जीवेसु, मित्ती-करुणाइ-गोघरेसु कयं ।
परिआवणाइ दुक्ख, इण्ह गरिहामि त पाव ॥ ५३ ॥

जं मणवयकाएहिं, कयकारिअ-अणुमईहिं आयरिय ।
धम्मविरुद्धमसुद्धं, सव्व गरिहामि त पाव ॥ ५४ ॥

अह सो दुक्कडगरिहा-दलिउक्कडदुक्कडो फुड भणइ ।
सुकडाणुरायसमुइन्नपुन्नपुलय - कुरकरालो ॥ ५५ ॥

अरिहत्त अरिहतेस्, ज च सिद्धत्तण च सिद्धेसु ।
आयार आयरिए, उज्जायत्त उवज्जाए ॥ ५६ ॥

साहूण साहुचरिअ च, देसविरइ च सावय-जणाण ।
अणुमन्ते, सव्वेसिं, सम्पत्त सम्मदिट्ठीण ॥ ५७ ॥

अहवा सव्व विअ वीयरायवयणाणुसारि ज सुकय ।
कालत्तएवि तिविहं, अणुमोएमो तय सव्व ॥ ५८ ॥

सुहपरिणामो निच्चं, चउसरणगमाइ आयार जीवो ।
कुसलयडीउ वधइ, वद्धाउ सुहाणुवधाउ ॥ ५९ ॥

मदाणुभावा वद्धा, तिच्चाणुभावाउ कुणइ ना चेव ।
असुहाउ निरणुवधाउ, कणइ तिच्चाउ मदाउ ॥ ६० ॥

ता एय कायव्वं, दुहेहिं निच्च पि मकिलेमन्नि ।
होइ तिकाल सम्म, अमकिलेसंमि सुकयफल ॥ ६१ ॥

चउरंगो जिणधम्मो, न कओ चउरंगसरणमवि न कयं ।
 चउरंगभवुच्छेओ, न कओ हा ! हारिओ जम्मो ॥ ६२ ॥
 इअ-जीवपसायमहारिवीर-भट्टं तमे-अमज्झयण ।
 भाएसु तिसंभमवभ-कारणं निव्वुइसुहाणं ॥ ६३ ॥

॥ चउसरणं समत्तं ॥



॥ सुभाषित ॥




पंच-महव्वय-सुव्वय-मूल, समण-मगाइल-साहू सुचिन्तं ।
 वेरविरमणपञ्जवसाणं, सव्वसमुद्धमहोदधी नित्यं ॥ १ ॥
 तित्थकरेहिं सुदेसियमग्गं, नरग-तिरिय विवज्जिय-मग्गं ।
 सव्व-पवित्त सुनिम्मियसारं, सिद्धिविमाणं अवंगुय-दारं ॥ २ ॥
 देव नरिंद-नमंसिय-पूइयं, सव्वजगुत्तम-मंगल-मग्गं ।
 उद्धरिस गुण-नायगमेग, मोक्खपहस्स-वडिसगभूयं ॥ ३ ॥
 धम्मारामे चरे भिवखू, धिइमं धम्म-सारही ।
 धम्मारामे रए दंते, बभचेर - समाहिए ॥४॥
 देव-दाणव-नाघव्वा, जक्ख-रक्खस्स-किन्नरा ।
 बभयारि नमंसति डुक्करं जे करन्ति तं ॥५॥
 एस धम्मो धुवे निच्चो, सासए जिणदेसिए ।
 सिद्धा सिज्झति चाणेणं, सिज्झिस्सति तहावरे ॥६॥

अरहंत-सिद्ध-पवयण-गुरु-थेर - बहुस्सुय - तवस्तीसु ।
 वच्छल्लया य तेसि, अभिक्खनाणोवओगे य ॥७॥
 दंसण-विणय-आवस्सए य, सीलव्वए निरइयारे ।
 खणलव-तव-च्चियाए, वेयावच्च समाहीए ॥८॥
 अपुव्वनाणग्गहणे सुयभत्ती, पव्वयणे पभावणया ।
 एएहि कारणेहि तित्थयरत्त न्हइ जीवो ॥९॥
 जिणवयणे अणुरत्ता. जिणवयण जे करति भावेण ।
 अमला असकिलिद्धा, ते हुंति य परित्तससारि ॥१०॥
 एव खु नाणिणो सार, ज न हिसइ किंचण ।
 अहिंसा समय चेव, एत्तावत वियाणिया ॥११॥
 जाइ च बुद्धि च इहेज्जपास, भूतेहि जाण पडिलेह सायं ।
 तम्हा तिविद्धो-परमति णच्चा,सम्मत्तदसी न करेइ पाव ॥१२॥
 उम्मुच्च पास इह मच्चिएहि, आरंभजीवीउभयाणुपस्ती ।
 कामेसु गिद्धा णिचय करति,ससिंचमाणा पुणरेति गढ्भं ॥१३॥
 सवेणे नाणे विन्नाणे, पच्चखाणे य सजमो ।
 अणण्हए तवे चेव, वोदाणे अकिरिया सिद्धि ॥१४॥
 एमोह नत्थि मे कोई, नाहमन्नस्स कस्सई ।
 एव अदीणमणसा, अप्पाणमणुसासई ॥१५॥
 एगो मे सासओ अप्पा, नाणदसणसजओ ।
 सेसा मे वाहिरा भावा, सव्व सजोगलक्खणा ॥१६॥
 जीविय नाभिगच्छेज्जा, मरण नोवि पत्थए ।
 डुहउवि न इच्छेज्जा, जीविय मरण तथा ॥१७॥
 सार दसणनाण, सार-तव-नियम-सजम-सील ।
 सारं जिणवरधम्म, सार सलेहणा पडियमरणं ॥१८॥

कल्लाणकोडिकारिणी, दुग्गइदुहनिदुवणी ।
 ससारजलतारिणी, एगत होइ जीवदया ॥१६॥
 आरभे नत्थि दया, महिलाए सग नासइ बभं ।
 संकाए नासइ सम्मत्तं, पवज्जा अत्थग्गहणं च ॥२०॥
 मज्झं विसयकसाया, निट्टा विकहा य पचमी भणिया ।
 एए पच पमाया, जीवा पाडति ससारे ॥२१॥
 लब्भंति विमला भोए, लब्भति सुरसपया ।
 लब्भंति पुत्तमित्त च, एगो धम्मो न लब्भइ ॥२२॥
 न वि सही देवता देवलोए, न वि सुही पुढवीपइराया ।
 न वि सुही सेट्ठिसेणावइ य, एगंत सुद्धी मुणी वीघराणी ॥२३॥
 नगरी सोहती जलमूलवागे, नारी सोहति परपुरुषत्यागे ।
 राजा सोहत सभा पुराणी, साधु सोहता अमृतवाणी ॥२४॥
 चलति मेरु चलति मद्दिर, चलति तारा रविचन्द्रमडलं ।
 कदापि काले पृथ्वी चलति, साहसपुरुषवाक्यो न चलंति धर्मं ॥२५॥
 अशोकवृक्षः सुरपुष्पवृष्टिदिव्यध्वनिश्चामरमासन च ।
 भामण्डल दु दुभिरातपत्रं, सत्प्रातिहार्याणि जिनेश्वराणाम् ॥२६॥
 अप्पा नई वेयरणी, अप्पा मे कूडसामली ।
 अप्पा कामदुहा धेणू, अप्पा मे नदणं वणं ॥२७॥
 अप्पा कत्ता विकत्ता य, दुहाण य सुहाण य ।
 अप्पा मित्तममित्त च, दुप्पट्ठियसुपट्ठियो ॥२८॥
 जो सहस्सं सहस्साण, संगामे दुज्जए जए ।
 एगं जिणेज्ज अप्पाण, एस से परमो जओ ॥२९॥
 लाभालाभे सुहे-दुक्खे, जीविए मरणे तहा ।
 समो निन्दापससासु, तहा साणावमाणओ ॥३०॥



भक्तामर-स्तोत्रम्



भक्तामर-प्रणत-मौलि-मणिप्रभाणा-
मुद्योतक दलितपापतमोवितानम् ।
सम्यक् प्रणम्य जिनपादयुग युगादा-
वालम्बन भवजले पतता जनानाम् ॥१॥

य सस्तुतः सकलवाङ्मयतत्त्वबोधा-
दुद्भूतबुद्धिपटुभिः सुरलोकनार्थं ।
स्तोत्रं जगत्त्रितयचित्त-हरंरुदारं,
स्तोष्ये किलाहमपि त प्रथम जिनेन्द्रम् ॥२॥

बुध्या विनाऽपि विबुधाचितपादपीठ !,
स्तातुं समुद्यतमतिविगतत्रपोऽहम् ।
बाल विहाय जलसस्थितमिन्दुविम्ब-
मन्यः क इच्छति जन सहसा ग्रहोतुम् ॥३॥

वक्षतु गुणान् गुणसमुद्र ! शशाङ्ककान्तान्,
कस्ते क्षम सुरगुरो प्रतिमोऽपि बुद्ध्या ।
कल्पातकाल-पवनोद्धत-नक्रचक्र,
को वा तरोतुमलमम्बुनिधि भुजान्याम् ॥४॥

सोऽह तथापि तव भक्तिवशान्मूनीश !,
कर्तुं त्वव विगतशषितरपि प्रवृत्त ।
प्रीत्यात्मवीर्यमविचार्य मृगी मृगेन्द्र,
नाभ्येति किं निजशिरो परिपालनार्थम् ॥५॥

अल्पश्रुतं श्रुतवतां परिहासधाम,
 त्वद्भक्तिरेव मुखरी कुरुते बलान्माम् ।
 यत्कोकिल किल मधौ मधुर विरौति,
 तज्जारुचाञ्जकलिका-निकरैकहेतुः ॥६॥

त्वत्संस्तवेन भवसन्ततिसन्निबद्ध,
 पाप क्षणात्क्षयमुपैति शरीरभाजाम् ।
 आक्रान्तलोक-मलिनील-मशेषमाशु,
 सूर्या शुभिन्नमिव शार्चरमन्धकारम् ॥७॥

मत्वेति नाथ ! तव सस्तवनं मयेद-
 मारभ्यते तनुधियाऽपि तव प्रभावात् ।
 चेतो हरिष्यति सता नलिनीदलेषु,
 मुक्ताफलद्युतिमुपैति ननूदबिन्दु ॥८॥

आस्तां तव स्तवनमस्तसमस्तदोषं,
 त्वत्सकथाऽपि जगतां दुरितानि हन्ति ।
 द्वरे सहस्रकिरणः कुरुते प्रभैव,
 पद्माकरेषु जलजानि विकाशभाञ्जि ॥९॥

नात्यद्भुत भुवनसूषण ! सूतनाथ !
 भूतैर्गुणैर्भुवि भवन्तमभिष्टुवन्तः !
 तुल्या भवन्ति भवतो ननु तेन किं वा,
 सूत्याश्रितं य इह नात्मसम करोति ॥१०॥

दृष्ट्वा भवन्तमनिमेषविलोकनीय,
 नान्यत्र तोषमुपयाति जनस्य चक्षुः ।
 पीत्वा पयः शशिकरद्युतिदुग्धसिन्धोः,
 क्षार जलं जलनिघेरगितु क इच्छेत् ॥११॥

यं. शान्तरागरुचिभि. परमाणुभित्त्र,
निर्मापितस्त्रिभुवनैकललामभून ।

तावन्त एव खलु तेऽप्यणवः पृथिव्या,
यत्ते समानमपर न हि रूपमस्ति ॥१२॥

क्वत्र क्व ते सुरनरोरगनेत्रहारि,
नि शेषनिजित-जगन्त्रितयोपमानम् ।

विम्ब कलङ्कपलिन क्व निशाकरस्य,
यद्वासरे भवति पाण्डुपलाशकल्पम् ॥१३॥

सम्पूर्णमण्डलशशाङ्ककला-कलाप ।

शुभ्रा गुणास्त्रिभुवन तव लङ्घ्यन्त ।
ये नश्रितास्त्रिजगदीश्वर । नायमेक,
कस्तान्निवान्यति सञ्चरतो यथेष्टम् ॥१४॥

चित्र किमत्र यदि ते त्रिदशाङ्गनाभि-
नीत मनागपि मनो न विकारमार्गम् ।

कल्पान्तकालमरुता चलित्नाचलेन,
कि मन्दराद्विशिखर चलित कदाचित् ॥१५॥

निधू मवति-रप्सवजित-तैलपूर

कृत्स्नं जगत्त्रयनिद प्रकटी-करोषि ।
गम्यो न जानु मरुता चलित्नाचलानां,
दीपोऽपरस्त्वमसि नाय । जगत्प्रकाश ॥१६॥

नास्तं कदाचिदुपयासि न राहृगम्यः,
स्पृष्टीकरोषि महता युगमस्रुगन्ति ।

नाम्भोघरोदर-निरुद्ध-महाप्रभावः,

सूर्यातिशायिमहिमाग्नि मुनीन्द्र । लोके ॥ १७ ॥

नित्योदयं दलितमोहमहान्धकारं,
 गम्य न राहुवदनस्य न वारिदानाम् ।
 विभ्राजते तव मुखाब्जमनल्पकान्ति-
 विद्योतयज्ञगदपूर्व-शशाङ्कविम्बम् ॥१८॥

किं शर्वरीषु शशिनाऽह्नि विवस्वता वा,
 युष्मन्मुखेन्दुदलितेषु तमस्सु नाथ ! ।
 निष्पन्नशालिवनशालिनि जीवलोके,
 कार्यं कियञ्जलधरैर्जलभारनञ्चैः ॥१९॥

ज्ञान यथा त्वयि विभाति कृतावकाशं,
 नैवं तथा हरिहरादिषु नायकेषु ।
 तेजस्फुरन्मणिषु याति यथा महत्त्वं,
 नैव तु काचशकले किरणाकुलेऽपि ॥२०॥

मन्ये वरं हरिहरादय एव दृष्टाः
 दृष्टेषु येषु हृदयं त्वयि तोषमेति ।
 किं वीक्षितेन भवता भुवि येन नान्य,
 कश्चिन्मनो हरति नाथ भवान्तरेऽपि ॥२१॥

स्त्रीणां शतानि शतशो जनयन्ति पुत्रान् ,
 नान्या सुतं त्वद्रुपमं जननी प्रसूता ।
 सर्वा दिशो दधति भानि-सहस्रैरिश्म ,
 प्राच्येव दिग् जनयति स्फुरदंशुजालम् ॥२२॥

त्वामामनन्ति मुनयः परमं पुमांस-
 मादित्यवर्णममलं तमसःपरस्तात् ।
 त्वामेव सम्यगुपलभ्य जयन्ति मृत्युं ,
 नान्यः शिवः शिवपदस्य मुनीन्द्र ! पन्थाः ॥२३॥

त्वामव्यय विभुमचिन्त्यमसङ्ख्यमाद्यम्,
ब्रह्माण - मीश्वर - मनन्त - मनङ्गकेतुम् ।
योगीश्वरं विदितयोगमनेकमेक ,
ज्ञानस्वरूपममलं प्रवदन्ति सन्त ॥२४॥

दुद्धस्त्वमेव विबुधाचितबुद्धिबोधत् ,
त्वं शङ्करोऽसिभुवनत्रयशङ्करत्वात् ।
घाताऽसि धीर ! शिवमार्गविधेविधानात् ,
व्यक्त त्वमेव भगवन् ! पुरुषोत्तमोऽसि ॥२५॥

तुभ्यं नमस्त्रिभुवनार्तिहराय नाथ !
तुभ्य नम क्षितितलामलभूषणाय ।
तुभ्यं नमस्त्रिजगतः परमेश्वराय ,
तुभ्य नमो जिन ! भवोदविशोषणाय ॥२६॥

को विस्मयोऽत्र यदि नाम गुणैरशेष-
स्त्व सश्रितो निरवकाशतया मुनीश ! ।
दोष-रूपात्त-विविधाश्रयजातगर्वं ,
स्वप्नांतरेऽपि न कदाचिदपीक्षितोऽसि ॥२७॥

उच्चैरशोक-तरुसश्रित-मुन्मयूख-
माभाति रूपममलं भवतो नितान्तम् ।
स्पष्टोल्लसत्किरण-मस्ततमो-वितानं,
विम्बं रवेरिव पयोधरपाश्वर्वति ॥२८॥

सिंहासने मणिमयूखशिखाविचित्रे ,
विभ्राजते तव वपुः फनकावदातम् ।
विम्बं वियद्विलसदशुलतावितानं ,
तुङ्गोदयाद्रिशिरसीव सहस्ररश्मेः ॥२९॥

कुन्दावदातचल-चामर-चारुशोभ,
 विभ्राजते तव वपु कलवौतकान्तम् ।
 उद्यच्छशाङ्क-शुचिनिर्जर-वारि-धार—
 मुच्चैस्तट सुरगिरेरिव शातकौम्भम् ॥३०॥

छत्रत्रयं तव विभाति शशाङ्कान्त-
 मुच्चै स्थित स्थगितभानुकरप्रतापम् ।
 मुक्ताफल-प्रकरजाल-विवृद्धशोभ-
 प्रख्यापयतित्रजगतः परमेश्वरत्वम् ॥३१॥

गम्भीरतार-रवपूरित-दिग्विभाग-
 स्त्रैलक्य-लोकशुभसङ्गम-भूतिदक्ष ।
 सद्धर्मराजजयघोषणघोषक सन्,
 खे दुन्दुभिर्ध्वनति ते यशसः प्रवादी ॥३२॥

मन्दार-सुन्दर-नमरु-सुपारिजात-
 सतानकादि-कुसुमोत्कर-वृष्टिरुद्धा ।
 गन्धोद्विन्दुशुभमन्दमरुत्प्रपाताः,
 दिव्या दिवः पतति ते वचसां ततिर्वा ॥३३॥

शुभ्रप्रभावलयभूरिविभा विभोस्ते,
 लोकत्रयद्युतिमतां द्युतिमाक्षिपन्ती ।
 प्रोच्छद्दिवाकरनिरन्तरभूरिसख्या,
 दीप्त्या जयत्यपि निशामपि सोमसौम्याम् ॥३४॥

स्वर्गापवर्गगममार्गविमार्गणष्टः—
 सद्धर्मतत्त्वकथनैकपदुखिलोक्याः ।
 दिव्यध्वनिर्भवति ते विशदार्थसर्व—
 भाषास्वभावपरिणामगुणैः प्रयोज्यः ॥३५॥

उन्निद्र - हेमनवपङ्कज - पुञ्जकान्ति-
पर्युल्लसन्नखमयूख - शिखाऽभिरसमी ।
पादौ पदानि तत्र यत्र जिनेन्द्र ! धृतः ,
मद्भानि तत्र विबुधाः परिकल्पयन्ति ॥३६॥

इत्थ यथा तत्र विभूति-रभूजिनेन्द्र !
धर्मोपदेशनत्रिघौ न तथा परस्य ।
यादृक् प्रभा दिनकृतः प्रहतान्वकारा ,
तादृक् कुतो ग्रहगणस्य विकासिनोऽपि ॥३७॥

श्च्योतन्मदाविल - विलोल - कपोल-मूल-
मत्तभ्रमद् - भ्रमरनाद - विवृद्धकोपम् ।
ऐरावताभिमभःसुद्धतमापतन्त,
दृष्ट्वा भय भवति नो भवद्वाशितानाम् ॥३८॥

भिन्नेभकुम्भ - गलदुज्ज्वल - शोणिताक्त-
मुक्ताफल - प्रकरभूषित - भूमिभाग ।
बद्धक्रम क्रमगत हरिणाधिपोऽपि ,
नाक्रामति क्रमयुगाचलसञ्चित ते ॥३९॥

कल्पान्तकाल - पवनोद्धत - वह्निकल्प ,
दावानल ज्वलितमुज्ज्वलमूत्स्फुलिङ्गम् ।
विद्वं जिघत्सुमिव सन्मुखमापतन्तं,
त्वन्नामकीर्तनजल श्रमयत्यशेषम् ॥४०॥

रक्तेक्षण समदकोकिलकण्ठनील ,
क्रोघोद्धत फणिनमुत्फणमापतन्तम् ।
आक्रामति क्रमयुगेन निरस्तशङ्क-
स्त्वन्नामनागदमनी हृदि यस्य पुंसः ॥४१॥

वल्गत्तुरंङ्ग - गजगर्जित - - भीमनाद-
 माजौ बल बलवतामपि भूपतीनाम् ।
 उद्यद्दिवाकर - मयूख - शिखापविद्धं,
 त्वत्कीर्तनात्तम इवाशु भिदामुपैति ॥४२॥

कुन्ताग्रभिन्न - गजशोणित - वारिवाह-
 वेगावतार - तरणानुर - योधभीमे !
 युद्धे जय विजित - दुर्जय - जेयपक्षा-
 स्त्वत्पाद-पङ्कजवनाश्रयिणो लभन्ते ॥४३॥

अम्भोनिधौ क्षुभितभीषणनक्रचक्र-
 पाठीन-पीठ-भयदोत्वण-वाडवाग्नौ ।
 रङ्गत्तरग-शिखर-स्थितयान-पात्रा-
 स्त्रास विहाय भवतः स्मरणाद् ब्रजन्ति ॥४४॥

उद्भूत-भीषण - जलोदर - भार - भुग्नाः, -
 शोच्यां दशामुपगताश्च्युतजीविताशा ।
 त्वत्पाद - पङ्कज - रजोऽमृत - दिग्ध-देहा ,
 मर्त्या भवन्ति मकरध्वजतुल्यरूपाः ॥४५॥

आपाद - कण्ठमुरुशृङ्खल - वेष्टिताङ्गा ,
 गाढं वृहन्निगडकोटिनिघृष्टजङ्घः ।
 त्वन्नाममत्रमनिश मनुजाः स्मरन्तः,
 सद्यः स्वयं विगतबधभया भवन्ति ॥४६॥

मत्तद्विपेन्द्र मृगराज - दवानलाहि-
 सङ्ग्राम - वारिधिमहोदर - बन्धनोत्थम् ।
 तस्याशुनाशमुपयाति भय भिद्येव ,
 यस्तावकं स्तवमिम मतिमानधीते ॥४७॥

स्तोत्रस्रज तव जिनेन्द्र । गुणनिबद्धा,
भवत्या मया रुचिरवर्णविचित्रपुष्पाम् ।
घत्ते जनो य इह कण्ठगतामजल,
त मानतुङ्गमवशा समुपैति लक्ष्मी ॥४८॥

॥ इति श्री मानतुङ्गाचार्यविरचित स्तोत्रम् ॥



श्रीसिद्धसेनदिवाकरप्रणीतम्

श्रीकल्याण-मन्दिर-स्तोत्रम्

कल्याणमन्दिरमुदारमवद्यभेदि,
भीता भयप्रदमनिन्दितमघ्नपद्मम् ।
ससारसागर - निमज्जदशैपजंतु-
पोतायमानमभिनम्य जिनेश्वरस्य ॥१॥

यस्य स्वय सुरगुरुर्गरिमान्बुराणे,
स्तोत्र सुविस्तृतमतिर्न विभुविधातुम् ।
तीर्थेश्वरस्य कमठस्मयधूमकेतो-
स्तस्याहमेप किल् सस्तवन करिष्ये ॥२॥

सामान्यतोऽपि तव वर्णयितुं स्वरूप-
मस्माद्दशाः कथमधीरा ! भवत्यधीशाः ।
घृष्टोऽपि कौशिकशिश्युर्दि वा दिवान्धो,
रूपं प्ररूपयति किं किल् घर्मरश्मेः ॥३॥

मोहक्षयादनुभवन्नपि नाथ ! मर्त्यो,
नूनं गुणान् गणयितुं न तव क्षमेत् ।
कल्पान्तवान्तपयसः प्रकटोऽपि यस्मान्-
शीयेत केन जलधेर्ननु रत्नराशिः ॥४॥

अभ्युद्यतोऽस्मि तव नाथ ! जडाशयोऽपि,
कर्तुं स्तवं लसदसङ्ख्यगुणाकरस्य ।
बालोऽपि किं न निजबाहुयुग वितत्य,
विस्तीर्णतां कथयति स्वधियाऽम्बुराशे ? ॥५॥

ये योगिनामपि न यान्ति गुणास्तवेज्ञ !
वक्तुं कथं भवति तेषु ममावकाश ।
जस्ता तदेवमसमीक्षितकारितेयं,
जल्पन्ति वा निजगिरा ननु पक्षिणोऽपि ॥६॥

आस्तामचिन्त्यमहिमा जिन ! सस्तवस्ते,
नामाऽपि पाति भवतो भवतो जगन्ति ।
तीव्रातपोपहत-पान्थजनान्निदाघे,
प्रीणाति पद्मसरसः सरसोऽनिलोऽपि ॥७॥

हृद्वर्तिनि त्वयि विभो ! शिथिलीभवन्ति,
जन्तोः क्षणेन निविडा अपि कर्मबन्धा ।
सद्यो भुजङ्गममया इव मध्यभाग-
मभ्यागते वनशिखण्डिनि चन्दनस्य ॥८॥

मुच्यते एव मनुजा सहसा जिनेन्द्र !
रौद्रं रूपद्रवज्ञतैस्त्वयि वीक्षितेऽपि ।
गोस्वामिनि स्फुरिततेजसि दृष्टमात्रे,
त्रोरैस्त्रिवाशु पशवः प्रपलायमानैः ॥९॥

त्वे तारको जिन ! कथं? भविता त एव,
 त्वांमुद्धं हन्ति हृदयेन यदुत्तरन्ती ।
 यद्धा हतिस्तरति यद्भ्रूलभेषं नूनं-
 मन्तगंतस्य मरुतः स किलानुभावः ॥१०॥
 यस्मिन् हरप्रभृतयोऽपि हतप्रभावा,
 सोऽपि त्वया रतिपति क्षपितः क्षणेन ।
 विध्यापिता हुतभुज पयसाऽथ येन,
 पीत न किं तदपि दुर्धरवाडवेन ? ॥११॥
 स्वामिन्नल्पगरिमाणमपि प्रपञ्चा-
 स्त्वां जन्तवः कथमहो हृदये दधाना ।
 जन्मोर्दधि लघु तरन्त्यतिलाघवेन,
 चिन्त्यो न हन्त ! महता यदि वा प्रभावः ॥१२॥
 क्रोधस्त्वया यदि विभो ! प्रथम निरस्तो,
 ध्वस्तास्तदा वत् कथं किल कर्मचौरा ?
 प्लोषत्यमुत्र यदि वा शिशिरोऽपि लोके,
 नीलद्रुमाणि विपिनानि न किं हिमानो ॥१३॥
 त्वा योगिनो जिन ! सदा परमात्मरूप-
 मन्वेषयन्ति हृदयाम्बुजकोशदेशे ।
 पूतस्य निर्मलरुचेर्यदि वा किमन्य-
 दक्षस्य सम्भवि पदं ननु कणिकायाः ? ॥१४॥
 ध्यानाङ्गिनेश ! भवतो भविता क्षणेन,
 देह विहाय परमात्मदशां व्रजन्ति ।
 तीव्रानलाद्रुपलभावमपास्य लोके,
 चासीकरत्वमचिरादिव घातुभेदाः ॥१५॥

अन्तः सदैव जित ! यस्य विभाव्यसे त्वं,
 भव्यैः कथं तदपि नाशयसे शरीरम् ।
 एतत्स्वरूपमथ मध्यविवर्त्तिनो हि,
 यद्विग्रहं प्रशमयन्ति महानुभावाः ॥१६॥
 आत्मा मनीषिभिरथं त्वदभेदबुद्ध्या,
 ध्यातो जिनेन्द्र ! भवतीह भवत्प्रभावः ।
 पानीयमप्यमृतमित्यनुचिन्त्यमानं,
 किं नाम नो विषविकारमपाकरोति ॥१७॥
 त्वामेव वीततमसं परवादिनोऽपि,
 नून विभो ! हरिहरादिधिया प्रपन्नाः ।
 किं काचकामलिभिरीश ! सितोऽपिशङ्खो,
 नो गृह्यते विविधवर्णविपर्ययेण ॥१८॥
 धर्मोपदेशसमये सविधानुभावा-
 दास्तां जनो भवति ते तरुर्ग्रथशोकः ।
 अभ्युद्गते दिनपती स महीरुहोऽपि,
 किं वा विदोषमुपयाति न जीवलोकः ॥१९॥
 चित्र विभो ! कथमवाङ्मुखवृन्तमेव,
 विष्वक् पतत्यविरला सुरपुष्पवृष्टिः ?
 त्वद्गोचरे सुमनसां यदि वा मुनीश !,
 गच्छन्ति नूनमथ एव हि बन्धनानि ॥२०॥
 स्थाने गभीरहृदयोदधिसभवायाः ,
 पीयूषतां तव गिरः समुदीरयन्ति ।
 पीत्वा यत परमसम्मदसङ्गभाजो ,
 भव्या व्रजन्ति तरसाऽप्यजरामरत्वम् ॥२१॥

स्वामिन् । सुहृदमवनम्य समुत्पतन्तो,
मन्ये वदन्ति शुचय सुरचामरीषाः ।
येऽस्मै नर्ति विदधते मुनिपुङ्गवाय,
ते नूनमूध्वंगतयः खलु शुद्धभावा ॥२२॥

श्याम गभीरगिरमुज्ज्वलहेमरत्न-
सिंहासनस्थमिह भव्यशिखण्डिनस्त्वाम् ।
आलोकयन्ति रभसेन नदन्तमुच्चै-
श्चामीकराद्रिशिरसीव नवाम्बुवाहम् ॥२३॥

उद्गच्छता तव शितिक्षुतिमडलेन,
लुप्तच्छदच्छविरशोकतरुर्वभूव ।
सान्निध्यतोऽपि यदि वा तव वीतराग !
नीरागतां व्रजति को न सचेतनोऽपि ॥२४॥

भो भो ! प्रमादमवधूय भजध्वमेन-
मागत्य निर्वृतिपुरीं प्रति सार्थवाहन् ।
एतन्निवेदयति देव ! जगत्त्रयाय,
मन्ये नदन्नभिनभः सूरदुन्दुभिस्ते ॥२५॥

उद्योतितेषु भवता भुवनेषु नाथ ।
तारान्वितो विधुरय विहताधिकारः ।
मुक्त्वाकलापकलितोच्छ्र्वसितातपत्र-
व्याजात्त्रिधा धृततनुर्ध्रुवमन्युपेत ॥२६॥

स्वेन प्रपूरितजगत्त्रयपिण्डितेन,
कान्तिप्रतापयशसामिव सञ्चयेन ।
माणिक्यहेमरजतप्रविनिर्मितेन,
सालत्रयेण भगवन्नभितो विभामि ॥२७॥

दिव्यस्रजो जिन ! नमस्त्रिदशोषिपाना—
 मुत्सृज्य रत्नरचितानपि मौलिवन्धान् !
 पादौ श्रयन्ति भवतो यदि वा परं च,
 त्वत्संज्ञमे सुमनसो न रमन्त एव ॥२८॥

त्व नाथ ! जन्मजलधेर्विपराङ्मुखोऽपि,
 यत्तारयस्यसुमतो निजपृष्ठलग्नान् ।
 युक्तं हि पार्थिवनिपस्य सतस्तवैव,
 चित्रं विभो ! यदसि कर्मविपाकशून्यः ॥२९॥

विश्वेश्वरोऽपि जनपालक ! दुर्गतस्त्वं,
 किं वाक्षरप्रकृतिरप्यलिपिस्त्वमोश !
 अज्ञानवत्यपि सदैव कथञ्चिदेव,
 ज्ञानं त्वयि स्फुरति विश्वविकासहेतुः ॥३०॥

प्राग्भारसभृतनभांसि रजांसि श्लोषा-
 दुत्थापितानि कमठेन शठेन यानि ।
 छायापि तैस्तव न नाथ ! हता हताशो,
 अस्तस्त्वमीभिरयमेव परं दुरात्मा ॥३१॥

यद् गजदुर्जितघनौघमदभ्रभीमं-
 भ्रश्यत्तडिन्मुसलमांसलघोरधारम् ।
 दैत्येन मुक्तमथ दुस्तरवारि दंष्ट्रे,
 तेनैव तस्य जिन ! दुस्तरवारिकृत्यम् ॥३२॥

ध्वस्तोर्ध्वकेशविकृताकृतिमर्त्यमुण्ड-
 प्रालम्बभृद्भ्रूयदवक्रविनिर्यदग्निः ।
 प्रेतव्रजः प्रतिभवन्तमपीरितो यः,
 सोऽस्याऽभवत्प्रतिभुवं भवदुःखहेतुः ॥३३॥

घन्यास्त एव भुवनाधिप ! ये त्रिसन्ध्य-
 माराधयन्ति विधिवद्विधुतान्यकृत्या ।
 भक्त्योद्धेसत्पुलक - पक्ष्मल - देहदेशा,
 पादद्वयं तव विभो ! भुवि जन्मभाज ॥३४॥

अस्मिन्नपारभववारिन्धि मूनीश !,
 मन्ये न मे श्रवणगोचरता गतोऽसि ।
 आर्काणिते तु- तव गोत्रपवित्रमन्त्रे,
 किं वा विपद्विषधरी सविध समेति ? ॥३५॥

जन्मान्तरेऽपि तव पादयुगं न देव !,
 मन्ये मया महितमोहितदानदक्षम् ।
 तेनेह जन्मनि मूनीश ! पराभवाना,
 जातो निकेतनमहं मयिताशयानाम् ॥३६॥

नूनं न मोहतिमिरावृतलोचनेन-
 पूर्वं विभो ! सकृदपि प्रविलोकितोऽसि ।
 मर्माविधो विधुरयन्ति हि सामनर्या,
 प्रोद्यत्प्रबन्धगतयः कथमन्यथैते ? ॥३७॥

आर्काणितोऽपि महितोऽपि निरीक्षितोऽपि,
 नूनं न चेतसि मया विधृतोऽसि भवत्या ।
 जातोऽस्मि तेन जनवान्धव ! दुःखपात्र,
 यस्मात्क्रिया प्रतिफलन्ति न भावशून्या ॥३८॥

त्वनाथ ! दुःखिजनवत्सल ! हे शरण्य !,
 कारुण्यपुण्यवसते ! वशिना वरेण्य ! ।
 भक्त्या न ते मयि महेश ! दया विधाय,
 दुःखाकुरोद्दलनतत्परता विधेहि ॥३९॥

निःसख्यसारशरणं शरण - शरण्य-
 मासाद्य सादितरिपु प्रथितावदातम् ।
 त्वत्पादपङ्कजमपि प्रणिधानवन्ध्यो,
 वध्योऽस्मि चेद् भुवनपावन ! हा हतोऽस्मि ॥४०॥
 देवेन्द्रवन्द्य ! विदिताखिलवस्तुसार !,
 संसारतारक ! विभो ! भुवनाधिनाथ ! ।
 त्रायस्व देव ! करुणाह्लाद ! मां पुनीहि,
 सीदन्तमद्य भयदव्यसनाम्बुराशेः ॥४१॥
 यद्यस्ति नाथ ! भवदंघ्रिसरोरुहाणां,
 भक्तेः फलं किमपि सन्ततिसञ्चिताया ।
 तन्मे त्वदेकशरणस्य शरण्य ! भूयाः,
 स्वामी त्वमेव भुवनेऽत्र भवान्भरेऽपि ॥४२॥
 इत्थ समाहितधियो विधिवल्लिनेन्द्र !
 सान्द्रोल्लसत्पुलककञ्चुकिताङ्गभागाः ।
 त्वद्विम्ब - निर्मल - सुखाम्बुज - बद्धलक्ष्या,
 ये संस्तव तव विभो ! रचयन्ति भव्याः ॥४३॥
 जननयनकुमुदचद्र ! प्रभास्वरा स्वर्गसपदो भुक्त्वा ।
 ते विगलितमलनिचया, अचिरान्मोक्षं प्रपद्यन्ते ॥४४॥



श्री रत्नाकरपंचविंशतिः



श्रेयः श्रियां मगजकेलिसद्य !, नरेन्द्रदेवेन्द्रनतांघ्रिपद्य ! ।
सर्वज्ञ ! सर्वातिशयप्रधान !, चिरञ्जयज्ञानकलानिधान ! ॥१॥
जगत्त्रयाधार ! कृपावतार ! दुर्वारससारविकारवेद्य !
श्रीवीतराग ! त्वयिमुग्धभावा-द्विज्ञप्रभो विज्ञपयामि किञ्चित् ॥२॥
किं बाललोलाकलितो न बालः, पित्रो पुरो जल्पति निर्विकल्प ।
तथा यथार्थं कथयामि नाथ !, निजाशय सानुशयस्तवाग्रे ॥३॥
दत्त न दानं परिशीलित च, न शालि शील न तपोऽभितप्तम् ।
शुभो न भावोऽप्यभवद् भवेऽस्मिन्, विभो! मया भ्रातमहोमुर्धवा ॥४॥
दग्धोऽग्निना क्रोधमयेन दष्टो, दुष्टेन लोभाद्यमहोरोगेण ।
ग्रस्तोऽभिमानाजगरेण माया-जालेन बद्धोऽस्मि कथं भजे त्या ॥५॥
कृत मयाऽमुत्र हित न चेह, लोकेऽपि लोकेश ! सुखं न मेऽभूत् ।
अस्माद्दृशा केवलमेव जन्म, जिनेश ! जज्ञे भवपूरणाय ॥६॥
मन्ये मनो यन्नमनोज्ञवृत्त !, त्वदास्वपीयूषमयूषलाभात् ।
द्रुतं महानन्दरस कठोर-मस्माद्दृशा देव ! तदश्मतोऽपि ॥७॥
त्वत्तः सुदुःप्रापमिद मयाऽऽप्त, रत्नत्रय नूरिभवभ्रमेण ।
प्रमादनिद्रावशतो गत तत्, कस्याऽप्रतो नायक ! पूत्करोमि ॥८॥
वंराग्यरङ्ग परवञ्चनाय, धर्मोपदेशो जनञ्जनाय ।
वादाय विद्याऽध्ययन च मेऽभूत्, कियद् ब्रूवे हास्यकर स्वमोघ ॥९॥
परापवादेन मुस्र सदोषं, नेत्र परखीजनवीक्षणेन ।
चेतः परापयविचिन्तनेन, कृतं भविष्यामि कथं विभोऽह् ॥१०॥

विडम्बितं यत्स्मरंधस्मरान्ति—दशावशस्त्विं विषयांधलेन ।
 प्रकाशितं तद्भवतो ह्यैव, सर्वज्ञ ! सर्वं स्वयमेव वेत्सि ॥११॥
 ध्वस्तोऽन्यमन्त्रैः परमेष्ठिमन्त्रैः कुशास्त्रवाक्यैर्निहतागमोक्तिः ।
 कर्तुं वृथाकर्मकुदेवसंगादवाच्छि हि नाथ ! मतिभ्रमो मे ॥१२॥
 विमृच्य हृगलक्ष्यगत भवन्तं, ध्याता मया मूढधिया हृदन्तः ।
 कटाक्षवक्षोजगभीरनाभो, कटीतटीयाः सुदृशां विलासाः ॥१३॥
 लोलेक्षणावदत्रनिरीक्षणेन यो मानसे रागलवो विलग्नः ।
 न शुद्धसिद्धांतपयोधिमध्ये, धौतोप्यगात्तारक कारणं किं ॥१४॥
 अंग न चगं न गणो गुणानां, न निर्मलः कोऽपि कलाविलासः ।
 स्फुरत्प्रधानप्रभुता च काऽपि, तथाप्यहंकारकदयितोऽह ॥१५॥
 श्रायुर्गलत्याशु न पापबुद्धि-र्गत वयो नो विषयाभिलाषः ।
 यत्नश्च भैषज्यविधौ न धर्म, स्वामिन्महामोहविडम्बना मे ॥१६॥
 नात्मा न पुण्य न भवो न पाप, मया विटानां कद्रुगौरपीय ।
 अधारि कर्णे त्वयि केवलार्के, परिस्फुटे सत्यपि देव ! धिग्मासु ॥१७॥
 न देवपूजा न च पात्रपूजा, न श्राद्धधर्मश्च न साधुधर्मः ।
 लब्ध्वापि मानुष्यमिदं समरतं, कृतं मयाऽरण्यविलापतुल्यं ॥१८॥
 चक्रे मया सत्स्वपि कामधेनु—कल्पद्रुचिन्तामणिषु स्पृहात्तिः ।
 न जैनधर्मो स्फुटशर्मदेऽपि, जिनेश ! मे पश्य विमूढभावं ॥१९॥
 सद्भोगलीला न च रोगकीला, धनागमो नो निधनागमश्च ।
 दारा न कारा नरकस्य चित्ते, व्यचिन्ति नित्य मयकाऽधमेन ॥२०॥
 स्थितं न साधोर्हृदि साधुवृत्तात्, परोपकारान्न यशोऽर्जितं च ।
 कृते न तीर्थोद्धरणादिकृत्यं, मया मुधा हारितमेव जन्म ॥२१॥
 वैराग्यरंगो न गुरुद्विषु, न दुर्जनानां वचनेषु शान्तिः ।
 नाध्यात्मलेशो ममकोऽपि देव, तार्य कथङ्कारमयम्भवादिषुः ॥२२॥

पूर्वं भवेऽकारि मया न पुण्य-मागामिजन्मन्यपि नो करिष्ये ।
यदीदृशोऽहं मम ते न नष्टा, भूतोद्भवाद्भाविवत्रयीश ॥२३॥
किंवा सुधाहं बहुधा सुधाभुक्, पूज्य । त्वदग्रे चरित स्वकीय ।
जल्पामि यस्मात् त्रिजगत्स्वरूप । निरूपकस्त्व कियदेतदत्र ॥२४॥
दीनोद्धारधुरन्धरस्त्वदपरो नास्ते मदन्य. कृपा ।
पात्र नात्र जने जिनेश्वर ! तथाऽप्येतां न याचे श्रिय ॥
किं त्वर्हन्निदमेव केवलमहो सद्बोधिरत्न शिव ।
श्रीरत्नाकरमंगलैकनिलय ! श्रेयस्कर प्रार्थये ॥२५॥



श्री अमितगतिसूरिविरचिता

प्रार्थना-पञ्चविंशतिः

उपजातिवृत्तम्

सस्त्रेषु मंत्री गुणिषु प्रमोद, किलष्टेषु जीवेषु कृपापरत्वम् ।
माध्यस्थभाव विपरीतवृत्तौ, सदा ममात्मा विदधातु देव ॥१॥
शरीरतः कर्तुं मनन्तशक्ति, विभिन्नमात्मानमपास्नदोषम् ।
जिनेन्द्र । कोषादिव खड्गयष्टि, तव प्रसादेन ममास्तु शक्ति ॥२॥
दुःखे सुखे वैरिणि बन्धुवर्गं, योगे वियोगे भवने वने वा ।
निराकृताऽशेषममत्वबुद्धे, सम मनो मेऽस्तु सदाऽपि नाथ ॥३॥
यः स्मर्यते सर्वमुनीन्द्रवृन्दं, य स्तूयते सर्वनरामरेन्द्रं ।
यो गीयते वेदपुराणशास्त्रं, स देवदेवो हृदये ममास्ताम् ॥४॥

यो दर्शनज्ञानसुखस्वभावः समस्तसंसारविकारबाह्यः ।
समाधिगम्यः परमात्मसंज्ञः, स देवदेवो हृदये ममास्तान् ॥५॥

निषूदते यो भवदुःखजालम्, निरीक्षते यो जगदन्तरालम् ।
योऽन्तर्गतो योगिनिरीक्षणीयः, स देवदेवो हृदये ममास्तान् ॥६॥

विमुक्तिमार्गप्रतिपादको यो, यो जन्ममृत्युव्यसनाद्व्यतीतः ।
त्रिलोकलोकी विकलोऽकलंकः, स देवदेवो हृदये ममास्तान् ॥७॥

क्लोडीकृताशेषशरीरिवर्गा, रागादयो यस्य न सति दोषाः ।
निरिन्द्रियो ज्ञानमयोऽनपायः, स देवदेवो हृदये ममास्तान् ॥८॥

यो व्यापको विश्वजनीनवृत्तिः, सिद्धो विबुद्धोद्धतकर्मबन्धः ।
ध्यातो धुनीते सकलं विकारं, स देवदेवो हृदये ममास्तान् ॥९॥

न स्पृश्यते कर्मकलकदोषैः, यो ध्वान्तसंघैरिव तिग्मरश्मिः ।
निरञ्जनं नित्यमनैकमेकं, तं देवमाप्तं शरणं प्रपद्ये ॥१०॥

विभासते यत्र मरीचिसालिन्यविद्यमाने भुवनावभासि ।
स्वात्मस्थित बोधमयप्रकाशे, तं देवमाप्तं शरणं प्रपद्ये ॥११॥

विलोक्यमाने सति यत्र विश्वं, विलोक्यते स्पष्टमिदं विविक्तम् ।
शुद्धं शिवं शान्तमनाद्यनतं, तं देवमाप्तं शरणं प्रपद्ये ॥१२॥

येन क्षता मन्मथमानमूर्च्छा—विषादनिद्राभयशोकचिन्ताः ।
क्षय्योऽनलेनेव तरुप्रपञ्चस्तं देवमाप्तं शरणं प्रपद्ये ॥१३॥

प्रतिक्रमणं प्रभुसमीपे स्वात्मचिन्तनं

विनिन्दनालोचनगर्हणैरहं, मनोवचःकायकषायनिमित्तम् ।
निहन्मि पापं भवदुःखकारणं, भिषग्विषं मंत्रगुणैरिवाखिलम् ॥१४॥
अतिक्रमं यं विमतेर्व्यतिक्रमं, जिनातिचारं सुचरित्रकर्मणः ।
व्यधामनाच्चारमपि प्रमादतः, प्रतिक्रमं तस्य करोमि-शुद्धये ॥१५॥

न सस्तरोऽश्मा न तृणं न मेदिनी, विधानतो नो फलको विनिर्मितः ।
 यतो निरस्ताक्षकषायविद्विषः, सुधीभिरात्मैव सुनिर्मलो मतः ॥१६॥
 न सस्तरो भद्रसमाधिसाधन, न लोकपूजा न च सधमेलनम् ।
 यतस्ततोऽध्यात्मरतो भवाऽनिश, विमुच्य सर्वमपि बाह्यवासनाम् ॥१७॥
 न संति बाह्या मम केचनार्था, भवामि तेषां न कदाचनाहम् ।
 इत्थं विनिश्चित्य विमुच्य बाह्य, स्वस्थ सदा त्वं भव भद्र ! मुक्त्यै ॥१८॥
 आत्मानमात्मन्यविलोक्यमानस्त्व दशनज्ञानमयो विशुद्धः,
 एकाग्रचित्तः खलु यत्र तत्र, स्थितोऽपि साधुर्लभते समाधिम् ॥१९॥
 एकः सदा शाश्वतिको ममात्मा, विनिर्मलः साविगमस्वभावः ।
 बहिर्भवाः सन्त्यपरे समस्ताः, न शाश्वताः कर्मभवाः स्वकीया ॥२०॥
 यस्यास्ति नैक्यं वपुषापि सार्द्धं, तस्यास्ति किं पुत्रफलत्रयमित्रं ।
 पृथक्कृते चर्मणि रोमकूपा, कुतो हि तिष्ठन्ति शरीरमध्ये ॥२१॥
 सयोगतो दुःखमनेकभेद यतोऽश्नुते जन्मवने शरीरी ।
 ततस्त्रिऽघातौ परिवर्जनीयो, यियासुना निर्वृतिमात्मनोनाम् ॥२२॥
 सर्वं निराकृत्य विकल्पजाल, सत्सारकान्तारनिपातहेतुम् ।
 विविक्तमात्मानमवेक्ष्यमाणो, निलीयसे त्वं परमात्मनस्त्वे ॥२३॥
 स्वयं कृतं कर्म यदात्मना पुरा, फलं तदीयं लभते शुभाशुभम् ।
 परेण दत्तं यदि लभ्यते स्फुटं, स्वयंकृतं कर्म निरर्थकं तदा ॥२४॥
 विमुक्तिमार्गप्रतिकूलवर्तिना, मया कषायाक्षवशेन दुर्धिया ।
 चारित्रशुद्धेर्यदकारि लोपनं तदस्तु मिथ्या मम दुष्कृतं प्रभो ! ॥२५॥

श्री चिन्तामणि-पार्वनाथ-स्तोत्रम्

शार्दूलविक्रीडितवृत्तम्



किं कर्पूरमय सुधारसमयं किं चन्द्ररोचिर्मयं ।
किं लावण्यमय महामणिमय कारुण्यकेलिमयम् ॥
विश्वानन्दमयं महोदयमय शोभामयं चिन्मय ।
ऋत्तलध्यातमयं चमृजिनपतेभूयाद् भवालम्बनम् ॥१॥

पातालं कलयन् धरां धवलयन्नाकाशमापूरयन् ।
दिक्त्रक क्रसयन् सुरासुरतरश्रेणिं च विस्मापयन् ॥
ब्रह्माण्डं सुखयन् जलानि जलधेः फेनच्छलालोलयन् ।
श्रीचिन्तामणिपार्वसम्भोग्यशो हसश्चिरं राजते ॥२॥

पुण्यानां विपणिस्तमो दिनमणिः कामैभकुम्भे सृणि-
सोक्षे निस्सरणिः सुरेन्द्रकरिणी ज्योतिःप्रकाशासृणिः ॥
दाने देवमणिर्नतोत्तमजनश्रेणिः कृपासारिणी ।
विश्वानन्दसुधाघृणिर्भवभिदे श्रीपार्वचिन्तामणिः ॥३॥

श्रीचिन्तामणिपार्वविश्वजनतासञ्जीवनस्त्व मया ।
दृष्टस्तात ! ततः श्रियः समभवन्नाशक्रमाचक्रिणम् ॥
मुक्तिः क्रोडति हस्तयोर्बहुविधं सिद्ध मनोवाञ्छितं ।
दुर्द्वं दुरितं च दुर्दिनभय कष्टं प्रणष्टं सम ॥४॥

यस्य प्रौढत्वमप्रतापतपनः प्रौढमधामा जग—

जुञ्जालः कलिकालकेलिदलनो मोहान्धविध्वंसकः

नित्योद्योतपदं समस्तकमलाकेलिगृहं राजते ।

स श्रीपार्वजिनो जने हितकरश्चिन्तामणिः पातु माम् ॥५॥

विश्वव्यापितमो हिनस्ति तरणिर्वालोपि कल्पाद्गुरो,
 दारिद्र्याणि गजावलीं हरिशिशु फाष्ठानि वह्ने कण ।
 पीयूषस्य लवोऽपि रोगनिवह यद्वत्तथा ते विभो ।
 मूर्ति स्फूर्तिमतो सतो त्रिजगतीकष्टानि हर्तु क्षमा ॥६॥
 श्रीचिन्तामणिमत्रमोक्तियुत ह्रीकारसारश्रित ।
 श्रीमदर्हन्नमिऊणपाशकलित त्रैलोक्यवश्यावहम् ॥
 द्वेधाभूतविषापह विषहर श्रेय प्रभावाश्रय ।
 सोल्लास वसहाङ्कितं जिनफुल्लिगानन्दद देहिनाम् ॥७॥
 ह्रीं श्रीकारवर नमोऽक्षरपरं ध्यायति ये योगिनो
 हृत्पद्मे विनिवेश्य पाशर्वमधिप चिन्तामणोसंज्ञकम् ॥
 भालेवामभुजे च नाभिकरयोर्भूयो भुजे दक्षिणे ।
 पश्चादष्टदलेषु ते शिवपद द्वित्रं भवंयन्त्यहो ॥८॥
 नो रोगा नैव शोका न कलहकलना नारिमारिप्रचारा,
 नैवाधिर्नासमाधिर्न च दरदुरिते दुष्टदारिव्रता नो ।
 नो शाकिन्यो ग्रहा नो न हरिकरिगणा व्यालवेतालजाला,
 जायते पाशर्वचिन्तामणिनतिवशत. प्राणिनां भक्तिभाजाम् ॥९॥
 गोर्वाणद्रु मधेनुकुम्भमणयस्तस्याङ्गणे रगिणो
 देवा दानवमानवाः सविनय तस्मै हितध्यायिन ॥
 लक्ष्मीस्तस्य वशाऽवशेव गुणिना ब्रह्माण्डसत्यायिनी ।
 श्रीचिन्तामणिपाशर्वनाथमनिश सस्तौति यो ध्यायति ॥१०॥
 इति जिनपतिपाशर्व. पाशर्वपाशर्वस्वयक्ष,
 प्रदलित - दुरितौघ. प्रीणित - प्राणीसार्य. ।
 त्रिभुवन-जनवाञ्छादान - चिन्तामणीक ।
 शिवपदतखीज बोधिवीज वदानु ॥११॥

मेरी भावना

जिसने राग-द्वेष कामादिक. जीते सब जग जान लिया ।
सब जीवो को मोक्ष-मार्ग का, निस्पृह हो उपदेश दिया ॥
बुद्ध वीर जिन हरि हर ब्रह्मा, या उसको स्वाधीन कहो ।
भक्ति-भाव से प्रेरित हो, यह चित्त उसी में लीन रहो ॥१॥

विषयो की आशा नहि जिनके, साम्य भाव धन रखते हैं ।
निज पर के हित साधन मे जो, निशिदिन तत्पर रहते हैं ॥
स्वार्थ-त्याग की कठिन तपस्या, बिना खेद जो करते हैं ।
ऐसे ज्ञानी साधु जगत के, दुख - समूह को हरते हैं ॥२॥

रहे सदा सत्संग उन्हीं का, ध्यान उन्हीं का नित्य रहे ।
उनहीं जैसी चर्या मे यह, चित्त सदा अनुरक्त रहे ॥
नहीं सताऊ किसी जीव को, झूठ कभी नहीं कहा करूं ।
परधन वनिता पर न लुभाऊं, संतोषामृत पिया करूं ॥३॥

अहंकार का भाव न रक्खूं, नहीं किसी पर क्रोध करूं ।
देख दूसरो की बढती को, कभी न ईर्ष्या भाव धरूं ॥
रहे भावना ऐसी मेरी, सरल सत्य व्यवहार करूं ।
बने जहां तक इस जीवन मे, औरों का उपकार करूं ॥४॥

मैत्री-भाव जगत मे मेरा, सब जीवों से नित्य रहे ।
दीन दुखी जीवो पर मेरे, उर से करुणा-स्रोत बहें ॥
दुर्जन-क्रूर-कुमार्गरतो पर, क्षोभ नहीं मुझको आवे ।
साम्यभाव रक्खूं मै उन पर, ऐसी परिणति हो जावे ॥५॥

गुणी जनो को देख हृदय मे, मेरे प्रेम उमड़ आवे ।
बने जहां तक उनकी सेवा, करके यह मन सुख पावें ॥
होऊं नहीं कृतघ्न कभी मै, द्रोह न मेरे उर आवे ।
गुण-प्रहरण का भाव रहे नित, दृष्टि न दोषो पर जावे ॥६॥

कोई बुरा कहो या अच्छा, लक्ष्मी आवे या जावे ।
लाखो वर्षों तक जीवूं, या मृत्यु आज ही आ जावे ॥
अथवा कोई कैसा ही भय, या लालच देने आवे ।
तो भी न्याय-मार्ग से मेरा, कभी न पद डिगने पावे ॥७॥

होकर सुख मे मग्न न फूलें, दुख मे कभी न घबरावें ।
पर्वत, नदी, इमशान भयानक, अटवी से नहिं भय लावें ॥
रहे अडोल, अकम्प निरन्तर, यह मन हृदतर बन जावे ।
इष्ट वियोग अनिष्ट योग मे, सहनशीलता दिखलावें ॥८॥

सुखी रहे सब जीव जगत के, कोई कभी न घबरावे ।
वैर पाप अभिमान छोड़, जग नित्य नये मगल गावे ॥
घर-घर चर्चा रहे धर्म की, दुष्कृत दुष्कर हो जावे ।
ज्ञान चरित उन्नत कर अपना, मनुज जन्म फल सब पावें ॥९॥

ईति भोति व्यापे नहिं जग मे, वृष्टि समय पर हुआ करे ।
धर्म-निष्ठ होकर राजा भी, न्याय प्रजा का किया करे ॥
रोग मरी दुर्भिक्ष न फैलें, प्रजा शान्ति से जिया करे ।
परम अहिंसा धर्म जगत में, फैले सब हित किया करे ॥१०॥

फैले प्रेम परस्पर जग में, मोह दूर पर रहा करे ।
अप्रिय, कटुक, कठोर शब्द नहिं, कोई मुल से कहा करे ॥
बन कर सब "युग-वीर" हृदय से, देशोन्नति-रत रहा करे ।
वस्तु-स्वरूप विचार खुशी से, सब दुःख सकट सहा करे ॥११॥

प्रकीर्ण गाथाएं

नमिऋण असुर सुरगरुल-भुयगपरिवंदिय-गयकिलेसे ।
 अरिहंत - सिद्धायरिय - उवज्भाय - सत्त्वसाहूणं ।
 सिद्धाण बुद्धाण पारगयाण परंपारगयाणं ।
 लोअग्गमुवगयाण नमो सया सत्त्व-सिद्धाणं ॥१॥
 जो देवाणमवि देवो, जं देवा पंजली नमंसति ।
 त देवं देवमहियं सिरसा वन्दे महावीरं ॥२॥
 इक्को वि नमुक्कारो, जिणवरवसहस्त वद्धमाणस्स ।
 संसार-सागराओ तारेइ नर व नारि वा ॥३॥
 उज्जितसेल-सिहरे दिक्खा नाणं निसिहीआ जस्स ।
 तं धम्मचक्कवट्ठि अरिहुनेमि नमंस्सामि ॥४॥
 चत्तारि अहुदस दोय वंदिया जिणवरा चउव्वीसं ।
 परमदु निट्ठिअट्ठा सिद्धा सिद्धि ममं दिसंतु ॥५॥
 सिद्धाणं नमो किच्चा, संजयाणं च भावओ ।
 सन्तो सन्तीकरे लोए, पत्तो गइमणुत्तरं ॥

अर्थ—इच्छित्त कार्य-सिद्धि होने के लिये प्रथम इष्टदेव को नमस्कार किया जाता है, सिद्धाण अर्थात् सिद्ध भगवान् को नमस्कार हो ।

संजयाणं अर्थात् संयति—आचार्य, उपाध्याय व सर्व साधु-साध्वी जो महाराज को नमस्कार हो । सारे लोक में शान्ति करनेवाले शान्तिनाथ प्रभु जी को त्रिकरण-शुद्धिभावपूर्वक नमस्कार हो ।

चइत्ता भारहं वासं, चक्कवट्ठी महड्ढिओ ।
 सन्ती सन्तीकरे लोए, पत्तो गइमणुत्तरं ॥

अर्थ—सारे लोक मे शान्ति स्थापित करनेवाले सोलहवें तीर्थंकर श्री शान्तिनाथ नाम के चक्रवर्ती महान् ऋद्धि-सिद्धिवाले भरत क्षेत्रका राज्य छोड़कर उत्तम (मोक्ष) गति को प्राप्त हुए ।

अलद्ध पुव्वलद्ध जिणवयण-सुभासिय अमियं ।

भूइसुयगइमग्ग ना भरणाय वोयामो ॥१॥

जा जा वच्चइ रयणी न सा पडिनियत्तइ ।

अहम्मं कुणमाणस्स, अफला जंति राईओ ॥२॥

जा जा वच्चइ रयणी, न सा पडिनियत्तइ ।

धम्मं च कुणमाणस्स, सफला जति राइओ ॥३॥

एवं लोए पलित्तम्मि, जराए मरणेण य ।

अप्पाण तारइस्सामि, तुव्वेहिं अणुमन्निओ ॥४॥

एगे जिए जिया पच्च, पच्च जिए जिया दस ।

दसहा उ जिणित्ता ण, सव्व-सत्तं जिणामिह ॥५॥





